

كوميديا
رومانسية

رَهَان رِيحَةَ الْأَسَدِ

تأليف

منال محمد سالم

2015

قصة

رَهَان رِبْحَهُ الْأَسَدُ

لـ

منال محمد سالم

2015

إهداء

إلى كل من قرر أن يبحث عن الحب ولو في خياله ، أهديك تلك الرواية

المؤلفة

الحلقة الأولى :

في مكتب مغلق حيث يجتمع عدد من الأفراد يرتدي غالبيتهم ملابس سوداء ، ويبدو أن شخصاً ما يعقد معهم اجتماعاً هاماً ويوجه لهم التعليمات بشأن مخطط يجب عليهم تنفيذه والجميع كان صامتاً وكأن على رؤوسهم الطير ، لا يجرؤ أحد على الاعتراض ،،،،،

-الشخص: مش معقول يعني بعد كل المعلومات اللي جمعناها منقدرش نتحرك ، أنا عاوز الكل يكون مستعد للخطوة اللي جاية ، وبالمناسبة مافيش أي أجازات خالص .. أظن كلامي واحد مافيش أجازات .. اتفضلوا على مكاتبكم وعاوز تقرير شامل عن اللي حصل في العملية الأخيرة

خرج الجميع من المكتب ويبدو أن ،،،،،

-حسام باستغراب : انا مش عارف احنا قصرنا في ايه ؟

-معتز: ياعم ريح الزبون وقول حاضر

-وليد: هو أنت ليه محسسنني أنك شغال صبي بقال؟

-معتز: ماهو كده كده كنا هنسمع البوين دول ، فهز راسك وانت ساكت ، ولا ايه رأيك يا زياد

-حسام: سيب زياد في حاله ، هو أصلاً مش ناقص ، الكلام كان ليه ؟

-زياد: بطل يا خفيف منك ليه ، مش عشان ساكت يبقى هتعملوني اشتغالتكم

-وليد: خلاص يا باشا، يالا عشان نلحق نكتب التقرير قبل ما نروح

-زياد وهو يضع نظارته السوداء : خلصه انت يا وليد بيه ، أنا ورايا مشوار مهم ، وراجع

-معتز: هنياله

-زياد: لم نفسك يا معتز

-معتز: يعني مافيش مزة كده ولا كده

-زياد: لأ يا خفيف أنا مش بتاع الكلام الفارغ ده ، سايبهولك انت

-معتز رافعاً يديه في الهواء: بريء يا بيه

-حسام: خف ع زياد يا ميزو هو مش حملك الوقتي ، ماشي يا زياد هنستناك أما
ترجع

-زياد: اوك ، باي يا شباب

زياد ظاهر السويفى ضابط في فرقة العمليات الخاصة في أوائل الثلاثينيات من عمره ، يتميز بالذكاء والجدية والصرامة بالإضافة إلى الشجاعة والاقدام والقدرة على مواجهة أي خطر ، قد يكون في بعض الأحيان عصبياً وحاد الطباع ولكنه يعود للهدوء بعد فترة ، يعيش زياد مع والده اللواء المتقاعد ووالدته السيدة رباب في منزلهم الكبير ، ولدى زياد ثلاثة أصدقاء مقربين منه ومتقاربين في العمر ، وهم من يعملون معه في نفس فريق العمل وأسماهم حسام ، وليد، و معتز ، ويعتبر زياد هو أقدمهم في الفريق لذا اعتبره أصدقائه قاندهم القريب والمقرب منهم ،وقد أطلق زياد اسم (أسود الليل) على فريقه الخاص ...

-زياد هاتفياً وهو يقود سيارته: أيوه ياماما ، خلاص أنا خلصت الاجتماع وجاي ..
حاضر

-رباب: خلي بالك وانت سايق ، بلاش تسوق بسرعة

-زياد: يا أمي أنا مبقتش عيل صغير ، أنا راجل كبير الوقتي وشايل مسئوليات
وبلاوي سودة.

-رباب: أنا عارفة يا حبيبي ، بس هتفضل في نظري زيزو الواد الشقي .

-زياد: مسمعكيش أصحابي كانوا هاروني تريقة

-رباب: ربنا يخليكوا لبعض يا حبيبي

-زياد: سلام الوقتي يا رباب هانم .. خليني أركز

-رباب: ربنا يحميك يا بني انت واللي زيك

.....

في منزل طاهر السويقي ،،،

-طاهر: ها يا رباب ، زياد جاي ؟

-رباب: أه يا طاهر ، كلمته وهو جاي في السكة

-طاهر: يجي بالسلامة ، اوعي تفتاحيه أول ما يدخل ، استني شوية

-نوال: طيب

-زياد وهو يؤدي التحية العسكرية : مساء الخير عليكو ،ماما، بابا ، تمام يا فندم!

-طاهر: استرح .. ازيك يا حبيبي ، تعالى في حضني

-زياد: اخبارك ايه يا طاهر باشا ؟

-طاهر: الحمدلله يا بني ، الوقتي انا أحسن

-رباب: اظن يا زيزو والدك بيمشي على العلاج بالثانية

-زياد: الحمدلله ، ربنا يديك الصحة

-طاهر: طمني عليك؟ انت أخبارك ايه ؟

-زياد: لا جديد يا والدي ، أدنيا شغالين في القضية ومنتظرين التعليمات الجديدة

-طاهر: ربنا يوفقكم يا بني

-رباب وهي تغمز لطاهر: آآآ.. هاه ؟

-زياد: في ايه؟؟

-طاهر: هه ، مافيش حاجة يا بني ، اطلع انت بس ارتاح شوية

-زياد: لأ أنا جاي أسلم عليكم وأتعدى وراجع الإدارة تاني

-رباب: يبقى تقوله بقى يا طاهر

-زياد لوالده : طاهر باشا !! في ايه؟

-طاهر: بص يا حبيبي .. آآآ.. قولي انتي يا رباب

-زياد بحيرة : وأنا هفضل كده كتير ماتقولوا في ايه ؟

-رباب بفرحة: جيبالك عروسـة !

-زياد: نعم ???

-رباب: بنت انما ايبويه حكاية ! أدب وجمال وأخلاق ومن عيلة..

-طاهر: ووالدها كان صاحبي زمان الروح بالروح

-زياد: كمان !!!

-رباب: وأمها حبيبتي وصاحبتي وع طول في النادي سوا

-زياد: ماشاء الله ، ده انتو مظبطينها بقى

-طاهر: اومال ايه يا بني ، ده بعد التحريات والدقة ووضع الخطط اللازمة و...

-زياد مقاطعاً: طب قوليلها مكنش يتعز

-رباب باستغراب : ايه ؟

-زياد: يعني كان في وخلص !!

-طاهر: زياد !!

-زياد: أنا مش فاضي للكلام الفارغ ده وشغل الخطبة

-رباب: ليه بس يا زيزو

-زياد: لما أعوز اتجوز هاتجوز البنت اللي تملى مزاجي وتفكيري ، مش واحدة

عجبتكم ، أقولك أنا على اقتراح حلو يا ماما

-رباب: ايه يا حبيبي ؟

-زياد: لو عجبكي أوي جوزيها لبابا

-رباب: ولد !!!

-زياد وقد رن هاتفه : ثواني كده

-رباب: شايف عميل ابنك

-ظاهر: دلوقتي بقى ابني ، ماهو كان من شوية ابنك وحببيك

-رباب: طالما مش بيسمع الكلام يبقى ابنك

-ظاهر: بقى كده .. ماشي

-زياد : ألووو .. خير

-حسام: أيوه يا زياد انت فين؟؟

-زياد: في البيت ، ليه ؟

-حسام: طب تعالى بسرعة ، اللوا سامي عاوزنا حالاً

-زياد: متعرفش ليه ؟

-حسام: مش وقت رغي خالص ، أنا قولتله انك في الحمام ، 5 دقائق وتكون عندنا

.. بسرررعة يالا ، سلام

-زياد: مسافة السكة .. سلام

-ظاهر: رايح فين يا بني؟؟ احنا لسه مخلصناش كلام؟؟

-زياد وهو يخرج من باب المنزل: بعدين ، بعدين ، عندي شغل ، سلام الوقتي

-رباب: طب مش هتاكلك لقمة قبل ما تمشي ؟

-زياد: أما أرجع .. سلام !!

-رباب: طب هاقول لهدى ايه الوقتي ???

- ظاهر: اصبري لما يرجع وبعد كده نتكلم تاني معاه
- رباب: أنا مش عارفة مافيش ولا واحدة من اللي جيبتهاله عجبته
- ظاهر: يمكن في واحدة معينة في دماغه
- رباب: لأ مافيش ، أنا فتشت في حاجته وملاقتش
- ظاهر: فتشتي في حاجته ، طب كويس انه مشى ومسمعش الكلام اللي بتقوليه
- رباب: أنا مامته وحاجته هي حاجتي
- ظاهر: ووصلتي لحاجة يا رباب
- رباب: لأ ، ملاقتش أي حاجة
- ظاهر: وده معناه ايه يا ست المخبرات هانم
- رباب: ده معناه ان مافيش حد في دماغه حالياً
- ظاهر باستنكار : يا سلاااااام
- رباب: طبعاً ، ماهو لو كان في حد أكيد كنت هتلاقي أي علامة
- ظاهر: يا رباب ابنك ظابط مش عيل في ثانوي
- رباب: بس برضوه شاب وأكيد نفسه يحب
- ظاهر: سيبه ع راحتة ، واكيد لما يلاقي بنت الحلال هيقولنا ومافيش داعي لحوار
النادي ده طالما مالوش رغبة فيه
- رباب وهي تطلب صديقتها هدى: بنت الحلال دي ان شاء الله ، انا اللي هجيبهاله
- ظاهر: ياااا ربا ...
- رباب مقاطعة : شششششش ، هه ، الووو ، أيوه يا هدى ، ازيك يا حبيبتي
- هدى: حبيبتي يا رباب ازيك وازي ظاهر بيه
- رباب: الحمدلله بخير
- هدى: يارب دايمالااااا

-رباب: أنا باتصل عشان أكد عليك ، احنا على معاننا في النادي ان شاء الله

-هدى: بأذن الله

-رباب: زياد مش محتاج وصف ، العروسة أول ما هتشوفه هتحبه على طول.

-هدى بضحكة : ههههههههههههه لا والله ، ربنا يجعلهم نصيب ، بس مش هوصيكي يا رباب ، نور حساسة وانتي عارفة من بعد وفاة والدها وهي مش بتعب عن مشاعرنا بالساهل لأي حد

-رباب: اطمني زياد هيتعامل معاها كويس ، أنا متفائلة خير ان شاء الله

-هدى: ربنا يبسرلهم الحال

-رباب: يارب أمين ، اشوفك على خير ان شاء الله

-هدى : بأمر الله .. سلام !

-ظاهر: برضوه عملتي اللي في دماغك يا رباب من غير ما تقولي لابنك ولا تاخدي حتى موافقتة

-رباب: مش هينفع معاه إلا كده يا ظاهر ، ابني وانا عارفاه ، لو استنيت أخذ موافقتة يبقى مافيش أمل لكن كده أنا عملت اللي شيفاه صح ليه ، وهيروح يقابل العروسة يعني هيروح!!!

.....

الحلقة الثانية :

في غرفة الاجتماعات بإدارة العمليات الخاصة ،،،

-اللواء سامي : وطبعاً الجرائم دي لحد الوقتي محدش عارف ازاى بيتم ادارتها !

- وليد: بس يا فندم ، البنك اكتشف الحكاية دي ازاي ؟
- اللواء سامي: وهما بيراجعوا الكشوفات النهائية لاقوا في فرق كبير بين الموجود في الحسابات وبين المتسجل ع الورق ، ده غير كشوفات السحب والايذاع في حسابات وهمية
- حسام: بس ده مش تخصصنا .. يعني ده يخص الجهاز المركزي للمحاسبات أو حتى مباحث الانترنت ، لكن مش العمليات الخاصة
- اللواء سامي: لأ يخلصنا ، لما نعرف ان ورا الموضوع ده ايهاب الملاح !!!
- معتز : مين ؟؟؟
- اللواء سامي : زي ما سمعتوا المجرم ايهاب الملاح
- زياد وقد دخل إلى غرفة الاجتماعات: سوري يا باشا
- اللواء سامي : شفاكم الله وعفاكم يا زياد
- زياد: نعم
- اللواء سامي: يعني اما تكون عاوز تخش الحمام متبقاش تروح بيتكم
- معتز مقاطعاً : يمكن بيرتاح هناك أكثر
- زياد هامساً : اخرس يا زفت .. حسابك معايا بعدين
- ثم أضاف زياد: سوري يا باشا ، مش هتكرر تاني
- اللواء سامي : اقعدي زياد، كنا بنقول ايه ؟ آه .. بنتكلم عن ايهاب الملاح وجرائمه الالكترونية
- زياد مستفسراً: مش ايهاب الملاح ده تاجر السلاح اللي مدوخوا وراه
- اللواء سامي: ايوه هو
- زياد: طيب وايه علاقته باللي حضرتك بتقوله ؟

-اللواء سامي : ما هو لو سيادتك كنت جيت من بدري شوية كنت عرفت ان ايهاب الملاح بيدير شبكة تهريب و غسيل اموال وعن طريق الشبكة دي بيحيب السلاح للبلد

-زياد متعجباً : تهريب و غسيل أموال !!!

-وليد: كل اللي حضرتك قولته جميل ، احنا ايه دورنا ؟

-اللواء سامي : دوركم تولي القضية دي بالذات

-معتز: يعني مش هنضرب نار ولا نشتبك

-اللواء سامي : لأ ، ده بعدين ، لكن حالياً هيتم تشكيل مجموعة عمليات دورها التحري الدقيق والسري عن الشبكة اللي بيديرها ايهاب الملاح

-زياد: بس ده شغل روتيني يعني مالوش علاقة بينا أوي ، أي حد يقدر يقوم بيه!

-اللواء سامي بحدته: ولما هو شغل روتيني كنت بكلف نفسي واجتمع معاكو ليه من الأول؟؟ كان ممكن اكلف أي حد تاني بالقضية.. لكن أنا عاوز الأكفأ والأمهر.

-حسام: زياد مايقصدش يا باشا

-اللواء سامي: يا زياد يا بني متحكمش ع الحاجة من أولها عشان مجتش على هواك ، أعداء البلد مش لازم يواجهونا بالسلاح بس ، لأ ممكن يواجهونا بحاجات أخطر محدش يحس بيها ، وهنا يجي دورنا !!

-معتز: احنا جاهزين يا فندم ، متقلقش ، هما يومين وهنخلص الليلة كلها

-اللواء سامي : القضية مش بالبساطة دي

-وليد: طيب حضرتك ادينا التعليمات واحنا ننفذها

-اللواء سامي : الملف ده في كل المطلوب منكم عن القضية ، انتو الجزء العملي فيه

-معتز مستفسراً : طب ومين النظري ؟

-زياد مقاطعاً : مع احترامي لسيادتك ، بس احنا مالناش في شغل الحسابات والنت ، أقصد احنا مش متخصصين فيه زي تخصصنا في الاشتباك المباشر مع المجرمين

-اللواء سامي: ودي هتفوتني يعني ...

-حسام: قصد حضرتك ايه ؟

-اللواء سامي: من بكرة ان شاء الله هينضم ليكم زميل جديد

-زياد معترضاً: زميل جديد؟؟؟ ليه يا باشا ، احنا نقدر نقوم بالعملية لوحدنا مش ناقصين حد دخيل بينا

-اللواء سامي: اظمن يا زياد ، ده حد ثقة وكفو وتخصصه الكشف عن الجرائم الالكترونية ، ولعلمكم هو اللي بلغنا بالقضية دي

-زياد: مش فاهم ساعاتك

-اللواء سامي : زميلكم الجديد معاه ماجستير في قرصنة الانترنت والكشف عن الجرائم الالكترونية

-معتز: هو مش ظابط زينا ؟

-اللواء سامي: لأ .. هو تخصص حاسبات ومعلومات وبعدها التحق بالدراسات العليا في كلية الشرطة واتخصص في قرصنة الانترنت

-معتز بصوت هامس : ماهي بقت كوسة ، الشرطة بتقبل أي حد

-اللواء سامي: بتقول حاجة يا معتز

-معتز: أنا... لأ ... ده أنا بكح !!..

-اللواء سامي: اتفضلوا الوقتي ع مكاتبكم ، ادرسوا القضية ، ومن بكرة هتبدأوا فيها مع زميلكم ، ومتسوش مطلوب التعاون التام والتنسيق بينكم .. عاوز القضية تخلص في أسرع وقت

-الجميع: تمام يا فندم

خرج الجميع من غرفة الاجتماعات وتوجهوا نحو مكتبهم الخاص الكائن بالطابق الخامس في مبنى الإدارة ،،

-حسام: ايه رأيكم في اللي قاله اللواء سامي ؟

-معتز: مش بطل

-وليد: هي بدلة بتقوسها

-معتز: لأ يعني هنريخ شوية هنقضيه انت وحركات ، ودوس انتر

-وليد: دي معلوماتك عن النت والقرصنة

-حسام: ياعم متخدتش ع كلامه ده واحد عقله فاضي

-معتز: ليه بس كده أحس ده انت حبيبي

-وليد: ها يا زياد؟ ناوي على ايه؟

-زياد: ولا حاجة .

-معتز: احنا هنذاكر هنا ولا في الوكر بتاعنا

-حسام: وكر!! اللي يسمعك كده ميقولش عليك ظابط

-معتز: هاتجي أزيرو معانا

-زياد: لأ أنا ماشي

-وليد: ايه مش هتراجع معانا ملف القضية

-زياد: هراجعه بس في البيت ع رواقه

-وليد: طب هنعمل ايه مع البأف الجديد

-حسام: بأف مين؟

-معتز: زميل الكفاح

-وليد: أصل المشرحة ناقصة قتلى

-زياد: كبروا مخكم ، هنكلم بعدين .. سلام أرجالة!

-الجميع: سلام يا باشا

.....

في منزل طاهر السويقي ،،،

-ظاهر: بتعملي ايه عندك يا رباب؟

-رباب وهي تقف خلف النافذة : ببص ع زياد م الشباك .

-ظاهر: ماهو أكيد جاي

-رباب: ايوه ، بس برضوه عاوزة أبص عليه ، أهو وجه ، لازم تشد عليه شوية يا
ظاهر

-ظاهر: يعني هو الجواز بالغصب

-رباب: لأ مش غصب ، بس برضوه ميحرجنيش مع الناس وهما منتظرينا !!

-ظاهر: ربنا يسهل ، وبعدين مش انتي اللي صممتي وكلمتي هدى واكدتي عليها
تيجي

-رباب: الله بقى يا ظاهر

-زياد بعد أن دخل المنزل: السلام عليكم يا أهل الدار

-ظاهر: و عليكم السلام يا زياد

-ربابوهي تدعي الحزن: هه...

-زياد: ايه يا أمي ، لسه مأموصة مني؟

-رباب: ايه مأموصة دي ، اسمها زعلانة

-زياد: لا عاش ولا كان اللي يزعلك

-رباب بحزن : يعني انت مش عارف ايه اللي مزعلني ؟

-زياد: برضوه الموضوع اياه

-رباب: يا حبيبي الناس منتظرينا من بدري ، عيب نتأخر عليهم

-زياد بعصبية : يووووه يا ماما

-ظاهر: اتكلم كويس مع مامتك

-رباب: هو قاصد يزعل الناس مني

-زياد: يعني انتي اللي هيرحك اني أقابل الزفتة دي

-رباب: ما اسمهاش زفتة ، اسمها!

-زياد: مش عاوز أعرف ، ماشي أنا هاروح أنتيل أشوفها ، بس اعملي حسابك أنا هفركشها من قبل ما تبدأ

-رباب: المهم تروح وبعد كده نبقي نشوف أي حجة

-زياد: بس متزعليش م اللي هعمله

-رباب: أنا غلبت معاك

-ظاهر: خلاص يا بني ، دي زي شكة الدبوس ، اعتبرها مهمة قوية انت مكلف بيها

-زياد: ياريتها كانت مهمة ولا عملية ، لكن دي جوازة ومن واحدة أكيبيد شبه فرغلي الغفير

-رباب بحماس : لأ من الناحية دي اطمن ، دي تقول للقمر قوم وأنا أقعد مكانك

-زياد: أمر بالستر يا أمي ، الجملة دي سمعتها كام مرة قبل كده

-ظاهر بسخرية : متعديش يا زيزوو

-رباب: يالا يا حبيبي مضيعش وقت ، اجهز بسرعة

-زياد: يعني مش هاكل؟

-رباب: هتاكل مع العروسة في النادي

-زياد: انتي ناوية تسدي نفسي يا أمي

-رباب وهي تتجه لغرفتها : بلاش دلح بقى ، يالا يا حبيبي ، وأنا 5 دقائق وهاكون جاهزة

-ظاهر: كُـل يابني براحتك .. أمك قدامها بتاع ساعتين عقبال ما تجهز

-رباب من الداخل: سمعك يا ظاهر

.....

السيدة هدى الحديدي هي زوجة اللواء الراحل عبد الرحمن فوزي والذي استشهد في إحدى العمليات الارهابية منذ فترة طويلة، ولديها من الأبناء ثلاثة (نايا- نور- نائل)، قامت بتربيتهم تربية حسنة وتعليمهم أفضل تعليم حتى أنها رفضت الزواج من بعده لتتفرغ لهم ، وعلى الرغم من أنهم أسرة ميسورة الحال إلا أنهم يتميزون كباقي الأسر المصرية بالبساطة والتواضع ،،،،

-هدى : يا نائل سيب البلاي استشن والتفت لمذاكرتك شوية

-نائل: ده انا لسه أعد عليه يا ماما

-هدى: بقالك ساعتين ، وتقولي لسه أعد

-نايا من الداخل: مش هاتخدي منه عقاد نافع يا مامي

-نائل بسخرية : مش عيب واحدة في سنك ده ولسه بتقول مامي

-نايا: بس يا لمض .. أو مال فين نور؟؟

-هدى: أعدة وماسكة البتاع اللي واكل عينيها ده

-نائل: اسمه الأبياد

-هدى: أهو كل يوم يخترعوا حاجة ويسموها أسامي عجيبة

-نايا بصوت مرتفع : نوووور ..ياااااا نوووور .. أناوووووووو ، ياااااااا نانووو

نور هي الابنة الوسطى للسيدة هدى ، تمتاز بلامحها الهادئة والرقيقة ،وبالبشرة البيضاء والشعر الناعم المائل للون البني ، عيناها عسلتان ، تفضل ارتداء الملابس الكلاسيكية الأنيقة ، والكعوب العالية الرفيعة ، ودائماً ما تضع نظارة طبية لتعطيها مظهر الجدية ،،،

-نور: ايبييه يا نايا في ايه؟؟ بتنادي ع واحدة في الشارع

-نايا: انتي لسه مجهزتيش ؟

-نور: ليه ؟

-نائل وهو يلعب: الله يكون في عونك

-نور: بس يا نونو بدل ما أجي أفرمتك الجهاز

-نائل: ده أنا بدعيك

-نور: أيوه كده اتعدل

.....

استعدت كلتا العائلتين للذهاب إلى النادي ، وفي الميعاد المحدد تقابلت العائلتين
حيث ،،،،،،

-رباب: هدى حبيبتى ، ازيك يا قلبي

-هدى: أنا بخير يا رباب ، أنتي عاملة ايه ؟

-رباب بغمزة : أنا الحمد لله كويسة ، زياد بس بيركن العربية وهيحصلني

-هدى بابتسامه: وماله يا حبيبتى

-رباب: ازيك يا نور ، ازيك يا نايا

-نور: هاي أنطى

-نايا: هاي أنطى رباب

-رباب: ماشاء الله يا بنات زي القمر

-نور: ميرسى

-نايا: شكراً يا أنطى ده بس من ذوقك

جاء زياد من بعيد وهو يرتدي نظارة سوادء تخفى ملامح وجهه الذي يبدو عليه
الضيق الشديد من الموقف الذي وضعته في والدته ،،،

-زياد: السلام عليكم

-رباب: وعليكم السلام ، تعالى يا حبيبي ، ده زياد ابني يا جماعة ودول....

-زياد مقاطعاً: أها .. أهلاً

-رباب باحراج: أصل زياد جد ومش بيحب يضيع وقت

-هدى: أهلا بيك يا بني

-زياد وهو ينفخ: أهلا

-رباب: خد عروستك يا زياد واقعدوا كده جنبنا اتكلموا سوا

-زياد: أوام عملتيها عروستي ، ده احنا لسه بنعرف !!!

-هدى: ايه الحكاية يا رباب هانم؟

-رباب باحراج شديد: هه ، مافيش حاجة ، بس زياد لسه راجع م الشغل فتلاقيه عصبى

-هدى: أها .. طيب

-زياد بدون أن ينظر للعروسة: اتفضلي نقعد هناك

-نور لنفسها: ماله قرغان من نفسه كده ليه؟ زي ما يكون عاصر طن لمون على نفسه قبل ما يجي !!!

-جلس زياد في الجهة المقابلة لنور ولكن دون أن ينظر لها ، ظل صامتاً لفترة ، ويهز قدمه بتوتر ،،،

-نور بصوت مبجوح : آآآ.ازيك

-زياد وهو ينظر في ساعته: هه .. بتقولي حاجة

-نور : آآآآ... ب....

-زياد مقاطعاً: بصي وم الأخر كده عشان أنا مش ناقص خانقة ومش عاوز أضيع وقتي في حاجات تافهة ، أنا مش بتاع جواز ، والحوارات اللي بتتعمل دي عشان خاطر بس أمي متزعلش

-نور بدهشة شديدة: ايبيه؟؟؟

-زياد: اللي سمعته ، ولا انتي لا مؤاخذة طرشة!!!

.....

الحلقة الثالثة :

جلس زياد في الجهة المقابلة لنور ولكن دون أن ينظر لها ، ظل صامتاً لفترة ،
ويهز قدمه بتوتر ،،،

-نور بصوت مبجوح : آآآ..ازيك

-زياد وهو ينظر في ساعته: هه .. بتقولي حاجة

-نور : آآآآ... ب....

-زياد مقاطعاً: بصي وم الأخر كده عشان أنا مش ناقص خانقة ومش عاوز أضيع
وقتي في حاجات تافهة ، أنا مش بتاع جواز ، والحوارات اللي بتتعمل دي عشان
خاطر بس أمي متزعش

-نور بدهشة شديدة: ايبيه؟؟؟

-زياد: اللي سمعته ، ولا انتي لا مؤاخذة طرشة ؟؟

-نور: أفندم ؟؟؟

-زياد وهو ينظر لها: شوفي يا آنسة ، انتي تروحي تعملي الشويتين بتوعك دول
على أي حد تاتي غيري ، انا مايكلش معايا جوازات الصالونات دي

-نور : نعم ؟

-زياد بقسوة : لأ ماتعمليليش فيها عبيطة ، انتي فهماني كويس ، حوار انك تلقى على أمي وتبيني نفسك قصادها عشان تدخلي مزاجها وبعد كده تحدفك عليا .. كل الهجص ده مايدخلش عليا

-نور بعصبية: انت اتجننت؟؟ ازاي تكلمني كده وتتهمني بحاجات زي كده؟؟ هو أنت تعرفني أصلاً منين عشان تقول عني كده؟؟؟

-زياد متأملاً اياها بنظرات قاسية وحادة : الصنف بتاعك ده أنا عارفه كويس وياما دقت ع الراس طبول ، والأشكال اللي زيك أنا حافظهم صم

-نور بصوت مرتفع : احترم نفسك يا حضرت ، انت اكيد مش طبيعي

-زياد: صوتك مايعلاش انتي فاهمة ، وتتكلمي معايا عدل

-نور: اما تتعلم تتكلم كويس الأول مع الناس وتحترمهم

ثم تركته نور بدون أن تنتظر من أي رد.....

-رباب : في ايه يا ولاد ؟

-نور بضيق: يالا يا ماما نمشي من هنا

-هدى: ايه اللي حصل؟

-رباب: عملت ايه يا زياد؟

-زياد وهو يحتسي المشروب : ولا حاجة

-هدى: نوووور ، يا نووووور ، استني يا بنتي

-نايا: أنا هحصل نانوو يا مامي

-رباب: في ايه اللي حصل؟؟؟

-زياد ببرود: مافيش قولتلها الحقيقة

-هدى بعدم فهم: حقيقة ايه ؟

-زياد: اني مش بتاع جواز وكلام فاضي من ده

-هدى بعدم تصديق : ابييه ؟؟؟

لم تتحمل هدى ما قاله زياد بكل وقاحة وكأنه لم يفعل شيئاً يجرح به غيره عن عمد
فرحلت على الفور ، وحاولت رباب اللحاق بها ،،

-رباب: أنا أسفة يا هدى ع اللي حصل

-هدى: مكنش العشم يا رباب يحصل كده

-رباب: والله ما أعرف انه هيقولها الكلام البايخ ده

-هدى بضيق: يا رباب أنا مطلبتش منك حاجة ، انتي اللي عرضتي عليا اننا نفتح
الأولاد ونجس نبضهم ولو حصل يبقى نتوكل على الله ونكمل ، لو لأ يبقى عادي
أحنا أصحاب بدون اهانة او اساءة لأي حد، لكن لو كنت اتخيل ان بنتي هتنجرح
بالشكل المهين ده كنت رفضت الموضوع من الأول ، بنتي مش بايرة وألف مين
يتمناها عشان يتعمل فيها كده!!!!

-رباب: أنا أسفة يا هدى ، معلىش يا حبيبتي اعذريه هو اسلوبه كده

-هدى: أنا كنت مفكرة أنه عاوز يتجوز فعلاً مش جاي مغصوب ، أنا قلبي كان
حاسس من أول ما شوفته ان في حاجة غلط

-رباب: معلىش يا هدى والله ما...

-هدى مقاطعة: خلاص يا رباب مافيش داعي لأي تبريرات ، الجواب باين من
عنوانه .. بس انتي صاحبتني وعارفة اد ايه نور حساسة و..

-رباب مكلمة: لو تحبي أندمله يعتذرلها عن اللي عمله

-هدى: لألألأ مش عاوزين .. كفاية أوي لحد كده .. ده لسه بيتعرفوا على بعض
وبهدلها ، اومال لو قولتيله اعتذرلها يمكن يقتلها ، بناقص .. أما أروح أشوف بنتي
، عن اذنك

-رباب: طيب ابقى طمني عليا ، وانا هكلمك تاني

-هدى: ان شاء الله

-رباب لزياد : ينفع اللي عملته ده ؟

-زياد: عملت ايه يا أمي ؟

-رباب: تخرج البنت وأمها بالشكل المهين ده

-زياد: أنا قولتلك من الأول بلاش وانتى اللي صممتى

-رباب: تقوم تعمل فيهم كده ، يقولوا عني ايه الوقتى

-زياد ببرود: عادي ، يومين وهيتسى الموضوع ، فين بقى الغدى ، أنا واقع من الجوع !!

-رباب: خلاص نفسك بقت مفتوحة

-زياد براحة بادية على وجهه : ياااااااه ، ده انا حاسس انى عاوز أكل خروف ، كان هم وانزاح

-رباب: ماشى يا زياد ..ماشى !!!

.....

في داخل سيارة هدى ،،،

-نايا: خلاص يا نانووو متعيطيش يا حبيبتي

-نور وهي تمسح دموعها : أنا بعيط ع نفسي انى سمحت لواحد زي ده يتناول عليا من غير ما أرد عليه كويس.

-نايا: هو انسان قليل الذوق

-نور: ده حيوان معندهوش دم ولا أخلاق ، هو خدني ع خوانة

-نايا: الحمدلله انها جت ع أد كده

-نور: الحمدلله

-هدى وقد ركبت السيارة: حبيبتي يا نانووو ، عاملة ايه الوقتى

في فيلا معتز ، وتحديداً في الـ Roof الخاص بالفيلا حيث قام معتز باعداده ليصبح مقراً له ولأصحابه ، يقضون معظم أوقاتهم فيه ، يتدارسون القضايا فيه سوياً ويضعون مخططاتهم فيه ، والأهم يتناقشون في مسائل حياتهم الشخصية سوياً فيه بعيداً عن فضول الآخرين ... ،،

-معتز: لأ مش ممكن ، زياد باشا بنفسه منورنا

-زياد: قولت أجي أقضيها معاكو

-وليد: مش بعوايدك يعني

-زياد: أصل أمي مش طايقاني حالياً

-معتز: عملت في الحاجة ايه ؟

-حسام: أعملك نسكافيه معايا

-زياد: لأ خليها كوباية شاي

-معتز: اعلمي أحس واحد كاباشتينو

-حسام: اسمه كابيتشينو

-معتز: مش فارقة كلها رغاوي

-حسام: أهوو ده اللي باخده منك هيافة ع الفاضية والمليانة !!

-معتز: طب ماتنساش تملى المِج ع الاخر

-وليد لزياد : احكي يابني عملت ايه

-زياد: مافيش حاجة مستاهلة ، أمي كانت جيبالي عروسة ، وأنا بووووم ..
فرقتها !

-معتز: يخرب عقلك ، عملت فيها ايه؟

-زياد: ولا حاجة ، المواجهة المباشرة ، وهووب تك دوست ع الزناد !

-وليد: يا جرأتك يا أخي

-حسام: والبت كان رد فعلها ايه

-زياد: لو كان قصادها جرينوف كانت فرغته فيا

-معتز: ده أقل واجب ، في حد يقول للأعور انت أعور في وشه

-زياد: أنا ... هو ده طبعي

-وليد: خلاص يا عم زيزوو ، خلونا نشوف القضية الجديدة هنعمل فيها ايه

-حسام: مش عارف ليه حاسس ان اللوا سامي مدينا حاجة أقل من قدرتنا

-وليد: لأ وجايلنا حد جديد يشاركنا فيها

-حسام: مش فاهم دماغه

-معتز: دي واضحة زي الشمس ، حد من قرابيه مكلمه ع الواد الجديد يشغله فاللوا

اسماعيل قالك أحدفه على مين يا ترى ملاقاش إلا أحنا

-زياد: سيبكم م الواد ده ، خلونا نشوف ملف القضية وندرسه ، حتى لو كان مش

تخصصنا ، فده مايمنعش اننا نستعد طالما فيها اللي مايتسمى ايهاب

-معتز: البلوى ده دوخنا وراه ، كل ما نقول هانت هنمسك عليه حاجة ، نلاقيه فص

ملح وداب وكأته زي الملاك البريء معملش حاجة

-حسام: نهايته قربت

-وليد: طول ما أحنا وراه أكيبه هيقع

-زياد: طب شوية تركيز بقى عشان نشوف هنبدا ازاي ومنين !!

وطرق عليهم الباب ... ،،،

-ابراهيم: منورين أشباب

-معتز: تعالى يا حاج ، مافيش حد غريب

-زياد: ازيك يا حاج ابراهيم

-حسام: مساءك فل يا حاج

-وليد: اتفضل معانا يا حاج

نور: عندي شغل يا مامي مهم ، هخلصه وأرجع ع طول

-هدى: طيب يا حبيبي ، طب أقولك ع حاجة استني أما ألبس وأنزل أوصلك بالعربية بدل ما تتبهدي في المواصلات ، أنا كده كده هنزل مركز التصوير أشوف الدنيا ماشية هناك ازاي

نور: ماتتعبيش نفسك يا مامي ، أنا هاخذ تاكسي ، خليكي انتي مرتاحة .

-هدى: طب افطري قبل ما تنزلي

نور: هابقي أجيب أي حاجة وانا في الشغل ، أدعيلي يا هدهودة ، باي

-هدى: ربنا يفتحها في وشك يا نانوو

وبالفعل استقلت نور سيارة الأجرة وتوجهت نحو عملها الجديد ..

-السائق: على فين يا هانم ؟

نور: على إدارة العمليات الخاصة من فضلك !!!

.....

الحلقة الرابعة :

استقلت نور سيارة الأجرة وتوجهت نحو عملها الجديد ..

-السائق: على فين يا هانم ؟

نور: على إدارة العمليات الخاصة من فضلك

-السائق: ماشي يا ست الكل ، بس الأجرة هتزيد لأحسن المشوار بعيد حبتين

نور: طيب

وبعد مرور بعض الوقت وصلت نور إلى مبنى الإدارة الشاهق ذو الواجهات الزجاجية اللامعة ، لم تتوقع نور أن يكون شكل المبنى بهذا التصميم الرائع والفخم ، فالمبنى مقسم لعدة طوابق ، ففي الطوابق السفلى يوجد صالات للتدريب القتالي بمختلف أنواعه ، وهناك طوابق مخصصة لمكاتب أفراد العمليات الخاصة ، بالإضافة إلى كافتريا ملحقة بالمبنى ،،،

توجهت نور إلى داخل المبنى وهي تتأمله ثم بحثت عن أحد الأفراد لتستفسر منه عن ...،،،

-نور: لو سمحت فين مكتب اللواء اسماعيل الشاذلي؟

-العسكري: الدور السابع ، رابع اوضة ع ايدك اليمين

-نور: شكراً

-العسكري: يا أستاذة الأصانصير عطلان

-نور: اييه ، طيب متشكرة

.....

في نفس الوقت تقريباً ، وتحديداً في جراج الإدارة ...

-زياد هاتفياً: انا بركن وطالع أهوو

-معتز: يعني مش هتجيبنا فطار وانت جاي

-زياد: انت ليه محسسنى إني خلفتك ونسيتك

-معتز: خلاص ياعم هكلم حسام يجيبنا الأكل

-زياد: يكون أحسن برضوه

ركن زياد سيارته ، وصعد درجات مبنى الإدارة مسرعاً ، فأوقعه أحد العساكر

-العسكري مسعد : زياد باشا !

-زياد: أيوه يا مسعد

-العسكري مسعد : الأصابير عطلان وبيتصلح يا باشا

-زياد وهو ينظر في ساعته: مميم. ماشي ، هطلع ع السلم ولو اني أصلاً جاي متأخر

وبينما كانت نور تصعد على سلم الإدارة الداخلي اصطدم بها أحد الأشخاص الذي كان يصعد السلم مسرعاً ، وكان هو ،،

-زياد: سوري ، معلش أصلي مستعج....

-نور: هه ، مش مش.....

-زياد بعد أن رأى وجهها : انتي ؟؟؟؟

-نور بعد ان تأكدت أنه زياد: انت ؟؟؟؟

-زياد وقد جذبها من ذراعها بقسوة: انتي بتعملي ايه هنا ؟؟؟ يعني مش مكفيكي الفيلم الحمضان اللي عملتيه في النادي فجاية تكلميه هنا؟؟؟

-نور بعصبية وهي تحاول التحرر من قبضته: سيب دراعي يا جدع انت ، كلام ايه الفارغ اللي انت بتقوله ده ؟؟؟؟

-زياد: جدع !!!!

-نور: هو انت مفكر ان كل الناس بتتمنى تتمحك فيك ولا بتجري وراك ، لأ اصحى لنفسك وفوق ، انت ولا حاجة أصلاً !!!

-زياد بدهشة وغضب: انتي... انتي بتكلمني ازاي كده

-نور بثقة: لأ ده أنا معبية منك ، ومش معنى انك خدتي ع خوانة قبل كده يبقى هاسكتك ، اوعى كده

-زياد وقد أحكم قبضته على ذراعها : احترمي نفسك يا زبالة ، الظاهر ان اهلك معرفوش يربوكي غير ع انك تصطادي الرجالة

-نور وهي تتألم: انت انسان س....

سمع حسام وهو يصعد درجات السلم أصوات لأشخاص يتشاجرون ، فأسرع
الخطى ليعرف ما يحدث ف..... ،،،،

-حسام: في ايه اللي بيحصل هنا يا جماعة ؟

-زياد وقد ترك ذراع نور: الهانم كان.....

-نور مقاطعة: مافيش كنت بسأل عن حد وعرفت ، عن اذنكم

استغرب زياد من ردة فعل نور فقد توقع أنها ستتحدث بالسوء عما حدث ، ولكنه
تفاجيء بانسحابها من المكان دون ان تنظر إليهم ،،،،

-زياد لنفسه: غريبة !! يعني كان المفروض تقل أدبها وتستغل الفرصة بس.. بس
..

-حسام مقاطعاً تفكيره: ايبويه يا عم زيزوو ، انت روحت فين ؟

-زياد: هه ، مافيش

-حسام: طب يالا بقى لأحسن اتأخرنا

-زياد: طيب

-حسام: الواد معتز هيجيله heart attack لما يعرف اني طنشته ومجبتش الفطار
، ده كان عثمان انه هياكل ويحبس بكوباية شاي

-زياد: هه ، بتقول حاجة

-حسام: لأ ده انت مش معايا خالص ، اللي واخذ عقلك

-زياد: ولا حاجة ، بفكر بس في القضية

-حسام بعدم اقتناع : اها .. طيب

.....

صعدت نور إلى الطابق السابع ، وسألت عن اللواء اسماعيل الشاذلي وعلمت أنه لم يصل إلى مكتبه بعد ، فانتظرت في الردهة لحين وصوله ...

في مكتب اللواء اسماعيل الشاذلي ،،،،

-العسكري وهو يؤدي التحية العسكرية : في واحدة عاوزة تقابل حضرتك يا باشا

-اللواء اسماعيل: مين ؟

-العسكري: بتقول اسمها نور عبد الرحمن

-اللواء اسماعيل: ايوه ايوه ، خليها تدخل

-العسكري: تمام يا باشا

دخلت نور إلى مكتب اللواء اسماعيل حيث استقبلها بحفاوة شديدة ،،،،

-اللواء اسماعيل: يا أهلا بالغالية بنت الغالي

-نور: ازي حضرتك يا أنكل

-اللواء اسماعيل: أنا بخير يا نور ، ازي ماما واخواتك

-نور: بخير الحمد لله

-اللواء اسماعيل: ها يا بنتي ، فكرتي في اللي قولتهولك

-نور: ولو اني مش حابة اشتغل في النوعية دي ، بس أنا ممكن أدي لحضرتك

اقتراحات بكام ح...،،،،

-اللواء اسماعيل: لأ ماينفعنيش الكلام ده

-نور: يا أنكل حضرتك اسمعني الأول

-اللواء اسماعيل : بصي يا نور ، أنا عارف اد ايه انتي بنت كويسة ومخك مالوش

زي ، وأنا عاوزك معايا

-نور: ماهو أنا ماليش في الجو ده ، وبصراحة مش بفهم في شغل المباحث

-معتز: ماله ده ؟

-حسام: م الصبح وهو كده

-معتز: طب اسمعوا بقى آخر أخبار زميلنا المبجل

-حسام: قول يا رويتر عصرك وزمانك

-معتز: هو خريج حاسبات ومعلومات ، معاه ماجستير في القرصنة ، عقلية فذة ،
ضعيف البنيان ، لا يجيد أي أنواع الفنون القتالية !!

-حسام: طب ما كل ده احنا عارفينوه ، ايه الجديد بقى ؟؟

-معتز: الجديد ان اسمه نور فوزي وقريب اللواء اسماعيل مباشرة وتعيينه معانا
جاي من فوووووق أووووي !!

-حسام بدهشة : نور ؟؟؟

-زيد وقد انتبه للاسم : نور؟؟ ده اسم مايع لراجل بيشتغل معانا

-حسام مضيفاً : اتفرجوا بقى ع تريقة باقي الفرق والتشكيلات لما تعرف ده

سرح زيد قليلاً مع نفسه وتذكر ما فعله مع الفتاة التي يجهل اسمها إلى الآن في
النادي ، وما فعلته معه على الدرج قبل قليل ..

-معتز مكماً : تلاقي ابوه كان شغال بتاع نجف ففالك أما اسميه نور

-وليد وقد دخل المكتب : مين نور ده ؟

-حسام: العضو الجديد في الفريق

-وليد بقرف : أل يعني كانت نقصاه

-حسام: مالك يا وليد ؟

-وليد وهو يزفر بضيق: ياعم حماتي مطلعة عين اللي جابوني

-حسام: ليه ؟ انتو مش خلصتوا كل حاجة والشقة تقريباً جاهزة

ثم دخل عليهم اللواء اسماعيل ، فانتبه الجميع له ...،،،

-الجميع مؤدبين التحية العسكرية : تمام يا فندم

-اللواء اسماعيل: استرح .. شوفوا أنا جاي بنفسى النهاردة عشان أكد عليكم على ضرورة التعاون التام والكامل بينكم وبين زميلكم الجديد في القضية دي

-حسام: والله يا فندم ، لو حضرتك سيببتنا نتعامل احنا هنخلص القضية من غير مساعدة حد

-وليد: احنا ادها وأدود يا باشا

-زياد: متقلقش حضرتك ، احنا جاهزين لأي حاجة ، ومش محتاجين مساعدة من حد غريب ممكن يعطلنا

-معتز: بالظبط كده يا سيادة اللوا

-اللواء اسماعيل: أنا كلامي يتنفذ بالحرف الواحد ، واي تقصير من أي حد فيكم معاه هيبقى فيه جزى !!! أظن كلامي واضح ومش هاعيده تاني

-الجميع: تمام يا فندم

-اللواء اسماعيل : أه .. نسيت أقولكم ، هيكون هو الـ (قائد) بتاعكم !!!

علت الدهشة وجوه الجميع حينما علموا بهذا القرار المفاجيء ،،،

-حسام: نعم ؟

-زياد: ايه ؟

-معتز: مين ؟

-وليد: ليه؟

-اللواء اسماعيل: هو قائدكم في القضية دي بأمر مباشر مني ، و هتفضي مكتبك يا زياد عشان الشغل بتاعه هيتحط هنا

-زياد هامساً بغیظ : كمان مكتبي؟؟ طب ما ياخذ البدلة والسلاح بالمرّة

-معتز مهدياً آياه : اهدى يا زياد

-الواء اسماعيل : بتقول حاجة يا زياد ؟

-زياد: لأ مافيش

-الواء اسماعيل: ايوه كده ، يعجبني بداية التعاون بينكم ، ودي حاجة مبشرة ان شاء الله

-زياد: بداية زفت ع دماغه

-الواء اسماعيل بصوت مرتفع : اتفضلي يا آنسة نور

-الجميع : آنسة ???

-الواء اسماعيل وهو يرحب بنور: أحب أقدملكم الأنسة نور عبد الرحمن فوزي ، زميلكم الجديد!!!!

.....

الحلقة الخامسة :

-الواء اسماعيل بصوت مرتفع : اتفضلي يا آنسة نور

-الجميع : آنسة ???

-الواء اسماعيل وهو يرحب بنور: أحب أقدملكم الأنسة نور عبد الرحمن فوزي ، زميلكم الجديد في الفرقة ، هسيبكوا ترحبوا بيها وتعرفوا على بعض ، وتشوفوا هتبدأوا شغل ازاي مع بعض

دخلت نور إلى المكتب وقد علت الدهشة الشديدة والاستنكار وجوه جميع من فيه ...
“““

-حسام: كمان بنت !!!!

-وليد: ما هي كانت ناقصة!

-معتز: يا معين يا رب !

-زياد باستغراب : ايبييه ده ؟؟ انتي ؟؟؟

-نور وهي ناظرة للأرض ووجهها يعلوه الخجل : آآ... أهلا !

سمعت نور همهماتهم وزفرات الضيق من وجودها فرفعت وجهها لترى أن حسام ووليد أدارا ظهرهما لها ، بينما حلق معتز فيها ، والتفتت بوجهها لتجد زياد فأصيبت بالغضب ..

-نور باستغراب : انت ؟؟؟

-زياد بضيق واضح: لأ خيالي !!

-نور: آآآ...

-زياد وقد سحبها من يدها لخارج الغرفة: تعالى عاوزك

-نور: طب سيب ايدي

توجه زياد ونور إلى خارج المكتب ليكملا حديثهما ... ،،،

-زياد: يعني أعمل فيكي ايه الوقتي ؟؟؟

-نور: وأنا عملت ايه ؟؟

-زياد: يعني مش عارفة ؟؟ الأول تملي دماغ أمي بهيلك عن الجواز ، وتجي ورايا ع الشغل وتلاحقيني فيه وتكوني عارفة اللوا اسماعيل ، لأ وفي الآخر تطلعي معايا في نفس القضية.

-نور وهي عاقدة ذراعيها أمام صدرها: ها.. خلصت ؟؟

-زياد بعصبية : بت انتي اتعدلي معايا أحسنلك،ومن الأفضل تبعدني عن خلقتي خالص ، أنا مجنون وخلقِي ضيق وانتِي متعرفنيش

-نور: أها ، يعني عاوزني اعمل ايه الوقتي ؟

-زياد: تطلعي زي الشاطرة كده لسيادة اللوا ، وتعتذري عن القضية

-نور: اعتذر عنها؟؟ طب ليه وازاي؟؟

-زياد بغمزة : بطريقتك المسهوكة ، هو أنا هفهمك برضوه ، ده انتي استاذة ورئيسة قسم !!

-نور: تصدق انك سافل

-زياد: نعم ؟؟؟؟؟؟

-نور: اللي سمعته ، ولعلمك بقي أنا مش هاعتذر عن القضية وهاكمل فيها غصب عنك ، ولو مش عاجبك اعتذر انت وأهوو الباب قدامك يفوت جمل !!!!!

-زياد وقد تطاير الشرر من عينيه : انتي مش أدي؟؟ ده أنا أفرمك في ثانية !!!!!

-نور بتحدي: أعلما في خيلك أركبه !!

نظر لها زياد بأعين حمراء كلها غضب و...

-فأكملت نور وهي تشعر بقليل من الرعب من نظراته تلك : آه وأما تخلص نفسنة وحقد ابقى حصلني ع المكتب عندنا شغل ، احنا مش جايبين نلعب هنا !!!!!!!!!!!!!

ثم تركته نور للمرة الثانية ومشيت دون أن تنتظر من أي رد ، بينما وقف هو يغلي من الغضب فهو لم يستطع أن يتخلص منها ، ولكنه توعد لها ...،،،

-زياد: وعزة جلال الله ما هسيبك يا هبابة البرك .. هخليكي تقولي حقي برقبتي ، ومش هتكملي في القضية ولا في أي حاجة تانية ، وهانشوف يا أنا يا أنتي ، ان ماخليت حياتك كلها جحيم وضلمتها في وشك مابقاش أنا زياد السويفي !!!!

أخرج زياد هاتفه المحمول ليطلب أصدقائه ..،،

-زياد هاتفياً: الوو ، ايوه يا حسام ، هات بقية الناس وحصلوني ع صالة التدريب
الوقتي

-حسام: طب ليه ؟

-زياد: أما تيجوا هفهمكم ، بس تعالوا حالاً...!!

-حسام: اوك

.....

عادت نور إلى داخل المكتب مرة أخرى لتجد أن جميع من فيه تركوه ..،،،

-نور لنفسها: هما راحوا فين دول؟؟

خرجت لتسأل أحد العساكر عنهم ،،

-نور: لو سمحت ، اومال فين الكباتن اللي كانوا في المكتب ده ؟

-العسكري: مشيوا

-نور: أفندم ؟

-العسكري: خرجوا يعني

-نور: متعرفش راحوا فين ؟

-العسكري: لا والله مخابرش !!

-نور: بقى كده .. طيب

-نور لنفسها بعد أن عادت لداخل الغرفة: الظاهر ان العداوة ابدتت بدري بدري ..

ظلت نور تجلس في المكتب لساعات بمفردها دون ان يحضر أي أحد ، بدأت تعمل على ملف القضية المكلفة بها وتدون بعض الملحوظات ، ثم خطر ببالها فكرة

،،،

-نور: مممم... انتو اللي بدأتوا معايا غلط ، يبقى تستاهلوا

رفعت نور سماعة الهاتف لتطلب ،،،

-نور : ألو ، ايوه معاك الاستاذة نور فوزي ، وصلني باللواء اسماعيل

-عامل السويتش: حاضر

-نور: ألو ، أيوه يا سيادة اللواء بقول لحضرتك ايه ، انا خدت رأي الزملا في المكتب معايا واتفقتنا نغير الباب والكالون كمان لضمان عدم تسريب أي أوراق تخص القضية وكمان محدش يدخل المكتب واحنا مش موجودين.

-اللواء اسماعيل: حلو أوي ، شوفي انتي عاوزة ايه واعمليه ، أنا مديكي كل الصلاحيات ، وأما توصلوا لجديد بلغيني فوراً

-نور: شكراً لحضرتك يا فندم

بالفعل قامت نور بتغيير باب الغرفة والقفل الخاص به بأخر الكتروني يُفتح بواسطة كروت الكترونية ، كما صممت بطاقات هوية خاصة فقط بمن يوجد داخل المكتب ووضعت عليها علامة سرية وبصمة الكترونية ...

-نور للعاملين: شكراً كثير ع تعاونكم وانجازكم العمل المطلوب في الوقت القليل ده

-أحد العاملين: تحت أمرك يا أستاذة نور ، الباشا سيادة اللوا مواصينا

-نور: ربنا يعينكم

-عامل آخر: كله تمام وجاهز ع التشغيل ، ومحدش هيقدر يفتحه من غير الكارت ده

-نور: عظيم أوي

وبعد أن انصرف العاملين ،،،،

نور لنفسها بكل ثقة: هه ، ابقوا وروني هتدخلوا المكتب تاني ازايمن غير اذني ،
أما أكمل شغلي أنا بقي، اوووبا... كنت هسيب الموبايل مفتوح ، هاقفله وشوية
أبقى افتحه !!

.....

في صالة التدريبات الملحقة بالادارة ،،،

-معتز : مش كفاية بقي كده؟

-حسام لوليد : اضرب عدل !

-وليد وهو يرد الضربة : طب حاسب من دي

-زياد: أحسن يا شباب

-معتز: ايه يا جماعة محدش فيكم معبرني ليه ???

-زياد بضيق: عاوز ايه يا معتز ??

-معتز: الأخت اللي أعدة فوق في المكتب بالساعات لوحدها مش هنطلعها بقي

-زياد: احنا قولنا ايه ؟

-معتز: يا جماعة ميصحش كده والله

-حسام: بقولك ايه عاوز تطلعها روح لوحدهك ، مش ع آخر الزمن بنت اللي

هتمشي رجالة

-معتز: بس كده احنا اللي هنضّر وهي ممكن تقول للوا اسماعيل ، وبعدين ما احنا

هنبقى عاملين زي المغامرون الخمسة نوسة موسى تختخ عاطف محب

-حسام لمعتز: فكك منها يا تختخ وخلينا نكمل تدريب.

-زياد: يووووه ، ميبقاش قلبك خفيف

-وليد وقد بدى عليه الارهاق من كثرة التدريب : خلاااااص أنا تعبت

-معتز: يعني هنفضل كده كتير

-زياد بضيق : بصوا بقي ومن الآخر ، شغل مع البت دي مش هيحصل

-حسام: طيب عاوزنا نعمل ايه ؟

-معتز: يا زياد اللي بتقوله ده مايصحش

-زياد: طب أنا أراهنكم ان البت دي مش هتكمل اسبوع واحد معنا لو نفذنا plan
B معاها

-وليد: اه لو ينفذ أنفذ الخطة دي مع حماتي ، ياااااااااااااه كنت ارتحت

-زياد: اهي جاتك الفرصة تطلع الغلب اللي انت شايفه مع حماتك في البت دي

-حسام: الله عليك يا زياد باشا

-معتز: ايه اللي بتقولوه ده ؟؟ البت كده هتطفش

-زياد وهو يضرب كف حسام في الهواء: وهو ده المطلوب .. كفاك أحس

-معتز متوجساً خيفة مما قد يحدث : استر ياللي بتستر

-زياد: ها معنا ولا لا يا معتز ؟؟؟؟؟

-معتز مستسلاً: وهو انا عندي أي option تاني ؟؟؟

-زياد: تمام أوي ، يبقى الرهان بدأ

.....

عودة مرة أخرى للمكتب ،،،

-نور وهي تنظر لهاتفها بعد أن فتحته: ياااااااااااا نهار أبيض ، ده انا أتأخرت أوي ،
زمانت ماما قالبة الدنيا عليا ، اوووف ده في 15 missed call ، والظاهر ان
البهوات مش ناويين يجوا ، بكرة هنتحاسب ع ده

-نور للعسكري وهي تغلق الباب: مهمتك حراسة الباب ده ، ومتخليش اي حد مهما
كان يدخل من غير ما يوريك ال ID الجديد ده ، شوفت شكله ، احفظه كويس

-العسكري: حاضر يا أوووستاذة

نور مكلمة: حتى لو كان وزير الداخلية بنفسه واقف هنا ، ميدخلش المكتب من غير مايوريك الـ ID ده

-العسكري: حاضر

ثم انصرفت نور ويعلو وجهها ابتسامة انتصار ...

.....

انتهى الأربعة من تدريباتهم وتناولوا الطعام ثم سعدوا إلى مكتبهم ليجدوا المفاجأة التي تنتظرهم ... ،،،،

-وليد ويبدو عليه التعب والارهاق: أنا خلصت خلاص ، يدوب أخذ حاجتي واتوكل على الله

-حسام: اوووف ، ده الواحد نزل بتاع 3 كيلو في الليلاي

-معتز: انا جسمي بقى مكسر ومضحضح ، عاوز مياه وملح عشان أفك

-زياد: يا ميزوو انشف كده

-معتز وهو يشير لنفسه: اكثر من كده

-زياد بهزار: والله ظلمك اللي جابك هنا

-معتز بدهشة وهو ينظر للمكتب : ايبييه ده ؟ فين المكتب ؟؟ وفين الباب ؟؟

-حسام وهو ينظر حوله : صحيح هما غيروا الباب امتي

-وليد: احنا طول النهار بره ، ومنعرفش اللي حصل

-زياد مستفسراً من العسكري: ايه اللي حصل للباب ؟

-العسكري: اتغير يا باشا

-زياد: طب وسع كده

-العسكري ببرود: ممنوع !!!!!!!!!!!!!

-زياد بعصبية : بتقول ايه ؟؟؟؟

-العسكري : ممنوع يا باشا

-زياد: انت اتجننت ، انت مش عارف احنا مين ؟؟؟

-العسكري: لأ عارف يا باشا بس الاستاذة قالت محدش يدخل الأوضة بدون البتاع ده اللي شبه البطاقة والمفتاح

-زياد: يعني ايه الكلام ده ؟؟

-حسام: اهدى كده يا زياد ، ده حصل امتى الكلام ده يا عسكري ؟؟؟

-العسكري: الصبحية يا باشا

-وليد: البت دي اتجننت في عقلها

-زياد: هي حصلت ؟؟ بقى واحدة زي ده متسواش نكلة في سوق النسوان تمنع أربع رجالة يدخلوا مكتبهم ؟؟؟

-معتز: أنا قولت من الأول ، خلينا حبايب وبلاش شغل الفتونة

-حسام: اسكت أمعتز الوقتي ، افتح الباب يا عسكري ده أمر !!!

-العسكري: أسف يا باشا ، لازم أشوف البطاقة اللي شبه دي

-وليد مبدياً اعتراضه: حاجة تقرف ، هاجيب أنا الوقتي حاجتي ازاي من جوه ؟؟؟

-معتز: يالا يا شباب مالهاش لازمة الوقفة كده

-زياد وهي يضرب الباب بيده بكل عنف : والله ما هعديهاها !!!!!!!!!!!!!

.....

في منزل هدى الحديدي ،،،

-نائل: ياااااااااااا يا ناتووو ، ده احنا نسناكي

-نور وهي تغلق باب المنزل: أعمل ايه بس يا نونو ، الشغل خادني ومدرتش
بالوقت إلا متأخر أوي

-نائل: أمك مستحلفالك ، استلقي وعدك

-نور: تلاقيك أنت اللي مشعلها

-نائل: عيب عليك ، ده أنا أخوكي برضوه

-نور: ماهو عشان انت أخويا ، فأنا واثقة انك وراها يا بوتجاز

-هدى من الداخل: نووور ، تعالي حالاً

-نائل: أبعت أجييب الاسعاف

-نور: خفة ياوض

-نور وهي تقبل رأس أمها: مساء الجمال على أحلى أم في الدنيا

-هدى: كل ده يا نور بره البيت ، ومافيش حتى تليفون واحد تظمنينا بيه عليك

-نور: سوري والله يمامي ، الشغل خدني ومحستش بالوقت

-هدى: يا نور انتي بنت ، لازم تخلي بالك أكثر من نفسك

-نور: حاضر يا مامي ، متزعليش مني بقي

-هدى: طيب .. ها ، قوليلي ، عملتي ايه في شغلك النهاردة ???

-نور: هه عادي يعني

-هدى: أقصد اخباره ايه ؟

-نور وقد تذكرت كلام اللواء اسماعيل عن ضرورة السرية أثناء العمل: عادي ،
شوية برامج بظبطها و New IDs كنت بعملها .. بس يعني مافيش حاجة مهمة
يعني

-هدى: ممم. والحاجات دي تاخذ الوقت ده كله ؟

-نور: أه يا مامي

-هدى: ولو اني مش مقتنعة بس ماشي ، اوعي تكرريها تاني !!

-نور: حاضر يا مامي ، يالا بقى لأحسن أنا واقعة من الجوع

-هدى: حاضر يا نانووو

.....

في صباح اليوم التالي ، استيقظت نور مبكراً وتوجهت إلى الادارة حيث عملها ،
استقلت المصعد إلى الطابق الخامس ، وتوجهت نحو المكتب ولكنها تفاجئت بـ
ب.....

.....

الحلقة السادسة :

في صباح اليوم التالي ، استيقظت نور مبكراً وتوجهت إلى الادارة حيث عملها ،
استقلت المصعد إلى الطابق الخامس ، وتوجهت نحو المكتب ولكنها تفاجئت بـ
الأربعة شباب ينتظرونها وعليهم الغضب !!!

-زياد: ناموسيتك كحلي ، ما بدري يا هانم ???

-حسام: فين المفاتيح ولا هنتلطح كده كثير

-وليد: ربنا ياخذك ياللي في بالي

-معتز بابتسامة : صباحك ز....ز.. زي وشك القمر ده !

كانت أول مرة لنور تراهم فيها عن كثب ، شباب مفتولي العضلات ، ملامحهم تمتاز
بالجدية والخشونة ، ربما اذا وقف أحد ما بوجههم لأبادوه على الفور...،،،

-نور وقد ارتعدت أوصالها من منظرهم: أهلا ، ده ..ده..أنا فكرتكم استقالتم

-زياد: ليه ياختي ؟

-نور: يعني ، خوفتم مني ..

-حسام مقاطعاً: ايه ؟؟؟ نخاف ؟؟ لا يبقى انتي متعرفيش فرقة أسود الليل

-نور لحسام بعد ان بدأت تستعيد رباطة جأشها : اومال تفسر بايه اختفاءكم طول اليوم امبارح؟؟

-وليد متدخلًا في الحوار : هو أحنا فاضينك ، مش ورانا حاجات تانية ؟؟

-زياد بحدة : انتي ازاي أصلاً تتجراي وتغيري الباب وتعمليه بالشكل ده بدون ما ترجعينا ، انتي نسيتي ان دي اوضتنا ؟؟؟

-نور: لما تتكلم معايا تتكلم بأسلوب أحسن من كده ، أنا مش بشتغل عندك ، انا الوقتي زي زيك في القضية دي ، لأ وليا صلاحيات أكثر منك ، تحب تشوف أقدر أعمل ايه فيك ؟؟؟

-زياد: بت انتي

-نور : دك بت أما تبتك !!

-زياد وقد أوشك على الهجوم عليها: لأ بقى انتي محتاجة اللي يقطعك لسانك ده الطويل ده

-معتز وقد اعترض طريقه ليمنعه من الاقتراب منها: في ايه يا زياد ، متنساش نفسك !

-زياد لمعتز: انت مش شايف قلة ادبها ؟؟

-نور: أنا محترمة غصب عنك وعن اللي خلفوك

-زياد: ياعم سيبنى اخلص عليها وأروح فيها 6 أشهر

-نور: طب فكر تقرب كده ، وانا أعلقك ع حبل المشنقة

-معتز بأعلى صوت: بسسسسسسسسسسسسس .. Time Out

-حسام: هاتي المفاتيح يا أنسة خلينا نخلص

-نور: مش قبل ما توعدونني انكم تلتزموا معايا في الشغل وخصوصاً البني آدم ده....

ثم أشارت إلى زياد

-زياد: شايفين !!!!!!!

-وليد هامساً لزياد: مش احنا اتفقنا اننا هنطفشها ، اهدى كده واحنا هنعمل اللي اتفقنا عليه

-زياد: استغفر الله العظيم يا رب

-نور: مسمعتش قراركم

-معتز: وعد اننا نلتزم معاكي

-نور: أدي واحد ، والباقي فين ???

-حسام: ماشي وعد

-وليد: وعد

-زياد في نفسه : اللهم طولك يا روح !

-نور: والكابتن .. معايا ولا out

-زياد: ماشي

-نور: ماشي ايه ???

-زياد: متنيل معاكي

-نور: على بركة الله ، اتفضلوا دي الـ New IDs بتاعتكم ، ودي كروت الفتح

الالكتروني عشان تفتحوا بيها باب الأوضة و..

-زياد هامساً: اتفتحت في دماغك طائة يا شيخة

-نور: أفندم بتقول حاجة ??

-زياد: لأ !

-الجميع: مين؟؟

نور: مستغربين ليه؟؟ والدي الله يرحمه هو اللواء الشهيد عبد الرحمن فوزي
أظن انكم سمعتوا عنه ، و اللواء اسماعيل الشاذلي يبقى ابن خالة الوالدة

-حسام: آآخ.. كده المهمة بقت صعبة !!

نور: مهمة إيه؟

-حسام: هه ، ولا حاجة !

نور مكلمة: أنا وجودي هنا مؤقت ، ومع ذلك بأتمتع بكل الصلاحيات زي اللي مع
حضراتكم ، وكل ما أسرعنا في التعاون مع بعض وحل القضية همشي بسرعة
وهترتاحوا مني وأرتاح أنا كمان ..

-وليد: ربنا يسهل

نور: أه وبالمناسبة عشان محدش يعني يفكر حاجة كده ولا كده، أنا بعتركم زي
اخواتي الكبار ، هه اخواتي الكبار .. فياريت تتعاونوا مع أختكم نور

زياد وقد فهم مغزى كلامها: أل اخواتها أل

-معتز بغمزة : بس انا ماليش أخوات بنات، أنتي ممكن تعتبريني زي ابن خالتك ،
ابن عمك عادي يعني

نور وهي تعدل نظارتها : متفرقش ، بس المهم مصلحة الشغل قبل أي شيء

-حسام: ربنا يبسر

-وليد: ان شاء الله

-معتز: أنا متفائل اني هطلع من القضية دي بمصلحة ، ومصلحة حلوة ان شاء الله

-زياد لنفسه: ده انا هطلع عينك ، بس اصبري !!

.....

في مركز التصوير الخاص بهدى ،،،

-هدى هاتفياً: لأ يا رباب ، خلاص الموضوع عدى ع خير

-رباب: مش عاوزاكي تشيلي مني

-هدى: لأ خلاص ، بس يا ريت ابنك ميكونش موجود في أي مكان نكون فيه ، مش عاوزة أي اشتباك تاني يحصل

-رباب: حاضر يا هدهودة ، المهم نور كويسة؟؟

-هدى: الحمدلله بخير

-رباب: ونايا ونائل؟

-هدى: تمام الحمدلله ، بس نائل مطلع عيني

-رباب: الولاد كلهم كده ، ربنا يهديه

-هدى : ياااا رب ويركز بقى في مذاكرته

.....

في شركة ايهاب الملاح ،،،

-أحد الموظفين هاتفياً: تمام ..تمام .. أنا هبلغ السكرتارية وهما هيبغوه

-موظف آخر: خد الورق ده وديه للأستاذة هويدا تمضيه

-موظف ثالث: ياااا رب يمضلي ع طلب الأجازة لأحسن محتاجها ضروري

في داخل مكتب السكرتارية ، كانت توجد موظفة في غاية الشياكة حيث ترتدي ملابس ضيقة وفاضحة ، وتضع من مساحيق التجميل ما يجعلها تبدو كعروسة المولد ...

-أحد الموظفين: أستاذة هويدا ، دي البوسطة بتاعة النهاردة

-هويدا: طب حظها عندك هنا

-موظف آخر: عاوز أقابل ايهاب بيه فوراً

-هويدا: عنده اجتماع مش فاضي ، سيب اسمك ، ولما يخلص هبلغه

-الموظف: لأ مش هينفع الموضوع يستنى

-هويدا: طب اتركن هنا لحد ما يخلص

-الموظف: يا ساتر

-هويدا: بتقول حاجة ؟

-الموظف : حاضر

جمعت هويدا بعض الأوراق ثم طرقت باب مكتب ايهاب الملاح فسمح لها بالدخول ، أغلقت هويدا الباب خلفها و... ،، ،

-هويدا وهي تتمختر في مشيتها : ايهاب باشا ، البوووسطة

-ايهاب: هاتيها

-هويدا وهي تجلس على طرف المكتب : اتفضل

-ايهاب وهو يتشمم رائحتها: ممم.. ايه البيرفيوم الجامد ده

-هويدا بدلع: عجبك ؟

-ايهاب: كلك عاجبني وانتي عارفة ده كويس

-هويدا: طب في موظف متلأح بره عاوز يقابلك ضروري

-ايهاب: هو أنا فاضيله ؟ ما تعرفي عاوز ايه وزحلقه

-هويدا: مرضيش يقولي

-ايهاب: يووه ، مش هاخلص أنا ، خليه يتنيل يدخل ، وبعد كده تعاليلي ، عندنا

اجتماع أنا وانتي !!

-هويدا: على طول يا باشا

خرجت هويدا للموظف الجالس بالخارج لتخبره بسماح المدير له بمقابلته

-الموظف: ايهاب باشا في حاجة مستعجلة كنت عاوز أبلغك بيها

-هويدا: طيب

-ايهاب والغضب يعتريه: مش بعد اللي بنيتة ده كله ، شوية بهاهيم يضيعوه عشان
أغبية مش عارفين يعملوا شغلهم صح ! لازم أعرف مين بيدعس ورايا وأنا مش
هرحمه ، هموووته والله لأموووته !!!!!!!!!!!!!!!!!!!!!

.....

الحلقة السابعة :

يوم جديد بدأ ، والمنافسة على وشك أن تشتعل بين ...،،،

-زياد: زي ما اتفقنا

-حسام: تمام

-زياد: وانت يا وليد؟

-وليد: معاك يا سيدي

-زياد: والأخ معتز؟

-معتز: هه ... ربنا يسهل

-زياد وهو ينظر في ساعته: الهانم قدماها بتاع ربع ساعة وتوصل ، عاوزيكوا

تكونوا جاهزين ..

-الجميع: تمام

وصلت نور كعادتها إلى مقر عملها ، وتوجهت إلى غرفتها ، وفوجئت ب...

-نور متفاجئة: صباح الـ.... ايه ده ؟

-زياد: ايه؟؟ زي ما انتي شايقة

-نور: ايه كل الورق والملفات دي؟؟؟

-زياد: مش انتي عاوزة تعرفي كل حاجة عن ايهاب الملاح

-نور: ايوه

-زياد : وادينا جبنالك اللي عاوزاه ، مستغربة ليه بقي؟؟

-نور وهي تتفحص الأوراق: بس..بس.. ده

-حسام متدخلًا: ده يدوب حاجة بسيطة ، لسه في تاني ، بس المكتب مكفاش !

قضت نور معظم النهار وهي تحاول أن تفهم ما يوجد في الأوراق والملفات الموضوعية على مكتبها ، شعرت بالارهاق وعدم الفهم ، التفتت لتجد أن الشباب الأربعة يتهامسون وتحدثون سويًا في أمور عدة لم تستطع أن تمن ماهي ، كانوا يتعاملون كما لو كانت غير موجودة ، فقررت أن تتجاهلهم هي الأخرى ، حتى وجدتهم يستعدون للرحيل ، ثم ...،،،

-زياد وهو يتجه لخارج المكتب : اه بالمناسبة ، احنا عاوزينك معنا ؟

-نور: ليه؟

-زياد: هتعرفي لما تيجي

-وليد: يالا بينا لأحسن اتأخرنا

-معتز في نفسه: استرها يا رب ، عديها على خير

لم تدري نور ماذا تفعل ، فقررت أن تذهب مع فريقها إلى ..،،،

-نور وهي تقرأ اللافتة: صالة الفنون القتالية !!! عشان ايه ؟

-زياد بثقة : ليكي

-نور باستغراب: أفندم؟؟

-زياد: متستعجليش هتعرفي

دلفت نور إلى داخل صالة الفنون القتالية لتتفاجيء بوجود مدربة تنتظرها ..،،

-زياد: ازيك يا كوتش

-رشا: زياد باشا وفرفته ، منورين

-زياد: ده نورك يا كوتش

-رشا بغمزة: هي دي ؟

-زياد: ايوه ، عاوزك بقى تظبطيها وتروقي عليها

-معتز: مش لازم أوي يعني

-نور لحسام: مين دي ؟

-حسام: دي المدربة بتاعتك

-نور بدهشة : مدربة ؟؟؟ طب ليه ؟

-حسام: هتعرفي الوقتي

-زياد: دي بقى يا كابتن رشا الأنسة نور فوزي

-رشا: أهلا يا أنسة

-نور: أهلاً بحضرتك

-رشا: جاهزة؟

-نور: ليه؟؟

-رشا لزياد: هو انت مقولتلهاش ؟

-نور: ما حد يفهمني في ايه ؟

-معتز: آآآ... الصراحة ، آآآآ...

-وليد مقاطعاً : لازم نتأكد انك ع مستوى عالي

-نور: مستوى عالي في ايه بالظبط؟

-وليد: في الدفاع عن النفس

-نور: افندم؟؟ وانا هحتاجه في ايه ؟

-زياد: ماهو عيب لما تكوني عضوة في فريق عمليات خاصة ومتعرفيش أبجديات الدفاع عن النفس

-نور بتهمك: والله أنا شغلي خاص بالكمبيوتر والانترنت ، واعتقد ان ده مش محتاج لفنون قتالية ولا دياوله

-زياد بعصبية : يحتاج مايحتاجش ، انا هنا اللي أقول ايه اللي يتعمل وايه اللي لأ

-نور بحدة: ده لما يكون في حاجة تخصك ، مش حاجة تخصني أنا

-معتز ملطفاً: بالراحة يا جماعة ، بصي يا أنسة نور ، زياد يقصد ان لازم تعرفي تدافعي عن نفسك لو لا قدر الله حصل أي حاجة

-نور: ان شاء الله مش هيحصل

-وليد: طب أنا هاسبقكم ع الصالة بتاعتنا

-حسام وهو يلحق به: خدني معاك

رحل كلاً من وليد وحسام إلى صالة التدريب المجاورة ، بينما ظل معتز وزياد ونور ورشا يتحدثون سوياً ...،،،

-معتز: طيب مش تتعرفوا على بعض بقى .

-رشا مصافحة نور: أنا الكابتن رشا ، مدربة الكاراتيه

-نور: أهلا بيكي كابتن رشا

-رشا: ان شاء الله أنا هاكون مدربتك وهعلمك أساسيات الدفاع عن النفس

نور: أنا معايا self defense

-زياد ضاحكاً: ده بتاع لا مواخذه العيال الفرافير

نور: ملكش دعوة ، محدش طلب رأيك

-زياد: استغفر الله العظيم يا رب

-معتز: خلاص بقى ، بتاع فرافير بتاع طراير أهو شغال ، بس هنزود عليه
تدريبات الكابتن رشا

-رشا: بصي يا آنسة نور آآ..

نور مقاطعة: انتي تقوليلى نور عادي ، ما احنا بنات زي بعض

-رشا: اوك ، مافيش مشكلة ، بس في التدريبات مش هنتعامل كبنات

-زياد: أهو ده الكلام

نور: قصدك ايه ؟

-رشا: هه ، متخديش في بالك ، بس اعلمي حسابك ان التدريبات يومياً هتكون من
5 لـ 7 مساءً

نور: ايه ؟؟ كل يوم ؟؟ مش يومين في الأسبوع ولا حتى يوم بعد يوم ؟؟؟؟

-رشا: لأ ، كل يوم ، حتى الجمعة !

نور: كمان !!!

-زياد مقاطعاً: هو ده النظام يا هاتم ، ولا فاكرة نفسك بس ست الكل هنا ، تدي
أوامر وبسسسس !!

نور: نفسي أعرف ايه اللي حاشرك بينا ، احنا بنتكلم سوا ، مالك بينا ياخي ؟؟؟

-زياد مقترباً من نور وملوحاً بيديه في وجهها : غصب عنك هاقول اللي أنا عاوزه
، والجزمة فوق دماغك وهتسمعيه !!!

نور بنرفزة: الجزمة دي تحطها في بؤك وانت بتكلم معايا

-زياد بعصبية: انتي محتاجة تضربي بيها أصلاً عشان تتعلمي ازاي تحترمي

أسيادك وتتربي من أول وجديد طالما أهلك نسيوا يربوكي

-رشامقاطعة وهي تعطيها بدلة رياضية : لأ أنا عندي واحد جديد خالص ، اتفضلي أهو ، إلسيه في الأوضة اللي هناك دي ، وأنا هنتظرك

-نور: مش مشكلة ، بكرة نبدأ وأكون بلغت الأسرة عندي بالمواعيد دي

-رشا باصرار: يالا بقى يا نور ، مش عاوزين اليوم يضيع ، الوقتي هندرب نص ساعة وبس

-نور بعد إلحاح : اوك ، مش أكثر من كده

-رشا بخبث: أكيببييد

دلفت نور لداخل غرفة تبديل الملابس ، وارتدت البدلة الرياضية ثم خرجت للكابتن رشا لتبدأ معها التدريبات ...

.....

Flash Back لما حدث قبل قليل ،،،،

-زياد: عاوزك يا كابتن تطبطني البت اللي هجيبها لك كمان شوية

-رشا: ليه يا باشا ؟ هي عملت ايه ؟

-زياد: ميخصكيش ، بس م الآخر كده عاوزها تتربى

-رشا: اللي تشوفه يا باشا

-زياد: عاوز كل حطة فيها تدغدغ !!

-رشا: اعتبره حصل

-زياد: هو ده الكلام يا كابتن

.....

عودة للوقت الحالي ،،،

تعهدت رشاً أن تستعمل أساليب عنيفة مع نور التي لم تتحمل الضربات والركلات
“...“

-نور متألّمة : أآآآآآآ آى ، بالراحة شوية

-رشاً وهي تركل نور وتطرحها أرضاً : هو أنا لسه عملت حاجة ، ده احنا بنسخن

-نور: آآآآآه ، كل ده وبنسخن ، ده أنا موت في ايدك

-رشاً: ولسه .. آآ. قصدي ، احنا لسه معملناش حاجة

-نور: طب كفاية تسخين لحد كده

-رشاً: ده انا مكملتش 10 دقائق

-نور: دقيقة كمان وهاكون سخسخت في ايدك

-رشاً: ممممم.. طيب ريحي 5 وبعد كده نكمل

-نور بارتياح: أشهد أن لا إله إلا الله ، أخيراً!!!!!!!!!!!!!!!!!!!!!!!

جلست نور على الأرض وهي منهكة تماماً من التدريبات ، بينما خرجت رشاً
لنتحدث في الهاتف ..،،،،،

-رشاً: الووو ، أيوووه يا باشا!

-زياد: ايه الأخبار ؟

-رشاً: كله تمام يا زياد باشا

-زياد: مش هوصيكي يا كابتن ، عاوزها تطحن ، تتفرم ، متخلّيش في جسمها حنة
سليمة

-رشاً: علم وينفذ ، بس كده مش هاتقدر تقوم من مكانها ويمكن ترقد في السرير
بتاع اسبوع ولا حاجة

-زياد: وده اللي احنا عاوزينه

-رشاً: أوامرك يا باشا ...

أنهت رشا المكالمة مع زياد وتوجهت للداخل ، بينما أكمل باقي أعضاء الفريق حوارهم داخل صالة التدريب الخاصة بالرجال ..،،،

-معتز: والله حرام اللي بتعمله ده يا زياد في البنت ، رشا ايدها طارشة هتخرشم الغلبانة دي

-زياد بتوعد : هي لسه شافت مني حاجة

-حسام : هو احنا مش هنخلص م السيرة دي

-وليد: لأ ماهي هتفضل حكايتنا ليل نهار لحد ما نخلص من أم القضية

-زياد: الله !! مش ده اللي اتفقنا عليه ولا نسيتموا ، البت مش هتستحمل بونيتين من رشا ، وهوبا طيران على اللوا اسماعيل وتخلع

-معتز: ربنا يسترها عليا واحنا اللي مانطرش

-زياد: لأ اظمن

-معتز: مش متفائل

-وليد: اه بالحق ، أنا هتفق مع حماتي النهاردة ع ميعاد الفرح والقاعة ، ادعولي

-حسام: ربنا يوفقك

-وليد: يااااا رب

-زياد: بالتوفيق يا وليد

-معتز: ربنا يبسرلك أمورك

-وليد: ياااااااااا رب ويجعلها آخر الأحزان يا رب

.....

عودة إلى داخل صالة التدريب النسائية ،،،

-رشا: ها يا نور ، ارتحتي شوية

-نور: هو أنا لحقت

-رشا: اوك

-نور في نفسها: أه ياتي يامه ، آآآه ، جسمي كله مفشفش ع الآخرر ، آآآآه
،مش قادرة أحرکه بس هاعمل ايه ، آآآه ومش عارفة لما يشوفوني في البيت
بالشكل ده هيقولوا ايه .. ربنا يستر بقى!!!!

.....

الحلقة الثامنة :

توجهت نور نحو منزلها وهي في قمة التعب والارهاق ، لم تستطع أن تُخرج
المفتاح من حقيبتها لتفتح باب المنزل ، فقررت أن تطرق الباب ، وفتحت لها اختها
نايا ...،،،

-نايا وهي تفتح باب المنزل : ناووو ، مالك يا قلبي ؟ ما فتحتيش ليه بالمفتاح ؟

-نور متألّمة وهي ترتمي على أقرب أريكة : مدشدة ع الآخرر ، مش قادرة
أشيل نفسي خالص

-نايا: من ايه ؟

-نور: وسعي بس الأول ، خليني أرتاح وبعد كده هحكلك

-نايا: ممم.. اوك

-نور: اومال فين مامي؟؟

-نايا : في السنتر ، شوية وراجعة

-نور: طب كويس ، وحياتك يا نايا هاتلي الكريم الباسط للعضلات بتاع الواد نائل
وتعالى ادهينلي جسمي لأحسن ورمانة

-نايا وهي تهز رأسها بالرفض : تو ، مش هعملك حاجة غير لما تقوليلي

-نور: أصل أنا .. آآآآ.. يعني قولت ألعب رياضة

-نايا بغمزة: مش مصدقاكي برضوه

-نور : يووه بقى يا نونة

-نايا: احكي يا ناوو

-نور مستسلمة : بصي انتي عارفة ان جالي شغل جديد ومطلوب مني ألعب رياضة

-نايا: مممم ، والشغل ده فين؟؟ وتبع ايه؟؟؟ عاوزة تفاصيل أكثر

-نور : طب اسنديني لحد اوضتي وبعد كده نكمل

-نايا: ماشي ، بس مش هسيبك إلا لما أعرف كل حاجة

-نور وهي تستند على أختها: اوووف منك ، تموووتي في الرغي والتفاصيل

بالفعل قصت نور على أختها نايا طبيعة العمل الجديد ..،،،

-نايا بقلق: بس ده خطر اوي

-نور: لأ يا نونة مش زي ما انتي فاهمة

-نايا: يا بنتي انتي بتتعاملني مع مجرمين ، لأ ومش أي مجرمين ، دول محترفين
في الاجرام كمان

-نور: متقلقيش عليا ، اختك هتعرف تسد ان شاء الله

-نايا: طيب والناس اللي معاكي أخبارهم ايه ؟

-نور: هه ... عادي

-نايا بغمزة: ناووووو !!

-نور: ايه في ايه؟؟

-نايا: بسألك وبقولك زمايلك في الشغل عاملين ايه معاكي

-نور: عادي يعني ، مافيش حاجة

-نايا: ممم.. انا مش مرتحالك

-نور: ليه بتقولي كده ؟

-نايا: حاسة ان في حاجة مضيقاكي

-نور: لأ مافيش ، بس تعبانة وعاوزة أرتاح

-نايا: مممم.. طيب ، هنبقى نكمل كلامنا بعدين

-نور: حبيبتي يا اوختشي ، اما تيجي مامي صحيني

-نايا: اوك ، هاروح أنا اكلم أشروفتي سكايب

-نور: ايوه يا عم

-نايا: بلاش أر

.....

في نفس الوقت بمكان آخر ،،

-وليد: ها ايه رأيك يا حماتي ؟

-سلوى بقرف: ممم.. مش بطل

-وليد في نفسه: مش بطل ، حاجز الفرحة في قاعة أخدة الشيء الفلاني وفي الآخر

تقوليلي مش بطل

-منى: والله يا ماما وليد عمل اللي عليه وزيادة

-سلوى: الله يا منى !! مش لازم اطمئن ان القاعة كويسة

-وليد: اطمني يا حماتي ، هتعجبك

-سلوى: هو العرض بتاع الفرح حلو ، بس لازم أشوف القاعة الأول

-وليد: ما أنا جايب لحضرتك الصور أهي ، ومنى عارفاها وحضرت فيها فرح قبل كده

-منى: أه يا ماما ، دي قاعة تحفة ومناسبة أوي عشان خاطري توافقني

-سلوى: أوافق كده عمياني من غير ما أشوفها

-منى: يا ماما كل حاجة جاهزة مش فاضل إلا دي

-سلوى: خلاص اعملوا اللي انتو عاوزينوه

-وليد: ايه رأيك يا حماتي نعمل الفرح كمان اسبوع

-سلوى بخضة: ايه ، كمان اسبوع ، ده انا ملحقتش أعزم قرابيي وصحابي و...

-وليد: الكروت هتطبع في يوم وان شاء الله نلحق

-منى: أنا هعمل event ع الفيس بوك كمان والكل هيكون عنده خلفية

-سلوى: ده انتو رتبينها سوا بقى

-منى : لا والله يا ماما ، بس طولنا أوي

-سلوى: ماشي يا منى ، هاقولكم ايه بس

-وليد بفرحة: الحمد لله ياااااااااااااااا رب ، مبروووووووووك يا موني ،

مبروووووك يا حماتي الغالية

-سلوى باقتضاب: مبروك

-وليد في نفسه : ربنا يجعلها أخر حاجة تتحشري فيها

.....

في منزل طاهر السويفي ،،،

كانت الأسرة على وشك البدء في تناول الطعام ، فرن هاتف زياد وهو يجلس على
المائدة ، وكان المتصل هو وليد ...،،،

-زياد هاتفياً: بجد ، طب مبرووووك يا عريس

-وليد: الله يبارك فيك يا زيزوو ، عقبالك

-زياد: بعد الشر ، انا كده كويس

-وليد: بكرة تندم

-زياد: لأ يا عم أنا كده مرتاح ، ها قولي هتكلم اللوا اسماعيل عشان الأجازة؟؟

-وليد: البركة فيك يا زياد باشا تظبطنا عنده

-زياد: قولتلي بقى !! يعني اتصالك ده مش لله في الله

-وليد: عيب عليك ، ده أنت فرخة بكشك عنده ، مش هيرفضلك طلب

-زياد: ماشي يا سيدي ، هظبطك عند سيادة اللوا

-وليد بسعادة: حبيبي يا زيزوو ، بكرة نقفلك ان شاء الله في وقت الزنقة

-زياد ضاحكاً: ههههههههه هنبقى نشوف ، الخوف بس الجواز يغيرك علينا

-وليد: اتجوز بس وبعد كده نشوف

-زياد: كله هيبان مع الأيام

-وليد: طيب مش هعطلك يا باشا ، سلام ومنتقابل بكرة

-زياد: سلام يا وليد باشا ، ومبروك مرة ثانية يا صاحبي

-وليد: الله يبارك فيك ...

أنهى زياد المكالمة مع وليد وأكمل تناول الطعام مع عائلته ،،،

-ظاهر: خير يا زياد يا بني في حاجة؟

-زياد: الواد وليد خلاص ناوي يودع الغزوبية ويتجوز

-رباب بضيق : اخيراً مش زي ناس

-ظاهر: مبروك لوليد ، ربنا يسعده

-زياد: يا رب ، ولو اني عارف انهما يومين غسل بس وبعد كده هتقلب ببصل معاه

-رباب: شوف اصحابك بيعملوا ايه ، يا ريت تتعلم منهم

-ظاهر: خلاص يا رباب

-زياد: أنا قولتلك اني مش هاتجوز يا أمي

-رباب: ليه يعني؟؟ هو أنا مش أم زي أي أم ونفسي أفرح بيك وأشيل عيالك

-زياد: يا ماما أنا مش بتاع جواز

-رباب: جبتلك بنات تحل من ع حبل المشنقة وانت دايم تطلعي فيهم القلط
الفاطسة

-زياد: بمناسبة القلط الفاطسة ، اخر واحدة الظاهر مكتوبلها تتبهدل وتموت
فطسانة م اللي هعمله فيها

-رباب بعدم فهم : تقصد ايه ؟

-زياد: هه ، متخديش في بالك

-ظاهر: كفاية كلام في الموضوع ده وخلينا نكمل أكل بقى ، قولي أخبار شغلك ايه
يا زياد ؟

-زياد: ولا حاجة ، عادي ، لا جديد تحت الشمس

-رباب وهي تفكر مع نفسها: يقصد ايه زياد بكلامه عن اخر واحدة ، يا ترى يقصد
نور بنت هدى ، ماهي دي آخر واحدة انا جبتاله ، بس هو شافها أصلا بعد كده ،
لأ أنا لازم أعرف أصل وفصل الحكاية ...!!!

-ظاهر: يا رباب ، مالك سرحانة في ايه ؟

-رباب: هه، ولا حاجة ، كملوا أكل ، كُل يا زياد

-زياد: ما أنا باكل أهوو

.....

عودة مرة أخرى لمنزل عبد الرحمن فوزي ،،،

كانت نايا تتحدث مع خطيبها أشرف عبر السكايب ... ،،،

-نايا: قصدك ايه ؟

-أشرف: اللي سمعته يا نايا ، أنا لسه مش جاهز

-نايا: يعني هناجل جوازنا شهر ولا اتنين كمان؟

-أشرف: معرفش

-نايا: يعني ايه متعرفش ، ماتفهمني ايه اللي في دماغك بالظبط؟

-أشرف: يووه بقى يا نايا ، متخونقنيش بقى

-نايا: اخنقك؟؟ انت يا أشرف بقالك فترة متغير عليا وأنا حاسة بده من زمان بس

بحاول أكذب احساسى

-أشرف: نايا أنا لسه قدامى كتير عشان أقدر اجهز نفسى ، ومغنديش الرغبة انى

أهدم اللي وصلته عشان خاطر أنزل أتجوز الوقتى

-نايا: طيب خلاص نأجله شوية لحد ما تبقى جاهز

-أشرف: بقولك مش فاضى ومش مستعد ياريت تحسى بيا شوية

-نايا: من أمتى بقى كلامك كده معايا

-أشرف: من الوقتى يا نايا

-نايا: يعني انت عاوز ايه بالظبط

-أشرف: بصي يا بنت الناس ، من غير ما ألف وأدور ، أنا..أنا... عاوز أقولك إن

..إن كل شيء قسمة ونصيب !!!!!!!!

-نايا وهي مدمعة العينين: تقصد آآ... آآ

-أشرف: أقصد اني ..اني مش هقدر أتجوز الوقتي ومش هفضل رابطك معايا ،
وخصوصاً ان معروض عليا فرصة شغل أحسن في قطر

-نايا: طب وده ايه علاقته بجوازنا ، ماهو ممكن لما نتجوز نسافر سوا ، وأنا معاك
في أي حنة ، المهم نكون سوا ومع بعض

-أشرف: يا بنتي انتي ليه مش عاوزة تفهمي ، هتفضلي طول عمرك كده مخك ع
أدك مش زي أختك مفتحة ، كل اللي في دماغك جواز وبس ، انا مش هضيع
مستقبلي عشان أتجوز

-نايا: حرام عليك يا أشرف ، بلاش تقول كده

-أشرف: أنا زي ما فهمتك ، ياريتك كنتي زي اختك في مفهوميتها ، واحدة بتدور
ع مصلحتها قبل أي حاجة

-نايا: بس أنا مش نور ، وانت عارف ده كويس ، أنا نفسي نكون مع بعض ويبقى
لينا بيت وعيال و...

-أشرف: يابنت الناس كل شيء قسمة ونصيب ، و...و..

كانت هدى قد حضرت إلى المنزل واستمعت دون قصد للحوار الدائر بين نايا
وأشرف ..،،،،،

-هدى مقاطعة: وانت مش مجبر تتجوز بنتي ، مع السلامة ، وحاجتك كلها هتوصل
بيت عيلتك بكرة

-نايا ببكاء: مامي !!!!!!!!!!!!!!!

أغلقت هدى جهاز الحاسب الآلي ، وحضنت ابنتها التي كانت شبه منهاره مما حدث
،،،،،

-هدى: مش بنت عبد الرحمن فوزي اللي تتذلل لواحد عشان يتجوزها

-نايا باكية : إهيء مامي

-نور: في ايه يا مامي ؟

-هدى: اختك فركشت

-نور بفزع: ايببيبييه ??? طب لبيبييه ??

-هدى : البيه أل ايه مش جاهز وعاوز يكون مستقبليه واختك اللي معطله

-نور: طب فين نايا الوقتي ???

-هدى: دخلت اوضتها ، وفالقة نفسها من العياط جوا ، خشي هديها يا نور

-نور: حاضر يا مامي ، لا حول ولا قوة إلا بالله ، ربنا يخلف عليها بالأحسن

-هدى ملاحظة بعض الكدمات على نور: استني كده يا نور ، ايه ده اللي على

جسمك ??

-نور: هه ، ولا حاجة يا مامي

-هدى: ولا حاجة ازاي وانتي شكك زي اللي أخذ علقه

-نور: لأ أنا أصلي قررت ألعب كاراتيه

-هدى: كاراتيه ??? وده من امتي ?? وليه ??

-نور: عادي يعني يا مامي ، تغيير ، خليني بس أظمن ع نايا وبعدين نتكلم !

-نور في نفسها وهي تتوجه لغرفة نايا: الحمدلله نفدت المرة دي من أسئلتها ، أنا

لازم ألبس بيجامات بأكمام عشان متخدش بالها بعد كده وتعملي فيها سين وجيم

!!!

.....

الحلقة التاسعة :

توجهت نور لغرفة أختها نايا لتطمئن عليها بعد ما حدث ..،،،،

-نور: حبيبتي يا نونة ، والله ما يستاهل دمة واحدة منك ، هو أصلاً كان بارد وسقيل ، أنا معرفش انتي كنتي مستحلاة ازاي ، ده مكنش نازلي من زور ، الحمد لله ان ربنا نجاكي منه ، بكرة هتلاقي أحسن منه

-نايا :

-نور وهي تربت على كتفها : صدقيني يا نونة ان ربنا هيعوضك بالأحسن

-نايا باكية : أنا... أنا لسه بحبه يا نور .. ده احنا خلاص كنا ..كنا...

-نور مكلمة : يومين وهتسي ده كله لما تلاقي اللي يستاهلك بجد

-نايا: ده أنا كنت خلاص ..آآ.. هتجوز ، ازاي بعد ده كله يتخلى عني بالسهولة دي

-نور: حبيبتي يا نايا ، انتي انسانة جميلة ورقيقة وهتلاقي أكيد الـ...

-نايا مقاطعة: بس بقى مش عاوزة أسمع حاجة ، سيبيني لوحدي

-نور: نايا اهدي طيب بس

-نايا: امشي اطلعي بره ، انتي السبب

-نور باستغراب : أنا ؟؟؟

-نايا: أيوه انتي ، كل حاجة أعملها ولا أفكر حتى فيها يفضل أشرف يقولي شوفي نور أختك ، اعملي زي نور أختك ، مش عارف انتي مش طالعة زي نور أختك ليه !!!

-نور: بس أنا ماليش ذنب

-نايا: انتي عاوزة تكوني دائماً في الصورة ، الكل حواليك وببهمم بيكي ، حتى في الشغل ، مامي وافقت تشتغلي ، لكن أنا لأ !!

-نور: بصي أنا مش هحاسبك ع كلامك الوقتي ، أما تهدي هنتعاب

-نايا بنرفزة وهي تبكي: دائماً نور هي الـ top في كل حاجة ، وانا جمبك سنيده ، ديكور ، حتى في خطوبتي مفرحتش زي أي واحدة ما كانت بتفرح ، يدوب اتخطبت وخطيبي سافر ، وفضلت محبوسة في البيت لا مخليني أشتغل ولا مامي راضية ، أعدة الحارس بتاعكو ، لكن انتي كل حاجة متاحة ، كل حاجة عشان سيادتك بتفهمي عني ، ولما خلاص قولت هتجوز وأبدأ استقل بحياتي كل ده ينتهي في لحظة

-نور: ربنا يسامحك ، أنا عارفة انك مش تقصدي اللي بتقوليه ده

-نايا: أنا عملت ايه عشان يحصلي كل ده ، ده انا الوحيدة اللي بسمع فيكو الكلام ، كل حاجة تقولولي عليها بقول طيب وحاضر ، لبيبيه يحصلي كل ده ؟؟؟ لبيبيبيبييه ؟؟

-نور: قدر الله وما شاء فعل

-نايا: أنا مش طيقاكي ولا عاوزة أكلم معاكي ، سيبيني لوحدني

-نور بحزن: ماشي يا نايا ! أنا عارفة انك لسه آآ...

-نايا مقاطعة: يوووووووه ، اسكتي بقى ، صوتك بيضايقني ، أنا عاوزة أنام !!!!

خرجت نور من غرفة اختها وهي تشعر بالحزن والضيق مما قالته نايا لها ، حاولت أن تلتمس لها العذر لأنها بالفعل في موقف تحسد عليه ، كانت عروسة على وشك أن تزف إلى زوجها بعد أقل من شهر ثم ستسافر معه إلى حيث يعمل، فكيف بعد أن كانت على وشك الاستعداد لمراسم زفافها تنفصل بدون أسباب مقنعة ،،

-نور في نفسها: ربنا يهديكي يا نايا ، أنا عارفة ان الصدمة شديدة عليك ، بس والله أنا مش عمري كنت أتصور ان تصرفاتي بتضايقك أوي كده ، انا بعد كده لازم أخذ بالي اكثر منك ، ويااا رب يعوضك بالأحسن منه

لمح نائل نور وهي تبدو شاردة ، فحاول أن يستفسر عن حالها ، ولكنها لم تجبه وتوجهت ناحية غرفتها ..،

-نائل: مالك انتي كمان

-نور:

-نائل: انتي يا بنتي !!

-نور:

-نائل: الظاهر ان اللي عايشين في البيت دول مجانيين !

.....

في منزل طاهر السويقي ،،،،

-رباب هاتفياً : ها وبعدين؟؟؟

-هدى: نهيت الموضوع معاه ، وبكرة هبعثله حاجته

-رباب: طالما هو اللي فركش يبقى من حقكم الحاجة

-هدى: لأ احنا مش عاوزين من وشه حاجة خالص

-رباب: لا حول ولا قوة إلا بالله ، طب ونايا عاملة ايه الوقتي؟

-هدى: قافلة ع نفسها باب اوضتها ومش عاوزة تكلم حد ، وأنا بحاول أخلي نور

تخرجها بره المود ده

-رباب: ربنا يصلح حالها ويعوضها خير

-هدى: انا مش عارفة ايه بس اللي بيحصلنا

-رباب: قدر ولطف يا حبيبتي

-هدى: صعبانة عليا أوي

-رباب: ربنا يهدي سرها ، انتي حاولي تخليها تنزل تغير جو ، تشغل وقتها بأي

حاجة

-هدى: أنا خايفة على نايا ، هي طيبة وسهل ان يضحك عليها ، وده اللي مخليني

أرفض انها تنزل تشتغل ، وحتى أما اتخطبت للي ما يتسمى كنت موافقة عشان هو

بعيد مش هنا ، مكنش هيفضل داخل خارج بدون حساب

-رباب: الحمد لله أنها جت ع أد كده ، انتي بس خليها تنزل معاكي المركز ، ان شاء الله ماتعملش اي حاجة ، بس تشغلي وقتها

-هدى: ربنا يسهل ، هشوف

.....

في شركة ايهاب الملاح ،،،

كان كلاً من ايهاب ومحاميه بهجت يجلسان سوياً يتحدثان حول آخر الأخبار الخاصة بمحاولة أحد الأشخاص كشف حساباته الوهمية وغسيل الأموال وتهريبها
“...”

-ايهاب وهو يدخن السيجارة : انت متأكد ؟

-بهجت: ايوه يا ايهاب بيه ، الكلام ده انا واثق منه

-ايهاب: معنى كده مافيش قضية لو..لو...

-بهجت: ايوه لو حصل اللي في دماغك

-ايهاب: بس عرفتلي مين اللي دعبس ورايا

-بهجت: بت كده ولا تسوى اسمها نور

-ايهاب باستغراب : نور ؟؟؟

-بهجت وهو يعطيه ملف : أنا عمك File بكل حاجة عنها

-ايهاب: طب سيبهولي اشوفه ، مالهاش صورة البت دي ؟؟

-بهجت: عيب عليك ، هتلاقي صورة ليها جوا

-ايهاب: عظيميييييييييييي اوي ، لازم اللي زي البت دي يتعلم انها لما تفكر تلعب مع
الحيثان هتاكل !!

-بهجت: اظمن يا باشا ، احنا في السليم

-ايهاب وهو يطفىء سيجارته بغل: قريب اوي البت دي هتبقى بخخخ !!!

.....

في منزل عبد الرحمن فوزي ،،،

كانت نور تتحدث مع ريم صديقتها المقربة منذ أيام الجامعة عبر الهاتف عما حدث لها خلال اليومين الماضيين بالاضافة لتوتر العلاقة بينها وبين نايا أختها ..،

نور هاتفياً: وأنا أصلاً مش طايقاه أبص الأقيني هتنيل أشتغل معاه

-ريم: فكك م البارد الرخم ده وركزي مع الباقيين

نور: لأ أنا ماليش في الجو ده ، أنا بتاعة شغل وبسسسس

-ريم بتنهيدة : أرزاق يا أختشي

نور: تقصدي ايه ؟

-ريم: عندك أربع مزز تنقي منهم اللي يعجبكم ، ولو واحد طلع out ، الباقي موجود يسد ، لكن أنا ولا لاقية حتى فردة جزمة تعبرني

نور وهي تتذكر حديث زياد : انتي هبلة ، هو أنا رايحة أشتغل ولا أصطاد عريس ، ولا انتي هتعملي زيه !!

-ريم: زي مين ???

نور بتردد : هه ، آآ.. متخديش في بالك !!

-ريم: يا بنتي ده انتي لو مطلعتيش بعريس من الشغل ده هتبقى شووور وش نحسس وبومة !!!

نور: بلاش الله يكرمك الكلام ده !!

-ريم: انا هفضل وراكي لحد ما تقتنعي بكلامي ، الرجالة بتتقرض

نور: يووه ، سيبك من الحوار الفكسان ده ، شوفتي حصل لنايا ايه ؟

-ريم : مالها ????

قصت نور على ريم ما حدث مع اختها نايا ،،،

-ريم: يا عيني عليكى يا نونة

-نور: يا عيني عليها وما فيش كلمة ليا

-ريم: يا بت اتهدى ، اختك أصلاً غلبانة وطيبة وعلى نياتها أوي ، الصراحة ومن غير زعل هي شبه ستك أمينة رزق

-نور: بطلي غلاسة بقى ، انا مش عارفة بس هي جابت منين اني السبب في فركشة جوازتها

-ريم: ده كلام بس ساعة غضب بيتقال ، لكن أكيد متقصدش

-نور: أنا عارفة ده والله

-ريم: ربنا يعوضها بالأحسن منه ، وانتي فضي شوية وقت لأختك ، وبلاش الحصار اللي عملينوه عليها ده ، خلوها تخرج كده وتغير جو

-نور: أنا ناوية أتكلم مع مامي في الحوار ده فعلاً

.....

في غرفة نايا ،،،

كانت نايا تنظر للصور الخاصة بخطيبها السابق أشرف وتبكي بحزن ..

-نايا وهي تبكي بحرقة : عملت كده ليه يا أشرف؟؟ بعد الحب اللي حبيت هولك تبعيني؟؟ كل ده عشان خاطر الفلوس والمنصب ، طب أنا فين من حياتك؟؟؟ يارب عوضني بالأحسن منه .. اللي قهرني اني محستش في يوم فعلاً باهتمامك ليا .. طب ليه ليه اخترت تبهدل بنات الناس معاك وتربطهم جمبك لسنين؟؟؟ أنا هنسأك .. بس ازاي وأنا ..وأنا لسه بحبك؟؟ ياااااااا رب انت اللي عالم باللي جوايا ، ساعدني يا رب على نفسي بنفسى !!

بحثت نايا عن مندبل لتمسح به دموعها ، فنظرت لصورتها مع أختها بجوار الأباجورة وهما يضحكان سوياً ، وصورة أخرى للعائلة كلها ، فأمسكت الصورة التي تجمعها بأختها و.... ،،،،

-نايا وهي تنظر للصورة : سامحيني يا نور ، أنا عارفة اني كنت قاسية عليكى أوي ، بس صعب جداً االيا اني أحس اني ولا حاجة ، اني مجرد شيء زي زي الكرسى ولا الكنبه المحطوطين في البيت ، كأني شخص مالوش رأي مالوش وجود ، انتي أكيد عارفة اني بحبك ، بس مش عاوزة أفضل في مقارنة معاكى في كل حاج بعملها، أنا عاوزة أكون نفسي ، مش أكون نسخة منك ، أنا حابة اكون كده بسيطة وعلى طبيعتي ، ربنا يسهل أنا هصالحك بس أهدي الأول ..!!!!

ثم سمعت نايا طرقتاً على باب غرفتها ، فأسرعت بوضع الصورة جانباً ، ومسحت دموعها و..،،،

-نايا: مش عاوزة أتكلم مع حد

-هدى وهي تفتح باب الغرفة : حتى مامى حبيبتك؟؟

-نايا: مامى بليز أنا عاوزة أقعد لوحدي شوية

-هدى : نونة حبيبة قلب مامى ، انا جاية أقولك حاجة هتبسطك أوي

-نايا: معدتش في حاجة تبسطني أصلاً

-هدى وهي تمسك كف ابنتها : بصي يا نونة ، أنا من زمان يا حبيبتي عاوزاكي تجي تقفي معايا في السنتر و..

-نايا مقاطعة: مافيش داعي يا مامى ، أنا مش عاوزة حاجة

-هدى: اسمعي بس ، الشغل الوقتي كثير ، وأنا محتاجة حد يساعدي فيه

-نايا: عندك نور أو حتى نائل

-هدى: نائل مين ده اللي هاخده معايا الشغل ، انتي عاوزانا نفلس قريب ونشحت ع باب الجامع !

ابتسمت نايا لحديث أمها البسيط معها ...

-هدى: ايوه كده خلي وشك ينور تاني ، أنا عاوزاكي تنزلي معايا الشغل

-نايا: مامي أنا مش بفهم فيه حاجة

-هدى: لأ هتفهمي أما تتعلمي

-نايا: صدقيني يا مامي أنا مش حابة أشتغل ، مش عشان خلاص محصلش نصيب مع ..مع.. أشرف يبقى هتغيري رأيك

-هدى: لأ مش كده يا نونة

-نايا: مافيش داعي لأي مبررات ، أنا يومين وهبقي كويسة

-هدى: بصي أنا هسيبك تفكري وهنتكلم تاني ، واعرفي كويس ان الموضوع مالوش علاقة باللي ما يتسمى ، كل الحكاية اني عاوزاكي معايا

-نايا غير مبالية : ربنا يسهل

-هدى وهي تقبل رأس ابنتها: ربنا يهديكي يا حبيبتي ويكرمك بالأحسن كله ، هاروح أشوف المسخوط نائل بيهيب ايه

-نايا: اوك

كانت نايا تشعر في داخلها ان اقتراح والدتها بالذهاب معها إلى العمل ما هو إلا نوع من الشفقة نتيجة ما حدث معها ، وهي ترفض هذا الشعور تماماً ، لذا سترفض أن تنزل للعمل وتكتفي فقط بالجلوس في المنزل ومتابعة ما يحدث من بعيد !!!

.....

في فيلا معتز ،،،،

-ابراهيم: يعني الواد وليد خلاص هيتجوز؟

-معتز وهو يتناول الطعام: ايوه يا أبوخليل

-ابراهيم: وانت هتاخذ الخطوة دي امتي يا ميزوو؟؟

-معتز: أما أظمن عليك الأول أحاج

-ابراهيم: خلاص يا بني ، راحت علينا

-معتز: متقولش كده يا والدي ، ده الدهن في العتاني

-ابراهيم: دهن ايه وسمنة ايه ، يا بني اتكلم بطريقة كويسة

-معتز: ده انا جهبز يا حاج في اللغة

-ابراهيم: ماهو باين اهو ، انا عندي ليك عروسة حلوة ، انت عارفها ؟

-معتز وهو يتناول الشوربة : مين ؟

-ابراهيم: بنت خالك محمد

-معتز وقد شرق :كح..كح ... ايبيبويه ميبيبين ؟؟؟ البت الـ heavy weight

champion (ذات الوزن الثقيل) دي ؟؟؟

-ابراهيم بسعادة : أيوه نجلاء

-معتز: متنفّش

-ابراهيم: ليه ؟؟ مالها نجلاء ؟؟؟ حلوة وبيضا وبنت خالك وحبوبة وبتعرف تطبخ

كويس

-معتز: يا حاج ابراهيم نسيت أهم حاجة انها (أكيبيبيلة) ، يعني لو جاعت ممكن

تاكلني ، وبعدين احنا مش هنليق على بعض

-ابراهيم: مش بالشكل يا بني

-معتز: والله مش عشان الشكل بس، ده احنا مختلفين في كل حاجة ، انت مش

شايف الفرق في الحجم والتفكير ..

-معتز لنفسه: ده انا اخاف في مرة أنام وهي جمبي تفكر تتقلب على السرير تقوم

تنام عليا تفتسنني ، ده انا جمبها دراع ، ده غير ان كل اهتمامتها عن الطبخ

والأكل والشيف شيربيني والست غالية ، ده مافيش اي حوار إلا وتحشر فيه الأكل

، يا ساتر يا رب .. ده انا لو اتجوزتها بعد اسبوع هرجع الادارة هكون شبه شوال

القطن

-ابراهيم: ايبييه سرحت في ايه يا ميزو؟؟ أكيد فيها صح؟ نفسي أشوف البيت ده
مليان علينا ، بدل ما أنا بوزي في بوزك انت بس

-معتز: يا حاج مش عشان انت عاوز تملئ البيت ، يبقى تملاه أوي يعني

-ابراهيم: فكر انت بس وهتلاقيها مناسبة ليك ، وبعدين مش أحسن ما تاخذ بت كده
ناشفة مسلوعة تجي تمسكها تلاقيك ماسك جلد على عضم

-معتز وهو ينهض عن المائدة : أنا راضي بأي عضم !!

-ابراهيم بقرف: واد مابيفهمش في الستات !

-معتز في نفسه : ال نجلاء ال ، أصوم أصوم وأفطر على نجلاء ... ياخي ديه دي
!!!

.....

الحلقة العاشرة :

في منزل عبد الرحمن فوزي ،،،

-هدى هاتفياً: اهم حاجة تخلي بالك منها يا اسماعيل

-اللواء اسماعيل: اطمني يا هدى ، نور زي بنتي ، وكل اللي شغال معاها بياخد باله
منها

-هدى: بس يا ريت متخدهاش في النوعية دي من المهمات تاني ، يعني مكنش في
داعي من الأول أصلاً ان....

-اللواء اسماعيل مقاطعاً : لالالا متقوليش كده ، نور بنت ذكية ودورها مهم ،
اوعي تستقليها

-هدى بقلق : انا خايفة عليها

-اللواء اسماعيل: متخافيش عليها ، ده كل اللي معاها رجالة يقدوها بحياتهم
-هدى : ربنا يستر

-اللواء اسماعيل: اطمني ، ان شاء الله خير

-هدى: ياااا رب ، مش هوصيك عليها ، اشوفك على خير ان شاء الله

-اللواء اسماعيل: بأمر الله ، مع السلامة ..!

انتهت هدى مكالمتها مع اللواء اسماعيل وهي مازالت تشعر بالقلق ، فهي لم تكن
ترغب لابنتها نور أن تشارك في مهام الرجال حتى لو كان دورها فيها صغير ، ثم
رن هاتفها مرة اخرى ب...،،،،،

-هدى لنفسها : الله !! الحاج فاروق ! ده بيتصل ليه الوقتي وعاوز ايه ??? ربنا
يستر !!

-هدى: الووو ، السلام عليكم يا حاج فاروق

-فاروق: وعليكم السلام يا ست هدى هاتم

-هدى: خير يا حاج فاروق ، مش بعوايدك تتصل ??

-فاروق: مش خير يا ست هدى !!!!

-هدى بتوتر: ماتقول يا حاج فاروق في ايه ؟

-فاروق: الأرض بتاعة أخويا عبد الرحمن الله يرحمه ويبشيش الطوبة اللي تحت
راسه فيها مشاكل

-هدى: مشاكل ايه ؟

-فاروق: مش هينفع نحكي في التلافون ، لازم تيجي

-هدى باستغراب: أجي؟؟؟ اليلد؟؟؟

-فاروق: ايوه ، مالك مستغربة ليه؟؟؟ ولا خلاص مصر أخذتكم مننا؟؟؟

-هدى: لأ يا حاج مش كده ، بس ورانا مصالح وأشغال و...

-فاروق: براحتك ، بس مترجعيش تجولي مالي وحالي يا حاج فاروق

-هدى بعد لحظات سريعة من التفكير : خلاص انا هاجي يا حاج .

-فاروق: بأذن الله ، هنستناكي بكرة

-هدى: بكرة!!!!

-فاروق: مالوش لازمة التأخير

-هدى مستسلمة : طيب ، ربنا يسهل !

-فاروق: تيجوا بالسلامة !

لم تتوقع هدى أنها ستكون مضطرة للذهاب من الصباح الباكر إلى الشرقية حيث توجد أملاك زوجها وأولادها هناك ، كيف ستخبر ابنائها بهذا القرار المفاجيء ، ولكنها لن تستطيع تأخير الذهاب لأنها تعلم تمام العلم أن وراء اتصال فاروق كارثة ، لذا عليها أن تذهب لتعرف ماهي ..

نادت هدى على ابنائها الثلاثة لتبلغهم بأمر سفرها المفاجيء للشرقية ..،،،،،

-هدى: يا ولاد ، ياااااااااااا نايا ، يا نور ، يا نائل ، تعالوا في الليفنج عازاكم ضروري

-نائل: في ايه يا أمي

-نور من الداخل: سلام الوقتي يا ريموو ، هكلمك بعدين لأحسن الظاهر ماما عاوزانا في حاجة مهمة ايوووووه يا مامي جاية أهوو

-نايا: نعم...

-هدى: اعدوا كلكم واسمعوني كويس

-نائل بهزار: اجتماع مغلق ده ولا ايه ؟

-نور: خف يا ظريف

-نايا:

-هدى: اسمعوني كويس ، عمكم فاروق اتصل و...

-نائل مقاطعاً: اعوذو بالله

-نور: استرها يااا رب

-هدى: بسسس محدش يقاطعني ، المهم هو الوقتي عاوزني أسافرله عشان
مشاكل خاصة بالأرض بتاعة أبوكم الله يرحمه

-نور باستغراب : تسافري ???

-هدى: ايوه ، ومش هينفع السفر يتأجل

-نور: طب هتسافري امتي ???

-هدى : بكرة الصبح ان شاء الله

-نور بدهشة : ايه ده ??? بسرعة كده ???

-هدى: ايوه ، ونائل هيجي معايا

-نائل بتعجب : ايبه ، ميبيبيبين ؟؟ لبيبيبه ???

-هدى: ما أنا مش هسافر لوحدي ، ومش هينفع أسيبك هنا

-نائل: ماما ، انا مش عيل صغير ، انا راجل كبير

-نور بتريقة: لأ انت راجل قلة

-نائل : بلاش انتي

-هدى: اسكتوا ، خلاص أنا قررت ، نائل جاي معايا

-نايا: طب مش هينفع نجني معاكي احنا كمان ؟

-هدى: لأ مش هينفع يا نايا ، هتقعدى انتى واختك سوا ، أنا مش هتأخر هو يوم واحد بس ، هنسافر بدري ونرجع ع آخر النهار ان شاء الله

-نور: بس أنا عندي شغل ، ونايا كده هتكون أعدة لوحدها طول اليوم في البيت ، و أنا م

-هدى مقاطعة : حاولي تاخدي اجازة منه

-نايا بضيق : لأ يا مامي، نور مش لازم تعطل نفسها عشاني

-نور محاولة تلطيف الأجواء: ان شاء الله هحاول أخذ اذن وأجي بدري

-نايا بنرفزة : أنا مش صغيرة ولا قاصر عشان الكل يعطل مصالحه عشاني و..

-هدى مكملة : لأ يا نونة الحكاية مش كده ، بس انتو بنات برضوه و...

-نايا: خلاص يا مامي ، سافري بالسلامة ومتقلقيش عليا ، هتلاقيني أعدة هنا في اوضتي ، عن اذنكم !!

-نائل: مالها دي

-هدى: سيبها الوقتي يا نائل

-نور: معلىش يا مامي ، انتى عارفة انها مضايقة و...

-هدى : أنا عارفة كويس ، وعشان كده مكوئنتش عاوزة أسافر وهي في الحالة دي ، بس للأسف مضطرة

-نور: سافري يا مامي واطمني ، نايا في عينيا ، انا هخلي بالي منها

-هدى: مش هوصيكي على اختك

-نائل: طب ما تسيبني يا ماما معاهم ، وانا هخلي بالي منهم هما الاتنين ، ده انا راجل البيت .

-هدى: لأ

-نائل: لبيبيبيبييه ???

-هدى: مش عاوزة أروح هناك لوحدي ، وبعدين عاوزة عمك يشوف ان معايا راجل

-نائل مقاطعاً: اخيراً اعترفوا بيا كراجل

-نور بتريقة: راجل بنص شنب

-نائل: شوفتي يا ماما بتتريق عليا ازاي؟؟؟

-هدى: بسسس ، كل واحد يروح على أوضته الوقتي ، وانت يا بيه جهز نفسك للسفر

-نائل بضيق : طيب

-هدى: ربنا يهديكوا يا ولادي ويبعد عنكم أي شر ، ويعدي بكرة على خير!!!!
.....

في الصباح الباكر كانت هدى قد استعدت للرحيل ..،،،

-هدى: مش هوصيكي يا نور على اختك ، خدي بالك منها

-نور: في عينيا يا مامي

-هدى: وانت يا نونة مش محتاجة وصاية على نفسك وعلى أختك

-نايا: حاضر

-هدى: هي مسافة السكة والمشوار وهرجع على طول

-نور: بأمر الله

-هدى: اومال فين الزفت نائل ، انت يااa

-نائل من الداخل : جاي أهوو

-هدى: بتعمل ايه كل ده ؟

-نائل : ولا حاجة بس بجهاز نفسي

-هدى: ده اخواتك البنات مش بيعملوا اللي انت بتعمله ده ، ربنا يصبرني عليك

-نائل: يا ماما أنا شاب كوول ولازم أستعد كويس

-هدى: كوول ، طب يالا ، مش عاوزين نتأخر !!!

-نور في غرفتها: اوووبا ، الموبايل عاوز يتشحن ، طيب اسبيه خمساية عقبال ما
أتكلم مع نونة شوية

ارتدت نور ملابسها بسرعة ، ثم توجهت لأختها في حجرتها لتسلم عليها و..،

-نور:نونة حبيبي ، انا هنزل الشغل مش هتأخر

-نايا وهي تقرأ كتاب ما ومتعمدة أن تتجاهل أختها: هه ، براحتك!!!!

-نور وهي تحتضن أختها من الخلف: خلي بالك ع نفسك ، هاجيبك أكل من معايا ،
هتوحشيني يا نونة

-نايا: يووه ، سيبيني بقى عاوزة أقرى الكتاب ده

-نور: ماشي يا قلبي ، أشوفك على خير

توجهت نور إلى عملها ولكنها للأسف نسيت هاتفها المحمول موصولاً بالشاحن ،
بينما ظلت نايا بمفردها في المنزل ، ورغم شعورها بالندم لأنها تعامل أختها بجفاء
إلا أنها قررت أن تستمر في هذا إلى أن تهدأ قليلاً ..

-نايا: غصب عني يا نور ، بس فعلا مش قادرة أنسى ، انا عارفة ان مالكيش ذنب
بس محتاجة اللي يساعدني أعدي المرحلة دي ويصبر عليا ...!!

.....

وصلت نور إلى مقر عملها و...،،،

-نور: صباح الخير

-معتز: صباح النور ع البنور

-نور: اومال فين باقي الناس ؟

-معتز: حسام جاي في السكة ، ووليد مع زياد بيعمله طلب اجازة

-نور مستفهمة : خير في حاجة حصلت ؟

-معتز مبدياً أسفه: أه للأسف ، أخيراً قرر وليد انه يخش القفص برجليه

-نور: قفص ايه ؟

-معتز بفرحة: عش الزوجية

-نور بفرحة : بجد ؟؟ ألف ألف مبرووووووووووووك ليه ، ربنا يتمله ع خير
ياااا رب

-معتز: يا رب أمين ، عقبالك يا جميل

-نور: هه ، ربنا يسهل

-صمتت نور قليلاً ثم ..،،،،

-نور: ممكن أستفسر يا كابتن معتز عن حاجة

-معتز: ايه كابتن دي ، مش اتفقنا ننادي بعض بدون ألقاب

-نور: هه ، معلش سييني ع راحتني

-معتز: اللي يريحك أجميل

-نور: هو .. هو .. أنا.. أنا.. لو يعني ...

-معتز: خير في ايه ، قولي ماتت كسفيش

وهنا دخل زياد إلى غرفة المكتب دون أن ينتبه لحضوره كلاً من نور ومعتز ، فتعمد
أن يستمع إلى حوارهما سوياً..،،،،

-نور: يعني ..انا..آآ..

-معتز: يا بنتي قولي على طول في ايه

-نور: أنا كنت عاوزة أمشي بدري ، ورايا حاجات مهمة ، هل ده ينفع ؟

-معتز وهو يعبث بخصلات شعره: والله مميمم... بصي الصراحة مش عارف هل
ينفع ليكي ولا لأ

-نور: يعني النهاردة بس

-معتز: بصي لو خلصتي اللي وراكي وكده ممكن تمشي ... بيتهياي

-نور: طب أكلم اللوا اسماعيل ؟

-معتز: اللوا اسماعيل مسافر مش موجود

-نور: اوبس !! طب والعمل

-معتز: بصي خلصي اللي وراكي وربنا يحلها ، انتي عارفة هو ممنوع أي أجازات
أو أدونات الوقتي ، بس أنا موجود وممكن أظبطك

-نور: بجد؟؟ أنا مش عارفة أقولك ايه؟؟

-معتز: أنا لسه معملتش حاجة

-نور: طيب أنا هكلم كمان الكابتن رشا وأحاول أخذ التدريبات بدري عشان أنجز
برضوه

-معتز: ظبطي أمورك ، وان شاء الله خير

-نور بارتياح : ياااااااااااا رب

استمع زياد إلى المحادثة الدائرة بين معتز ونور ، وتوعد زياد لنور بتعطيل
خططها وافساد يومها ال...،،،،

-زياد بتوعد في نفسه: أها ، بقى كده ، الهانم عاوزة تمشي بدري ، ماهي وكالة
من غير بواب ، عاوزة تطلع تتسرح بره وأل ايه أعدة هنا بتطفح للدم عشان
تشتغل، ان ما طلعتة عليكي يا بنت الايه ، ابقى قابليني لو مشيتي بدري ، استني
وشوفي اللي هعمله فيكي ، ده انتي هتشوفي أيام سوووووووووودة
!!!

.....

الحلقة الحادية عشر:

استمع زياد إلى المحادثة الدائرة بين معتز ونور ، وتوعد زياد لنور بتعطيل
خططها وافساد يومها ال...،،،،،

-زياد بتوعد في نفسه: أها ، بقى كده ، الهانم عاوزة تمشي بدري ، ماهي وكالة
من غير بواب ، عاوزة تطلع تتسرح بره وأل ايه أعدة هنا بتطفح للدم عشان
تشتغل، ان ما طلعتة عليكي يا بنت الايه ، ابقى قابليني لو مشيتي بدري ، استني
وشوفي اللي هعمله فيكي ، ده انتي هتشوفي أيام سوووووووووودة
!!!

وصل حسام إلى المكتب ووجد زياد يقف على مقربة من الباب شاردًا في أمر ما ولم
يدخل بعد فتعجب لهذا و...،،،،،

-حسام: ايه يا عم زيزو ، مالك واقف كده ليه

-زياد: هه ، مافيش

-حسام: طب يالا ادخل

-زياد: ماشي ، أنا هحصلك بس أخلص حاجة مهمة كده

-حسام: حاجة ايه ؟

-زياد: متخدش في بالك ، سلام الوقتي

-حسام بتعجب: ربنا يهدي

-حسام: صباح الخير عليكم

-نور: صباح الخير

-معتز: أحس ، صباحك فل ان شاء الله

-حسام: اومال فين وليد ؟

-معتز: بيخلص ورق الأجازة ، مين أده بقى عريس وبيمنجه نفسه

-وليد من الخارج: سامعك يا اللي شغال أر من جوه

-معتز حاضناً وليد: مبروووووووووووك أعريس ، ولو أني هزعل عليك اوي
بس يالا شر لا بد منه

-وليد: يا عم قول خير ان شاء الله

-حسام: مبروووك يا باشا ، ربنا يهنك مع عروستك ويكفيك شر الحكومة ، هه
فاهمني طبعاً

-وليد بحماس : ياااااااااااااااا رب ويبعدها عننا ، لأحسن دي عاملة زي الـ. ولا
بلاش معانا بنات

-نور باحراج: آآآ.. ألف ..ألف مبروك يا سيادة الرائد

-وليد: الله يبارك فيكي يا آنسة نور ، عقبالك ان شاء الله

-معتز : ياااااااااااا رب

-وليد: أنا بقولك عقبالك يا نور ، انت نور ???

-معتز: لأ بس ده ميمعش آآ..

-زياد من بعيد: هو أحنأ هنقضيهأ كده ، و نضيع الوقت ع الفاضي

-معتز: يا ساتر يا رب، هادم اللذات جه

-زياد: يالا كل واحد ع مكتبه ورانا شغل

-معتز لنور: يالا يا بنتي بدل ما يعكنن علينا ، ده خميرة عكننة متنقلة وأنا عارفه

-نور: اوك

تحرك كلاً من معتز ونور ناحية مكتب نور وجلسا سوياً يتحدثان بصوت منخفض ،
بينما وقف زياد يراقب الموقف وهو يشعر بالغضب...،،،

-زياد: استغفر الله العظيم يا رب ، مال معتز لازقلها كده ليه

-حسام: تقصد ايه ؟

-زياد: انت مش شايفه لازق للي ما تتسمى

-حسام: وانت ايه اللي مضايكك ؟

-زياد: لأ مش مضايقتي ، بس..بس.. مايصحش اللي بيعمله ده

-حسام: بيعمل ايه؟؟ ماهما أcedين جمب بعض اهو بيشتغلوا

-معتز لنور بصوت منخفض: أنا عاوز منك خدمة

-نور: اتفضل

أخرج معتز ورقة مطوية من جيبه ، وقام بفتحها ببطء وهو ينظر حوله بريية
ليتأكد من عدم وجود من يتابعه ..،،،

-نور: انت بتعمل ايه ؟

-معتز هامساً: ششششش... لأحسن حد ياخذ باله

-نور: ياخذ باله من ايه ، ومالك بتتكلم بصوت واطي ليه؟؟

-معتز وهو يعطيها الورقة: تمويه

-نور: أفندم

-معتز: افتحها بس واقري اللي مكتوب فيها

-نور بدهشة : ايببيه ده ؟؟؟؟؟؟؟؟؟

في نفس الوقت كان زياد يتابع بعينيه ما يحدث بين معتز ونور ..،،،

-زياد في نفسه بحيرة: بيعمل ايه ده ؟؟؟ الله ..الله !!! بيطلع ايه ؟؟ باينها ورقة ،
يخربيتك انت بتكتبلها رسايل غرام كده عيني عينك ، وقعتك سودة يا معتر الزفت
!!! لا وكمان بتوطي عليها توشوشها ؟؟؟ يومكم مش فايت انتو الجوز ، عامل
معاه رباطية يا معتر ، طيب استحمل انت الثاني !!! عامليني فيها جوز حبيبة
وانتو جوز غربان .. طيب ، اصبرووووا عليا !!!!!!!!!!!!!!!!

.....

في فيلا ايها الملاح ..،،،

-هويدا: أصبك كاس يا قلبي

-ايهاب: لا يا ديدا

-هويدا: الله !! طلعة منك ديدا زي العسل

-ايهاب بسعادة : ولسه يا قطة همرمغك في الشهد كله

-هويدا: ده انت باين عليك مبسوط أوي

-ايهاب: طبعااااااااااااااااااااا .. قريب أوي هرتاح من وجع الراس وأفوق بقى للصفقة
الجديدة

-هويدا: ايه ده ، هو في صفقة جديدة قريب ؟؟؟

-ايهاب وهو يشعل السيجارة: يعني بظبطها وهوب هتلاقيها سالكة معانا

-هويدا: بيبي ، يا سلااااااام ، أهى دي الأخبار الحلوة

-ايهاب: ولسه !

-هويدا: اومال هنتجوز سمي امتي يا بيبي

-ايهاب بعصبية : جرى ايه يا هويدا ؟؟؟ هو انتي كل شوية تفتحي الموضوع ده ،
أنا قولتلك أنا مش بتاع رسمي ، أخري معاكي عرفي واحمدي ربنا أصلاً ان في
ورقة بينا

-هويدا بخوف: أنا ..أنا..مقصدش

-ايهاب: قفلي ع الموضوع ده ، وقومي إبسي هدومك ، فصلتيني !!!

-هويدا: خلاص يا بيبي ، اعتبرها زلة لسان

-ايهاب: يوووه ، مش هاعيد كلامي تاني ، يالا اتمشي الوقت ، وأنا شوية
وهحصلك ع الشركة

-هويدا وهي تجمع ملابسها: ح..حاضر

.....

في قرية ما تابعة لمحافظة الشرقية ..،،،

-فاروق: يا أهلا وسهلا بالست هدى وابن الغالي

-هدى: أهلا بيك يا حاج فاروق

-نائل: ازيك يا عمي

-فاروق: ماشاء الله يا نائل يا بني كبرت وبجيت شبه أبوك

-نائل: شكرا

-هدى: خير يا حاج فاروق

-فاروق: هو احنا هنتكلم ع الواجف اكده ، لأ مايصحش ، ولا جعدة مصر نسيته
عوايدنا يا ست هدى

-هدى: لأ مقصدش يا حاج فاروق ، بس انت عارف الطريق ، وأنا عاوزة أعرف
ايه الموضوع عشان ألحق أرجع للبنات قبل الدنيا ما تليل

-فاروق بدهشة: الله ! هما البننة ماجوش معاكي ???

-هدى: عندهم شغل

-فاروق: عشنا وشوفنا ، البننة تقعد في مصر لوحدها من غير راجل ، الله يرحمك
ياخوي

-سامح: هه ؟؟

-نائل: كبر دماغك

توجه الجميع نحو منزل الحاج فاروق فوزي ليتناقشوا سوياً في الأمر الهام الذي
استدعاهم فيه

.....

عودة مرة أخرى إلى الإدارة ،،،

-نور بدهشة: ايبيه ده ؟؟؟

-معتز: ششششش.. وطي صوتك مش عاوز حد يسمعنا ولا ياخذ باله

-نور: طب انا راضية ذمتك ده ينفع ؟؟؟

-معتز: ماهو انتي الوحيدة اللي هتظبطيني

-نور: بس..بس

-معتز مقاطعاً: عشان خاطري ، دي اول حاجة أطلبها منك

-زياد من بعيد لنفسه: نفسي أعرف الزفت ده بيقولها ايه وعمال يتحايل عليها فيه
، اوووف هطق منهم ، بس هوريهم ، مش هسيبكم

-معتز: أنا عارف انها مش هتكون صعبة عليكي ، ده انتي استاذة ورئيسة قسم

-نور: هي مش صعبة بالعكس أنا أقدر ..بس الحكاية ومافيها ان..ان

-معتز: اطمني لو خايفة ان حد يعرف ماحدث هيعرف أو عدك

-نور: مش عارفة

-معتز: أمانة عليكي يا شيخة ما تكسفيني

-نور: مميمم.. طيب سيبيني أفكر

لم يتحمل زياد أن يرى الهمسات والغمزات بين معتز ونور ، فتحرك تجاههما وقد
بدى عليه الغضب جلياً...،،،،،

-زياد وقد فاض به الكيل: لأ ياختي متكسفيهوش

-نور: أفندم؟؟؟ بتقول ايه؟؟؟

-زياد: اللي سمعته

-نور : انت فاهم احنا بنتكلم عن ايه أصلاً؟؟؟

-معتز: في ايه يا زياد داخل فينا قفش كده ليه؟؟؟؟؟

-زياد بضيق : والنبي لتسكت انت الثاني ، كلامي معاك بعدين

-معتز: ايه يا عم ما تهدى علينا شوية

-نور: وبعدين انت مالك أصلاً بيا ، أنا أعمل اللي أنا عاوزاه وملكش تدخل فيه

-زياد: لأ ليا ، وهدخل غصب عنك

-معتز: بسسسسس ، محصلش حاجة لكل ده يا زياد.

-نور بضيق : انت هسترجاه يا معتز ، ده مالوش دعوة باللي بينا

-زياد: أنا قولت من الأول انك واحدة ماشية ع حل شعرها محدش صدقني !!

-معتز: احترم نفسك يا زياد ، عيب تقول عليها كده

-زياد بصوت مرتفع : ماهي لو بنت ناس محترمة مش هتعمل اللي بتعمله ده ،
ماهو مش بعد ما أرفض أتجوزك تروحي ترمي شباكك على صاحبي وأقف اتفرج

على المسخرة اللي بتحصل عيني عينك !!!..

-معتز مندهشاً: تتجوزها؟؟؟؟؟

-نور بغضب: أنا مش هرد على واحد زيك أصلاً قليل الأدب وبيتهم الناس بالباطل

-زياد: كمان ليكي عين ، أما بجحة صحيح

-نور: ربنا يسامحك ، انا مش هنزل بمستوايا لواحد تفكيره متدني زيك

-زياد بنرفزة : لمي نفسك ولا محدش عاجبك هنا !!

-معتز: لو سمحت يا زياد من فضلك تسكت ، كفاية أوي لحد كده

-نور: أنا ماشية يا معتز، عندي تدريب مع الكابتن رشا الوقتي ، بس كلمة زيادة

من البني آدم ده هيلاقني رد هيندم عليه بعد كده

-زياد: يا عينك يا جبايرك ، كمان بتهدديني ???

-نور بتوعد : الظاهر ان مافيش فايده

-معتز: امشي الوقتي يا نور ، شوفي اللي وراكي

بالفعل تركت نور المكتب وتوجهت لصالة التدريب النسائية ، وتركت زياد الذي كان

يغلي من الغضب بصحبة معتز ...،،،

-زياد: لأ والنبي خوفت

-معتز: يوووووووه ، خلاص بقى ، في ايه لكل اللي انت عامله ده ??? وبعدين ايه

حكاية كنت هتتجوزها دي ???

-زياد: يعني الهانم محكتلكش عن بلاويها مع أمي ، مش معقول يعني ده أنتو اكلين

ودن بعض !!!

-معتز: انت بتقول ايه ?? أنا مش فاهم حاجة

-زياد: لأ و عاوزني كمان أسكت ع المسخرة اللي انتو الاتنين عاملينها ???

-معتز: مسخرة ??? ايه الكلام الفاضي اللي انت بتقوله ده ???

-زياد: ايه مكونتش شايف نفسك وانت مريح عليها وعمال تكتبلها في جوابات حب

وغرام ، وشوية شوية هنفضيلكم الأوضة عشان تاخذوا راحتكم

-فاروق: لأ مش أحرار ، وبعدين الأرض في حنة حلوة وأني عاوزها ، مش بدل ما الغريب يشتريها

-هدى: أنا مش عارفة ليه انت مصمم ع اني أبيع الأرض ، أنا مش ممكن أعمل كده

-فاروق: طب هزود السعر كمان 100 ألف جنية ، وده أخري !!!

-هدى: ولا حتى مليون جنية

-فاروق: الله بجي ، يبجي انتي داخلة ع طمع !!!!

-هدى: طمع ايه وكلام فاضي ايه اللي بتكلم عنه ، صحيح من حكم في ماله فما ظلم . قول كلام غير ده يا حاج

-فاروق: استغفر الله العظيم يا رب ، طيب نتعدى وبعد إكده نتكلموا تاني

-هدى: غدى ايه ، لأ خلاص احنا الكلام مافيش منه داعي ، انت عارف لازم أرجع القاهرة للبنات

-فاروق: أنا جولت ايه يا ست هدى ، نتعدى وبعدين نتكلموا تاني

-هدى مستسلمة: طيب

.....

-سامح: يعني تترششوال؟؟

-نائل: انترناشونال

-سامح: ايوه اللي بتجولها دي ، معناها ابيه؟؟

-نائل: يعني مدرسة دولية

-سامح: ودي تفرج ايه عن المدارس بتاعتنا

-نائل: ولا حاجة أوي ، بس ليفل تاني خالص

-سامح: ايه ليفل دي كمان؟

-نائل: لأ كده كتير يا سامح ، مش كل كلمة هتعلق عليها

-سامح: معلش يا نايل بدي أعرف كل حاجة

-نايل: اسمي نايل مش نايل

-سامح: مفرجتش

-نايل: يووو مش هخلص النهاردة

.....

في صالة التدريب النسائية بالإدارة ..،،،

-رشا: ها يا نور مستعدة ؟

-نور: هاغير بس هدومي وأجي على طول

-رشا: أوك

-نور: هو أنا ينفع أخلي التدريب يتأجل النهاردة

-رشا: مممم.. مش عارفة ، بس احنا لسه مخدناش حاجة يا نور ، وانتى محتاجة شغل كتير

-نور: أصل عندي ظروف و..

وهنا رن هاتف رشا فاستأذنت لتجيب على المتصل في الخارج ..،،،

-رشا: معلش يا نور هردع التليفون ونكمل ..لحظة بس

-نور: أوك براحتك

توجهت نور إلى حجرة تغيير الملابس لتبديل ملابسها وترتدي البدلة الرياضية ،
بينما أنهت رشا مكالمتها مع والدها و...،،،

-رشا هاتفياً: ماشي يا بابا أنا هاجي مش هتأخر ، مسافة السكة

-المتصل:

-رشا: لا معنديش شغل أوي النهاردة ، والتدريب ممكن يتأجل لبكرة عادي

-المتصل:

-رشا: اها .. لأ على طول ، اوك .. سلام دلوقتي

التفتت رشا لتجد زياد يقف خلفها ...،،،

-رشا: زياد باشا في حاجة ؟؟؟؟

-زياد: هه ، مافيش بس كنت بدور على الأتسة نور ، في ورق عاوزه منها

-رشا: هي جوا الصالة ، لو ينفع ممكن اطلب من سيادتك طلب

-زياد: خير يا كابتن ؟

-رشا: تبلغها بس ان مافيش تدريب عشان عندي حاجة مستعجلة ومضطرة أمشي

الوقتي فوراً

-زياد : ممممم..

-رشا: معلىش يا باشا لو فيها ازعاج

-زياد بعد لحظات من التفكير : اوك

-رشا: ربنا يخليك يا باشا ، مش عارفة أرد جمالك ازاى

-زياد: عادي يا كابتن

-رشا: ربنا يكرمك يا باشا

-زياد: طب يالا انتي عشان متأخرين

-رشا: أوك .. سلام يا زياد باشا

-زياد بابتسامة شيطانية : الله يسلمك

-زياد لنفسه : والله وجاتلك ع الطبطاب يا زياد ، الوقتي هعرف أخلص م الهبابه
دي حقي ومستحقي

دلف زياد إلى داخل الصالة الرياضية واصطدم بأحد الأجهزة دون قصد فأحدثت صوتاً.. بحث زياد بعينه عن نور فلم يجدها ، ثم سمع صوتها تتحدث من داخل حجرة تبديل الملابس وعلى ما يبدو ظنت أن رشا هي من تتواجد بالخارج ..،،،
-نور من الداخل: خلاص يا كابتن رشا ، دقيقة وهاكون جاهزة ، بس هستاذك نخلي التدريب النهاردة مدته قصيرة وبكرة نبقي نعوض لأحسن محتاجة أمشي بدري ضروري أوي أوي

-زياد بصوت منخفض: طبعاً عاوزة يا هانم تلفي وتدوري على حل شعرك مع البيه اللي قاعد فوق ، اصبري عليا ده أنا هنفخك الوقتي

قرر زياد أن يغلق باب حجرة التبديل على نور من الخارج ويحبسها لبعض الوقت فيضيع عليها فرصة الخروج من العمل مبكراً ..،،،

-زياد وهو يغلق الباب بضحكات ماكرة : هع ، ابقى وريني هتعرفي تخرجي إزاي يا ربة الصون والعفاف ... سلام يا...يا قطة !!

وما إن خرج زياد من الصالة الرياضية حتى تبعه أحد عمال النظافة ليتأكد من خلو الصالة من مرتديها ، فأطفأ الأضواء وأغلق الباب الخارجي للصالة بناءً على تعليمات الكابتن رشا التي أبلغته بضرورة غلق الصالة بعد التأكد من عدم وجود أي أحد بها لأنها لن تحضر اليوم، وفي نفس الوقت تقريباً كانت نور ترتدي حذاءها الرياضي وفجأة وجدت الدنيا أظلمت من حولها ..،،،

-نور: ايبويه ده؟؟ النور قطع ليه فجأة؟؟ الظاهر ان الكهرباء بتقطع هنا كمان ، مممم.. يا كابتن رشاااااااااااااااااا في ايه بره؟؟؟ يا كaaaابتن ، الله فين موبايلي ، ده فيه الكشاف ، الله ده مش موجود في جيبي ، طب راح فين ده بسسس ، أوبaaaaاااااا ، ده أنا .. أنا .. نسيتوه في البيت !!!! يالهووووي ، هعمل ايه الوقتي؟؟؟؟

-نور بصوت عالي: يا كالأبنتن رشا انتي لسه بره ، ياالأبنتن كابتن ..الظاهر انها طلعت بره ... أنا خايفة من الضلمة دي ، طيب هتسحب بشويش كده لحد ما أوصل لباب الأوضة وأحاول أفتحه

بالفعل سارت نور بخطوات بطيئة وهي تتحسس طريقها في الظلام لكي تصل إلى باب الغرفة ...

أمسكت نور بمقبض الباب وحاولت فتحه ولكنها فوجئت أن الباب مغلق ..،

-نور: الله مين اللي قفل الباب ؟؟؟ أنا مكونتش قفلاه عليا

قامت نور بالطرق بشدة على الباب حتى يسمعها أي أحد ممن بالخارج ،،،

-نور وهي تطرق الباب : ياالأبنتن رشاالأبنتن (طق..طق..طق) ، أنا محبوبووسة جوا (طق..طق..طق) ، ياالأبنتن كابتن (طق..طق..طق) ، النور مقطوع عليا ، حد سامعني (طق..طق..طق) ، ياالأبنتن اناس ، أنا محبوبووسة جوا ، الحقووووووونوني (طق..طق..طق)

شعرت نور بالفزع والخوف الشديد من الموقف الذي هي فيه ، فهي ليس معاها أحد ، ومحبوسة بغرفة مظلمة ، حتى وسيلة الاتصال بالعالم الخارجي نسيت أن تحضرها من منزلها

.....

عودة مرة أخرى لمنزل الحاج فاروق فوزي ،،،

-هدى: برضوه مش موافقة

-فاروق: أنا غلبت معاكي

-هدى: وأنا عند كلمتي مش هبيع أي حاجة

-فاروق: يعني انتي لا بترحمي ولا بتسيبي رحمة ربنا تنزل

-هدى: يا حاج عيب الكلام ده

-فاروق: ما أنتي اللي منشفة دماغك معايا

-هدى: ده مال عيالي ومش هينفع أتصرف فيه !!

-فاروق: ويعني الغريب هو اللي مسمحوله ياخده

-هدى: لا حول ولا قوة إلا بالله

-سعدية (زوجة فاروق) وهي تضع الشاي : بالراحة شوية يا حاج فاروق

-فاروق: حطي الشاي عندك يا سعدية واطلعي بره

-سعدية: ح...حاضر

-هدى: بص يا حاج فاروق من الآخر كده قرار البيع ده مش قراري لوحدني لازم
أخذ رأي بناتي لو فعلا هما حابين يبيعوا خلاص هما أحرار ، لكن نائل ابني مش
هسمحله يتصرف في أي شيء لحد ما يبلغ السن القانوني ويستلم أملاك والده ،
لكن أنا مش هبيع نصيبي في الأرض مهما حصل

-فاروق: ممم.. كده ابتدينا نتفاهم ، خلاص يبجي نخلي البننة يجوا إهنة وأتكلم
معاهم

-هدى: وقت تاني يا حاج ان شاء الله ، اما نائل ياخذ ع الأقل اجازته

-فاروق: ودي ميتي ???

-هدى: كمان شهر

-فاروق: ماشي ، مروحناش بعيد

-سامح وقد دخل الغرفة: سلامو عليكم يا مرات عمي

-هدى: وعليكم السلام يا سامح

-سامح: كيفك الوجتي

-هدى: تمام الحمدلله

-سامح غامزاً لوالده : ها يا حاج كلمتها ؟

-فاروق: لأ لسه

-هدى مستفسرة : يكلمني في ايه ؟

-سامح: طيب هتكلمها ميتي يا بوي ؟

-فاروق: مش وقته يا سامح

-هدى: في ايه يا حاج فاروق ما تفهمني ؟

-سامح: بعد اذنك يا بوي أنا بس هافتحها في الموضوع

-فاروق: خلاص يا بني جولها

-هدى: في ايه يا سامح؟

-سامح: يا مرات عمي ، بصراحة اكده ، أني..أنى.. كنت عاوز ...آآآ... بصراحة يعني آآآ..

-هدى: ما تقول يا سامح

-سامح: أنا عاوز أتجوز بتك

-هدى بدهشة : بتقول ايبيببييه !! ميببييين ؟؟ بنتي؟؟؟

.....

الحلقة الثالثة عشر :

-سامح: يا مرات عمي ، بصراحة اكده ، أني..أنى.. كنت عاوز ...آآآ... بصراحة يعني آآآ..

-هدى: ما تقول يا سامح

-سامح: أنا عاوز أتجوز بتك

-هدى بدهشة : ايبيبيبيه ، ميبيبين ؟؟؟ بنتي ؟؟؟

-سامح : أيوه

-هدى: تقصد مين فيهم بالضبط ؟

-فاروق: هيكون مين غير اللي صغيرة ، مش الكبيرة خلاص هتجوز وتسافر مع جوزها بلاد بره

-هدى: يعني انت عاوز نور !!!

-سامح: أيوه يا مرات عمي ، نور هي اللي حاطت عيني عليها

-هدى: بس...بس

-سامح: من غير بس يا مرات عمي ، نور أنا بعشجها ونفسي جوي اتجوزها ، مستني بس أما اللي كبيرة تتجوز وع طول أخطبها

-هدى: والله يا سامح ..آآآ.. انت... انت فاجئتني

-سامح: اوعي ترفضني يا مرات عمي

-فاروق: وهي هتلاجي أحسن منك فين ؟؟؟؟

-هدى: مقصدش ، بس..بس

-سامح مكملاً : أني راجل ملو هدومي وجادر أفتح بيت واتنين ، وأنى أولى بنور من الغريب

-هدى: ربنا يسهل هنبقى نشوف الموضوع ده بعدين ، أنا لازم أقوم الوقتي

-فاروق: والله ما يصح أبداً

-هدى: لأ يدوب عشان نلحق نرجع قبل ما الدنيا تليل

-سامح: لأ يا مرات عمي لازم تجعدي شوية معانا

-هدى: معلىش مرة تانية

وفجأة جاء شخص من بعيد يصيح بـ...

-الشخص: الحق يا حاج فاروق الحق يا حياااااااج

-فاروق: فيه يا واد مالك بتصرخ إكده ليه ؟؟؟؟

-الشخص: ابن أخوك سي نايل بيه عربيه خابطته

-هدى بفزع: ايبيببيبيبييه ، ابني !!!

-فاروق: يا ساتر ياااااااا رب ، طب هو فينا يا واد ، انطق

-هدى ببكاء : ابني فين ؟؟ أنا عاوزة أروحله ، حبيبي يا بني

-سامح: اهدي يا مرات عمي ، ان شاء الله خير

-الشخص: هناك يا حاج عند الطاحونة

-فاروق: طب يالا بينا بسرعة

-هدى وهي تجري للخارج : انا عاوزة ابني

-سامح: استني اهنه يا مرات عمي و...

-هدى مقاطعة: مش هستنى وهاروح أشوف ابني جراه ايه

-فاروق: يالا بينا ع الطاحونة

وبالفعل انطلق الجميع إلى الطاحونة ليعرفوا ما الذي حدث لنائل

.....

في منزل عبد الرحمن فوزي ،،

كانت نايا قد بدأت تشعر بالقلق لتأخر نور في العودة للمنزل ، فقد وعدتها أنها ستحضر مبكراً ، و لكنها اعتقدت أنها ربما انشغلت بالعمل وتعذر عليها الاستئذان

،،،،

-حسام: طب ابسطني معاك

-زياد: كبر مخك ، أنا هاروح أتغدى مع الفاموليا وراجع

-حسام: اوك ، طب خدني معاك

-زياد: ابيبيه ده ناوي تاكل من ايد الست الوالدة

-حسام: لأ ، أقصد يعني أنا نازل معاك هاكل ف اي مطعم وأرجع ، بيني وبينك أكل الكافيتريا هنا يسد النفس

-زياد: على رأيك .. طب ما تيجي تتغدى معانا

-حسام: لأ ، أنا عاوز أجرب أكل مطعم جديد فاتح قريب من هنا

-زياد: ماشي يا حس على كيفك ، يالا بينا

انطلق زياد إلى الخارج ، بينما وقف حسام ليتحدث مع معتز قليلاً قبل أن يلحق
بزياد ..،،

-حسام لمعتز: ها يا ميزو ، جاي معانا؟؟

-معتز: لأ

-حسام: مالك لاوي بوزك ليه

-معتز: مافيش

-حسام: الظاهر الموضوع كبير

-معتز: لا كبير ولا قصير

-حسام: طب هتغدى وأرجعك تحكي لي مالك

-معتز: ان شاء الله

.....

في أحد مستوصفات القرية ،،،،

-فاروق: خير يا حاضاكتور ؟

-الطبيب: خير يا حاج ان شاء الله ، اظمن

-هدى: ابني ، أنا عاوزة أشوف ابني هو جراه ايه ، فينوه ؟؟؟؟

-سامح: مش إكده يا مرات عمي ، اهدي بس عشان نفهم

-الطبيب: يا مدام اهدي ، مافيش داعي للقلق ده كله ، هو هيكون كويس ان شاء الله

-فاروق: يعني ماله دلوجيت يا ضاكتور ؟

-الطبيب: هو رجله اتكسرت وعنده شوية كدمات بسيطة في جسمه ، وفي ارتجاج بسيط في مخه

-هدى ببكاء: يا حبيبي يا بني

-فاروق: يا ساتر يا رب يا ساتر يا رب ، لطفك بينا يا اااا رب

-سامح: قدر ولطف

-الطبيب: احنا جبسناله رجله ، وعملنا فحصات على المخ والحمدلله بسيطة ان شاء الله ..

-هدى وهي تبكي: اه يا حبيبي

-الطبيب مكماً: والمفروض هيفك الجبس بعد شهرين ان شاء الله ، ومطلوب منه ان الحركة خلال الأيام الجاية تكون في أضيق الحدود مع الراحة التامة

-هدى: يا عيني عليك يا حبيبي ، كان مستخيلنا ده فين

-فاروق: يعني هو كويس يا ضاكتور

-الطبيب: الحمدلله

-هدى: أنا لازم أخده وأسافر ع القاهرة فوراً

-الطبيب: مش هينفع يا مدام

-هدى: ليبيبييه ؟؟؟ مش انت بتقول هو كويس ، أنا لازم أوديه احسن مستشفى

-الطبيب: هو ان شاء الله هيبقى كويس ، بس لازم يقعد يومين هنا ، والحركة الكثير مش كويسة عليه ع الأقل الوقتي

-هدى: طب والعمل ??? أنا لازم أخده وأرجع ع القاهرة

-فاروق: كلام الضاكتور لازم يتسمع يا ست هدى ولا انتي مش خايفة ع نايل

-سامح: اطمني يا مرات عمي نايل هيبجي كويس

-هدى: لله الأمر من قبل ومن بعد ، الحمد لله على كل حال .. طيب أقدر أشوفه الوقتي يا دكتور ???

-الطبيب: كمان نص ساعة تقدرؤا كلكم تدخلؤا تشوفؤه

-هدى في نفسها: طب أنا هعمل ايه الوقتي بسسس ??? لا حول ولا قوة إلا بالله ، مش هأقدر أسيب نايل هنا لوحدہ ، ولا هأقدر أخده وأسافر القاهرة وهو في حالته دي ، ولو اخواته عرفوا مش هيستحملوا الخبر وهيضطروا يجوا هنا ، طب أعمل ابييه بس يا ربي ، دبرها من عندك !!!!

-سامح: اللي حصل ده فرصة يا بوي عشان تجي البننة لہنا

-فاروق: وده وقته

-سامح: أني عارف انه مش وقته ، بس أهي فرصة أجرب من بت عمي

-فاروق: طب اسكت ساكت دلوجيت لحد ما نشوف مرات عمك هتعمل ايه

-سامح: ماشي

اتخذت هدى قرارها بالاتصال بنايا وحاولت أن تبدو طبيعية وهي تتحدث إليها
و...،،،

-هدى هاتفياً: الووو.. ازيك يا نونة يا حبيبتي

-نايا: الله يسلمك يا مامي ، انتو عاملين ايه ، هاتيخوا امتي ???

-هدى: آآآآ.. بصراحة .. آآآآ

-نايا: في ايه يا مامي

-هدى: يعني ملحقتاش نخلص مشاكل الأرض فهتضطر أعد يومين كمان و...

-نايا: بتقولي ايه يا مامي؟؟

-هدى: معلىش يا نونة غصب عني والله مش هينفع أرجع الوقتي

-نايا: مش عارفة ليه يا مامي حاسة انك مخبية عليا حاجة

-هدى بارتباك : هه ، مخبية حاجة؟؟ حاجة ابييه؟؟ متقوليش كده ، بس ..بس
..انتي واختك وحشتوني أوي

-نايا: بجد يا مامي؟؟

-هدى وقد بدأت في البكاء : أيوه يا حبيبتي ، وحشتووني أوي ربنا ما يحرمني
منكم وينجيكم من اي شر ، ده انتو الحاجة الوحيدة اللي محلية حياتي

-نايا: بليز مامي متعيطيش ، احنا كويسين والله

-هدى: أنا عارفة أنه صعب عليا أسيبكم وحدكم ، بس هما يومين وهارجع

-نايا: طيب نائل كويس؟؟

-هدى: هه..آآ...أه... هو..هو بخير

-نايا: الحمد لله

-هدى: نايا !

-نايا: ايوه يا مامي

-هدى: خدي بالك من اختك ومن نفسك

-نايا: حاضر يا مامي

-هدى: مش هوصيكي يا نايا ، انتي مكاني يا حبيبتي ، حتى لو زعلانة مع أختك
انتو في الآخر مالكوش إلا بعض

-نايا: يا مامي آآ..

-هدى: او عديني انكو تاخذوا بالكو من بعض اليومين دول

-زياد: عادي والله

-ظاهر: انت مش شايف نفسك ولا ايه

-زياد: والله يا سيادة اللوا عادي

-رباب: ربنا يهنيك ويسعدك

-زياد: طب انتو خدتوني في دوكة كده ومش شايف أي غذا

-رباب: على طول يا حبيبي ، أحلى اكل هيكون جاهز ع السفارة

-زياد: انتو اتغديتوا ؟

-ظاهر: اه يا بني من شوية ، بس ده لا يمنع اننا نقعد معاك نونسك وانت بتاكل

-زياد: ربنا يخليكوا ليا

.....

بدأ الوقت يتجاوز العصاري بقليل ونايا شعرت بالقلق لأن نور لم تصل إلى المنزل أو حتى تتصل بها لتطمئنها عليها ، فعدت العزم على الاتصال بها و...

-نايا لنفسها: الوقت اتأخر ونور لسه مجتش ، هي كانت مأكدة عليا انها هتيجي بدري عن كده ، اوووف ، انا مش عارفة بس ايه اللي أخرها !! اوووه يا ربي ، مممم.. مع اني مكونتش عاوزة أطلبها بس مضطرة عشان وعدت مامي ، هي المفروض تكون جت من مدة أو حتى لو كانت ناوية تتأخر كانت تكلمني وتعرفني .. خلاص أنا مش هاقعد كده اضرب اخماس في أسداس وداغي تودي وتجييب ، هكلمها الوقتي أعرف هي فين وبتعمل ايه كل ده !!!

احضرت نايا هاتفها المحمول من داخل حجرتها ثم طلبت رقم اختها ، ولكن كانت المفاجأة

.....

الحلقة الرابعة عشر :

احضرت نايا هاتفها المحمول من داخل حجرتها ثم طلبت رقم اختها ، ولكن كانت المفاجأة ، حيث سمعت صوت رنين هاتف اختها يأتي من الداخل ،،

-نايا: الله ايه ده ؟؟؟ مش ده صوت موبايل نانوو ؟؟؟ معنى كده ان ..انها نسيت موبايلها هنا !! اوبياااااااا .. طب انا هكلمها الوقتي ازاي ؟؟؟

دخلت نايا إلى غرفة نور وأخذت الهاتف المحمول من على الشاحن ، وقررت أن تنتظر لبعض الوقت لعلها تأتي كعادتها يومياً بعد المغرب ..

مر الوقت بطيئاً على نايا وهي تحاول أن تعرف أي شيء عن اختها التي لم تصل إلى المنزل بعد أو حتى تهاتفها لتطمئن عليها ، فهي على يقين تام أنه مهما كانت نور منشغلة بأعمالها إلا أن أسرتها تأتي في المقام الأول وتكون دائماً على تواصل معهم ..

بدأت نايا تشعر بالقلق حينما تجاوزت الساعة عقارب الساعة ولا يوجد أي خبر عن نور ، لذا قررت أن تتصل بصديقة نور المقربة ريم لعلها تعرف عنها أي شيء أو ربما تكون نور قد ذهبت إليها دون أن تبلغها

-نايا لنفسها: الوقت اتأخر أوي ونايا لسه مجتش ومافيش ولا حس ولا خبر عنها ، طب أعمل أنا ايه الوقت .. مافيش قدامي غير اني أكلم ريم يمكن تكون عارفة حاجة عنها، أو يكونوا أعدين سوا مع بعض !

طلبت نايا رقم ريم لتجيبها ..،،،

-نايا: سلامو عليكم

-ريم: ايبيبويه يا بنتي ، فينك من بدري ده أنا عما...

-نايا مقاطعة: أنا نايا مش نور

-ريم باستغراب : نايا !!!

-نايا: آآ.. معلش يا ريم أنا أسفة اذا كنت بكلمك من موبايل نور ، أصلها نسيت موبايلها وأنا ..أنا كنت عاوزة أطمئن عليها يمكن تكون جاتلك ولا حاجة

-ريم: بصراحة يا نايا أنا معرفش حاجة عن نور من امبارح ، وكنت مضايقة انها مكلمتنيش

-نايا: يعني محاولتش تتصل بيكي حتى لو ع الواتس أو الفيس

-ريم: لأ أبداااااا ، مكلمتنيش النهاردة خالص

-نايا: ولا جت عندك

-ريم: يا نايا بقولك هي مكلمتنيش يبقى هتكون جت عندي ازاي ؟؟؟

-نايا: طب والعمل ايه الوقتي

-ريم: مش عارفة الصراحة

-نايا: استرها يا رب من عندك ، انا كده قلقت عليها ومش عارفة أعمل ايه

-ريم: طب هي ممكن تكون لسه في الشغل بتاعها

-نايا: ممكن

-ريم: طيب أنا هحاول أوصلها ولو عرفت حاجة هكلمك

-نايا: أوك ، خلينا على تواصل

-ريم: اوك ، انتي معاكي رقمي ، رني عليا الوقتي عشان أسجل رقمك ونكلم بعض لو أي واحدة فينا عرفت حاجة عنها

-نايا: تمام

-ريم: اشطا ، باي

قررت نايا أن تتوجه إلى مقر عمل نور لتسأل عنها ، فاستقلت سيارة الأجرة و...،

-نايا: من فضلك وديني الادارة العامة للعمليات الخاصة

-السائق: حاضري يا مدام

-نايا: آنسة من فضلك

-السائق: لامواخذة

.....

عند مقر الإدارة ،،،

وصلت نايا إلى مقر الادارة وانبهرت بتصميمها الجميل ، ثم توجهت ناحية البوابة

لتسأل عن نور ..،،،

-نايا: لو سمحت ممكن أشوف الأنسة نور فوزي

-العسكري: خشي جوايا اوستاذة اسألي عنها في الريسبشن

-نايا: أها ، طب شكراً

دلفت نايا إلى داخل هذا المبنى الضخم ، وسألت في الاستقبال عنها ..،،،،،

-نايا: لو سمحت ممكن أقابل الأنسة نور فوزي

-الحارس: في ميعاد سابق

-نايا: آآآ... لأ

-الحارس: مينفعش

-نايا: حضرتك أنا أختها

-الحارس: طب ممكن البطاقة أتأكد منها وأسجل بياناتك

-نايا: اها اتفضل

بعد أن انتهت نايا من تسجيل بياناتها ، توجهت نحو المكتب الخاص بنور ..

وجدت نايا المصعد مزدحم بالكثير من الأفراد ، فقررت أن تصعد على الدرج ،
وبينما هي تصعد قابلت في طريقها ... ،

-معتز هاتفياً : خلاص جاي يا حاج

-المتصل:

-معتز: والله لسه

كانت نايا تحاول المرور من أمام معتز ولكنه في كل مرة كان يعترض طريقها بدون
قصد ..،،،

-معتز: سلام الوقتي آحاج !

-نايا: بعد اذنك شوية

-معتز: طب ما تعدي

-نايا: ما أنت اللي واقف في سكتي

-معتز: ما أنا كل ما اروح في حطة الأقيكي في وشي، اجي يمين تيجي يمين ، أروح
شمال الأقيك برضوه جاية شمال

-نايا: طب أعمل ايه طيب

-معتز: ولا حاجة ، خلينا كده طول اليوم

-نايا: من فضلك اثبت في مكانك وأنا هعدي

-معتز: ده اللي حصل

-نايا: طب ما قالتش لحضرتك راحت فين ???

-معتز: هي قالت أنها محتاجة تمشي بدري النهاردة

-نايا لنفسها : راحت فين دي بس

-معتز بمكر : بتقولي حاجة يا مدام آآآ...

-نايا: آنسة من فضلك

-معتز: طب ممكن أعرف اسمك

-نايا: هه ، ثواني !!

-معتز: اسمك ثواني ???

-نايا وهي تطلب رقم ريم: الوو، أيوه يا ريم

-ريم هاتفياً : ها يا نايا وصلتي لحاجة ؟

-نايا: لأ يا ريم ، لسه مش عارفة عنها أي حاجة لحد الوقتي ، أنا كمان روحتلها

الشغل وزميلها بيقول انها مشيت من بدري

-معتز مقاطعاً: معتز ، اسمي معتز

-ريم: طب هي راحت فين

-نايا وكانت على وشك البكاء : مش عارفة والله يا ريم ، أنا محتارة الوقتي وحاسة

اني تايهة ومش عارفة أتصرف ازاي ، لا معاها تليفون ولا عارفها مكان ولا أي

حاجة

-ريم : طب اهدي أنا جيبالك

-نايا: هاقول لمامي ايه ، نور استحالة تروح أي مكان من غير ما تبلغنا أو تتصل

حتى بيينا تعرفنا هي فين

-ريم: خلاص اهدي ، انا مسافة السكة وهاكون عندك ، بس قوليلي انتي فين

-نايا وهي مدمعة العينين: عند شغلها

-ريم: ع طووول ، استيني

انهت نايا المكالمة مع ريم وهي تبكي و....،،،،،

-معتز: اهدي يا آنسة

-نايا: اهدي ازاي واختي مش عارفة مكانها ولا ايه اللي حصلها

-معتز: اطمني ان شاء الله خير

-نايا: استرها يا رب

-معتز: مقولتليش اسمك ايه ؟

-نايا: نايا

-معتز: الله ، اسم حلو أوي

-نايا : إهيء

-معتز وهو يعطيها منديلاً : الله ، الله ، ليه بس بتعطي الوقتي ، ان شاء الله خير ،
خدي المنديل ده

-نايا رافضة أن تأخذ المنديل : شكراً

-معتز باصرار : لألألاً ماينفعلش تكسفيني ، خدي بس امسحي دموعك ،
ومتعيطيش ، هي أكيد هتكون كويسة ، تعالي معايا نشوف اي حد هنا في المكتب
يعرف حاجة عنها

-نايا: طيب

-معتز: ممم.. بصي هي ممكن تكون عندها تدريب مع الكابتن رشا والوقت سرقهم
ولا حاجة ، تعالي نشوفها في الصالة

-نايا: اوك

-معتز: بس مقولتليش مين الأكبر فيكو ، انتي يا نايا .. آآ.. اسمحيلي أقولك نايا
من غير أي ألقاب

- نايا بقلق: هه

-معتز: أصل أنا باخد ع الناس بسرعة وبحب أتعامل بطبيعتي ومن غير تكليف

-نايا: أنا عاوزة اظمن على نور الأول

-معتز: ان شاء الله هتظمني عليها ، وأهو بالمرة اظمن أنا كمان على مستقبلي ،
وأحدد اختياراتي ، ولو اني الوقتي شايف ال option أحسن بكثير

توجه معتز بصحبة نايا نحو الصالة الرياضية النسائية فوجدوها مغلقة ..،

-معتز: الله ! ده الصالة مقفولة !!!

-نايا: وده معناه ايه ؟

-معتز بقلق : آآ.. مش عارف ، بس استني كده ، أنا عندي حل تاني

-نايا: حل ايه؟

-معتز: أنا هاطلب رشا وأعرف منها أي حاجة عنها

-نايا: رشا مين ؟

-معتز وهو يطلب الرقم : الكوتش بتاعها

أخرج معتز هاتفه وطلب رقم رشا ، وتعهد أن يذكر اسمه بصوت عالي مرة أخرى
لكي تسمعه نايا ..،،،

-معتز بصوت عالي : الووو ، أيوه يا كابتن رشا ، معاكي الرائد معتز ، أيوه أنا
الرائد معتز سمعاني ، معتز هاااا !!!

-رشا: أيوه يا معتز باشا ، ما أنا عارفة ان حضرتك اللي بتطلبني وسمعك كويس

-معتز: طب انتي فين؟؟

-رشا: أنا روحت البيت من بدري

-معتز: الله يعني ما شوفتيش نور

-رشا: أه شوفتها الصبحية ، و حتى اعتذرتلها عن التدريب النهاردة

-معتز: طب ماتفتكريش آخر شوفتيها أمتي ؟؟؟؟

-رشا: ده كان من بدري اوي ، من قبل ما أمشي

-معتز: طب وأنتي مشيتي امتي كده

-رشا: يعني تقريباً ع بعد الظهر ، اه الساعة واحدة كده !!

-معتز باستغراب: واحدة الظهر !!

-رشا : طب في حاجة يا معتز باشا أقدر أخدمك فيها ؟؟؟

-معتز: هه ، لأ شكراً يا كابتن .. سلام

-رشا: أوامرك يا باشا ، مع السلامة !

-نايا: ها خير ؟؟ عرفت أي حاجة عنها

-معتز: هه ، لسه

-نايا: يعني ايه ؟؟؟ اختي ضاعت

-معتز: لأ متقوليش كده ، اصبري بس

-نايا وقد انهارت: حبيبتني يا نور ، أنا السبب أكيد هي زعلت مني

-معتز: اهدى يا نايا شوية

-نايا ببكاء: سامحيني يا نور والله ما أقصد أزعلك ، يا رب طمني عليها ، أنا ماليش

غيرها ، طب هاقول لمامي ايه عن نور ، ده هي موصياتي عليها ، اهيء اهيء

-معتز: لا حول ولا قوة إلا بالله ، اهدي الله يكرمك ، ان شاء الله هنلاقيها ، هي

يمكن بس ملبوخة في حاجة ومش عارفة تكلمك

-نايا: من فضلك يا استاذ ساعدني ألاقها

-معتز: اسمي معتز

-نايا: أرجوك دور معايا عليها

-معتز: أنا مش هسيبك أصلاً

طلب معتر أصدقائه هاتفياً ليستفسر منهم عن نور التي أختفت ويساعده في
ايجادها ...،،،

-معتر هاتفياً : ألوو ، ايوه يا وليد انت فين ???

-وليد: أنا مع منى خطيبتي ، ليه في حاجة

-معتر: ماشوفتش نور

-وليد: نور مين ؟

-معتر: نور زميلتنا في المكتب

-وليد: اه الأنسة نور ، ايوه ايوه ، لأ مشوفتهاش

-معتر: ولا حتى كلمتها

-وليد: والله ما أعرف حاجة عنها ، انا جيت الصبح ومشيت على طول من غير ما
أشوفها

-معتر: طب الوقتي نور مختفية ومحدث عارف عنها حاجة ونايا أختها هتجنن
عليها

-وليد: لأ بالراحة كده وفهمني بالضبط في ايه

حكي معتر لوليد ما حدث بالضبط منذ لحظة وصول نايا حتى الاتصال به ..،،

-وليد: طب أنا جياالك الادارة حالياً

-معتر: طب متأخرش ، وأنا هكلم حسام اسأله يمكن يكون عارف عنها حاجة

-وليد: ماشي ، سلام

ثم طلب معتر رقم حسام ..،،،

-معتر هاتفياً : الووو ، ايوه يا حسام

-حسام: خير يا معتز في ايه؟؟

-معتز: انت فين الوقتي؟؟

-حسام: أنا في العربية ، شوية وجاي الادارة ، في حاجة؟؟؟

-معتز: نور اختفت ونايا اختها بتدور عليها

-حسام: نور !! طب اختفت ازاي

-معتز: أما تيجي هاحكيك

-حسام: 5 دقائق وهاكون عندك

-معتز: اوك ، سلام

-معتز لنايا: اطمني يا نايا ، أنا كلمت صحابي وزمايلها في المكتب وهدور عليها
وهنلاقيها ان شاء الله

-نايا: يااا رب

-معتز: تعالي بس معايا نقعد في المكتب جوا ، لحد ما الباقيين يحصلونا

رن هاتف نايا برقم ريم و.....

.....

خارج مقر الادارة ،،،

-ريم هاتفياً: الووو ، ايوه يا نايا

-نايا: ايوه يا ريم ، انتي فين؟؟

-ريم: أنا دقيقة بالظبط وهاكون عندك

-نايا: طيب أنا منتظراكي

-ريم: أوك

اقتربت ريم بسيارتها من مقر الادارة وفجأة.....
!!!

.....

الحلقة الخامسة عشر :

خارج مقر الادارة ،،،
-ريم هاتفياً: الووو ، ايوه يا نايا
-نايا: ايوه يا ريم ، انتي فين؟؟
-ريم: أنا دقيقة بالظبط وهاكون عندك
-نايا: طيب أنا منتظراكي
-ريم: أوك

اقتربت ريم بسيارتها من مقر الادارة وفجأة ارتطمت سيارتها بسيارة أحد ما
،،،..

-ريم وقد ترجلت من السيارة : ايه يا جدع انت ، مش تفتح
-حسام: انتي اللي غبية ومش شايقة قصادك ، لما انتي مش عارفة تسوقي بتركيبي
عربية ليه أصلاً؟؟؟؟
-ريم: احترم نفسك ، أنا بعرف أسوق من قبل ما يشتريك أبوك العربية
-حسام: أبويا !! يعني غلطانة وكمان بتقلّي أدبك

-ريم: ماهو ماينفعلش مع امثالك إلا كده

-حسام: عمالة ترغي في التليفون فهتركزي ازاي في السواعة

-ريم: انت اللي دخلت غلط فيا

-حسام: ستات فاضية صحيح مش وراها غير وجع الدماغ والمصايب

-ريم: يعني داخل عليا ومكسرلي العربية وكمان بتبجح

-حسام: لأ وهعمك محضر عشان أعلم أمثالك ازاي يفكروا ألف مرة قبل ما يسوقوا

..

-ريم: اعمل ياخويا ، يعني فاكرني هخاف منك

أخرج حسام هاتفه المحمول وطلب أحد الأشخاص وطلب منه الحضور فوراً إليه ، ،

-حسام: الوو ، ايوه يا كمال ، ابعثلي حد من المرور فوراً قصاد الادارة

-كمال : خير يا باشا

-حسام: واحدة غبية خبطتلي العربية وبتأوح

-ريم: استغفر الله العظيم

-كمال: أوامرك يا باشا ، دقيقتين وهيكون عندك

-حسام: ماشي ، أنا مستنيه ، سلام

أنهى حسام المكالمة مع كمال ، ثم توجه بالحديث مع ريم ..،،

-حسام: الوقتي هتعرفي ازاي تركبي عربية

-ريم: انت فاكرني هخاف منك ، خد رقم العربية ، واللي عندك اعمله

-حسام بتحدي: هنشوف

-ريم في نفسها : هو أنا كنت نقصاك ، حاجة تقرف ، مكتوب عليا القرف في كل

حثة كده !!!!

بعد دقائق قليلة حضر بضعة رجال من الشرطة لعمل محضر لريم أمام الادارة ...،،

-الضابط: اتفضلي معانا يا آنسة عشان نقفل المحضر في القسم

-ريم: ماشي ، أنا جاية ، بس ثانية واحدة هاكلم واحدة صاحبتني ضروري

-الضابط: طيب

طلبت ريم نايا لتبلغها بما حدث لها ..،،،

-ريم هاتفياً : الووو ، ايوهيا نايا ، معلش يا حبيبتي آآآ...

-نايا مقاطعة: انتي فين؟؟

-ريم: حصلتلي بس مشكلة ، هخلصها ورجعالك

-نايا: مشكلة ايه ، طب طمنييني؟؟

-ريم: واحد مابيفهمش زنق عليا بالعربية وخطبها وعاملي محضر ، فهروح القسم

أكمله ورجعالك

-نايا: يا ساتر يا رب ، هو أحنا ناقصين

-ريم: معلش يا بنتي ، هاخلصه وارجعلك

-نايا: ربنا معاكي ... لا حول ولا قوة إلا بالله

-ريم: ربنا موجود ، سلام الوقتي ... اتفضل يا حضرت الظابط ، ومعلش أنا عاوزة

اعمل محضر في الراجل ده واتهمه بالاعتداء عليا!!!!

-حسام: نعم ياختي ، طيب كمل بقى المحضر وقول اني شاكك ان البت دي كانت

شاربة حاجة وهي سايقة ومش في وعيها

-ريم بدهشة : بتقوووول ايبيبيبيبيبيبه؟؟؟؟؟

.....

أنهت نايا المكالمة مع ريم ، فحاول معتر أن يستفسر منها عما حدث ، بينما ذهبت ريم بصحبة رجال الشرطة إلى القسم ، ولحق بها حسام إلى القسم

-معتز: خير يا نايا؟؟ في حاجة ثانية حصلت

-نايا بضيق : من فضلك تقول أنسة نايا ، ايه نايا دي

-معتز: آآآ... مقصدش ، أنا يعني آآآ

-نايا بحدة: هو انت تعرفني أصلاً؟؟؟

-معتز: لأ بس عندي استعداد نتعرف

-نايا: يا ربي

-معتز: طب خلاص متتعصبيش ، في ايه اللي حصل؟؟ ممكن أعرف يا أنسة نايا

-نايا: صاحبة نور اللي بتدور عليها معايا راحت القسم عشان خاطر واحد خبطلها عربيتها باين

-معتز: طب ده موضوع سهل ان شاء الله

-نايا: سهل ايه؟؟؟ بقولك راحت القسم

-معتز: طب قوليلي بس اللي حصل وان شاء الله هيتحل

-نايا: مافيش حاجة بتتحل خالص ، كل الأمور بتتعدد!!!!!!

-معتز: طب خلاص اهدي بس

.....

عودة مرة أخرى للمستوصف ،،،،

كان نائل يرقد على أحد الأسرة فاقداً للوعي ، بينما جلست هدى بجواره تبكي ..،،،

-سامح: أمانة عليك يا مرات عمي متزعلي نفسك ، هو هيبجي كويس

-فاروق: جومي يا ست هدى نمشي ، الوقت اتأخر

-هدى: انا مش همشي من هنا وهفضل جمب ابني

-سامح: يا مرات عمي الله يرضى عليكى ، حالضاكتور طمنا وان شاء الله خير

-هدى: رد عليا يا نائل ، اصحى يا حبيبي ، أنا ماما

-سامح بخبث: أو مال كلمتي بنات عمي يا مرات عمي ؟

-هدى: هه

-سامح: أجصد يعني هما هياجوا إمتى إهنه؟

-هدى: مين اللي يجي ؟

-سامح: بنات عمي ، ماهو مش معجول يباتوا لوحديهم من غير راجل

-هدى: لأ مش هيجوا

-سامح: هو مدروش باللي حصل ؟

-هدى: لأ ومش هيعرفوا لحد ما أظمن على نائل

-سامح: طب ليبييه ؟؟؟

-هدى: انت عاوزني ألقهم وهما هناك واقولهم الحقوا اخوكم عمل حادثة ويجوا

على ملى وشهم ولوحدهم هنا ، ليه اتجننت ؟؟؟

-سامح: ما أني اللي هاروح اجيبهم من هناك

-هدى: يوووه ، سامح مش وقته الكلام ده ، انت مش شايف ابني عامل ازاي ،

عاوزني كمان اشحطت بناتي ع آخر الليل ؟؟

-سامح: أني ماجصدش ، بس كنت..آآ..كنت

-فاروق: خلاص بجى يا ولدي ، أما نروح البيت نتكلم

-سامح: بس يابوي

-فاروق: خلاص بجى

-سامح بضيق: ماشي .. عن اذنكو شوية !

-فاروق: جوم يا ولدي روح شوف اللي وراك ، وأني جاعد مع الست هدى لحد ما
نظمن على نائل

-سامح: طيب يا بووي

وما إن خرج سامح من المستوصف حتى طلب رقم شخص ما ..،،،

-سامح: الوو ، ايوه يا عبدالرازق

-عبد الرازق: ايوه يا سي سامح

-سامح: عاوز أجابلك دلوجيت

-عبدالرازق: ليه ؟ مش كله حصل زي ما اتفجنا؟؟

-سامح: ايوه حصل يا هباب البرك ، بس اللي عاوزه لسه متامش

-عبدالرازق: تجصد ايه ؟

-سامح: أما أشوفك هاجولك

-عبد الرازق: ماشي ، نتقابلوا فين ؟

-سامح: في الخون اياه

-عبد الرازق: ماشي يا سي سامح ، هبابة وهتلاجيني عندك

-سامح: وأني رايح هناك أهوو

.....

-هدى: عن اذنك شوية يا حاج فاروق ، هاكلم بس البنات أظمن عليهم

-فاروق: اتفضلي يا ست هدى ، أنا جاعد مع نائل

انصرفت هدى خارج الحجرة لتطلب صديقتها رباب لتطلب منها الذهاب والاطمئنان
على البنات ...،،،

-هدى هاتفياً: الووو ، السلام عليكم

-رباب: وعليكم السلام يا دودو ، وحشاتي يا حبيبتي ، ازيك وازي البنات ونائل ،
طميني عليكم؟؟

-هدى: بصراحة يا رباب ..آآآ...

-رباب: في ايه يا هدى ، اتكلمي ، انتي قلقتيني؟؟

-هدى بتردد: بصراحة يا ربابا أنا..أنا كنت عاوزة منك خدمة

-رباب: قوليلي على طول يا حبيبتي ده احنا اخوات

-هدى: ينفع تطلبي البنات في البيت عندي تظمني عليهم ، أصل أنا مش موجودة
وسافرت البلد مع نائل ، ونائل عمل حادثه وفي المستشفى

-رباب مقاطعة: يا ساتر يا رب ، حادثه ايه؟؟؟

-هدى: بعدين هحكلك بالتفصيل ، أنا بس لو كلمت البنات هيبان في صوتي العياط
والقلق عليه ، ومش عاوزاهم يحسوا بحاجة خصوصاً نور لأنها لو عرفت أكيد
هتصمم تيجي

-رباب: يا حبيبتي يا هدى ، قلبي عندك ، اظمني أنا هكلمهم وهاروح أقعد معاهم
شوية

-هدى: بس اوعي تجيبي سيرة باللي حصل

-رباب: حاضر

-هدى: اظمني عليهم وطميني بالله عليك يا رباب

-رباب: حاضر والله

-هدى: ربنا يخليكي ليا يا رباب

-رباب: أنا معملتش حاجة لسه ، وطميني على نائل

-هدى: اوك

-رباب: هسيبك في حفظ الله وهاروح أنا للبنات

-هدى: تسلميلي يا حبيبتي ، مع السلامة

-رباب: الله يسلمك يا رب!

-ظاهر لرباب : مين يا رباب ؟؟

-رباب: دي هدى الحديدي

-ظاهر: مالها كانت عاوزة حاجة

-رباب: بتقول ان ابنها نائل عمل حادثة وهي معاه في بلد جوزها ، وسايبة البنات هنا لوحدهم فعاوزني اكلمهم واطمن عليهم

-ظاهر: أها..

-رباب: وموصياني مجبش سيرة باللي حصل لنائل للبنات

-ظاهر: ربنا يسترها ، طيب وانتي هتعملي ايه الوقتي

-رباب: هطلب البنات في البيت أطمن عليهم ، وكمان شوية أعدي عليهم

-ظاهر: طيب ، وأنا هوصلك

-زياد: في ايه ؟

-رباب: هه ، مافيش

-زياد: يا ماما ، ماتقولي في ايه ؟

-رباب: مافيش يا زيزو

-زياد: عليا برضوه

-ظاهر: سيب مامتك في حالها الوقتي ، وقولي انت نازل شغلك

-زياد: أه شوية كده

-ظاهر: طب تعالى اعدلي البتاع البايظ ده

-زياد: بتاع ايه ؟

-ظاهر: تعالى معايا وأنا أوريهولك

دلف زياد مع والده إلى غرفة المكتب ، بينما حاولت رباب الاتصال بمنزل هدى
للاطمئنان على الفتاتين ، ولكن دون جدوى

-رباب : محدش بيرد ، راحوا فين دول؟؟ يكونش الخط الأرضي بايظ ، طب خلاص
أنا هلبس وأروح أعدي عليهم وأهو بالمرّة أشوف ان كانوا عاوزين حاجة كده ولا
كده

.....

في مقر الادارة ،،،،

كانت نايا تجلس في المكتب الخاص بنور وزملاتها في العمل تبكي في صمت ولا
تدري كيف ستتصرف وكيف ستخبر أمها بما حدث لنور ، بينما ظل معتز يتأملها
،،..

-نايا لنفسها: طب هاقول لمامي ايه ، انا السبب مكنش لازم أعاملها كده ، ياااا رب
نجيها من اللي هي فيه ، انا عمري ماهر علك تاني يا نووور ، ياااا رب رجعلنا
سليمة يااااا رب

-معتز لنفسه: هو لسه في بنات بالشكل ده رقيقة وطيبة وحنينة ، ده النوع ده
انقرض من زمان ، يا سلام لو ربنا رزقني ببنت كده زيها يااااااااااااا ، أهي دي
اللي تخلي حياتك جنة يا واد يا ميزوو

ثم تذكر معتز كلام والده عن بنت خاله نجلاء ..،،

-معتز لنفسه: أعودو بالله من الشيطان الرجيم ، أل نجلاء أل ، تعالى يا حاج شوف
البنات مش تقولي قرينة الشيف شيربيني

وفجأة قطع تفكيره وصول وليد ..،،

-وليد: خير يا معتز في جديد ؟

-معتز: هه ، لأ لسه

-وليد وهو ينظر لنايا : مين الاستاذة؟

-معتز: دي نايا ، قصدي الأنسة نايا اخت نور

-وليد: بجد ؟ أهلا بيكي يا آنسة

-نايا بحزن: أهلا بيك

-وليد: اطمني ان شاء الله هنلاقيها

-نايا: يااا رب

-وليد لمعتز: ها ، قولي كلمت حسام؟؟؟

-معتز: اه كلمته وقالي جاي في السكة بس معرفش ايه اللي آخره

-وليد: طب وزياد؟؟

-معتز: لأ مكلمتهوش

-وليد: طب ليه ؟ مش هو زميلها برضوه والمفروض يدور معانا عليها؟؟؟

-معتز : يا عم أنا مش عاوز اكلمه

-وليد: متبقاش بايخ بقى و كلمه واعرف منه أي حاجة عن نور ، يمكن قالتله

حاجة قبل ما تمشي

-معتز وهو يسحب وليد من ذراعه: طب تعالى كده ثانية

-وليد: في ايه؟؟

سحب معتز وليد بعيداً عن نايا ليتحدث معه على انفراد ..،،،،

-معتز هامساً: احنا اتخانقنا الصبحية

-وليد مستفسراً: انتو مين اللي اتخانقتوا

-معتز: انا ونور وزيا ، والبيه قالها كلام بايخ ورزل زي عوايده ، وهي اتأمصت ومشت

-وليد: طب ودي فيها ايه ، ماهو لازم برضوه نكلمه

-معتز : أكلمه بعد ما قل أدب عليها ، تفتكر يعني هو هيفكر يساعدنا وهو مش طايقها خلقة ، وكمان عاوز اختها المسكينة دي تعرف

-وليد: قولتيلي بقى ، ده الحكاية فيها اختها كمان

-معتز: لم نفسك يا وليد

-وليد: ياعم أنا ملموم خلقة ، احنا الوقتي محتاجين نتعاون مع بعض لحد ما نلاقي نور وبعد كده نبقى نكمل خناق

-معتز: ماشي ، بس متجيبش سيرة لنايا عن خناقات زياد ونور

-وليد: طيب

.....

في مكان مهجور بالقرية ،،،

كان يجلس سامح مع أحد الأشخاص يدخنون سوياً ويتحدثون عن ...،،،

-سامح: ايه يا هباب البرك اللي هببته ده

-عبد الرازق: مش انت اللي أمرتني أعمل إكده

-سامح: أنا جولتك تخبطه بالراحة ، مش تموته

-عبد الرازق: ده انا يدوب بس ع..

-سامح مقاطعاً: اسكت ساكت دلوجيت ، لو الواد جراه حاجة أني مش هارحمك

-عبد الرازق: وأني ذنبي ايبيه ، ما أني عملت اللي جولتلي عليه بالحرف

-سامح: ربك يسترها ، مش كفاية الولية السو مرات عمي مش عاوزة تجيب البت نور

-عبد الرازق: هه

-سامح: ده انا خططت لده كله عشان تاجي وأشوفها وأتجوزها

-عبدالرازق: بتجول ايه يا سي سامح؟

-سامح: آخ يا ناري لو البت دي ضاعت من يدي ، يابوووي وهي عاملة زي لهظة
الجشدة إكده ، عاوزة تتاكل وكل !!!

-عبد الرازق لنفسه : باين عليه اتسطل

-سامح: هاتروحي مني فين يا نور ، أني وراكي لحد ما أتجوزك سواء أمك رضت
ولا لع .. انتي بتاعتي يا نور بتاعتي وبسسسسسس !!!

.....

الحلقة السادسة عشر :

في مقر الادارة ،،،،

-نايا هاتفياً: الوو ، انتي يا بنتي فين كل ده ؟؟

-ريم: في القسم ، في مصيبة واحد غبي مصمم يلزقهاالي وبحاول أتصرف فيها ،
أنا أسفة يا نايا مش هاقدر أجيلك

-نايا: لا حول ولا قوة إلا بالله ، مصيبة ايه ؟؟؟

-ريم: هاقولك بعدين ، انا كلمت بابا وهو هيجيلي ع القسم ، ربنا يستر من اللي
جاي

-نايا: ياااا رب

-ريم: لو عرفتي حاجة عن نور طمني ، وأنا هتابع معاكي بالتليفون

-نايا: ربنا يعديها على خير ان شاء الله

-معتز: ماشي هكلمه

-وليد: اعصر على نفسك ليمونة بس كلمه وخلينا نخلص يمكن يكون عارف حاجة

-معتز: طيب

قام معتز بالاتصال بزياد ليستفسر منه عن نور ..،

-زياد لنفسه: معتز !!! وده بيتصل ليه الوقتي ، أه تلاقيه عاوز يسمعني كلمتين
بايخين من بتوعه عشان خاطر المحروسة

-معتز لوليد: مش بيرد عليا

-وليد: معلش ، اطلبه تاني

رن هاتف زياد مرة أخرى برقم معتز ..،

-زياد لنفسه: الله ده بيطلب تاني ، ممممم.. أنا ممكن أطنش ومردش عليك بس...
بس ، خلاص هرد عشان أرتاح من زك ما أنا عارفك هتفضل تزهقتي كده كتير

-معتز: ألوو ، مش بترد ليه

-زياد: خير

-معتز: لأ مش خير

-زياد: عاوز ايه يا معتز ؟ أنا شوية وهاجي المكتب ، فلو عاوز تقولي حاجة استنى
أما أجيلك مش لازم يعني تسمم بدني بكلامك في التليفون

-معتز: لا عاوز أقول ولا أعيد ، هو سؤال واحد بس عاوز أعرف اجابته منك

-زياد: قول

-معتز: شوفت نور تاني بعد خناقة المكتب؟

-زياد: هه ، نور ؟ بتسأل ليه

-معتز: رد بس عليا الأول

-زياد: مش لما أعرف بتسأل ليه؟؟

-معتز: أصل نور مختفية ومش باينة لحد الوقتي واختها قالبه عليها الدنيا ومحدث فينا لاقيتها

-زياد : نعم؟؟؟ بتقول ايه ، أنا جاي حالاً؟؟؟؟؟؟

وهنا تذكر زياد ما فعله مع نور من قبل ، وشعر بالذنب تجاهها ، فلم يكن يتصور أن مجرد مزحة صغيرة معها قد تتحول إلى مشكلة كبيرة ، فقد ظن أنها ستخرج من الغرفة بمجرد أن يسمع صوتها أحد ما بالخارج إن لم تكن رشا قد أخرجتها وبالتالي سيفسد عليها يومها مع حبيبها الموعود ..

ارتدى زياد ملابسه بسرعة وقاد سيارته نحو الإدارة وهو يدعو الله إلا يصيب تلك المسكينة أي مكروه ...

.....

عند منزل عبد الرحمن فوزي ،،،

ظلت رباب تضرب الجرس لمرات عديدة ولكن دون أي اجابه ، فأصابها التوتر ،،،

-رباب: هيكونوا راحوا فين السعادي ، ده مافيش حد جوا ، البيت هوس خالص ، طب أعمل أنا ايه الوقتي ، ماهو مش معقول هكلم هدى وأقولها وهي في الظروف اللي هي فيها كده هتقلق بزيادة .. طب أتصرف ازاي ، أما أكلم طاهر يشوف حل في الليلة دي معايا

-رباب هاتفياً: سلامو عليكم

-ظاهر: و عليكم السلام يا رباب ، خلصتي خلاص

-رباب : خلصت ايه، ده مافيش حد من البنات جوا ، وانا مش عارفة أتصرف ازاي
ولا أعمل ايه حتى!!

-ظاهر: بتقولي ايه؟؟ طب استيني ، أنا هاكون عندك اهوو

-رباب: ماشي يا ظاهر !!

-رباب لنفسها: جيب العواقب سليمة ياااا رب

.....

في المستوصف بالقرية ،،،

-الطبيب: الحمد لله حالته بقت أحسن

-هدى: اللهم لك الحمد والشكر يااا رب ، يعني هيبقى كويس

-الطبيب: ان شاء الله ، الأشعة بتقول ان كل شيء طبيعي ومافيش مشاكل ان شاء
الله

-هدى بفرحة : أحمدك يا رب وأشكر فضلك

-فاروق: أخيرا يا ست هدى الضحكة رجعت لوشك

-هدى: انت مش عارف نائل بالنسبالي ايه

-فاروق: الحمد لله ، ربنا ينجيه من أي شر

-الطبيب: يومين باذن الله ويقدر يخرج من المستوصف ، بس زي ما قولت قبل كده
ميضغطش ع رجله الفترة الجاية لحد ما الكسر يبدأ يلئم تاني ، والأفضل يتستخدم
عكاز أو كرسي

-فاروق: ربك يسهلها يا ضاكتور

-هدى: حاضر يا دكتور

.....

في مقر الادارة ،،،،

وصل حسام بعد أن أكمل اجراءات المحضر ضد ريم ..،،،

-وليد: اييه يا عم كل ده

-حسام: مافيش ، مشكلة كده بس وكنت بخلصها

-وليد: طب تعالى

-حسام وهو يشير برأسه لنايا: دي أختها ؟

-وليد : أيوه

-حسام لنايا: مساء الخير

-نايا: مساء النور

-حسام: اطمني ان شاء الله يا مدام ، أكيد هنلاقيها

-معتز مقاطعاً: لأ هي آنسة مش مدام

-حسام: سوري معلىش

-نايا: عادي ولا يهم حضرتك

-معتز: لأ يهمني أنا

-نايا: هه

-معتز: مافيش ، خلىنا نشوف بس هنعمل ايه

-حسام: حد كلم زياد

-نايا باستغراب: زياد

-وليد: اه معتز كلمه من شوية وهو جاي على طول

-نايا في نفسها: من زياد ده كمان ، مش عارفة ليه حاسة ان في حاجة غريبة في الموضوع ده بتحصل

وصل زياد إلى مقر الادارة وصعد إلى المكتب و...

-زياد: ها يا جماعة آآ...

-نايا باستغراب : لأ مش ممكن ، انت ؟؟؟؟

-زياد: انتي ؟؟؟

-معتز: هو أنتو تعرفوا بعض ؟؟

-نايا: انت بتعمل ايه هنا ؟

-زياد: آآآ... بصي

-معتز: ماحد يرد عليا بدل ما أنا عامل زي العزول بينكم ، هو أنتو تعرفوا بعض؟

-زياد: مش وقته يا معتز

-نايا بضيق: فين أختي ؟؟ أكيد انت السبب في اللي جرالها ، أنا قلبي حاسس بده

-زياد: وأنا مالي ، أنا ايش عرفني هي كانت فين ولا بتسرمح مع مين

-نايا: لم نفسك ، ايه تتسرمح دي !!

-معتز: ما تنقي الفاظك شوية يا زياد

-حسام: مش وقت خناق ، عاوزين نعرف الوقتي هي فين

-وليد: طب حد معاه رقم رشا يكلمها

-زياد: رشا أصلاً مشيت من بدري و..و.. لأ مش ممكن !!!!

-وليد: في ايه ؟؟؟؟؟

تذكر زياد أن نور ربما تكون مازالت محبوسة إلى الآن داخل الغرفة الخاصة بتبديل الملابس ، فانطلق مسرعاً دون ان يكمل باقي حديثه ..،،،

-معتز: ده رايح فين ده ؟؟

-حسام: استنى يا زياد .. استنى !!!

-نايا: أنا حاسة انه هو اللي ورا اللي حصل لنور

-وليد: طب يالا بينا وراه

انطلق الجميع خلف زياد في محاولة منهم للحاق به وتركت نايا حقيبة يدها التي يوجد بها الهاتف المحمول الخاص بها وبنور بالمكتب وتوجهت معهم إلى حيث ذهب زياد ورفاقه ، وبعد لحظات وصل زياد إلى الصالة الرياضية الخاصة بالسيدات ..،،،

-زياد محاولاً فتح الباب: استر يا رب

-حسام وهو يلهث : آآآ.. أنت..ب..بتعمل ايه ؟

-زياد: مين معاه مفتاح الصالة ؟؟

-وليد: أكيد رشا وحد من عمال النظافة

-معتز: انت بتسأل ليه ؟

-نايا: في ايه ؟؟

-زياد محاولاً كسر الباب : ساعدوني نكسر الباب ده حالياً

-حسام: يابني ده الصالة مقفولة من بدري

-زياد بعصبية: انتو لسه هترغوا ، يالا بسرعة

-معتز: ارجعي لورا شوية يا نايا ، قصدي يا أنسة نايا ، واتفرجي بقى ع الغضنفر

اللي هيكسر الباب ده في لحظة !!

-نايا: ايه اللي بيحصل ما تفهومي ؟؟؟

بالفعل نجح زياد في كسر الباب ودلف إلى داخل الصالة ومعه باقي الحاضرين ،
بحث عن زر الاضاءة وضغط عليه ، نظر بعينه داخل الصالة و...

-وليد: مافيش حد هنا

-حسام: المكان هادي زي ما انت شايف

لم يستمع زياد إليهم وإنما توجه بسرعة لغرفة تبديل الملابس وأدار المفتاح
الخاص بالباب ليفتحه ثم كانت المفاجأة

.....

عند منزل عبد الرحمن فوزي ،،

كانت رباب تنتظر أسفل العقار حتى وصل إليها زوجها طاهر بسيارته ،،

-طاهر: لسه مافيش جديد عن البنات ، محدش ظهر فيهم ؟

-رباب : لا يا طاهر ، وبطلبهم في البيت مافيش حد بيرد

-طاهر: طب يمكن يكونوا خرجوا بره يتعشوا ولا حاجة

-رباب: معتقدش ، هدى قالتلي انهم أعدين في البيت

-طاهر: طب أنا عندي اقتراح

-رباب : ايه هو ؟

-طاهر: كلمي هدى وخدي منها أرقام موبايلات البنات ع أساس انك تطليبيهم تطمني

عليهم باعتبار ان رقم البيت مش بيجمع معاكي

-رباب : مممممم.. وتفكر هدى هتصدقني

-ظاهر: أهي محاولة وخلاص ، مش هتخسري أي حاجة

-رباب بعد لحظات من التفكير: طيب هاجرب

قامت رباب بالاتصال على هاتف هدى ،،،

-رباب: ازيك يا هدى ، نائل عامل ايه الوقتي؟؟

-هدى: الحمدلله ، فاق من شوية ، وأديني أعدة معاه

-رباب: طب الحمدلله

-هدى: البنات عاملين ايه؟؟ كلمتهم؟؟ كويسين؟؟

-رباب: آآآ... اه..هما بخير .. بس..بس

-هدى: بس ايه؟؟

-رباب: أنا كنت عاوزة رقم موبايل نايا أو نور يعني عشان أبقى اكلمهم كل شوية لأحسن الأرضي بيجمع بالعافية

-هدى: طيب يا رباب متحرمش منك ، هبعثلك الأرقام في رسالة على طول أول ما أقفل معاكي

-رباب: تسلمي يا حبيبتي ، وربنا يطمئناك ع نائل ويقوم بالسلامة

-هدى: اللهم اميييين

بالفعل أرسلت هدى لرباب رسالة نصية بها أرقام الفتاتين ،،،

-ظاهر: ايه الأخبار؟

-رباب: خلاص كلمتها وقالت هتبعثلي أرقام البنات

-ظاهر: حسنت بحاجة وانت بتكلمها

-رباب: مش عارفة

-ظاهر: يعني ايه مش عارفة؟

-رباب : يعني معتقدش انها حست بحاجة ، ربنا يستر ونعرف أي حاجة عنهم ،
أهي بعنت الرسالة .. مممم.. ده رقم نور ، وكمان في رقم نايا

-ظاهر : طب كويس أوي ، كلمي أي واحدة فيهم

-رباب: حاضر ، أنا هطلب نور

-ظاهر: ماشي

قامت رباب بالاتصال على رقم نور ، ولكن لم يجيبها أحد ، فقررت أن تطلبها مرة
أخرى وأيضاً كان الاتصال بدون جدوى ، فطلبت رقم نايا ولم يجيبها أي أحد

-رباب: غريبة !! محدش بيرد من البننتين

-ظاهر: طب اطلبي تاني

-رباب: أنا طلبت أكثر من مرة وبرضوه محدش رد

-ظاهر: مممم...

-رباب: لأ كده في حاجة

-ظاهر: استرها يااااا رب

-رباب: ولو إني مش حابة أحشره بس مضطرين نكلم زياد يساعدنا في الموضوع
ده

-ظاهر: نسيتي اللي عمله قبل كده مع هدى وبنتها ؟

-رباب: معلش يا ظاهر ، احنا محتاجين نطمئن ع البنات وأكد هيساعدنا

-ظاهر: أنا مش عاوزه يدخل

-رباب: أنا مش قدامي إلا هو !!!

.....

عودة مرة أخرى لمقر الإدارة ،،،

بالفعل نجح زياد في كسر الباب ودلف إلى داخل الصالة ومعه باقي الحاضرين ،
بحث عن زر الاضاءة وضغط عليه ، نظر بعينه داخل الصالة و...

-وليد: ما فيش حد هنا

-حسام: المكان هادي زي ما انت شايف

لم يستمع زياد إليهم وإنما توجه بسرعة لغرفة تبديل الملابس وأدار المفتاح
الخاص بالباب ليفتحه ثم كانت المفاجأة التي لم يتوقعها أحد !!!

.....

الحلقة السابعة عشر :

لم يستمع زياد إليهم وإنما توجه بسرعة لغرفة تبديل الملابس وأدار المفتاح
الخاص بالباب ليفتحه ثم كانت المفاجأة التي لم يتوقعها أحد حيث وجد زياد نور
ملقاة على الأرض وهي فاقدة للوعي ويبدو على وجهها علامات الخوف والرعب ،
أسرع ناحيتها ثم جلس بجوارها وحاول أن يفيقها ...،،،

-زياد : نور !! نور ، انتي سمعاني ، يا نور ، ردي عليا

لحق الباقيين بزياد وتفاجئوا بنور ...،،،،

-نايا بصريخ ولهفة: نور !!!

-حسام: ايه اللي حصلها ؟؟

-معتز: ابيبيه ده

-وليد: مين اللي جابها هنا ؟؟؟؟

أسرعت نايا ناحية اختها وصرخت بزياد أن يبتعد عنها ..،،،

-نايا: نور حبيبتي ، ردي عليا يا قلبي ، ابعد عنها ، متمسهاش

-زياد: نور ، سمعاني

-معتز: حد يكلم الاسعاف

-حسام وهو يخرج هاتفه المحمول من جيبه : أنا هطلبه

-وليد: انت عرفت مكانها منين يا زياد ؟؟؟؟

-زياد: هه ، مش وقته ، المهم الأول نطمن عليها

-نايا بخوف وهي تحتضن اختها : ردي عليا يا نور ، يا الهوي اديها متلجة

-معتز وهو يمسك يديها: اه فعلاً ، لازم نتصرف بسرعة

-زياد: مش هينفع نستنى الاسعاف ، أنا هاخذها ع أقرب مستشفى

-نايا: انت لأ ، متجيش جمبها

-زياد: مش وقته يا آنسة ، نبقي نتحاسب بعدين

قام زياد بحمل نور بين يديه وتوجه بها خارج الغرفة بخطوات سريعة وهو يشعر بالقلق عليها ، وانطلق الباقي خلفه ، ثم أسرع ناحية سيارته وفتح الباب الخلفي للسيارة ووضعها على المقعد الخلفي وجلست بجوارها نايا ، بينما جلس معتز في المقعد الأمامي خلف عجلة القيادة و..،،

-معتز: انا اللي هسوق

-زياد: ان شاء الله هتبقى كويسة

-نايا: نانووو ، اطمني يا قلبي انتي معايا وهتبقى كويسة

-معتز: متقلقيش ان شاء الله هنطمن عليها

-زياد: انت لسه هترغي دوس بنزين وطير ع أقرب مستشفى

-معتز: طيب

توجه معتز بسيارة زياد ناحية أقرب مشفى ، وما إن وصلوا حتى ترجل زياد من السيارة وأنزل نايا منها ، وحمل نور وتوجه بها إلى الداخل ..،،

-زياد: حد يلحقنا بسرعة

-المرضة: حطها ع الترووللي ده بعد اذنك

-نايا: نور يا نووور

-معتز: اهدي يا نايا ، قصدي يا أنسة نايا ، ان شاء الله هتكون كويسة

-المرضة الأخرى : بعد اذنكو شوية يا جماعة

-الطبيب: هاتوها بسرعة ع أوضة الكشف

-زياد: طمنا عليها يا دكتور

-الطبيب: ربنا يسهل

-نايا : أنا مش هاسيب اختي

-معتز: اصبري بس يا نايا والدكتور هيطمنا عليها

-نايا: ربنا ينتقم من اللي عمل فيكي كده

لم ينطق زياد بأي حرف وإنما ظل يراقب بعينه المشهد ، حاول أنيطمنن على نور و....،،،،

-نايا: انت السبب في اللي حصلها ، مش مكفيك اللي عملته فيها قبل كده

-زياد: انتي مش فاهمة حاجة

-نايا: لأ فاهمة كويس ، ياخي الجواز مش عافية وعرفنا ده ، وانك معقد وملكش في الجواز وطولت لسانك على أختي وتقبلناه ، لكن تكون معاها في الشغل وتقرفها ، بجد ده كتير

-زياد: مين قالك كده

-نايا: مش محتاجة قوالة ، أكيد ده المتوقع منك ، واحد زيك جلياط في معاملته مع الناس وخصوصاً بنات الناس هيكون معاها ازاي في الشغل
-زياد: جلياط !!! لو سمحتي يا آنسة بلاش تغلطي بدل ما تندمي

-معتز: هي عندها حق يا زياد

-زياد: متكلمش يا معتز

-معتز: لأ هتكلم ومش هسكت

-زياد: بس بقى يا معتز مش وقته

-معتز: لأ وقته ، لما تكون متخائق معايا ومعاها بدون سبب

-نايا: وكمان متخائق معاها

-زياد: هي اللي مستفزة

-معتز: مستفزة ولا انت اللي متسرع وبتحكم عليها بدون وجه حق لمجرد انك مش طايقها

-نايا: انت بتعمل فيها ايه ؟

-زياد: أيوه مش طايقها ، الله هي عافية اني أحبها

-معتز: وحد قالك حبها ياخي ، ده هما يومين وهتمشي

-نايا: انت عملتها ايه ???

-زياد: يا ريتها تمشي من دلوقتي وتريحنا

-معتز: هتمشي اكيد عشان ترتاح منك

-نايا: رد عليا عملت في اختي ايه ???

-زياد: معملتش حاجة ، هي اللي كانت بتجلب لنفسها بسبب عمايلها السوداء

-معتز: هي عملت حاجة أصلاً

-زياد: ايوه ايوه ، ما أنت المحامي بتاعها ، دافع ياخويا دافع

-معتز: محامي؟؟ بلاش تظلمها

-زياد: انت نسيت انت وهي كنتوا عاملين ازاي الصبح سوا

-معتز: عاملين ايه؟؟؟

-نايا: انت بتكلم عن ايه؟؟

-زياد: ابقي خلي اختك تلم نفسها الأول قبل ما تتحمأيلها

-نايا: بس بقى ، اسكت متجيش سيرة اختي على لسانك الزفر ده

-زياد: زفر !! الظاهر ان العيلة دي كلها عاوزة رباية

-معتز: بسسسسس ، لحد كده واستوب يا زياد

-حسام: في ايه يا جماعة ، صوتكم جايب التايهين

-نايا: حسبي الله ونعم الوكيل فيك ياخي

-وليد: ايه اخبار نور؟ مالكم في ايه؟

-نايا: ربنا ينتقم منك

-زياد: استغفر الله العظيم يا رب

-معتز: تعالي يا نايا ، قصدي يا أنسة نايا معايا

-نايا: لأ انا مش منقولة من هنا ، ومستنية اشوف الأفندي ده ناوي ع ايه النهاردة

وهنا خرج الطبيب ومعه احدى الممرضات ،،،

-الطبيب: حضراتكم قرايب الأنسة

-نايا بلهفة : أيوه ، أنا أختها ، خير يا دكتور مالها

-الطبيب: هي اخدت حقنة مهدئة لأنها كانت بتعاني من انهيار عصبي

-نايا: انهيار عصبي ؟؟؟؟؟؟ وده جالها من ايه ؟؟

-الطبيب: اكيد اتعرضت لموقف أو حاجة شديدة مستحلتهاش ، لكن عضويًا هي بخير ، وان شاء الله على بكرة هتكون أحسن

-نايا: يعني مش هاقدر أخذها ونروح البيت الوقتي ؟؟؟

-الطبيب: لأ مش قبل بكرة الصبح ان شاء الله

اندشش الجميع مما أصاب نور ، بينما شعر زياد بالذنب ورغم شعوره هذا إلا أنه حاول أن يخفي ندمه أمام رفاقه وخاصة أخت نور ..

-حسام: انهيار عصبي !! وده جالها ازاي

-وليد: مش عارف ، هي كانت كويسة الصبح

-حسام: الله اعلم باللي حصلها ، لما تفوق أكيد هنعرف اللي حصلها

-وليد : بأمر الله

-نايا: طب ينفع يا دكتور أبات معاها

-الطبيب: مافيش داعي ، الممرضات هياخدوا بالهم منها

-نايا: بليز يا دكتور

-الطبيب: طيب ، بس حد يروح الحسابات عشان آ..

-معتز مقاطعاً: متقلقش يا دكتور الحساب خلاص هيدفع

-نايا: لو سمحت دي أختي وأنا المسئولة عنها

-معتز: نبقى نشوف الحساب بعدين ، بس المهم الوقتي سلامة نور

-الطبيب: اتفهموا مع بعض وشوفوا مين اللي هيدفع الحساب

-معتز: أنا يا دكتور

-نايا باصرار : مافيش داعي

-معتز: لأ خلاص بقى ، خليها عليا المرادي

-زياد: انت ايه مش عاتق حد

-معتز: مالك بيا الوقتي

انصرف زياد بعيداً عن معتز حتى لا يشتبكا سوياً أمام الحاضرين ، ،

-حسام: خلاص يا جماعة ، المهم اننا اطمنا عليها

-وليد: الحمد لله ، وحمد الله ع سلامة نور يا آنسة نايا

-نايا: الله يسلمك ، ميرسي على تعبكم معايا

-حسام: متقوليش كده نور زي أختنا

-وليد: ان شاء الله تبقى كويسة

-معتز: تعالي أما أوصلك البيت

-نايا: لأ أنا هبات معاها مش هسيبها لوحدها

-معتز: ودي تيجي برضوه

-نايا: مينفعش أسيب اختي لوحدها

-معتز: طب عن اذنك شوية

-نايا: اتفضل ... شكراً مرة ثانية ليكوا وأنا أسفة اني عطلتكم

-حسام: لا عطلة ولا حاجة ، احنا موجودين وفي الخدمة

-وليد: لو عوزتي أي حاجة ، ده رقمي اللي في الكارت كلميني في أي وقت

-معتز: لأ مش هتحتاج وأنا موجود معاها ، هبقى أجيبها اللي اتعوزه ، اتوكل انت

على الله وروح شوف مراتك

-وليد: هي لسه مش مراتي

-معتز: يا عم زوء عجبك بقى متبقاش ثقييل

-وليد: أنا مبسوط هنا

-معتز: انت بارد

-وليد: ما أنا عارف

-معتز: يخربيت برودك

-حسام مقاطعاً: خلاص يا عم الحبيب ، احنا ماشيين

-وليد: سبينيشوية آحس أرازي في معتز ، ده أنا مصدقت ان الفرصة تجيلي وع
الطبطاب كمان

-معتز: ياباي لما بتسوقوا فيها

-حسام: يالا بقى أوليد بدل ما يحجزلنا الأوضة اللي جنب نور

-وليد: ماشي ، سلام

وبالفعل انصرف حسام ووليد ، وظل زياد ومعتز ونايا في المستشفى ، أصر معتز
على دفع الحساب الخاص بنور ولكنه تفاجيء ان الحساب قد تم دفعه ..،،،

-معتز: ازاي يعني ؟

-المحاسب: خلاص يا باشا الحساب ادفع من بدري

-معتز: مين اللي دفعه؟

-المحاسب: واحد

-معتز: ماهو أكيد واحد او مال واحدة ، اسمه ايبيه ؟؟

-المحاسب: هو طلب محدش يعرف اسمه

-معتز متسانلاً : غريبة !! مين ده اللي هيدفع حساب نور وفي نفس الوقت مش

عاوز حد يعرف !!!

-المحاسب: أهل الخير كثير

-معتز: يااااااااااا شيخ !!

.....

جلس زياد في الاستقبال محاولاً استيعاب ما حدث ، وكيف أنه يتصرف بعصبية في كل شيء يخص نور ،،،،

-زياد لنفسه: أنا مش عارف بس ليه كل ما تيجي سيرتها أتعصب ، وأبقى نفسي اخنقها كده أو أمسكها وموتها من الضرب ، بس في نفس الوقت مش طايق حد يكلمها ولا يقرب منها ، هي مصيبة واتحدفت عليا ، بس برضوه مكنش ينفع أعمل معاها كده ، بس أنا كنت هعرف منين أنه هيجيلها انهيار عصبي ، يمكن مش أنا السبب ، بس أنا اللس قفلت الباب عليها ، وتقريباً محدش جه بعدي ، بصراحة مبقتش عارف أعمل ايه ولا آآآ....

وبينما هو مستغرق في أفكاره ، رن هاتفه برقم ...،،،،

-زياد هاتفياً: ألووو ، ايوه يا ماما

-رباب: أيوه يا زياد ، انت فين؟؟

-زياد: هه ، أنا ..أنا في مشوار كده ، ليه في حاجة

-رباب: ايوه فيه ، وعاوزاك تيجيلي حالاً

-زياد: اجيلك فين؟؟

-رباب: تجيلي عند!!!!

.....

الحلقة الثامنة عشر :

وبينما كان زياد مستغرقاً في أفكاره ، رن هاتفه برقم والدته ...،،،

-زياد هاتفياً : ألووو ، ايوه يا ماما

-رباب: أيوه يا زياد ، انت فين؟؟

-زياد: هه ، أنا ..أنا في مشوار كده ، ليه في حاجة؟؟

-رباب: ايوه فيه ، وعاوزاك تيجيلي حالياً

-زياد: اجيلك فين؟؟

-رباب: تجيلي عند العنوان ده ((.....))

-زياد: طب ليه؟؟

-رباب: لما هتيجي هتعرف

-زياد: طب ماينفعش نأجل المشوار ده بعدين

-رباب: لأ ماينفعش ، لازم تيجي حالياً ، انا مستنيك ، سلام !!

-زياد لنفسه : استر ياللي بتستر !!

انصرف زياد دون أن يخبر أحد وتوجه نحو المكان الذي توجد به والدته و..،،،

-زياد هاتفياً: انتي فين يا أمي

-رباب: انا واقفة أهو عند مدخل العمارة

-زياد: خلاص شوفتك ، دقيقة وهاكون عندك

-رباب: طيب

-زياد بعد أن ترجل من سيارته : خير يا أمي ، الله ده بابا كمان هنا

-ظاهر: يعني تفتكر يا زياد هسيبك أمك لوحدها مثلاً

-زياد: لأ طبعاً ، بس غريبة انتو الاتنين سوا

-رباب: بص من غير ما نضيع وقت ، فاكر طنطك هدى

-زياد مستفهماً: مين هدى دي ؟

-ظاهر: مامت البنبت اللي انت بهدلتها في النادي

-زياد: نور؟؟

-رباب: ايوه ، هي

-زياد بتوتر: آآ..ايه ... مالها؟؟ في حاجة جديدة حصلت ؟

-رباب: ليه هو في قديم حصل قبل كده ؟

-زياد: لأ مقصدش ، بس يعني في حاجة؟؟؟

-ظاهر: يا سيدي الست هدى كلمت أمك وطلبت منها تظمن على بناتها عشان هي مسافرة وسيباهم لوحدهم ، بس للأسف محدش من البنات موجود وحتى مش بيردوا على تليفوناتهم

-رباب مكلمة: اه واحنا مش عاوزين نقلق هدى ع بناتها كفاية اللي هي فيه ، فالوقتي عاوزين منك تدورلنا عليهم

-زياد: هه

-ظاهر: معلىش يا بني هنتعبك بس محتاجين نظمن

-زياد: أصل .. أصل

-رباب: اعصر على نفسك لمونة وشوفلنا هما فين ، متخافش مش هجوز هالك ، بس الست مأماني ع بناتها و...

-زياد مقاطعاً: يا أمي ، اسمعيني بس

-رباب: متقاطعيش ، انا عاوزة أظمن عليهم ، مهما كان دول برضوه بنات وأم...

-زياد باصرار: يا أمي أنا عارف مكانهم

-رباب وظاهر : ايبيبية؟؟؟؟

-زياد: زي ما سمعتوني ، أنا عارف هما فين

-رباب: ازاي ؟

-ظاهر: عرفت منين؟؟

-زياد: ازاي وفين هبقى أحكيلكم ده بعدين ، لكن حالياً نور في المستشفى

-ظاهر: يا ساتر يا رب ، مستشفى؟؟؟

-رباب: طب ليه؟؟ ايه اللي جرالها؟؟ ما تنطق يا زياد

-زياد: هو أنتي مدياني فرصة اتكلم ، هي تعبت شوية في الشغل وانتقلت
المستشفى

-رباب: طب وديني عندها

وبينما هم يتحدثون كانت احدى الجارات وتدعى دلال تدلف إلى العقار فاستمعت
لحوارهم ..

-دلال : خير يا حضرات ، انتو واقفين هنا ليه ، ومالها نور ؟

-رباب: مين حضرتك؟

-دلال: أنا جارتها الحاجة دلال ساكنة في الشقة اللي جمبها ، هو حصلها حاجة أو
لست هدى؟؟؟

-ظاهر: أها

-رباب: مافيش بس نور تعبت شوية وراحت المستشفى واحنا قرايبها وبنظمن
عليها

-دلال: يا ساتر يا رب ، طب هي في مستشفى ايه؟؟

-رباب: هي فين يا زياد؟؟

-زياد بقرف : في مستشفى الـ ((...))

-دلال: أيوه أنا عارفها

-ظاهر: ماتتعبيش نفسك يا حاجة دلال ، احنا هنظمن عليها ..

-دلال مقاطعة: تعب ايه بس ، ده الست هدى خيرها ع السكان كلهم وبناتها الاتنين
بلسم وزى السكر و...

-زياد مقاطعاً بضيق : هي كويسة وبكرة هترجع البيت ، فمافيش داعي لمجي
حضرتك ، كمان معاد الزيارة فات و..

-ظاهر متدخللاً في الحوار : معلىش يا حاجة ، احنا هنبقى نطمئنك عليها

-دلال: لا حول ولا قوة إلا بالله ، ربنا يطمئنكم عليها ، وسلملي عليها أوي الله
يكرمك

-ظاهر: حاضر يوصل

-رباب: شكراً يا حاجة دلال

-دلال: ربنا ينجيها ويشفيها نور بنت هدى يااا رب

انصرف الجميع و..

-ظاهر: يالا بينا يا رباب ، عاوزين نطمئن عليها

-زياد: حاضر ، اتفضلوا ، هتيجوا معايا ولا هتصلوني

-ظاهر: لأ هتصلك بالعربية

-زياد: ماشي

.....

في المستوصف ،،،

-سامح: انت واثق ان ده مش هيعملها حاجة ؟

-بسيوني التمرجي: لأ اطمئن يا سي سامح

-سامح: أني مش عاوز أروح في داهية

-بسيوني التمرجي: عيب عليك يا سي سامح ، وهو أني برضوه يرضيني أضرك

-سامح: طب هتاخده كيف؟؟

-بسيوني التمرجي : أني حقتت العصير ده بيه ، خليها بس تشربه وادعيلي

-سامح: ربنا يستر

-بسيوني التمرجي: بس متنسانيش في الحلاوة يا سي سامح

-سامح : أما أشوف النتيجة الأول وهروج عليك

-بسيوني التمرجي: خيرك سابق

-سامح لنفسه: ماهو أني مش هستنى أما مرات عمي تحن عليا عشان أشوف

مهجة القلب نور ، لازم أتصرف وأجيبها هنا و اتجوزها

توجه سامح للغرفة الراقد بها نائل و...،

-سامح: العواف عليكي يا مرات عمي ، ازيك يا سي نائل

-هدى: مساء النور يا سامح

-نائل بتعب: اسأ...اسمي نائل

-سامح: حمدلله ع سلامتكم

-هدى: الله يسلمك يا سامح ، بلاش تتكلم يا نائل ، خليك مرتاح ، الدكتور قال ان

المجهود مش حلو عشانك وخصوصاً اليومين دول

-نائل: آآه.. ط..طيب

-فاروق: كنت فين يا ولدي ؟

-سامح: مافيش يا حاج ، كنت بشار بس ع البلد وبشوف اللي حوصل

-فاروق: الله يبارك في عمرك يا ولدي

-سامح: اتفضلي يا مرات عمي ، حاجة بسيطة إكده

-هدى: لأنا مش عاوزة حاجة

-سامح: كده برضوه تكسفيني يا مرات عمي ، وبعدين انتي ماحطتيش حاجة في جوفك من الصباحية

-هدى: طيب خلاص يا سامح ، سيبهم عندك هنا ، وأنا لما أجوع هبقى أكل

-سامح : طب لو مش حابة تاكلي ، اشربي العصير ، ده مفيد وساجع

-هدى: شوية كده

-سامح بخبث: والله لأزعل يا مرات عمي ، لا عاوزة تاكلي ولا تشربي ، يرضيك إكده يا بوي ؟؟؟

-فاروق: خلاص يا ست هدى اشربي العصير ع الأقل

-هدى مستسلمة: حاضر

وبالفعل بدأت هدى في ارتشاف العصير ، بينما اعتلى وجه سامح ابتسامة شيطانية
....

.....

في المستشفى ،،،

كانت نايا تجلس في المقعد المجاور لحجرة نور النائمة بالداخل ، بينما أحضر معتز بعض المأكولات معه وجلس بجوارها و...،،،

-معتز: اطمني يا أنسة نايا ، نور هتبقى كويسة وهترجع أحسن من الأول

-نايا: يارب أميين

-معتز : اتفضلي

-نايا رافضة : ميرسي ، مش عاوزة حاجة

-معتز: لأ ميصحش ، دي حاجة مسح زور ماتتحبش

-ابراهيم: انت فين يا بني كل ده؟؟

-معتز: معلى مشغول شوية

-ابراهيم: مشغول في ايه

-معتز وهو ينظر لنايا : قضية جالالامدة و طازة وع الفرازة

-ابراهيم : قضية ايه ؟

-معتز: لما هارجع البيت هاحكيك

-ابراهيم: ماشي يا بني ، تيجي بالسلامة ، هستناك !

-معتز: ان شاء الله ، بس اتعشى انت يا حاج

-ابراهيم: طيب هاكل حاجة خفيفة لحد ما تيجي ، أه نسيت أقولك نجلاء وأمها كانوا
عندنا

-معتز: يا ساتر يا رب ، وانصرفوا ولا لسه؟؟؟

-ابراهيم : لسه نازلين من شوية ، فضلوا أعتدين مستنينك بس انت اتأخرت أوي

-معتز: احسن انهم نزلوا

-ابراهيم : بس أنا عزمت عليهم يباتوا معانا في الفيلا

-معتز : لبيبيبيبيبيبيبيبي كده يا ابوخليل

-ابراهيم: اسكت يا ميزوو ، دول مرضوش

-معتز بارتياح: أحمذك وأشكر فضلك يااااا رب

-ابراهيم: فقري ، ملكش في الطيب نصيب !

-معتز: يا حاج أنا عارف نصيبى هيكون مع مين ان شاء الله ، حاجة مضمونة كده

مش تقولي نجلاء !!!

.....

-ظاهر لزياد بعيداً عن الموجودين : قلبي حاسس انك ورا اللي حصلها

-زياد: مش وقته يا بابا

-ظاهر: بعدين هنبقى نتكلم ونتحاسب ، بس خليك فاكر بنات الناس مش لعبة ، حظ
كلامي ده في ودانك

-زياد: ربنا يسهل

.....

-رباب: ازيك يا معتز ؟

-معتز: الحمد لله

-رباب: انت هنا من بدري ؟

-معتز: أيوه

-رباب: طب رُوْح بيتك يا بني عشان تقدر تروح شغلك بكرة ، أنا أعدة معاهم

-معتز: لأ انا مبسوط هنا

-رباب: اسمع الكلام يا معتز ، عشان تبقى فايق يا ضنايا

-نايا: ميرسي لتعبك يا استاذ معتز ، كفاية أوي لحد كده ، معلى احنا عطلناك

-معتز: أنا لسه معملتش حاجة ، وعطلة ابييه بس اللي بتكلمي عليها ، ده انا الود
ودي أبات هنا معاكي .. قصدي معاكو

-نايا: معلى شكراً

-معتز بضيق: طيب حاضر

-رباب: ربنا يسلم طريقك يا بني انت واللي زيك

-معتز: أشوفكم على خير ، وان شاء الله هاجي م الفجيرية اطمئن عليكي
..آآآ..قصدي على نور

.....

في نفس التوقيت تقريباً في المستوصف ،،،

ارتشفت هدى بضع رشقات من العصير ، وماهي إلا لحظات حتى شعرت أنها ليست على ما يرام ، حاولت أن تقاوم هذا الشعور وتبدو متماسكة إلا أنها ...،،،

-هدى: أنا... آآآ.. قصدي .. آآآ

-سامح: خير يا مرات عمي

-فاروق: أوَمري يا ست هدى

-هدى : مـ.مش.. آآآ

سقطت هدى على الأرض فاقدة للوعي ، فأسرع إليها سامح والحاج فاروق ..،،،

-فاروق بفزع: يا ساتر ياا رب ، يا ساااااااااااا رب

-سامح: إلحق يا بوي

-نائل: ماما ، مالك ؟؟

-فاروق: اجري بسرعة يا سامح نادي ع الضاكتور يشوف الست هدى مالها

-سامح: حاضر يا بوي

خرج سامح وهو يبتسم أن خطته بدأت تسير على ما يرام ، وتوجه ناحية التمرجي بسيوني وأشار له .. ،،،

-بسيوني التمرجي : تمام يا سي سامح

-سامح: ايوه ، حصل

-بسيوني التمرجي : طب اسبجني وأني هحصلك بالتروللي

-سامح: ظبظت الأوضة اللي هتجدد فيها

-بسيوني: إيوه خلاص ، في عنبر الحريم

-سامح: عظيم جوي

-سامح لنفسه بثقة كبيرة : والله باينها هتمشي معاك آخر حلاوة ياض يا سامح
وبت عمك هتاجي معاك ، آآآآخ منك يا نور وانتي عاملة زي اللوزة المجشرة هع
هع ...

.....
الحلقة التاسعة عشر :

في فيلا معتز ،،،

وصل معتز إلى فيلته متأخراً وكل ما يشغل تفكيره هي تلك الفتاة الرقيقة التي قابلها
اليوم ، فكيف للحظات بسيطة أن تملأ قلبه بالسعادة ، ولكن قطع تفكيره ...،،،

-نجلاء : بخخخخخخ ، مفاجأة !!!

-معتز بخضة: اعوذو بالله من الشيطان الرجيم

-نجلاء بفرحة : ايه رأيك في المفاجأة دي يا مزاميزووو ???

-معتز: مزاميزووو في عينك ، حرام عليكى قطعتي خلفي

-نجلاء: بعد الشر عنك يا حبيبي

-معتز: انتي ايه اللي جابك عندنا ?? مش كنتي روحتي باين مع أمك من زمن ???

-نجلاء: لأ ما أنا حلفت عليها لنبات هنا عشان أشوفك واطمن عليك ، ايه رأيك بقى
في المفاجأة دي ??

-معتز: فقر !!

-نجلاء: بتقول ايه ???

-معتز: منورة

بدأت نور تستعيد وعيها تدريجياً ، وحاولت أن تتذكر ما الذي حدث لها وكيف جاءت إلى هنا ..،،

-نور وهي تحاول فتح عينيها : آآ...ممم...

-نايا بلهفة : ناوو حبيبي ، سمعاني ؟؟

-نور: آآه .. انا ...أنا فين ؟؟

-نايا: انتي يا حبيبي في المستشفى ، تعبتي وجبناكي على هنا

-نور: م...مستشفى ؟ ط..طب ازاي ؟؟

-رباب: حمدلله على سلامتک يا نور

-نور: آ..آنطي رباب

-نايا: ارتاحي يا ناوو ، انتي لسه تعبانة

-رباب: نامي يا بنتي متخافيش احنا معاكي ، والصبحية هتبقى كويسة ان شاء الله

لم تكمل نور الحوار مع نايا ورباب لأنها غفت ، فاستأذنت رباب بالانصراف ، وجلست معها نايا ...

-رباب خارج الغرفة: الحمدلله البنت فاقت وكلمتنا

-ظاهر: الحمدلله

-زياد : الحمدلله

-ظاهر: مش يالا بينا بقي

-رباب: أيوه ، لأحسن الواحد تعب أوي

-زياد: هي نور هتفضل لوحدها ، قصدي هيفضلوا البنات لوحدهم ؟؟

-ظاهر: أيوه

-زياد: هه

-رباب: بتسأل ليه؟؟ ناوي تعمل معاها مصيبة ثانية

-زياد بتردد: هه ، مصيبة ايه بس هو أنا فاضي للكلام ده !

-طاهر: طيب ، تعالي احنا يا رباب ، هتفضل أعد يا زياد ولا جاي معنا؟؟

-زياد: لأ روحوا انتو ، أنا رايح اجيب حاجة من المكتب وهصلكم

-طاهر: طيب

-رباب: متأخرش

-زياد: ربنا يسهل

انصرف والدي زياد ، بينما بقى هو في المستشفى ينتظر بالخارج قليلاً في محاولة أخرى منه للتكفير عن شعوره بالذنب تجاه ما فعله مع نور ...

Flash Back ■■■ لما حدث قبل قليل في حسابات المستشفى

-نايا: طب ينفع يا دكتور أبات معاها ؟

-الطبيب: مافيش داعي ، الممرضات هياخدوا بالهم منها

-نايا: بليز يا دكتور

-الطبيب: طيب ، بس حد يروح الحسابات عشان آ..

-معتز مقاطعاً: متقلقش يا دكتور الحساب خلاص هيدفع

-نايا: لو سمحت دي أختي وأنا المسئولة عنها

-معتز: نبقى نشوف الحساب بعدين ، بس المهم الوقتي سلامة نور

-الطبيب: اتفهموا مع بعض وشوفوا مين اللي هيدفع الحساب

-معتز: أنا يا دكتور

-نايا باصرار : مافيش داعي

-معتز: لأ خلاص بقى ، خليها عليا المرادي

-زياد: انت ايه مش عاتق حد

-معتز: مالك بيا الوقتي

انصرف زياد بعيداً عن معتز حتى لا يشتبكا سوياً أمام الحاضرين ، ونزل درجات السلم وتوجه ناحية مكتب الحسابات الخاص بالمشفى ..،

-زياد: لو سمحت فين الحسابات؟؟

-أحد الممرضين: الأوضة اللي هناك دي

-زياد: شكراً

دلف زياد إلى داخل مكتب الحسابات و..،

-زياد: لو سمحت عاوز ادفع حساب مريضة لسه داخلة عندكم الوقتي

-المحاسب: اسمها ايه ؟

-زياد: نور عبد الرحمن فوزي

-المحاسب: تمام .. حسابها ((...))

-زياد: اوك ، اتفضل كارت الفيزا

-المحاسب: ماشي يا باشا ، اسم حضرتك ايه والبطاقة من فضلك؟؟

-زياد وهو يناوله بطاقته : الرائد زياد طاهر السويفي

-المحاسب: أهلا بيك يا سيادة الرائد ، ربنا يقومهاك بالسلامة ويطمنك عليها

-زياد باقتضاب: ان شاء الله

-المحاسب: اتفضل الفيزا والبطاقة

-زياد: أه ويا ريت لو سمحت متبلغش أي حد ان أنا اللي حاسبت

-المحاسب: بس لو حد جه وسألني آ...

-زياد مقاطعاً: أظن كلامي واضح ، مش عاوز حد يعرف ، قول اللي تقوله، فاهمني

!!!

-المحاسب: أوامرك يا باشا □□□

.....

عودة للوقت الحالي ،،،،

بعد وقت من التفكير فيما حدث ، قرر زياد الانصراف من المستشفى والعودة إلى منزله خاصة بعد أن اقترب الوقت من الفجر تقريباً

-زياد وهو ينظر في الساعة : ربنا يسامحني بقى ع اللي عملته فيكي ، أنا مكونتش أقصد ، بس الحمد لله انك الوقتي بقيتي أحسن ، أوووبيا !!! ده الوقت اتأخر أوي ، يدوب الحق أروح أخذ دش وأنام

.....

في المستوصف بالقرية ،،،

-نائل: ماما ازيها الوقتي يا عمي ؟

-فاروق: الحمد لله يا ولدي ، هي بخير ، تعب ماكان السهر جمبك

-نائل: لو كنت أقدر أقوم من مكاني كنت روحتلها

-فاروق: متتعيش نفسك يا ولدي ، هي في عنبر الحريم ، وإهنة مش هينفع تروح لها ، هي هتبقى بخير ، اظمن

-نائل: يارب يشفيها

-فاروق : أنا هاجوم يا ولدي ، وشوية وأجيبك

-نائل : ماشي يا عمي

-فاروق: نام انت وارتاح ، والصباح رباح ان شاء الله

-نائل: ان شاء الله

وما إن انصرف فاروق من عند نائل حتى دخل إليه سامح و..،

-سامح: كيفك الوقتي يا واد عمي؟

-نائل: الحمد لله أحسن

-سامح: دريت باللي جرى مع الست امك

-نائل: أه وعاوز أروح اظمن عليها

-سامح: من عنيا هاخذك عندها وربنا يظمنك عليها ، بجولك يا واد عمي

-نائل: أيوه يا سامح ؟

-سامح: هتسيب اخواتك البنات كده لوحدته في مصر

-نائل: يعني عاوزني أعمل ايه ؟

-سامح: يجوا يجعدوا معانا إهنة بدل ما هما جاعدين لوحيدهم هناك ياخذوا بالهم

منك ومن مرات عمي

-نائل: مش عارف والله

-سامح: انت راجل يا واد عمي ومايرضيكش كمان ان الناس تكلم ع اخواتك البنات

-نائل بعدم فهم: يتكلموا عنهم ليه ؟

-سامح: جعدة البنات لوحدهم من غير راجل تجيب الكلام وعيبة في حجنا

-نائل: بس دول اخواتي الكبار وأخلاق و..

-سامح مقاطعاً: ما أني عارف ده كله ، اللي أجصده ان الناس الغرب ممكن يتكالموا
عليهم ومحدث موجود يدافع عنهم

-نائل وهو يفكر : مممم.. مش عارف بس..بس ، آآآ... لأ مش هينفع

-سامح: بص أني هاجولك ع اقتراح إكده

-نائل: اقتراح ايه ؟

-سامح: هاتلي عنوان بيتكم الجديد أروح أشجر عليهم وأظمن ، جصدي اظمنكم
عليهم

-نائل: بس...بس..

-سامح: ابراحتك يا واد عمي ، بس أني كان غرضي أظمن عليهم بدل ما تلاجيهم
جلجانين عليك وع امك

-نائل: مممممم..

-سامح: يا عيني ع الست والدتك مين هيراعياها ولا يراعيك ، متأخذنيش أمك مش
بترتاح إلا معاك ومع خواتك البنات

-نائل بعد تفكير : طيب خلاص ، خد العنوان واطمن عليهم ، بس متجبلهمش سيرة
باللي حصل لماما عشان مايتخضوش

-سامح بخبث: اهو ده الكلام يا واد عمي ، اظمن ، أني مش هاجيب أي سيرة عن
اللي حصل .. هات انت بس العنوان ، ونام وارتاح!!!!!!!

.....

الحلقة العشرون :

في صباح اليوم التالي ،،،،

انطلق سامح منذ الصباح الباكر بسيارة والده إلى القاهرة من أجل اصطحاب نور
ونايا معه ، كان سامح يشعر بالسعادة لقربه من تحقيق خطته

-سامح : كلها كام ساعة وتبجي معايا في البلد يا بت عمي ومحدث هيقدر ياخذك
مني بعد إكده إلا على جثتي ، يا بووووووي أني مش مصدق إنني خلاص هوصلك
.. ده أني مستعد أتخالف مع الشيطان عشان تكوني ملكي لوحدني ، هانت يا روح
الروح أني جايلك

.....

في فيلا معتز ،،،،

استيقظ معتز مبكراً ، أو تحديداً هو لم ينم من الأصل ، واستعد للذهاب إلى عمله ،
ولكنه وجد نجلاء تنتظره ..،،،

-نجلاء: مزاميزووو

-معتز: ع الصبح كده

-نجلاء: أنا قولت مش هسيبك تروح الشغل من غير ما تفطر فعملتلك صنية
سندوتشات

-معتز: هو أنا رايح رحلة ، ابيبيه ده كله ؟؟

-نجلاء: ده يدوب حاجة تمسح بيها زورك

-معتز بقرف: امسح بيها زوري !! وسعي شوية أنجلاء خليني أمشي

-نجلاء: لأ مش قبل ما تاكل حاجة

-معتز: يا ستي مش عاوز ، أنا عامل دايت !!!

-نجلاء: طب ما أنا كمان عاملة دايت ، وياكل كل حاجة

-معتز: دايت وبتاكلي don't mix يا نجلاء

-نجلاء: ده الدكتور اللي قايلي ع الدايت ده عشان أخس

-معتز: أكبييد تور مش دكتور ، بس تصدقي صح ، أنا فعلاً شايفك خسييتي

-نجلاء بفرحة : الله ، انت أول حد يقولي كده ، أكيد انت متابعني كويس

-معتز: خسييتي ايبييه يا شيخة انتي صدقتي ، ده انتي بقيتي أدي عشر مرات ،

وسعي بقى أخدة الهوا كله ، ياباااي

-نجلاء: مش هاسيبك يا مزاميزووو ، ده انت الحب كله

-معتز في نفسه : ربنا يسامحك ياللي في بالي

-ابراهيم : صباح الخير يا بني ، ايه رأيك في المفاجأة الحلوة اللي عملتهاك ؟

-معتز: من جهة مفاجأة فهي فعلاً مفاجأة بس مش حلوة خالص

-ابراهيم : ليه يا بني ؟

-معتز: دي مفاجأة مبهوأة ع الآخر ، ليه عملت فيا كده آحاج ، ده انا برضوه

ابنك الوحيد

-ابراهيم: عشان تتحرر شوية ، بدل ما البت تضيع منك ومتلاقيهاش

-معتز: كل دي وتضيع ، جرى ايه يا حاج احنا هنكذب من أولها !!

-ابراهيم: بس يا واد انت مش فاهم حاجة

-معتز: طب اديني سكة آحاج ، خليني ألحق أروح الادارة بدل ما أدبس في نجلاء

-ابراهيم: بس اعمل حسابك هتتغدى معانا النهاردة

-معتز: لأ مش عامل .. سلام

-ابراهيم: عبيط ، مش فاهم حاجة في الستات ولا البنات

-نجلاء: خير يا عمي ، كلمت مزاميزوو عني ؟

-ابراهيم: ايوه يا بنتي ؟؟

-نجلاء: ها وقالك ايه ؟؟ ها ؟؟

-ابراهيم: خلي عندك امل في ربنا ، وادعيه وان شاء الله خير

-نجلاء: ياااااااااااا رب يجعل في وشي القبول

.....

في المستشفى ،،،

استيقظت نور وكانت صحتها أفضل حالاً من الليلة السابقة وجلست لتتحدث مع أختها ..،،

-نايا : صباح النور على أحلى نور

-نور: ص..صباح الخير يا نونة

-نايا: ازيك الوقتي يا حبيبتي

-نور: الحمدلله أحسن

-نايا: خضنتي عليكى أوي امبارح ، انا كنت هتجنن عليكى

-نور: هو ايه اللي حصل ؟ ومين اللي جابني هنا ؟

-نايا: انتي اتأخرتي عليا ، وطلبتك بس تليفونك كنتي نسياه ع الشاحن

-نور: اوبس انا فعلاً نسيته

-نايا: أيوه ، وبعد كده كلمت ريم عشان تدور عليكى معايا ، بس حصلت لها مشكلة والحمدلله لاقيناكي محبوسة في الصالة ، بس ايه اللي حبسك فيها ؟؟ مانتيش فاكرة اي حاجة ؟؟؟

-نور: أنا..أنا أخر حاجة فكراها اني كنت في الصالة ، لأ كنت في أوضة اللبس وبعد كده النور قطع وخوفت فروحت أفتح الباب لاقيتوه مقفول وأعدت أنادي ع أي حد بس محدش سمعنى ، وبعد كده مش فاكرة حاجة

-نايا: الحمدلله انها جت ع أد كده

-نور: الحمدلله ، بس مين اللي جابني هنا

-نايا: زياد

-نور: في ايه؟؟

-نايا: الظاهر اني نسيتها في شغلك

-نور: نعم؟؟ نسيتها

-نايا: ايوه ، اكيد من لبختي نسيتها هناك

-نور: طب والعمل دلوقتي

-نايا: مش عارفة ، خلاص هتصرف

-نور: خلاص يا نونة خاينا نفطر الأول وبعد كده نمشي سوا نروح نجيبها من شغلي

-نايا: أوك

.....

في الإدارة ،،،

وصل معترز مبكراً إلى مقر الإدارة ووجد زياد يجلس على المكتب شاردًا وحالته شبه مزرية ، كان مترددًا هل يتحدث معه أم يصمت ، ولكنه عقد العزم على أن
“....”

-معتز: صباح الخير ، انت هنا من امتي؟

-زياد: أنا هنا من بدري ، أنا تقريباً مروحتش

-معتز: أها ، ماهو باين عليك

-زياد بتردد: بقولك هو ..انت..انت هتروح المستشفى؟

-معتز: يعني ، هشوف نفسي

-زياد: طب مافيش جديد؟

-معتز بضيق : وأنا هعرف منين يعني؟ شايفني بنجم ولا بشم تحت ظهر ايدي؟؟؟

-زياد بعصبية : خلاص يا معتز ، مكانش سؤال ياخي

-معتز: طيب ما تتعصبش عليا ، ولعلمك الكلام اللي قولته عني وعن نور مش صح ، أنا كل اللي كنت عاوزه منها تنزلي شوية ألعاب من ع الننت ، والورقة اللي اديتهاها كانت فيها أسامي الألعاب دي عشان البلاي ستيشن

-زياد: ايبيه؟؟

-معتز: زي ما سمعت ، أنا طلبت منها تنزلي كام لعبة جديدة وتفكلي شفرتهم عشان أغلب بيهم عمر وشلتته ، بس انت كنت زي الطلقة حدفتنا بالكلام من غير ما تعرف الحقيقة

-زياد: يعني مافيش بينكم حب وغراميات؟

-معتز: حب ايه اللي انت جاي تقول عليه

-زياد: معتز !! أنا مش فايقلك

-معتز: يعني مافيش بيني وبين نور غير شوية ألعاب وبسسسس !!!

وهنا لمح معتز حقيبة حريمي على الأريكة ..،

-معتز: ايه دي ؟

-زياد: في حاجة ؟

-معتز: هه ، لأ مافيش

جلس معتز على الأريكة وأمسك الحقيبة بيديه ، وبدأ يفحص ما بداخلها بهدوء وتركيز شديدين ..،

-معتز لنفسه: تكونش دي شنطة نايا ، طب أما أفتحها واشوف فيها ايه .. ممممم .. ماشاء موبايلين يعني غنية ومقتدرة ، اووبا دي أكيببيد المحفظة بتاعتها ، شكلها شيك ورقيق زيها ، اما أبص أشوف فيها أي حاجة تنفع .. اللهم صلي على النبي بطاقتها ، مممم .. لأ السن مناسب فعلاً ، الفرق مش كبير ، وساكنة في حتة حلوة ايه ده كمان صورتها !!! حلاااااااااوتك يا ميزوو لما ربنا يفتحها في وشك ع الأخررررر ، أما أصور صورتها بالموبايل أهى تنفع برضوه ، طب بالمره أخذ

رقمها طالما الموبايل في الشنطة ، أيوون أنا هرن على نفسي !! أوبالالالال ..
الموبايلات فاصلة شحن ... يا خسارة ، أكبيبيد حد باصلي في الموضوع !!

-زياد لنفسه: أنا ظلمتها وفكرت ان بينها وبين معتز حاجة ، يا ريتني ما اتسرعت
و عملت فيها اللي حصل ، بس أنا كنت هاعرف ازاي ان مافيش حاجة بينهم ، كل
حاجة كانت بتدل ع أنهم ...يووووه ، استغفر الله العظيم يا رب !!

نظر زياد إلى معتز فوجده منشغلاً بفحص أحد الحقايب النسائية فاقترب منه و...،،،

-زياد : بتعمل ايه عندك أمعتز ؟؟؟؟

-معتز بفرع: ابيبييه يا عم خضنتي

-زياد: ايه اللي ماسكه في ايدك ده ؟؟؟

-معتز: مافيش ، دي..دي شنطة

-زياد: ما أنا عارف انها شنطة ، هو أنا قولتلك قنبلة ، أقصد يعني بتاعة مين ؟

-معتز: حب العمر

-زياد: افندم

-معتز: بتاعة اخت نور

-زياد: أها .. ماشي

-معتز: هي تقريباً نسيتهنا هنا ، أما أروح أوديها لها بالمره في المستشفى بدل ما
تكون قلقانة عليها

-زياد: طب خدني معاك

-معتز: ليه ان شاء الله ، عاوز تكمل وصلة الخناق بتاعة امبارح

-زياد: لأ ، أنا هظمن ع البيت وخلص

-معتز: زياد أبوس ايدك مش عاوزين مشاكل وخناقات ع الصبح

-نور: هه .. لأ مافيش

-رشا: الحمد لله اني اطمنت عليكي

-نور: الحمد لله ، وشكراً مرة ثانية ع زيارتك ليا

-رشا: حمد لله ع سلامتك ، وإن شاء الله نكمل تدريباتنا أما صحتك تشد شوية

-نور: أكيبببب ان شاء الله

انصرفت رشا بعد زيارتها لنور ، بينما جلست نور في الفراش تفكر ملياً فيما قالته رشا عن معرفة زياد بأنها كانت موجودة بالصالة ..،،

-نور لنفسها: لألألألأ مش ممكن ، طب هو هيعمل كده ليه ، لأ بلاش أظلمه ، بس معنى كلام رشا انه كان عارف اني جوا ، أكيد هو اللي قفل عليا الباب من بره ، استحالة حد تاني يعملها ، ماشي يا زياد ، أما أشوفك

-نايا: الجميل سرحان في ايه ؟

-نور: هه ، ولا حاجة

-نايا: ماشي يا ست الكل ، ادلعي اليومين دول بس عشان انتي تعبانة ، الدكتور جاي كمان شوية هيشوفك وان شاء الله يكتبك على خروج خلينا نرجع بيتنا تاني

-نور : ان شاء الله

.....

في نفس الوقت عند منزل عبد الرحمن فوزي ،،،

وصل سامح بسيارته إلى منزل عمه وهو في قمة سعادته ، صعد إلى الطابق الرابع حيث تسكن حبيبة قلبه وطرق الباب عدة مرات لكنه لم يجد أي اجابة فظن أن الفتاتين نائمتين ، فأخذ يطرق الباب بقوة أكبر لعل من بالداخل يسمعه ..،،،

-سامح: كل ده ومحدث سامح ، ده لو كان جتيل كان زمانه صحي من النوم
(طق..طق...طق) .. يا نوووور ، ياااا نايا ، يا بنااااات عمي (طق...طق...طق) ،
افتحوااااا ، أني سامح واد عمكم فاروق ..(طق...طق...طق)

-سامح لنفسه: يابووي مش معجول يكون سماعهم تقيل جوي ، لأ أني مش مطمئن
، أني هخبط ع حد من الجيران يمكن يكون عارف أي حاجة عندهم ...

يأس سامح من الطرق على باب منزل عمه ، فقرر أن يطرق باب الجيران لعل
أحدهم يعرف ما الذي حدث معهم يعرف من أحد الجيران ..،،،

-سامح: العواف عليكي يا حاجة

-دلال: خير يا بني ، عاوز حاجة

-سامح: لا مؤاخذة يا حاجة ، أني قريب الست هدى مرات المرحوم عبد الرحمن ،
وبخبط عليهم من بدري بس محدش بيفتح

-دلال: قريبهم منين؟؟؟

-سامح: من البلد ، أني واد عمهم الكبير فاروق

-دلال: أها .. بس يا بني محدش موجود منهم

-سامح: ليه؟؟ راحوا فين؟؟

-دلال: بعيد عنك أصل نور ال....

-سامح مقاطعاً بلهفة: نور؟؟؟ مالها ، ايه اللي حصلها؟؟

-دلال: الظاهر تعبت امبارح بالليل وخذوها ع المستشفى ، ده حتى في جماعة
قرايبهم برضوه جوم سألوا عليها امبارح

-سامح: طب ما تعرفيش يا حاجة هي في مشتشفى ايه؟

-دلال: ايوه عارفة ، استنى يا بني أكتبلك العنوان في ورقة

-سامح: طب بسرعة اللي يرضى عنكي يا حاجة

-سامح لنفسه: استرها يا رب على نور ، جيب العواجب سليمة معاها يا رب ، أني عارف متحصلش المصيبة ليه مع العقربة امها ولا حاجة

-دلال وهي تعطي الورقة له: اتفضل يا بني ، المستشفى مش بعيدة

-سامح: ولو حتى في آخر الدنيا ، أني رايلها ، متشكر يا حاجة

-دلال: العفو يا بني ، ربنا يظمنك عليها

انطلق سامح مسرعاً بالسيارة نحو المستشفى التي ترقد بها نور داعياً الله أن تكون بخير

.....
الحلقة الحادية والعشرون :

في المستشفى ،،،

وصل زياد ومعتز إلى المستشفى ، بينما كانت نور تستعد للذهاب حيث صرح الدكتور لها بالخروج ..،،،

-الطبيب: انتي بقيتي تمام الحمد لله يا أنسة نور

نور: يعني أقدر أخرج يا دكتور ؟

-الطبيب: أه طبعاً ، أنا خلاص كتبلك على خروج ، بس مافيش داعي في الفترة الجاية لأي اجهاد نفسي أو عصبي

نور: ان شاء الله

-الطبيب: حاولي كمان تخرجي وتغيري جو

-نايا: سيب الحكاية دي عليا يا دكتور أنا هظبطها

-الطبيب: ان كان كده ماشي

-نايا بسعادة: لأ انت متعرفنيش في الحاجات دي

دلف معتر مع زياد إلى داخل الغرفة و...،،،

-معتز متدخلًا في الحوار: ويعرفك ليه أصلاً؟؟

-الطبيب: أهلا يا سيادة الرائد ، عن اذنكم

-معتز بضيق: اتفضل

-نايا: احم.. أهلا وسهلاً نورتم

-معتز: المكان منور بصحابه

-زياد لنور: صباح الخير ، ازيك الوقتي ؟

-نور بقرف: الحمدلله

-معتز: حمدلله ع السلامة يا نور

-نور: الله يسلمك يا سيادة الرائد

-معتز: رائد ايه بس، ده أنا وانتي زي الاخوات يعني تقولي لي معتر على طول ، ولا

ايه رأيك يا أنسة نايا؟

-نايا: أه طبعا كلنا اخوات

-معتز: لأ مش كلنا الصراحة ، أنا بقول خلينا أصحاب أحسن ، بالحق الشنطة دي

بتاعتك؟؟

-نايا وهي تمسك حقيبتها : أيوه هي ، انت لاقيتها فين ؟

-معتز: الظاهر انك نسيتها في المكتب امبارح

-نايا وهي تتفحص محتويات حقيبتها : الحمدلله كل حاجة موجودة

-معتز: يعني أنا رااضي ذمتك ، انتي سايبية شنطتك في معقل رجال القوات الخاصة
هتقلبي ازاي فيها؟؟؟ هو حد قالك انك سيبهاها في محطة مصر؟؟

-نايا: لأ..مقصدش ، أنا بس بظمن ع الحاجة

-معتز: لأ اظمني ، كله في الحفظ والصون

-نايا: اوووبس ده الموبايلات فاصلة شحن ، زمانت مامي هتجنن علينا ، لازم أدور
على شاحن واشحنهم فوراً

-معتز: طب تعالي كده نشوف حد من الممرضين معاه شاحن ولا حاجة

-نايا: خلي حضرتك هنا ، وأنا هاروح أدور بنفسي

-معتز: ايه حضرتك دي كمان ، بقولك احنا زي الأ أصحاب وقريب أوي هنبقى
نسايب

-نايا: أفندم؟؟؟

-معتز: تعالي بس خالينا نلحق نشحنه بدل ماهو فاصل كده

انصرفت نايا بصحبة معتز للبحث عن شاحن مناسب لهاتفها المحمول ، بينما ظل
زياد مع نور التي،،،،،

-نور: أه طبعاااااااااااااااااا سيادتك جاي تظمن ان كنت موت ولا لسه فيا النفس

-زياد بتعجب : نعم !!

-نور: أيوه ، أيوه ، اعملي فيها عبيط ومش فاهم حاجة

-زياد: تقصدي ايه ؟

-نور: اقصدي اني كشفتك ع حقيقتك ، وعرفت اللي عملته فيا

-زياد: بصي ..أنا...أنا

-نور مقاطعة: انت مغدكش دم ولا أخلاق ولا احساس ، ازاي يجيلك قلب تعمل فيا
كده؟؟؟ مفكرتش للحظة اني كان ممكن أموت ولا يجوالي حاجة ، بس انت هتحس
ازاي وانت كتلة حجر ماشية على الأرض

-زياد: لأ يا حلوة بسببك انتي !!!

-نور: يوووه ، امشي بقى !!

خرج زياد من الغرفة بعد شجاره مع نور لكي يبحث عن معتز حتى يعودا سوياً إلى عملهم ..،،

-زياد لنفسه: ياباااي ، بت خنيق وبتكلم من مناخيرها وعماللي فيها زينة بتاعة هرقليز أومال سي بتاع راح فين ده كمان؟؟ أنا مش عارف ماله بقى عامل زي الزئبق كده ليه ، كل ما ألقيه يختفي ، مش ثابت في مكان محدد ، مايبصدق يشوف واحدة يلزقلها !!!!

.....

في تلك الأثناء وصل سامح إلى المستشفى ، ترجل من سيارته واتجه إلى الاستقبال ليسأل عن نور،،،

-سامح: جولي يا أستاذ في واحدة نازلة حداكم اسمها نور؟؟؟

-مسئول الاستقبال: ده مش فندق يا بلدينا ، دي مستشفى!

-سامح: ما أني عارف انها زفت مشتشفى ، أني أجصد في مريضة نازلة هنا اسمها نور

-مسئول الاستقبال: طب قولي اسمها بالكامل ، ودخلت امتي؟؟

-سامح: اسمها نور عبد الرحمن فوزي ، ودخلت امبارح حداكم

-مسئول الاستقبال : طيب لحظة أشوف الكشوف !!

-سامح: بسرعة يا أخينا الله يكرمك

-مسئول الاستقبال : اصبر عليا هراجع الكشوف

-سامح: يا ميسر

-مسنول الاستقبال بعد لحظات : أيوه فعلاً في واحدة بالاسم ده دخلت عندنا وكا..

-سامح مقاطعاً: طب هي عاملة ايه دلوجيت ؟؟؟؟

-مسنول الاستقبال: معرفش

-سامح: طب جولي رقم أوضتها ؟

-مسنول الاستقبال : هي موجودة في اوضة رقم ((...)) في الدور الثاني

-سامح: متشكر ياخي ، الله ما يوجعك في ضيعة !

جرى سامح بسرعة ناحية الغرفة التي توجد بها نور ، وما إن وصل حتى طرق الباب ودخل الغرفة فور سماعه لصوتها ..،،،

-نور باستغراب : ابييه ده سامح !!!!!

-سامح بلهفة: مالك يا حبيبة جلي ، ايه اللي حصلك ؟؟

-نور باستغراب : في ايه يا سامح ؟؟ ايه اللي جابك هنا ؟؟ انت أصلاً عرفت مكاني ازاي ؟؟؟؟

-سامح: ولاد الحلال جالولي انك بعافية ، فجيت جري أظمن عليك

-نور: شكراً ، بس انت أصلاً جيت هنا ليه ؟

-سامح: جلي هو اللي جابني هنا ، زي ما يكون كنت حاسس بيكي

-نور: لو سمحت يا سامح أنت عارف كويس إنني مش بحب الكلام ده ، من فضلك اطلع الوقتي بره

-سامح: مش جبل ما أظمن عليك يا حبيبي

-نور: لو سمحت بطل بقي

-سامح: طب اعملي حسابك انك جاية معايا دلوجيت البلد

-نور: افندم ؟؟ ليه ان شاء الله ؟؟؟

-سامح: امك وأخوكي بعافية وعاوزينك معاهم

-نور: ايبييه؟؟ بتقول ايبييه؟؟؟ في ايه اللي حصلهم؟؟؟

-سامح: حاجة بسيطة اظمني ، بس لازم تيجي البلد تشوفيهم بنفسك

-نور: مش هتنقل من هنا غير مع أختي ، وكمان لما أكلم مامي بنفسها وهي اللي تقولي ان كنت أجي ولا لأ

-سامح: يعني ايه؟؟

-نور: زي ما سمعت يا سامح ، أنا مش هاروح معاك في حطة إلا لما مامي تكلمني الأول أو أنا أكلمها وأعرف منها اللي حصل !

-سامح: وأني مش هاسيبك تجعدي هنا لوحدك

-نور: مين قالك إني لوحدي؟؟ أنا معايا نايا أختي

-سامح: برضوه لأ

-نور وهي تعقد ذراعيها أمام صدرها بثقة : وأنا مش هتحرك خطوة واحدة إلا لما أعرف بالظبط اللي حصل من مامي !!

-سامح: بجولك ايه ، أني مش فاضي لدلحك الماسخ ده ، انتي هاتجي معايا والجزمة فوق دماغك!!!!!!!

-نور: أفندم بتقول ايه؟؟؟

-سامح: اللي سمعته يا بت عمي !!! جعاد هنا مش هيحصل .

-نور بعصبية : أنت أصلاً مين عشان تتحكم فيا وتقولي أه ولا لأ على شيء يخصني أنا.

-سامح: أني .. أني ..

-نور: انت ولا حاجة

-سامح بضيق: أني بحبك

-نور: يووووه ، رجعنا للكلام الفاضي ده تاني

-سامح: بصي بجي عجبك كلامي ولا معجيبش انتي هتاجي معايا

-نور: ده بعيد عن شنبك

-سامح: يبجي انتي متعرفنيش يا بت عمي

-نور: بقولك ايه انت التاني ، اطلع بره عشان أنا مش ناقصاك ع الصبح

-سامح بعصبية: جوتلك هتاجي معايا يعني هتاجي معايا ، بالذوج بالعافية هتاجي
!!...

قام سامح بامسك نور من ذراعها بشدة ، وجذبها إلى خارج الغرفة وهي تصرخ
به أن يتركها ..،

-نور بصريخ: انت اتجننت في عقلك ، سيب ايدي

-سامح بنرفزة وهو قابض على ذراعها : لع

-نور: سيب ايدي بدل ما أصوت وألم عليك الناس

-سامح: أعملي اللي يلد عليك بس مش هسيبك يا نور ، انتي فاهمة !!!

-نور وهي تدفعه بشدة: اوعى بقى سيبيني ، الحقووني

-سامح وهو يسحبها معه: محدش هينجداك مني يا نور ، انتي بتاعتي

-نور: سيبيني يا حيوان ، أAAAAAAAAAAAAه!!!!

.....

الحلقة الثانية والعشرون :

في الإدارة ،،،

-حسام: الله ، او مال فين معتز زياد؟؟

-وليد: أكبيد راحوا يطمنوا على نور

-حسام: طب احنا كمان هنروحلها ولا نطنش؟؟

-وليد: مممم... مش عارف ، استنى أما أكلم معتز وأعرف منه ان كانت نور لسه
في المستشفى ولا خرجت ، بدل ما نروح ع الفاضي !!

-حسام: ماشي

.....

في المستشفى ،،،

ظل معتز ملاصقاً لنايا وبحث لها عن شاحن لتوصله بهاتفها المحمول و..،

-نايا: ميرسي تعبتك معايا

-معتز: يا ريت كل التعب يبقى كده

-نايا: هه ، أفندم؟؟

-معتز: لأ انا بقولك شوفي الموبايل اشتغل ولا لأ

-نايا: أهو بيشحن

-معتز: ممكن موبايلك لحظة

-نايا: ليه ؟

-معتز: هاشوف بس الكابل بتاعه

-نايا باستغراب: أوك .. اتفضل

-معتز: أه تصدقي بيشحن

-نايا: ما أنا قولتلك

-معتز وهو يطلب رقمه من هاتفها : أها

رن هاتف معتز برقم نايا ، فأخرج الهاتف من جيبه وقام بتسجيل رقمها لديه ..،،

-معتز لنفسه : يااااااااااا سلااااااام ، ماشية معاك يا واد يا ميزووو آخر حلاوة ،
بالظبط زي السكنينة في الجاتوووه

-نايا: انت بتعمل ايه ؟

-معتز بخبت: بشوف ان كان خطك شغال ولا لأ

-نايا: يا سلااااااااام ، وهو كان ايه اللي هيووقفه ؟؟؟

-معتز: أقصد يعني ان كان معاك رصيد ولا أشحنك بجنية

-نايا وهي تأخذ منه الهاتف: الحمد لله معايا ، أنا فاتورة !!

-معتز: يا خسارة ، كنت مفكر كارت زي حالاتي

-نايا وهي ترى سجل الرسائل النصية : ياااااااه كل دي مكالمات فايته من ريم
وكم ان من أرقام غريبة !!!

-معتز: معلش تلاقى الجماعة كانوا بيظمنوا عليكوا

-نايا وهي تطلب والدتها : مممممم.. غريبة مامي مش بترد ، ده حتى ما اتصلتش
عليا من امبارح

-معتز: لعل المانع خير

-نايا: مش عارفة ! ربنا يستر

.....

وفي نفس الوقت كان زياد يبحث عن معتز في أرجاء المستشفى ، ولكن دون
جدوى ، فقرر الاتصال به ..،،،

-معتز وهو ينظر لشاشة هاتفه : ابيبيه ده زياد !! بيتصل ليه !!

-زياد هاتفياً: انت فيبيبين ؟؟؟ عمال أدور عليك

-وليد: قصدي اخت نايا

-معتز: وليييبيبيد ، خف تعوم يا حبيبي ، انت داخل على جواز ، هه ، فاهمني !!!

-وليد: ههههههههههههههههههههه بهزر معاك يا ميزوو ، قولي نور خرجت من
المستشفى ولا لسه ???

-معتز: لأ خلاص خارجة

-وليد: يا خسااااااااااارة ، كان نفسي أشوفها هي وأختها

-معتز: لا يا راجل ، روح شوف مراتك احسنلك

-وليد: انا لسه ع البر ، وبفكر إني آآآ...

-معتز مقاطعاً: وليييبيبيد !! بدل ما أدعي عليك ان ربنا يسلط عليك حماتك

-وليد: يا ساتر يا رب ، لأ يا عم مش عاوز ، ع العموم ابقى سلم عليهم وقول لنور
حمد لله ع السلامة ومستينها

-معتز: ان شاء الله ، سلام ... ناس تخاف ماتختشيش صحيح !!!

.....

توجه زياد إلى جراج المستشفى ، وجلس في سيارته منتظراً مجيء معتز ...

-زياد: أنا مش عارف الزفت ده بيغطس فين كل ده ، مايصدق يلاقي أي واحدة
وعلى طول يبقى في ديلها !!! والمصيبة كلهم ببقوا مبسوطين من لزفته دي ..
على ايه مش عارف !!!

.....

في المستوصف ،،،

كانت السيدة هدى راقدة في عنبر النساء بالمستوصف ، ولا يدري أحد ما الذي أصابها إلا ...،،،

-بسيوني التمرجي: ها يا نبوية ، الولية اللي جت حداكي امبارح لسه مخمودة ؟

-نبوية: ايوه يا سي بسبوني

-بسيوني التمرجي: طب خدي بالك أما تفوج تبلغيني

-نبوية: حاضر يا سي بسبوني

-بسيوني التمرجي: خدي يا به القرشين دول

-نبوية وهي تضع النقود في جيبها: خيرك سابج يا سي بيسوني

.....

-نائل : أنا عاوز أروح اشوف ماما

-فاروق: حاضر يا بني ، يا جي الضاكتور ونروحها سوا

-نائل: هو عندها ايه بالظبط

-فاروق: ماخبرش

-نائل: ازاي يا عمي ماتعرفش عندها ايه ؟

-فاروق: اصبر يا ولدي ، زمانت الضاكتور جاي يجولنا مالها ، واخبارها ايه

دلوجيت

-نائل: طيب

.....

عودة للمستشفى مرة اخرى

قام سامح بامسالك نور من ذراعها بشدة ، وجذبها إلى خارج الغرفة وهي تصرخ

به أن يتركها ..،،،

-نور بصريخ: انت اتجننت في عقلك ، سيب ايدي

-سامح بنرفزة : لع

-نور: سيب ايدي بدل ما أصوت وألم عليك الناس

-سامح: أعملي اللي يلد عليك بس مش هسيبك يا نور ، انتي فاهمة !!!

-نور وهي تدفعه بشدة: اوعى بقى سيبي ، الحقووني

-سامح وهو يسحبها معه: محدش هينجداك مني يا نور ، انتي بتاعتي

-نور: سيبي يا حيوان ، أAAAAAAAAAAAAه

-سامح: اسكتي ساكته خالص ، وانجري معايا

-نور: انت مجنون ، سيبي

-سامح: مش هيحصل

توجه سامح بنور إلى جراج المستشفى وهي تصرخ به أن يتركها ..

في تلك الأثناء كان زياد جالساً في سيارته يتفقد الساعة في هاتفه المحمول ، فلمح من داخل سيارته نور بصحبة رجل غريب يبدو من ملامحه أنه ليس من أهل المدينة ..،،،

-زياد لنفسه: ايبيه ده ، نوووور !!! ماشية مع مين ، مالها لزقاله كده ليبيبيه ؟؟؟،
مممم.. الظاهر انه مش مكفيها رجالة القاهرة فاشتغلت ع بتوع الأرياف كمان
!!! فينك يا معتز ، خلينا أغور من هنا بدل ماأنا أعد يتحرق دمي ع الفاضية وع
المليانة !!!

.....

الحلقة الثالثة والعشرون :

-نور لزياد بتوسل شديد : اقسم بالله ما ليا علاقة بيه ، صدقني يا زياد ، طب حتى
كلم اختي واسألها وهي هتقولك الحقيقة ، اقسم بالله ما بكذب

.....

في نفس الوقت في غرفة نور بالمستشفى ،،،

-نايا: الله ! أو مال نور فين؟؟؟ دي كان المفروض تستتاني هنا

خرجت نايا من الغرفة لتسأل أحد الممرضات عن مكان نور و..،،،

-نايا: لو سمحتي ، المريضة اللي كانت في الأوضة دي راحت فين ؟

-الممرضة: معرفش والله

-نايا: انا مش لاقياها ، طب أسأل مين طيب؟؟

-الممرضة: اسألني عند البوابة يمكن حد شافها

-نايا: شكراً

-نايا لنفسها : راحت فين دي بس؟؟؟ لا حول ولا قوة إلا بالله

-معتز من خلف نايا: مالك بتدوري على حاجة !!

-نايا بفزع: اوووه ، خضتني

-معتز: سلامتك من الخضة يا جميبيل

-نايا: من فضلك

-معتز: أنا حابب أساعد

-نايا: انت مش كنت ماشي ، ايه اللي مخليك هنا لسه ؟

-معتز: قولت يمكن تحبوا حد يشيلكم الشنط ولا حاجة ، أو محتاجين عربية

توصلكم البيت

-نايا: شكراً

-معتز: والله ما عزومة مركبية

-نايا وهي تنظر بعينيها في ارجاء المستشفى : أها

-معتز: في ايه ، بتدوري على ايه يمكن أساعدك

-نايا: بدور على نور ، مش لاقياها

-معتز: يمكن سبقتك

-نايا: لأ ، هي المفروض كانت هتستتاني في الأوضة عشان نمشي سوا ، وبعدين
انت حاشر نفسك معانا كده ليه

-معتز: يا ستي أنا عاوز أساعد وأعمل خير ، ليه عاوزة تحرميني من الثواب

-نايا: لا والله

-معتز وهو يرفع يده بالدعاء : طبعاً .. انتي مش شايقة التقوى والسماحة اللي
هتنتظ من وشي ، اللهم زدني تواضع ياااا رب

-نايا: لأ واضح فعلاً

.....

وصلت نايا لمدخل المستشفى وسألت احد موظفي الاستقبال عن نور ، ولكنه لم
يراها ...

ثم رن هاتف معتز برقم ،،،

-معتز هاتفياً : جاي ، والله جاي يا زياد

-نور: شوفلي اختي نايا بسرعة يا معتز الله يكرمك

-معتز: ايه ده انتي نور؟؟

-زياد وقد أخذ منها الهاتف : الأتسة نايا معاك

-معتز: هه ، لأ .. أه !

-زياد بنرفزة : معاك ولا لأ ؟

-نايا بقلق : في ايه؟؟

-نور ببكاء: سامح ضربيني وعاوز ياخدني غصب معاه

-سامح مقاطعاً: وهموتك م الضرب كمان طالما معوجة عليا

-نايا: قطع ايدك قبل ما تلمس شعرة منها

-سامح: لأ هلمسها وأكسر ضلوعها كلها

-معتز متدخللاً في الحوار: ايه يا عم انت مالك داخل حامي كده ليه ، مش عاجبك الرجالة اللي واقفة

-سامح بتحدي: امشي ياض انت بدل ما أعمل الصوح معاك

-معتز: انت أد كلامك ده ???

-نايا: انا هبلغ مامي باللي حصل و..

-سامح: بلغني الجن الأزرق حتى ، أني هاخذ نور يعني هاخذها !!!

قام سامح بجذب نور من بين أحضان أختها بالقوة ، فتدخل زياد ومعتز ومنعاه من الاقتراب منها ..،،،

-زياد بعصبية : فكر بس تقرب منها وانا قسماً بالله أفرمك

-معتز: لأ ، كله إلا كده !!!!

-سامح: دي هتبجي مراتي ، ليه ياخوانا بتحشوني عنها

-نايا: انت مجنون ، مراتك ايه وزفت ايه ??? أنت مافيش بينك وبينها حاجة

-سامح: أني هاتجوزها !!

-زياد وقد نفذ صبره : انت اتجننت ، ازاي هتجوز خطيبيتي ???

-الجميع : ايبيبيبيبيبيبيبه !!!

.....
الحلقة الرابعة والعشرون :

قام سامح بجذب نور من بين أحضان أختها بالقوة ، فتدخل زياد ومعتز ومنعاه من الاقتراب منها ..،،،

-زياد بعصبية : فكر بس تقرب منها وانا قسماً بالله أفرمك

-معتز: لأ ، كله إلا كده !!!!

-سامح: دي هتبجي مراتي ، ليه ياخوانا بتحشوني عنها

-نايا: انت مجنون ، مراتك ايه وزفت ايه ؟؟؟ أنت مافيش بينك وبينها حاجة

-سامح: أني هاتجوزها !!

-زياد وقد نفذ صبره : انت اتجننت ، ازاي هتجوز خطيبتي ؟؟؟

-الجميع : ايبيبيبيبيبيبه !!...

تسمر الجميع في أماكنهم من هول المفاجأة الغير متوقعة ، ولم ينطق أحد لمدة دقائق بكلمة واحدة حتى صاح سامح بـ.....،،،،،

-سامح: بتجول ايه ؟؟ ازاي خطيبتك ؟؟

-زياد: ايبيه ماسمعتش ، تحب أعيد ثاني ؟؟؟ ايوه خطيبتي ، والمفروض هنكتب كتابنا كمان آخر الاسبوع

-نايا بتعجب : نعم ؟؟

-نور بدهشة : ايبيبه ؟؟؟ ده اللي هو ازاي يعني

-معتز باستغراب : وده حصل امتي ؟

-زياد بثقة : او مال انت مفكر ان مدام هدى بتعمل ايه في البلد عندكم ، طبعاً كانت جاية تبغكم بالخبر !!!

-سامح: ابيبييه !!! انت كداب ، ده ماوصلش

-زياد باصرار: لأ حصل ، براحتك بقى تصدق أو متصدقش

-نور بدهشة شديدة : هه

-نايا : آآآ..أه.. صح

-نور وهي تلتفت لنايا: نعم ???

-نايا: آآآ.. ايوه ، مامي كانت قايلة ده ..و..آآ..و كانت ..مستنية ت..ت..

-زياد: خلاص يا آنسة نايا احنا مش محتاجين نبرر لحد حاجة

-سامح: بس أي مش شايف دبل لابسينها في ايديكم !!!

.....

في المستوصف ،،،

استيقظ نائل منذ الصباح الباكر وكان في انتظار أن يصل عمه أو ابن عمه سامح ليصطحبه أحدهما لرؤية والدته الراقدة في المستوصف ، ولكن لم يجيء أي أحد .. وكان هو عاجز عن التحرك من فراشه ، فجاء الطبيب ليطمأن عليه و...

-نائل: يا دكتور أنا عاوز أشوف أمي واطمن عليها

-الطبيب: مش لما تجيلك الأول

-نائل: ماهي موجودة هنا في المستوصف

-الطبيب: موجودة فين ؟

-نائل: معرفش ! هي تعبت امبارح ونقلوها اوضة تانية ومن ساعتها وأنا معرفش اي حاجة عنها

-الطبيب: أنا معرفش حاجة عن الموضوع ده .. ع العموم هسأل وأعرف وأبلغك

-نائل: ياريت يا دكتور الله يكرمك ، عاوز أروحلها ومش قادر اقف ع رجلي

-الطبيب: حاضر ، هعرف هي فين وعندها ايه وابعث التمرجي ومعاه كرسي متحرك تقعد عليه وتروحلها

-نائل: شكراً يا دكتور ، أنا أسف إنني هتعبك معايا

-الطبيب: العفو على ايه يس ، انا معلمتش حاجة

-نائل: ربنا يخليك يا دكتور..

.....

في شركة ايهاب الملاح ،،،

كان ايهاب الملاح يتحدث مع أحد الأشخاص هاتفياً حول أمر ما ويبدو على وجهه السعادة ..،،،

-ايهاب هاتفياً: حلو أوي الكلام اللي بتقوله ده يا شكري

-شكري: خدامك يا باشا

-ايهاب: استمر بقى ، ولما يكون في جديد بلغني ، عشان وقت ما تجي ساعة الصفر أقدر أضرب ضربتي

-شكري: عُلْم يا باشا

-ايهاب: آه ، ومتناساش تعدي ع الحسابات ، في مكافأة صغيرة عشانك

-شكري بفرحة: الله يكرمك يا ايهاب باشا ، خيرك سابقك

-ايهاب : ماشي يا شكري .. سلام

-هويدا: خير يا حبيبي

-ايهاب: كل خير يا مزة

-هويدا: لأ ده انت مزاجك عنب ع الآخر النهاردة

-ايهاب وهو يدخن سيجارته: يااااااااااااه ، مبسوط أوي ..

-هويدا: طب مش تبسطني معاك يا قلبي

-ايهاب بالخبت: الانبساط كله في البيت عندي

-هويدا بمياعة: وأنا جاهزة يا حبيبي في أي وقت

-ايهاب: طب يالا بينا

-هويدا: يالا ... !

.....

عودة مرة أخرى لجراج المستشفى ،،،

-سامح: بس أني مش شايف أي دبل لابسينها في ايديكم؟؟؟ يبجي ازاي خاطيبتها ،
وحصل ميتي أصلا؟؟؟

-زياد: أنا قولت آخر الاسبوع ، انت مش بتسمع!!!!

-نور معترضة: لألألأ .. انت جبت الكلام ده منين؟؟

-نايا وهي تسحب نور بعيداً: تعالي يا نانوو ، عاوزاكي شوية

سحبت نايا أختها الصغيرة نور بعيداً عن زياد وسامح ومعتر لكي تتحدث معها حول
ما قاله زياد وتحاول اقتاعها بـ...،،،،،

-نور: ايه الكلام المهيب اللي بتقولوه ده؟؟؟

-نايا: بصي يا نور جارينا في الحوار لحد ما نخلص من الزفت سامح ده ع خير

-نور: أجا ريكو ايه وهباب ايه؟؟ نايا انتي سامعة بيقول ايه؟؟؟

-نايا: ايوه سمعت وعارفة هو بيعمل كده ليه

-نور: أبداً ما هيحصل اللي بيتقال ده ، هو انتو مفكرني بيعة وشاروة للي يدفع أكثر

-نايا: يا بنتي احنا محتاجين زياد عشان نخلص من ورطة اللي ما يتسمى سامح

-نور وهي تعقد ساعديها أمام صدرها: أبداً ما هيحصل

-نايا: اسمعي الكلام لحد ما هو يمشي وبعد كده أعلمي اللي انت عاوزاه ، ع الأقل

لحد ما مامي ترجع

-نور: اوووف

-نايا: خلينا نخلص بقي ، يعني عاجبك انه يجرجرك من شعرك للبلد

-نور: لأ ، بس مش معنى كده اني أوافق ع كلام النطع الثاني

-نايا هامسة : شششش.. خلي اليوم يعدي ع خير وبعد كده نتفاهم ، يالا تعالي

نروح لهم

-نور: حاجة تقرف

.....

في نفس الوقت كان معترز يتحدث مع زياد عما قاله قبل قليل بشأن نية عقد قرانه

من نور ..،،،،

-معترز هامساً لزياد : بس انت مقولتليش أزياد ع انك ناوي تتجوز

-زياد: مجتش مناسبة

-معترز: يا سلام ، ده أنا بوزي في بوزك 24 ساعة ، يبقى ازاي مجتش مناسبة

!!!!

-زياد: اهوو اللي حصل بقي

-معترز: مش مقتنع الصراحة !!!

-سامح لنفسه : أني مش مصدق الكلام الفارغ اللي بيحولوه ده ، هما أكيد بيسرحوا بيا عشان يمنعوني أخذ مهجة جلبي نور و.....

-زياد مقاطعاً تفكير سامح : ها يا بلدينا ؟

-سامح: هه

-زياد: سكت يعني ؟

-سامح: بص يا أفندي آآآ....

-زياد مقاطعاً : أنا مش أفندي ، أنا رائد

-سامح: ايه ؟

-زياد: انا الرائد زياد من العمليات الخاصة

-سامح: تشرفنا .. أني أقصد لازم أسمع من مرات عمي الكلام ده ، وإلا هيبجي ليا تصرف تاني

-زياد: وماله ، اسمع وشوف وصدق كمان

-معتز: ما بلاش

-زياد: لازم تبقى عارف يا بلديتنا ان الرائد زياد لما بيقول كلمة بيبقى ادها ... !!

.....

في المستوصف ،،،،،

بدأت هدى تستعيد وعيها تدريجياً و..،،،

-هدى: آآآ... أنا... أنا فين ؟ ايه ده .. أنا بعمل ايه هنا ؟؟

-نبوية : اصباح الخير يا ست هدى

-هدى : انتي مين ؟

-نبوية: أني نبوية الممرضة

-هدى: طب أنا ايه اللي جابني هنا ، ابني نائل فين ؟؟

نبوية: انتي بخير ، تعبتي شوية امبارح فالدكتور جال ترتاحي شوية

-هدى: طب أنا عاوزة أروح لابني ، الله !! بناتي زمانتهم قلقانين عليا ، لازم اكلمهم اظمن عليهم ، او مال فين موبايل وحاجتي

نبوية: حاجتك كلها موجودة ع ابنك

-هدى: طب معلش يا نبوية وديني عنده

نبوية : حاضر

اصطحبت نبوية السيدة هدى إلى غرفة ابنها نائل الذي سعد كثيراً بوجود والدته
“..

-هدى: شكراً يا نبوية

نبوية: على ايه يا ست هدى

نائل بسعادة: ماما حبيبتي ، حمد لله ع السلامة ، خضتيني عليكي أوي

-هدى: حبيبي يا نائل ، أنا الحمد لله بخير ، والله ما أعرف ايه اللي جرافي ، كنت كويسة وبخير وفجأة الدنيا ضلمت وما بقتش حاسة بنفسي ، بس قولي انت أخبارك ايه النهاردة طمني عليك؟؟

-نائل: أحسن يا ماما ، طول ما أنتي بخير أنا بخير

-هدى: ربنا يخليك ليا يا ابني ، بقولك حد من اخواتك اتصل؟؟

-نائل: أه .. نايا من شوية

-هدى: اها، طب وانت رديت عليها؟؟؟

-نائل: لأ

-هدى: طب كويس بدل ما كانت عرفت باللي حصلك واللي حصلتي وقلقت ، الحمد لله

-نائل: هو انتي مش هتقولي لأخواتي؟؟؟

-هدى: لأ ، بدل ما يتخضوا ، خليه يعرفوا وانت معاهم أحسن

-نائل: اللي يريحك يا ماما

-هدى: أنا هاروح أسأل الدكتور ان كان ينفع تمشي ولا لا

-نائل: اوك

-هدى: ربنا يسهل ويوافق انك تطلع خرينا نرجع القاهرة تاني

-نائل: يا ريت يا ماما لأحسن أنا اتخنقت وزهقت

-هدى: لحقت تزهدق من يوم

-نائل: كفاية اللي حصلي

-هدى: صحيح ، انت ازاي عملت الحادثة دي ؟

-نائل: والله ما أعرف ، أنا كنت واقف عادي وماسك الموبايل في ايدي وفجأة لاقيت

عربية داخله عليا ملحقتش أتفاديها

-هدى: تلاقيك كنت واقف سرحان زي عوايدك

-نائل: ابدأ والله يا ماما أنا كن...

-هدى مقاطعة: هو أنا مش عرفاك لما تمسك الزفت ده في ايديك بتسرح ومابتبقاش

مركز

-نائل: والله كنت واقف على جمب ، مش عارف بقي !!!

-هدى: الحمد لله أنها جت على أد كده

-نائل: يستاهل الحمد

-هدى: خريني بقي أروح أشوف الدكتور هيقول ايه وأرجعك

-نائل: أوك

.....

في جراج المستشفى ،،،

-سامح: خلاص أني هكلم مرات عمي دلوجيت وأعرف منها الحقيقة

-زياد: وماله كلمها

-نايا بفرع: آآآ.. تكلمها ايه الوقتي؟؟؟ لا استنى .. آآآ... اقصد يعني هو الكلام ده
ينفع في التلفون

-نور:

-سامح: خلاص أني هاكلم أبوي وأشوف هيجول ايه

-معتز: هو أنت مصمم تكلم أي حد وخلاص ، ياعم ما تكلمنا احنا

-سامح: ماهو مش معجول اللي بتجولوه ده

-زياد: بقولك ايه ، احنا اتأخرنا ع الشغل ومش فاضين للهي بتاعك ده ، انت
أصلاً شكك واحد فاضي وانا مش فايقك

-نايا: آآآ.. ايوه

-معتز: اها

-سامح: يعني ايه؟؟

-زياد: خلاصة الليلة دي كلها ان آخر الاسبوع كتب كتابي ع نور ، واحنا مضطرين
نمشي الوقتي حالاً عشان اتأخرنا ، وخليك انت هنا كلم اللي تكلمه ومحدث هيمنعك
!!!

ثم جذب زياد نور من ذراعها ، واتجه بها نحو سيارته ، فتح لها باب المقعد
الأمامي واجلسها فيه ، بينما لحق بهما معتز ونايا

-زياد وهو يجذب نور من ذراعها: يالا يا هاتم ، ولا عاجبك الوقفة هنا ، مش ورانا
شغل وقواضي وبلاوي سودة!!!!

-نور باستغراب : هه

-زياد: اتفضلي ..

-نور وهي تتحاول التخلص من قبضته : بالراحة ، ايه اللي بتعمله ده

-زياد وهو يفتح باب السيارة لها : اركبي يالا

-نور: طب ما تزوعش

-معتز: يالا يا نايا ، قصدي يا آنسة نايا

-نايا: ممم.. طيب

-سامح: ابييه ده ، انتو كلكم ماشيين؟؟

-معتز: يعني عاوزنا نقف معاك نسلبك في وحدتك؟؟ خلاص فاضينا المولد

-سامح: ماشي!!! فكر كم ان الموضوع كده خلص خلاص ، لا يبجي متعرفوش
مين سامح ولد الحاج فاروق ، أني مش هاسكت عن اللي حصل ، ونور هتبجي
بتاعتي مهما حصل ، حتى لو كان فيها قطع رقاب!!!

.....

الحلقة الخامسة والعشرون :

انطلق زياد بسيارته نحو إحدى الكافيهات ليتحدث الجميع عما صار في جراج
المستشفى ..،،،

-نور بعصبية : انت ازاي تقول كده ، جتلك منين الجرأة انك تدعي انك خطيبي ، لأ
وكم ان هنكتب كتابنا آخر الأسبوع؟؟؟

-زياد:

-نايا: اهدي يا نور مش كده ، خلينا نتفاهم ونتكلم بالعقل

-نور: لأ وانتي كمان بتأمني على كلامه يا نايا

-نايا: مكنش قدامي حل ثاني غير كده عشان نخلص من سامح

-نور: أقوم ادبس في الأخ ده

-نايا: خلاص بقى يا نور ، اهدي شوية

-نور بضيق : أل أنا كنت ناقصة مصايب يا ربي !!! أخلص من الزفت سامح
يطلعني زياد ...!!!!!!

-زياد ببرود: خلصتي زعيك

-نور: انت ازاي بارد كده

-زياد: استغفر الله العظيم ، اسكتي بقى واسمعي

-نور بعصبية : لا مش هاسمك ، الكلام اللي انت قولته ده تبلاه وتشرب مياته ،
استحالة يحصل حتى لو في خيالك

-زياد: يا شيخة ودي خلقة أصلاً حد يطيق يبصلها

-نور: احترم نفسك

-معتز: بسسسسس ، الناس كلها بتتفرج علينا ، عاوزين نتفق ع حل مرضي
للجميع

-نايا: عشان خاطري يا نور اسمعي

-نور: لأ

-معتز: لازم نتفاهم ونهدى شوية ونفكر ، وكل مشكلة وليها حل ، وبعدين محدش
طلب منك يا نور تتجوزي زياد، اعتبريه فيلم فكسان بنعمله ع قريبكم الرزل

-نور: يعني مافيش حد إلا أنا عشان أعمل كده معاه ، ما كان عنده نايا

-معتز معترضاً : لأ كله إلا نايا ، ده أنا كنت ولعت فيه وفي اللي جابوه ، أل نايا أل
!!!

-نايا: نعم؟؟

-معتز: متخديش في بالك ، وركزي مع اختك

لم يطيق زياد الجدل مع نور أمام معتز ونايا اختها ، فقرر ان يأخذها على انفراد ليتحدثا سوياً

-زياد: بصوا بقى كلكم ، الحوار ده يخصني أنا ونور ، واحنا اللي هنتفق فيه

-معتز: نعم ياخويا ؟؟

-نور: اييه ؟

-نايا: آآآ...

لم ينتظر زياد ردهم ، وإنما جذب نور من يدها وأخذها نحو منضدة اخرى على مقربة من معتز ونايا ليتحدثا بهدوء ويتفقا على

-زياد وهو يجذبها بعيداً عن معتز ونايا : تعالي كده

-نور: اوعى

-زياد: اتيلي اترزعي خلينا نتكلم

-نور: انت بتعمل معايا كده ليه ؟

-زياد: بصي بقى من الآخر كده و من غير لف ولا دوران ، أنا هعمل معاكي اتفاق

-نور: اتفاق !!

-زياد: ايوه ، حاجة قصاد حاجة

-نور وهي تقف من على مقعدها : لأ مش عاوزة

-زياد: اتهدى يا شيخة بقى واسمعييني

-نور: اتكلم عدل معايا

-زياد: اسمعييني ، ودوري الفكرة في دماغك

-نور: مش عاوزة حاجة منك ، الله الغني

-زياد: هتسمعييني غصب عنك

-نور: يوووو

-زياد : صلي ع النبي كده واسمعييني

-نور: عليه الصلاة والسلام

-زياد مكملًا: بصي الواد بلدياتكم ده مخه صرمة قديمة ومن النوع اللي ممكن يعمل اي حاجة عشان يوصل للي هو عاوزه حتى لو كان على حساب مين

-نور: ها ... مقولتتش جديد

-زياد: اصبري بس ، لأ وهو الظاهر انه عينه منك ع الآخر

-نور بضيق: لو سمحت

-زياد: أنا بقولك الحقيقة ، وطالما هو اتجرأ وكان عاوز ياخذك معاه محدش هيمنعه يعمل ده تاني، ومتأخذنيش انتو معندكوش راجل في عيلتكم يقفله ويمنعه من ده

-نور: لأ عندي

-زياد: مين؟

-نور بثقة: أخويا الصغير

-زياد: وده عنده كام سنة ???

-نور: ما يخصكش

-زياد: طب بيدرس في ايه ???

-نور: احم .. هو .. هو لسه فـ.. فـ..

-زياد: في ايه ?? كلية ??

-نور: آآ.. لأ

-زياد: معهد ???

-نور: لأ

-زياد: اومال في ايه طيب ??

-نور: فـ.. في اولى ثانوي !

-زياد: كمان !!

-نور: ماله يعني هو صغير في السن بس راجل ، وكمان يقدر يقف لسامح و...

-زياد مقاطعاً : يا سلام ده اللي هيقله ؟؟؟ بايه بالظبط ؟؟ بالقلم والمسطرة ؟؟

-نور: لو سمحت ما تتريش على أخويا

-زياد: يا بنتي انتي مش عاوزة ليه تفهمي ؟؟؟ سامح ده غبي و..

-نور: لاحظ انك عمال تغلط في رجالة عيلتنا وأنا سكتالك

-زياد: لا اله إلا الله

-نور: ماهو مش معنى ان سامح غلط يعني و..

-زياد: تصدقي يا شيخة أنا غلطان اني ادخلت ، يا ريتني كنت سيبته ياخذك معاه ،

اهو كنت ارتحت منك

-نور: الحمد لله ربنا نجاني

-زياد: اه طبعاً بفضل الله أولاً وبعد كده العبد لله

-نور: هه .. أنا كنت أقدر عليه على فكرة ، بس هو أخذني على خوانة

-زياد هامساً وهو يشيح بيده : يا شيخة غوري

-نور: طيب كمل كلامك من غير ما تغلط في حد

-زياد: بصي .. هي حاجة قصاد حاجة

-نور: اللي هي ايه ؟؟ وضح من فضلك

-زياد: أنا هخلصك من الأخ سامح في مقابل انك مترفعيش شكوى ضدي

-نور: مش فاهمة

-زياد: يعني أنا هتجوزك

-نور : نعم ياخويا ؟؟؟؟

-زياد: أقصد يعني كده وكده ، هنعمل كتب كتاب و..

-نور مقاطعة: مش هيحصل

-زياد: يا بنتي اسمعي للأخر ، احنا هنكتب الكتاب ضماناً ليكي من ان الرزل سامح

ده ميتعرضلكيش تاني بأي صورة لأن محدش فيكم هيقدر عليه وخصوصاً لو خدك

فعلاً معاه لبلدكم !! وفي نفس الوقت أنا أضمن انك مترفعيش ضدي شكوى تأذيني
ع الأقل حالياً ، وهنفضل سوا لحد ما المهمة تنتهي وبعد كده كل واحد يروح لحاله
!..

-نور وقد أخذت تدير الفكرة في رأسها : ممم...

-زياد: فكري ، واحسيها .. احنا الاتنين محتاجين الجواز دي عشان مصلحة
مؤقتة

-نور: وأنا ايه اللي يضمنلي انك تطلقني؟؟

-زياد: زي أنا ايه اللي يضمنلي انك ماتشكنيش وتأذيني في شغلي؟؟

-نور: لأ .. انا مش واثقة فيك

-زياد: أنا قولتلك اللي عندي وانتي حرة !!

-نور: لألألأ.. نار سامح ولا جنتك يا خويا

-زياد: براحتك .. انتي الخسرانة !!

-نور: ملكش فيه ، أصوم أصوم وأفطر على

-زياد: يعني انتي مش هترتاحي إلا لما أقطعك لسانك

-نور: ده على أعتبار ان بؤك بينقظ شهد

-زياد: خسارة الكلام معاكي ، اعتبري اللي قولته ده محصلش

-نور: أحسن

.....

في نفس الوقت على منضدة معتز ونايا ،،،

-معتز: تحبي تشربي ايه ؟

-نايا: هو انا جاية أضايف ولا فاكرنى في ميعاد غرامى؟؟ خلىنا نشوف بس
المصيبة اللي وقعنا فيها

-معتز: ان شاء الله كله هيتحل ، روقي دمك انتي بس ، أجيبلك لمون؟

-نايا: شوف أنا بقول ايه وانت بقول ايه؟؟

-معتز: يا ستي انا خايف عليكي والله، هتقعدى تهري وتنكتي كده في نفسك ،
وبعدها تحرقى في دمك ، فهيعلى ضغطك ويزيد سكرك وتبقي شربات أكثر ما انتي

-نايا: نعم؟؟ بتقول ايه؟؟؟

-معتز: أنا بقول اجيب قهوة سادة أحسن !!!

-نايا وهي تنظر تجاه زياد ونور: ألحق اتخانقوا سوا

-معتز: وهو في حد أهبل يحط البنزين جمب النار ، ربنا يسترها بقى

-زياد: يالا بينا لأحسن جبت أخري

-معتز: اتفقتوا على ايه؟

-نايا: ها ، وصلتوا لحل

-نور: استحالة أرتبط بواحد زي ده

-زياد: وانت تطولي أصلاً ، ايش جابك ليا

-نور: شايفة يا نايا؟

-معتز: هو سعد زغلول قالها زمان (مافيش فايدة) !!!!

انصرف الجميع من الكافيه دون الوصول لأي حل ..

.....

في القرية ،،،

قررت هدى أخذ ابنها والرحيل من المستوصف بعد أن علمت منه أن سامح أخذ عنوان منزلهم في القاهرة ، بالإضافة إلى عدم وجود ما يمنع نائل من الانتقال للقاهرة ، فحالته الآن أكثر استقراراً ...،

-هدى: يالا يا نائل ، مش هنقعد أكثر من كده

-نائل: مش هنستنى عمي ؟

-هدى: لأ .. احنا لازم نرجع حالاً

-نائل: ليه يا ماما ، في حاجة حصلت !!

-هدى : ماهو مش هينفع نستنى هنا لحظة واحدة بعد اللي انت قولته ده

-نائل: للدرجادي؟؟

-هدى: وأكثر يا نائل .. عاوزاك بس تساعدني وتستحمل لحد ما نوصل للعربية

-نائل: حاضر

.....

في الادارة ،،،

-وليد: الله ، هو الجماعة فين؟؟ محدش منهم باين

-حسام : مش عارف والله

-وليد: احنا واقفين محلك سر في القضية دي ، وكلها كان يوم وهيكون فرحي ، يعني لازم نعمل اي حاجة بدل ما يجي اللوا اسماعيل يطلعه علينا !!!!

-حسام: هو مسافر وراجع آخر الاسبوع ، تكون نور جت واشتغلت ع المعلومات اللي معاها ، ويكون كمان وصلنا معلومات من عيونا

-وليد: يا معين يا رب

-حسام: طب يالا بينا ننزل نشرب حاجة في الكافيتريا

-وليد: وماله ياسيدي

جلس حسام ووليد يتدحشان سويا في الكافتيريا الخاصة بإدارة العمليات الخاصة إلى أن جاء زياد ومعتز وجلس الجميع معاً ..،،،

-حسام: ياااااااااه اخيراً شرفتموا

-معتز: هنعمل ايه بس كان ورانا بلاوي سودة

-وليد: خير؟

-معتز: اصل .. أصل .. زياد كان .. آآآ

-حسام: ماله زياد؟

-معتز: انا ماليش دعوة ، خليه هو اللي يقولكم

-وليد: في ايه يا زياد؟

-زياد: مافيش حاجة

-معتز: يا رايي اااa

-حسام: سيبه يا ميزو براحتة يمكن مش عاوز يتكلم

-معتز: ما هو كده كده الكل هيعرف

-زياد: كبروا مخكم ، بعدين بعدين هبقى أحكيلكم

وبينما هم يتحدثون ، جاء زميلهم عمر وبصحبته أقرانه إلى المنضدة الجالسون عليها و....

-عمر لأصحابه: ثواني آ رجالة ، هكلم زياد وفرقته وراجعلكم

-تنوعت ردود أصدقاء عمر ما بين : اوك ، ماشي ، طيب ... الخ !!!

-عمر: أهلاً بالشباب

-حسام: ازيك يا عمر ، تعالى أقعد معانا

-عمر: لأ مش فاضي ، ورايا تدريب وبعد كده طالع أنا وفرقتي على عملية جديدة

-وليد: موفقين ان شاء الله

-عمر: ان شاء الله .. اخباركم ايه ؟

-معتز: الحمد لله

-وليد: بخير ، أم متنساش فرحي الأسبوع الجاي ان شاء الله ، هستناك تنورني

-عمر: بجد؟؟ ألف مبروووك يا وليد ، ربنا يتمم بخير

-وليد: الله يبارك فيك ، عقبالك

-عمر بغمزة : ان شاء الله ، وعن قريب

-وليد: بأمر الله

-عمر: أومال فين الفردة الجديدة

-حسام: فردة ايه ؟

-معتز: تقصد مين ؟

-عمر: البت الجديدة اللي جت عليكم

-زياد بحددة: اسمها نور مش فردة

-عمر: ما فرقتش كثير

-حسام: لأ تفرق أعمر ، هي زميلتنا وشغالة معانا و..

-عمر مقاطعاً: حلوة شغالة معاكو دي ، ده انا سمعت انها لا مواخذة شغالة عليكو

-معتز بحددة : ايه يا عم الكلام ده ؟

-زياد: في ايه يا عمر ما تتكلم عدل ؟

-حسام: جرى ايه يا عمر !!

-عمر مكماً : ماهو أصل عيب أوي لما يبقى في رجالة زي التيران ، لا مواخذة

يعني ، ويجيبوا حرمة عليهم لأ وهي اللي تشغلهم

-زياد: عمر ، اياك أسمعك تتكلم عنها

الحلقة السادسة والعشرون:

وصلت نور مع أختها نايا إلى منزلهم ، أخذت نور حماماً لتتنفض عن نفسها آثار
المستشفى ، بينما قامت نايا بتحضير الطعام لكليهما ...،،

-نايا: يا لايانوو ، أنا جهزتلنا لقمة ناكلها

-نور: أوك جاية أهوو .. هنشف شعري وجيالك

-نايا: أنا هكلم مامي أظمن عليها لأحسن من امبارح منعرفش عنهم حاجة

-نور: اوك

طلبت نايا والدتها ، ولكنها لم تجيبها ف...،،

-نايا: غريبة !! مامي مش بترد

-نور: يمكن الموبايل مش معاها

-نايا: طب استني أطلب نائل

-نور: وده من أمتي أصلاً بيرد علينا لما بنطلبه في العادي

-نايا: هو كمان موبايله مقفول .. أنا كده ابتديت أقلق

-نور: ربنا يستر ، يمكن تكون ساية وانتي عارفة انها مش بترد وهي ع الطريق !!

-نايا: لأ أنا لازم اظمن عليهم

-نور: طيب ناكل ونكلمهم تاني ، أو أقولك نبعثلها رسالة

-نايا: ممم...طيب

أرسلت نايا رسالة نصية لوالدتها نصها :

(مامي ، اخبارك ؟ طمنينا عليكي ، بنطلبك مش بتردي)

-نايا: أنا بعثتها رسالة ، ومستنية ردها

-نور: أنا جعانة أوي

-نايا: ممم.. مقولتليش بقى زياد كان بيقولك ايه ؟

-نور: يعني أنا عمالة أغير في المواضيع ، وأتوه وأبان طبيعية عشان مافتحش
السيرة دي وانتى برضوه مصممة تكلمي عنه

-نايا: الله يا نانوو ، مش كتر خيره الراجل أنقذك من اللي ما يتسمى سامح

-نور: ربنا ينجيني منهم الاتنين

-نايا: بس متنكريش ان زياد ثبت سامح

-نور بقرف: غراب اتلم على حداية

-نايا: ياني ع تشبيهاتك !!!!

-نور: الاتنين أسوأ من بعض !!

-نايا: بس برضوه هو اتصرف بشهامة وإلا كان زمانك مع الزفت سامح

-نور: خلاص بقى يا نونة .. قفلي ع السيرة دي

ثم رن هاتف نايا برقم والدتها ..،،،

-نايا بفرحة : دي مامي ... ألووو أيوه يمامي ، وحشتينا أوي أوي .. انتي فين؟؟

-هدى هاتفياً: ازيك يا نونة وحشتيني يا حبيبتى ، معلىش أنا كنت سايقة ، فمكنتش
عارفة أرد عليكي ، ازيك وازي نور أخباركم ايه يا بنات؟؟ كل حاجة عندكم كويسة
؟؟

-نايا: ولا يهملك يا مامي ، المهم انك بخير ، أه الحمدلله أحنا بخير

-هدى: الحمدلله ، انا في الطريق رجعاكم

-نايا بلهفة: بجد يا مامي؟؟ ، توصلني بالسلامة ان شاء الله

-هدى: في أي حاجة حصلت وأنا مش موجودة يا نونة؟

-نايا بتردد: هه .. آآآ.. لأ

-هدى: طب الحمدلله .. ان شاء الله مسافة السكة وأكون عندكم

-نايا: بأمر الله يا مامي ، اومال الواد نائل عامل ايه؟؟ زمانته هيتهل ان مافيش
نت ولا بلاي ستشن ولا أي حاجة

-هدى: الحمدلله ، أهو نايم جمبي

-نايا: ممم.. نايم!! غريبة

-هدى: هه ، سهران طول الليل ما أنتي عارفة بقي ..

-نايا: من جهة السهر ، فئائل استاذ في السهر والصياغة

-هدى: أومال نور راحت شغلها؟

-نايا بتردد: آآآ... لأ .. هي .. آآآ... هي أجازة النهاردة

-هدى باستغراب : أجازة؟؟ ليه؟؟

-نايا: عادي يا مامي ، حبت تقعد معايا شوية

-هدى: وماله ، ربنا يخليكوا لبعض ، طيب هاقل أنا بقي عشان ألحق أجيلكم

-نايا: أوك يا مامي ، طمنينا عليكى كل شوية ، وسوقي على مهلك

-هدى: بأمر الله ... سلام

.....

في منزل طاهر السويقي ،،،

-رباب: أنا مش عاجبني احوال زياد

طاهر: في ايه تاني؟؟

-رباب: الواد ده مخبي حاجة علينا

-ظاهر: حاجة زي ايه ؟

-رباب : معرفش ، بس كفاية انه مقالناش ع حكاية انه شغال مع نور

-ظاهر: ماهو قالك مجتش مناسبة ، وبعدين حاجة مؤقتة وهنتتهي

-رباب: لأ الموضوع اكبر من كده

-ظاهر: انتي اللي مكبراه يا رباب

-رباب : انا مش مرتاحة ، بس أما هيجي لازم أعرف أرار كل حاجة منه ، مش هسيبه كده يعمل ما بداله في بنت صاحبتني وفي الآخر يجييلي أنا الكلام

-ظاهر: ياني يا رباب مش هترتاحي إلا لما تعرفي كل حاجة

-رباب : طبعا ، استنى اما أكلم نور اظمن عليها

-ظاهر: يمكن تكون نايمة ، كلميها كمان شوية

-رباب: نايمة ايه لحد الوقتي ، ده احنا بقينا بعد الظهر

-ظاهر: يا ستي انتي غاوية تزهقي الناس ، وبعدين انتي شكك عاوز يكلمها عشان يعرف منها الحكاية بالتفصيل

-رباب: يوووه ، زهقتني يا ظاهر ، مش مخليني أخذ راحتني

-ظاهر: أنا برضوه !!

-رباب: ماهو أنا مش هرتاح إلا لما أعرف حكاية زياد مع نور

-ظاهر: ريحي نفسك بس الوقتي ، ويا خبر بفلوس بعد شوية يبقى ببلاش

-رباب: ماشي يا ظاهر !!!

.....

في منزل عبد الرحمن فوزي ،،،

نور هاتفياً : ريمووو حبيبتي

-ريم: أخيراً!!!!!! ، ايه يا بنتي ??? كنتي فين ???

-نور: معلى يا ريمو اصل آآآ...

-ريم مقاطعة: بهدلتينا معاكي ع آخر الليل ، ايه اللي حصل احكي لي بالتفصيل الممل يعني من طأطأ لسلامو عليكو ، وأنا كمان هحكيلك ع اللي حصل معايا ، حتت موقف زبالة بس ان شاء الله يعدي

-نور: حصلك ايه ؟

-ريم: احكي لي بس انتي الاول كنتي مختفية فين وتليفونك اللي مالوش لازمة معاكي ده مش بتردى عليه ليه و...

-نور مقاطعة : طيب بالراحة بالراحة ، أنا هحكيلك كل حاجة .. بصي يا ريمووو أنا

.....

قصت نور على ريم ما حدث لها خلال الليلة الماضية وما مرت به من احداث إلى أن انتهت بمقابلة سامح و اعلان زياد برغبته في الزواج منها من اجل المصلحة ...

-ريم بدهشة: يالهووي ، كل ده حصل !!

-نور: تخيلي بقى

-ريم: ده ولا اللي بيحصل في السيمما

-نور: أنا نفسي مش مستوعبة ان ده حصل

-ريم: والواد اللزج ده عاوز يتجوزك عشان مصلحته ؟

-نور: شوفتي يا ريمو ، مبهدلني وأل ايه عشان ما وديهوش في داهية طالب يتجوزني في مقابل يحميني من سامح

-ريم: بيني وبينك سامح ده شكله مش هيجبها لبر ، ولو حطك فعلاً في دماغه ممكن يضيعك

-نور: يضيع مين؟؟ هو مفكراها سايبية ! ده في قانون في البلد

-ريم: قانون !! طب بمناسبة القانون بقى اختك معمول فيها محضر سُكر !

-نور: نعم؟؟ ازاي؟؟

-ريم: أه يا بنتي والله ده اللي حصل

نور: لأ فهميني بالظبط

حكمت ريم لنور ما حدث لها مع حسام بدون ذكر اسمه وما تعرضت له من اهانات في داخل القسم ...

نور: يا حبيبتى يا ريمووو ، كل ده حصلك

ريم: الحمد لله أنها جت ع أد كده ، بابا جابلى محامى وهنشوف القضية هترسى على ايه

نور: أنا أسفة يا حبيبتى ، أنا عارفة ان ده حصلك بسببى ، بس ان شاء الله ربنا هينصرك ع المفترى ده

ريم: ياااا رب ، المهم انى اظمنت عليكى

نور: تسلميلي يا قلبى ومايحرمني منك

ريم: يااااا رب ، بس كلام فى شرك ، رأيك أيه فى الواد اللزج

نور: ربيييييييييييم ، ارحمىنى انتى الثانية

ريم: يا بت شوفى حالك طالما الواد هيموت عليكى

نور: الله الغنى مش عاوزة من ده

ريم: مممممم.. عليا برضوه

نور: بقولك ايه ، اقفلى بقى أنا عاوزة أنام وأرتاح ، تعبانة وعاوزة أفوق قبل ما أمي تيجي تعملي سين وجيم لما تعرف باللي حصل

ريم: ايه ده هو انتى هتقوليلها

نور: طبعا ، هي لازم تعرف ، يالا بقى انزلى عن ودانى

ريم: اها .. ماشى يا ناووو

نور: سلاموووز يا ريموو .. مووووووه

ريم: سلام يا حبي

.....

في الإدارة ،،،

-وليد: ايه رأيكم في الكلام اللي قاله عمر؟

-حسام: عمر ده واحد مستفز ويحب يعمل من الحبة قبة

-معتز: مش مريح نفسه

-وليد: هو عارف ان احنا أحسن منه

-حسام: طبعا يا وليد ، شوف احنا عملنا كام مهمة ناجحة ، وهو عمل كام

-وليد: مافيش مقارنة أصلاً

-معتز: بس برضوه مش هنسلم من لسانه

-حسام: يخربيته يموت في السماتة

-معتز: انا مش عارف وجود نور مضايقه في ايه

-حسام: مالك يا زياد ، ساكت ليه ؟؟ ماتشاركنا في الحوار

-زياد: عاوزني أقول ايه ؟

-حسام: قولنا رأيك ، عاجبك اللي قاله عمر عن نور وعن فرقنا

-زياد: أكبيد لأ طبعاً ، بس مطلوب مني اعمله ايه ؟؟

-معتز: الله مش انت قولت انك عاوز آآ....

-زياد مقاطعاً: ده كان كلام فض مجالس و خلاص

-معتز: نعم ؟؟

-زياد: زي ما سمعت ، كلام ابن عم حديد وراح لحاله

-حسام: ده ايه ده ؟

-زياد متحطش في بالك ، المهم أوليد ناوي تسافر مع عروستك ولا هتقضيها منازل

؟؟

-وليد: ان شاء الله هسافر يومين اسكندرية

-معتز: ايوه ياعم ، هتخلع من الدورة

-وليد: بلاش أر الله يكرمك بدل ما ألقى السفرية باظت

-حسام: ايوه ، وده ماصدق ان حماته رضت عنه ووافق ان الجوازة تتم

-وليد: ده بالمناسبة بقى يا شباب عاوزكوا تيجوا تساعدوني اجيب اللي ناقص ،
معدتتش في وقت و....

وبينما هم يتحدثون ، رن هاتف معتز برقم والده فاستأذن ليجيب عليه ..،،،

-معتز: معلىش يا جماعة ، أبويا بيتصل هاشوف عاوز ايه وأرجعلكم

-حسام: ماشي

-وليد: طب انجز عشان أقولك هتعملي ايه

-زياد: اها ..

-معتز هاتفياً : أيوه أحاج

-نجلاء بصوت مرتفع : توووووووووووووت ... مفاجأة

-معتز: وداني الله يخربيتك ، انتي مين ؟

-نجلاء : ايه ده مش عارف صوتي أمزميزووو ؟؟

-معتز: مين نجلاء ؟

-نجلاء: الله ! اسمي طالع من بؤك زي العسل

-معتز: خير أنجلاء بتتصلي ليه من رقم أبويا ، هو أبويا كويس ؟؟؟

-نجلاء: الحمد لله زي الفل ، أنا قولت أعملك مفاجأة وأتصل بيك طالما مش معبرني

ولا بترد على تليفوناتي خالص مالص ، ايه رأيك بقى في مفاجأتي ؟

-معتز: نجلاء أنا مش فاضي لهزارك ودلعك ده ، أنا في الشغل مش بلعب عشان كل

شوية تقوليلى عملاك مفاجأة ومعرفش ايه

-نجلاء: الله انت زعلت ؟

-معتز: لأ مزعلتش ، بس مش فايق للعب العيال ده ، سلام !

-معتز لنفسه: أل أنا كنت ناقصها في البيت عشان تراظيني في الشغل ، خرمتي طبلة ودني الله يحرقك ، ربنا يسامحك يا حاج ، أنا مش عارف شايف فيها ايه وعاجبك !! ... بس تصدقي آبت أنجلاء انتي خدمتيني وخليتي الفكرة تشعشع في مخي ، أما أتصل بالبونبوناية أظمن عليها وخصوصاً أن محدش من الفرقة واخذ باله !!

قام معتز بالاتصال على رقم نايا و...،،،،

-معتز لنفسه : ردي يا قمر بقي

-نايا لنفسها : ايه الرقم الغريب اللي بيتصل بيا ده ؟ بلاش أرد بدل ما تطلع معاكسة

-معتز: مش بترد ليه دي ؟؟ هطلبها تاني

-حسام: ايه يا عم ميزوو ، كل ده بتكلم الحاج

-معتز: أعمل ايه الخط فصل ، والظاهر ان الحاج نسي يشحنه ، فمستنيه يلقط اشارة

-حسام: ماشي يا سيدي ، الله يسهلك

-معتز: اه والنبي ادعيلي لأحسن محتاج أي دعوة الوقتي

-معتز وهو يطلب رقم نايا مرة أخرى : يااا رب ترد ، ياااا رب ترد ، يااااااا...

-نايا لنفسها: الله ده بيتصل تاني ، أكيد في حاجة مهمة ، هرد وأمري لله

-نايا هاتفياً: ألوووو ..

-معتز: ابييه الحلاوة دي ، كروان بيغني

-نايا: مين معايا؟؟

-معتز: لأ أنا كده هزعل منك ، لحقيتي تنسيني ، ده احنا كان بينا لمون وشجر وشوية حاجات فوق بعض

-نايا: لو حضرتك مقولتتش انت مين ، أنا هاقفل السكة

-معتز: للألألألأ .. تقفلي ايه !! ده أنا مصدقت انك رديتي ، يا ست البنات أنا معتز

-نايا باستغراب : معتز مين؟؟

-معتز: انتي جالك زهايمر ولا ايه؟؟ أنا معتز زميل نور !

-نايا: أها .. معتز !!!

-معتز بسهوكه : الله .. مكوونتش أعرف ان اسمي حلو أوي وهو طالع من بؤك ، قوليه تاني

-نايا: ده انت فاضي بقى !! قول عاوز ايه وإلا أنا مضطرية أقفل السكة

-معتز: خلاص خلاص .. انا .. أنا كنت عاوز اسمع صوتك .. آآآ... قصدي أظمن عليك .. آآآ... على نور يعني

-نايا: نور كويسة الحمدلله ، في حاجة تاني؟

-معتز: هه .. لأ بس آآ....

-نايا مقاطعة : طيب شكراً على سؤالك ، ومع السلامة

أغلقت نايا الخط ولم تنتظر الرد من معتز الذي ظل ممسكاً للهاتف لفترة في يده
،،،

-معتز بسعادة : يا سلاااااااااااام .. في كده .. هيببيبيح

-وليد من بعيد: في ايه يا معتز ، مالك سهتان على نفسك كده ليه

-معتز: فصلتني يا أخي ، طلعتني بره المود

-وليد: مود ايه ؟؟

-معتز: هه ، ولا حاجة

-حسام: اطمنت على أبوك ؟

-معتز: الحمد لله

-حسام: هو كويس ؟

-معتز: الحمد لله

-حسام بخبث: وصوته حلو ؟

-معتز: أه جداااااااااا

-حسام: يباركله يا عم

-معتز: هه ، في ايه .. عادييني

-حسام: وماله ، هي بتبدأ بكده برضوه

-زيد: مش يالا بينا بقى ع الصالة ، عاوزين ندرب شوية

-معتز: يا عم ما تخلينا مريحين ... انت مزعلك ناخذ يوم break !!

-زيد: الظاهر انك خدت ع الراحة

-وليد: طب روحوا انتو ، وأنا هحصلكم ، عندي مشوار مع حماتي والمدام

-معتز: دلوقتي بقى اسمها المدام

-وليد: ربقولك ايه يا ميزو ، انا من ساعة ما شوفت ناس حلوين وظاويظ كده وانا

عندي استعداد أفركش وأركز معاهم

-معتز: قوم يا بني إحق المدام بسرعة

-وليد ضاحكاً : ههههههههههههه ناس تخاف ماتختشيش صحيح !!!

توجه الشباب إلى الصالة الرياضية ليمارسوا تدريباتهم القتالية المعتادة ...

.....

في منزل عبد الرحمن فوزي ،،،،

انتهت نور ونايا من اعداد الطعام لوالدتهما وأخيها الصغير وجلسا سوياً يشاهدان التلفاز بعد أن رتبوا المنزل واتفقوا على ألا يخبرا والدتهما بما حدث لهما مع سامح وزياد .. استأذنت نور للذهاب إلى غرفتها حيث ستعمل على القضية قليلاً بينما ظلت نايا تتابع أحد الأفلام ...

فجأة رن جرس الباب ، فانطلقت نايا ناحيته لترى من الطارق ..،،،،

-نايا: أكبيبيبيدي دي مامي ، أنا رايحة أفتحلها

-نور من الداخل : شوفي مين يا نونة ، أكيد مامي جت ، افتحيلها بسررررعة

-نايا وهي تفتح الباب: مامي .. ك... لا مش ممكن !!!!!!!!

-نور من الداخل : في ايه يا نايا ؟؟؟ مين جه بره ؟؟؟ يا نايا ما تردي عليا ؟؟

خرجت نور من غرفتها لتتفاجيء بوجود سامح في منزلهم والشرر يتطاير من عينيه ، لقد دخل منزلهم عنوة بعد أن دفع نايا بقوة، ثم أغلق الباب خلفه و ..،،،،

-نور بدهشة وفزع: س... ساااااااااامح !!!

-سامح بغضب: إيوه أني ، كنت مفكراني هسيبك ومش راجع تاني ؟؟؟

-نور: آآآ... بص ..بص يا سامح .. آآآ

-سامح: أني مش منقول من هنا إلا وإنتي على ذمتي يا نووور ! ، و أني هاكلم المأذون والشهود يحصلوني على اهنه ، وابقى وريني مين هينجلك مني !!!!!!!

-نور: انت مجنون ، مش هيحصل !!!!

هجم سامح على نور ليفتك بها ، فقد كان مغتاضاً مما حدث في الصباح بالمستشفى ، فأمسك بها من شعرها وانهاهال عليها بالضرب ...،،،،،

-سامح وقد هجم عليها ليضربها : اخرسي يا بت الـ... ، لسانك يطول تاني هكسر
عضمك .. طرراااخ

-نايا بصريخ: ابعده عن اختي !! حراااام عليك ، سيبها

-سامح وهو يدفع نايا بيده : بجى عاملة ربطاية مع الغريب عليا يا بت عمي

-نايا وقد سقطت على الأرض من أثر الدفعة : آآآآه

-نور: آآآآآه ، والله لأؤدبك في داهية

-سامح وهو يصفعها : اقفلي خاشمك .. طررااااخ !!

-نايا وقد انطلقت لتدافع عن اختها : سيب اختي ، ابعده عنهاااا .. الحقوووونا يا
ناس

-سامح وهو يضرب نايا : اخرسي انت الثانية ، وابعدي عنها !!

حاولت نور بكل ما استطاعت من قوة أن تدافع عن نفسها وعن اختها ضد ذلك
المتوحش سامح ، حتى أنها حاولت أن تستخدم معه ما تعلمته على يد الكابتن رشا
خلال اليومين الماضيين ، ولكن ..،

-نور وهي تقاومه : بتمد ايدك علينا يا جبان ، آآآه ، خد .. طرااخ ، اجري يا نايا
بسرعة اطلبني البوليس

حاولت نايا ان تجري خارج الشقة لتطلب النجدة من الجيران ولكن لحق بها سامح
وأمسكها ودفعها بغل على الأرض

-سامح وقد أمسك بنايا : استني يا به ، محدش هيخرج من اهنة إلا لما أتجوز بنت
الـ..... دي

-نور وقد هجمت على سامح: يا واطي يا تيببيت ، بتتشر على بنات

-سامح وقد قيد يديها : والله وبجيتي تعرفي تضربي ، طب وريني بجى هتعملي ايه

-زياد: مش عارف ماله مش ع بعضه كده ليه

-معتز: مش وقتك أزياد ، الزفت قريب نور عندهم والظاهر انه عامل بلوى سودة هناك ، ومافيش وقت أضيعه في الرغي

-زياد بقلق : نعم ؟؟ بتقول ايه ؟؟ طب وانت عرفت ازاي ؟؟

-معتز: من نايا !!

-زياد وهو يجري خارج الصالة : ايبيه؟ يالا بينا بسرررعة

-معتز: ايبيه ده انت جاي معايا ؟؟

-زياد: او مال يعني هسيبك لوحذك ، وأنا مش فاضي اشرحلك العنوان فين ، تعالى بسررررعة

-حسام: ما حد يفهمني في ايه بدل ما أنا عمل زي الأطرش في الزفة

-معتز: بعدين احسام

-حسام: طب أنا جاي وراكو ، ثواني

-معتز: اوك

وانطلق الشباب نحو منزل نور الذي وصفه زياد لكلاً من معتز وحسام عن طريق الهاتف بسرعة فائقة ...

في تلك الأثناء وصلت ريم صديقة نور إلى منزلها لكي تطمئن عليها ولكن ..،،،

-ريم وهي تطرق الباب: (ترررن.. تررررن) الله هو مافيش حد جوا ولا ايه بقالي ساعة عمالة أخطب ولا في حس ولا خبر .. مممم... طيب أنا هطلبها ع التليفون يمكن ترد ... برضوه محدش بيرد .. راحوا فين دول ؟؟؟ يوكنش راحوا يتغدوا بره ! خووونة من غيري ، ماشي .. هنزل أستناكم تحت في عريبتني.. ماشي يا نور بس أما أشوفك ، والله ماهديهالك !!!

-سامح لنايا من الداخل: اسكتي ساكتة يا بت عمي ، لو نفس واحد طلعت منيكي مش
هتعرفي ايه اللي هيجراك

-نايا: ربنا ينتقم منك

-سامح: شششش .. خلي اللي ع الباب يمشي

-نايا لنفسها: ياااا رب نجينا من المؤذي ده

-نور متألمة وقد بدأت تفيق: آآآآآه..

-سامح: اقفلي خاشمك !!!

-نايا: بس يا حبيبتي ، استحملي لحد ما البلوى ده يغور

-سامح: انكتمي

وصل زياد بسيارته أولاً ، وترجل منها وسأل عن الدور الذي به شقة نور ...،،

-زياد للبواب: الأنسة نور فوزي ساكنة فين ؟

-البواب: وانت مين يا حضرت ؟

-زياد بنرفزة: انت لسه هترغي معايا ، هي ساكنة في أنهي دور ، انطق !!!

-البواب: في الدور الخامس

-زياد لمعتز بعد أن ركن سيارته : في الدور الخامس

-معتز: بسررعة خلونا نلحقها

-البواب: في ايه يا حضرات؟

-معتز: في بلوى سودة بتحصل عندك في العمارة وأنت اعد هنا عاملي فيها البيه
البواب

-البواب: هه ..

-معتز وهو يدفع البواب : حااااسب أما نشوف النصيبة اللي فوق

-البواب: استنوا يا بهوات، أني جاي معاكو

لم ينتظر زياد وصول المصعد للدور الأرضي ، وإنما صعد الدرجات بسرعة رهيبية ، ولحق به البواب ومعتز ... بحث زياد بعينه عن شقة نور ، وعرفها من اليافطة المعلقة على الباب ثم ...،،،

-زياد وهو يطرق الباب بصوت عالي : (طق...طق..ترررن..ترررن) نوووور ،
افتحي

-سامح لنفسه: اياك أسمع حس واحدة فيكم وإلا هيبقى أخرى يوم في عمرها
فاهمين .. ششش !

-البواب: بالراحة يا بيه !

-زياد بحدة : أنا عارف انك جوا ، افتحي الباب يا نور

-معتز: خبط جامد يا زياد

-زياد: لأ انا مش هستنى أما تقوم تفتح ، لازم نكسر الباب حالاً

-البواب: يا بهوات ماينفعلش اللي بتعملوه ده ، في حريم جوا

-معتز: واما أنت عارف ان في حريم جوا ، بتسيب واحد يطلع يتهم عليهم وانت
قاعد زي قلتك تحت !!

-البواب: أني ماشوفتش حد

-معتز: قالوا للبواب احلف !!

-زياد: انتو هترغوا سوا ، بسرررعة ساعدوني نكسر الباب

وبالفعل تعاون زياد مع معتز والبواب في كسر باب الشقة ونجحوا ثلاثتهم في هذا ،
وحيثما دلفوا للداخل تفاجئوا بما حدث ..،،،

-البواب: يا سنة سوخة يا ولاد !!!

-معتز بدهشة : الله يخربيتك عملت ايه في البنات ؟؟؟؟؟

-زياد وقد رأى ما أصاب نور: وعزة جلال الله ما أنا سايبك يا كلب يا بن ال... يا
و***

هجم زياد على سامح ليفتك به بعد أن رأى آثار الضرب والاعتداء على نور ،،،

-زياد وهو يلكمه : مش هارحمك يا حيوان .. بوووووم

-سامح وهو يقاوم : جرى ايه يا جدع انت ، بنات عمي وبربيهم

-زياد: بتربيهم ولا بتموتهم

-معتز متدخلًا: سيبهولي أنا أخلص عليه

-زياد مسرعاً ناحية نور: انتي كويسة ، الله يخربيته عمل فيكي ايه

-نور متألّمة ببكاء : آآآآه.. ضربني ج...جامد ، فضلت آآآ... أقاومه بس ..بس
مقدرتش ، طلع اقوى مني و..

-زياد : والله ما سايبه

-نور باكية: أنا..أنا....

-زياد للبواب: انتيل اطلب الاسعاف بدل ما أنت واقف تتفرج

-البواب: حاضر يا بيه

خرج البواب من المنزل ليستدعي الاسعاف ، بينما اجلس زياد نور على الأريكة
وحاول مداوة جراحها وأجرى لها الاسعافات الأولية وضمد جراحها ، وقام معتز

-اللواء اسماعيل: الموضوع ده مش هيعدي بالساهل ، احنا مؤتمنين على أرواح الناس نقوم نضيعها

-رشا: آآآ.....

-اللواء اسماعيل: اتفضلي الوقتي يا كابتن رشا ، وأنا هعرف شغلي مع كل اللي اتسبب في اللي حصل

-رشا: يا سيادة اللواء حضرتك أنا ماليش ذنب والله أنا آآ...

-اللواء اسماعيل: أي حاجة تانية عاوزة تقوليها هتكون في التحقيق الرسمي اللي هيتعمل

-رشا: حاضر يا باشا

-اللواء اسماعيل وهو يطلب أحد الأشخاص من هاتف مكتبه: ابعتلي الرائد زياد السويقي على مكتبي فوراً !!!

-المتصل:

-اللواء اسماعيل بعصبية : يعني ايه مش موجود؟؟ هي تكية من غير بواب كل اللي عاوز يجي أو يمشي براحته من غير ظابط ولا رابط .. عاوز الأرض تنشق ويجيني حالاً .. مفهووووم !!!

.....

كانت ريم جالسة في سيارتها تنتظر وصول نور ونايا ، ولكنها شعرت بالملل ، فقررت أن،،،

-ريم لنفسها: لأ بقى أنا زهقت ، هفضل طول اليوم أعدة في العربية ، خلاص بقى هبقى أعدي عليهم وقت تاني

أدارت ريم محرك سيارتها ونظرت للخلف لتتحرك بالسيارة ولكنها تفاجئت بوجود حسام خلفها بسيارته ... لم يلمحها حسام وإنما ظل يدور بالسيارة باحثاً عن عنوان نور ...،،،

-ريم لنفسها : لأ مش معقول .. البأف ده تاني ؟؟؟ أكبيد هو مستقصدني ، أنا مش ناقصة حرقه دم ، ان شاءالله ماعن العربية اتحركت ، خليه يغور الأول ، هو أنا خلصت من القضية الأولى عشان ادبس في قضية تانية !!!!

كان حسام يبحث عن مكان يركن فيه سيارته ولكن جاءه اتصال هاتفي ف...،،

-حسام هاتفياً: خيرررر ...

-المتصل:

-حسام: بتقول ايه ؟؟؟ مين ؟؟؟

-المتصل :

-حسام: خلاص ماشي ، أنا جاي وهبلغه يجي فوراً .. طيب حاضر

-المتصل :

-حسام: أوك ، سلام ... أل احنا كنا ناقصين بلاوي .. عملت ايه تاني يا زياد .. ربنا يعديها ع خير !!!

.....

في تلك الأثناء وصلت هدى إلى منزلها بصحبة نائل ، كانت في طريقها قد اشترت له كرسيًا متحركاً ليستخدمه خلال الشهرين القادمين إلى أن تشفى قدمه ، جلس نائل على الكرسي المتحرك ودفعته هدى ، ثم صعدا في المصعد حتى وصلا إلى الطابق الموجود به منزلها ، فوجدت باب المنزل مكسور ، فألقت نظرة سريعة وتفاجئت بما يحدث داخله و..،،

-هدى: ايبييه اللي بيحصل هنا ؟

-نايا وهي تجري ناحية أمها: مامي ، الحقينا سامح هجم على نور وعليها و..

-هدى مقاطعة وهي تنظر لنور: بنتي حبيبتي

-نور: آآه.. مامي ...

-نايا: محصلش يا مامي والله

-سامح باصرار: لأ حوصل ، واني كنت جاي أظمن عليك في المستشفى وانتي مخلصكيش أني أوصلك البيت ، روحتي راكبة مع الأفندي ده ، حتى الست اختك الكبيرة بدل ما تجولك عيب راحت راكبة مع الأخ ده (ثم أشار لمعتز)

-معتز: الله يخربيتك ، هتودينا في داهية

-هدى : كل ده حصل في يومين غبت فيهم عن البيت ???

-سامح: وبعدين يا مرات عمي طالما نور هتكتبي كتابها ع الأخ ده ليه مجولتناش في البلد ???

-زياد: اتكلم عدل بدل ما أفرمك

-هدى: هه !!!

أخذت هدى تفكر سريعاً فيما قاله سامح ، والعواقب التي قد تحدث لهم جراء ما حدث ...،،،

-سامح مكملاً : يعني مش كفاية انهم بينتهكوا حرمت البيت وهو فاضي ومافيهوش راجل ، و عشان بجولهم عيب ومايصحش بيتكاتروا عليا ويضربوني !!..

-نور: اومال اللي في وشي ده ايه ?? وحمه ولا حساسية ???

-نايا: هو مين اللي ضرب مين ??

-زياد: لو مابطلتش كذب هاجي أقطعك لسانك وأعرفك تنطق ازاي

-هدى بحدة: الكل يسكت خاااااالص

-صمتت هدى قليلاً ثم قالت: معلش يا سامح يا بني .. أنا بعذرلك عن اللي حصل ! امسحها فيا

-نور باستغراب : بتعذريله يا مامي ??? طب ليبييه ??? ده بدل ما توديه في داهية وتسجنيه

-نايا: مامي ، ايه اللي بتقوليه ده !!

-هدى: اسكتوا انتو الاتنين مش عاوزة أسمع نفسكم

-سامح: الأصول ما تزعلش يا مرات عمي

-هدى : أه طبعا ...

ثم أكملت هدى: وانت يا زياد طالما نور موافقة عليك وأنا اديتك كلمة وقولتك هتكتب كتابك عليها يبقى تصبر لحد ما ده يحصل ومغنتش توصلها تاني للبيت
!!!!!!!

.....

الحلقة الثامنة والعشرون :

-هدى: وانت يا زياد طالما نور موافقة عليك وأنا اديتك كلمة وقولتك هتكتب كتابك عليها يبقى تصبر لحد ما ده يحصل ومغنتش توصلها تاني للبيت ، أو تيجي وأنا مش موجودة انت فاهم !!!

علت الدهشة وجوه الجميع حينما سمعوا ما قالته هدى و..،،

نور: بتقولي ايه يا مامي؟؟

-زياد: نعم؟؟؟

-نايا: مامي ده ..ده

-معتز: هو ايه اللي بيحصل هنا بالظبط

-هدى: معلش يا سامح يا بني ، انت مش غريب ، أنا جاية من طريق سفر ومحتاجة أرتاح و...

-البواب: أني كلمت الاسعاف يا بهوات و... است هدى هانم ، حمدلله ع سلامتكم يا ست هانم نورتي مصر

-هدى: شكراً يا عم عبده ، الله يسلمك ، اسعاف ليه ؟

-البواب وهو يشير لزياد : البيه ده طلب مني أجيب الاسعاف

-هدى: مالوش لازمة ، شوفلي بس نجار يصلح باب الشقة

-البواب: حاضر يا ست هانم

-هدى: أه كنت بقول ايه ، معلش يا سامح هستاؤنك أنا محتاجة أرتاح و...

-سامح: مفهوم يا مرات عمي ، خدي راحتك و..

-معتز لزياد: ايه ياعم اللي بيحصل ده ؟؟ الست دي طبيعية

-زياد متعجباً : أنا مش فاهم أي حاجة

-معتز: ولا أنا كمان ، هو في كده أصلاً

انصرف سامح وعلى وجهه ابتسامة خبيثة ونظرات توعد لزياد ونور ، وما ان
خرج من الشقة حتى انفجرت نور صارخة ..،،،

-نور : حرام عليك يا مامي ، بقى بتصدقي الجبان ده وتكديني ؟؟؟

-نايا: يا مامي احنا كنا أعدين في أمنت الله هو اللي جه هجم علينا

-هدى: أنا عاوزة أعرف كل حاجة بالتفصيل ، وفهموني حكاية المستشفى دي كمان
، والأهم زياد بيعمل ايه هنا في بيتي وكمان موضوع كتب الكتاب ده !!!

قصت الفتاتين ما حدث معهما منذ الأمس وإلى الآن ، حزنت هدى كثيراً لما حدث
مع ابنتيها ، وطلبت منهما أن ترتاحا في الداخل ، ثم طلبت هدى الحديث على انفراد
مع زياد ومعتز في أمر هام ... ،،،

-هدى لزياد: أنا مش عارفة اقولك ايه ، شكراً ع اللي عملته مع بنتي و..

-زياد مقاطعاً : أنا ..أنا ما عملتش غير الواجب بس حضرتك آآآ..

-هدى: رغم أنني ماكونتتش الصراحة طايقاك ، بس اللي عملته مع بنتي خلاك تكبر في نظري

-زياد: يا مدام هدى آآآ..

-هدى مكلمة : انت لسه مصمم ع طلبك ؟

-زياد: طلب ايه ؟

-هدى: تكتب كتابك ع بنتي ؟

-زياد: اييه ؟

-هدى: أنا موافقة ، ولو انت لسه موافق أنا معديش مانع ونقدر نحدد ميعاد لكتب الكتاب مع رباب ووالدك

-زياد وقد تفاجيء بما قالته هدى : آآآ... الحكاية بس ان ..

-هدى: فكر ولو كده انت تقدر تخلي مامتك تكلمني وهنظبط الدنيا سوا

-زياد: بس حضرتك مقولتليش ايه اللي خلاكي توافقي رغم اعتراضك ع شخصي

أوضحت هدى لزياد أسباب قبولها لمثل تلك الزيجة ..،،

-هدى: طبعا أنت عاوز تعرف ليه أنا وافقت ع جوازك من بنتي

-زياد: يا ريت اذا سمحتي

-هدى: أنا لو كنت اظهرت عدم معرفتي باللي قاله سامح كان ممكن يتطور الوضع لحاجة أسوأ ، سامح بني آدم مش سهل خالص ، وأنا حاسة انه بيدبر لحاجة ، والحاجة دي ليها علاقة بميراث البنات من والدهم الله يرحمه ، وأخذ نور سكة عشان يوصل لده

-زياد: كل ده مقدور على حله يا مدام بس..آآآ

-هدى مقاطعة : أنا عارفة ان ده عادي مافيهوش جديد ، لكن الجديد لما سامح ينوي يقتل نور !!

-زياد: ايبييه ??? هي مش سايبية

-هدى: انت متعرفش سامح ممكن يعمل ايه ، شايف نائل ابني واللي حصله ، كان وراه سامح !!

-زياد: طب ازاي ؟

-هدى: أنا عرفت بطريقتي انه دبر لقتل نائل بس ربنا نجاه ، والأخطر ان سامح كان مخطط يخطف نور ويساومني عليها وضحك ع نائل بكلام أهبل فقدر يوصل لنور ، لكن لولا ستر ربنا ووجودكم كان ممكن ماشوفهاش ثاني

-زياد: طب ليه تسكتي عليه ؟؟ اعلمي بلاغ ضده

-هدى: انت مش عارف عيلة المرحوم تقدر تعمل ايه ، ده غير ان ايديهم طائلة ، وأنا باعلاني موافقتي ع جوازك من نور همنع بلاوي كتير ممكن تحصلنا

-زياد وقد أخذ يفكر : ممم....

-هدى: أظن أنا وضحتك ليه وافقت

-زياد: بس.. بس .. نور .. آآآ

-هدى: ملكش دعوة بيها ، انت ليك انك تكتب كتابك عليها لفترة ، وبعد كده تنفصلوا

-زياد وقد أخذ يفكر بجدية: ممم...

-هدى: أنا مش بضغط عليك عشان توافق ، اعتبارها جوازة مؤقتة وانك بتعمل خدمة وشوف عاوز ايه مقابل حمايتك لبنتي

-زياد: المسألة مش كده خالص ، كل الحكاية ان ..

-هدى: أنا شايفاك أكثر حد ممكن يحميها الفترة اللي جاية ، أنا أخاف يجرا لي حاجة وميكونش مع بناتي حد يقف معاهم و...

-معتز: بعد الشر عنك ، ان شاءالله سامح

-هدى: شكراً

-زياد: ربنا يسهل ..

-معتز: وأنا مليش أي كلمة تشجيع حتى ؟

-هدى: معلى يا بنى ، قولتلى اسمك ايه ؟؟

-معتز: أنا الرائد معتز زميل زياد وصاحبه الأنتيم و..

-هدى مقاطعة: تشرفت بيك يا سيادة الرائد ، وشكراً ع تعبك معانا

-معتز: الله يكرمك يا رب ، أنا فى الخدمة

-هدى: تسلّم يا رب من كل سوء ..

ثم أكملت هدى: فكر ، وقولي رأيك ، وبناءً عليه هتصرف .. بس أياً كان قرارك فده مش هيمنع اني احترمك وقدرتك أوي خصوصاً بعد اللي عملته معايا ومع بناتي ، وبأكد عليك تاني الموضوع مافيهوش أي ضغط ، مجرد عرض وطلب ..

رن هاتف معتز برقم وليد ف...

-معتز: بعد اذنكم لحظة هرد ع التليفون

-معتز هاتفياً: ايوه يا وليد فى ايه ؟

-وليد: تعالى انت وزياد ع الادارة حالاً ، اللوا اسماعيل طالب يشوفنا فوراً ،
وخصوصاً زياد

-معتز: متعرفش ليه ؟

-وليد: ده اللي وصلني من حسام

-معتز: حساااام ، يااه ده احنا نسيناه ، كان المفروض جاي ورانا

-وليد: انجز اللي بتعمله وتعالى ع الادارة فوراً

-معتز: طيب ..

-وليد: اوعى تتأخر .. ماشي ، سلام !

-معتز: سلام

-معتز لزياد: يالا يا زياد ، هما محتاجينا في الادارة

-زياد: طيب ، ثواني بس

-هدى: سوري يا زياد عطلتك انت وصاحبك

-زياد: ولا يهملك

-هدى: ربنا يعينكم في شغلكم يا رب

-زياد: يا رب امين

-معتز: اللهم آمين

انصرف زياد ومعتز إلى عملهما .. بينما دلفت هدى إلى غرفة ابنتها نور لتطمئن عليها

-هدى: حبيبتي يا نور : الف سلامة عليك

-نور: ايه يا مامي الكلام اللي اتقال بره

-هدى: هفهمك

-نائيل وقد دخل الغرفة : أقدر أجي ولا بقت الأوضة دي كمان محظورة عليا

-نايا: نونو ، معلىش انشغلنا عنك ، ايه اللي حصلك؟؟

-نائيل: حادثة بسيطة ، بس ان شاء الله هاقوم منها

-نور: سلامتلك يا نونو

-نائيل: الله يسلمك ، انتي عاملة ايه الوقتي؟

-نور: ورمانة من كل حنة

-هدى: معلىش يا حبيبتي ، ان شاء الله يومين وتروح

-نايا: عملتي ايه مع زياد ومعتز

-هدى : مافيش شكرتهم ع اللي عملوه ، بجد أنا مكوئنتش أتصور انهم يعملوا ده معاكو ، وخصوصاً ان بينا موقف مش ظريف
-نايا: فعلاً يا مامي طلع عندهم مروئة وشهامة و...

-نور مقاطعة : وانا يا مامي ، مافيش أي كلمة مواساة ، ده أنا اللي اطحنت
-هدى: مش أنا قولتلك حمدلله ع سلامتلك يا حبيبتى ..

-نور: لأ صح ! يدوب كفاية عليا

.....

في الإدارة ،،،

وتحديداً في مكتب اللواء اسماعيل ،،،،

-زياد: يا سيادة اللواء آآآ...

-اللواء اسماعيل: كنت اتصور ان العمائل دي تطلع من أي حد إلا انت .. مجاش في بالك ان ممكن يجرالها حاجة

-زياد: بس..بس مين بلغ حضرتك بده ؟

-اللواء اسماعيل : ده اللي همك .. !!!

-زياد: مقصدش يا فندم ، الحكاية بس إني آآآ...

-اللواء اسماعيل : من مصادري الخاصة يا سيادة الرائد ، أنا مش نايم ع وداني هنا .. في تحقيق رسمي هيتعمل ، ونور هتشهد ضدك باللي عملته فيها

-زياد بضيق: يا باشا ...

-اللواء اسماعيل: هي مش فوضى عشان نتعامل مع زمايلنا بالطريقة دي ، وخصوصاً اما تكون من طرفي

-زياد:

-اللواء اسماعيل: اعرف انك هتتاسب ع اللي حصل حساب عسير لو نور أكدت على كلامي ده !!!

-زياد:

-اللواء اسماعيل: اتفضل على مكتبك ، وبدل ما تعمل مقالاب في زميلتك ، شوف شغلك عدل !!!!

-زياد: حاضر

-زياد لنفسه بعد أن خرج من المكتب : أل أنا كنت ناقص البلوى السوداء دي كمان ، بس مين اللي بلغه ، استحالة تكون نور ، ما أنا كنت مرزوع معاها من صباحية ربنا ، طب مين اللي قال للو اع اللي حصل ؟؟ أكيببيبيد في حد بيدور ورايا !!!!

.....

في منزل طاهر السويقي ،،،

-رباب هاتفياً : كل ده حصل

-هدى: تخيلي

-رباب: أنا اللي أعرفه ان نور فعلا كانت تعبانة وفي المستشفى و..

-هدى: وايه يا رب ؟

-رباب: وان زياد بيشتغل معاها

-هدى: أه ما أنا عرفت بده

-رباب: الواد كان مش قايلي والله يا هدى كنت عرفتك

-هدى: ولا البنت

-رباب: جيل غريب

-هدى : المهم ، أنا عاوزاكي في خدمة

-رباب: عيوني أو مرني يا هدهودة

-هدى : بصي أنا عاوزاكي!!!

.....

في منزل طاهر السويفي ،،،

عاد زياد إلى منزله بعد يوم شاق من التحقيقات معه ومع رفاقه ، ثم من التدريبات الشاقة ، وأخيراً من الحرمان من أي أجازات خلال الفترة القادمة ...،،،

-زياد: اوووف ، هموت م التعب خلااااص

-طاهر: ايه يا بني مالك ؟

-زياد: تعبان يا بابا أوي

-طاهر: ابييه اللي تعبك ؟

-زياد: الشغل

-طاهر: بس !!

-زياد: هه .. عادي

-رباب: تعالى يا ضنايا عشان تاكل

-زياد: ايوووه يا أمي لأحسن واقع من الجوع

-رباب: حبيبي يا بني ، ده أنا عمالك فراخ محشية وصنية بطاطس انما ابييه تستاهل بؤك

-زياد: الله الله يا ست الكل

جلست العائلة لتتناول الطعام ، فأشارت رباب بطرف عينها لطاهر لكي يبدأ الحوار مع زياد ، ولكنه هز رأسه بالنفي ...

-زياد: في ايه مالكم؟؟

-طاهر: هه ، مافيش يا بني

-زياد: لأ في ، انتو عمالين تغمزوا لبعض وتشاوروا من ساعة ما أعدت ع التربيذة

-رباب : بصراحة يا زياد ، عاوزة أعرف انت لئك يد في اللي حصل لنور بنت هدى ولا لأ

-زياد: يوووه ، برضوه يا أمي مصممة تعرفي

-رباب: ريحني يا بني ، مش عاوزة مشاكل معاها

-زياد: لأ اطمني ،

-رباب: ريحت قلبي الله يريح قلبك ، بص بقى أنا عندي لئك عروسة إنما ابييه ، مافيهاش عيب

-زياد: حرام عليكي مافيش إلا السيرة دي

-رباب بخبت: نفسي أفرح بيكي يا حبيبي قبل ما أموت ، واشوف عيالك بيتنططوا قدامي كده وأقولهم بس يا واد ، هس يا بت

-زياد: يا أمي مش وقته ، خليها على الله

-رباب: مش وقته ايه بس .. شوف انت عندك كام سنة الوقتي ، اصغر منك متجوزين ومخلفين أورطة عيال

-زياد: الله يكرمك يا امي فضيها سيرة ، خليني أكمل أكل

-طاهر: أمك مش غلطانة يا زياد ، وبعدين اهي بتعمل اللي عليها وبتشوفلك عرايس ولاد ناس

-زياد: لأ متشوفش ، لما أبقى أفضى هشوف أنا بنفسي

-طاهر: ماهو طالما انت مش فاضي تشوف ، هي اللي هتشوفلك

-زياد: يعني انتو مصممين

-رباب: ايوه ، البنت الدور ده حكاية ورواية حاجة كده ماتتوصفش

-زياد: طالما عاوزيني أتجوز يبقى هاتجوز واحدة أنا عارفها ، ولو مقدرتش اكمل معاها هنفصل بهدوء من غير وجع دماغ ولا مشاكل

-ظاهر: يا سيدي انوي خير ، وربك هيسهلها

-زياد: لأ انا حبيت أعرفكم ده من الأول

-رباب: ودي مين دي ياخويا اللي هاتوافق ع كده ، كل واحدة بتبقى عاوزة تتجوز عشان تستقر وتعمل بيت وتجيب عيال و...

-زياد: لأ موجود كتير يا أمي

-رباب: ياخويا الدنيا اتشقلب حالها ، أل العيال بيتجوزوا عشان يطلقوا

-زياد: طالما الجواز مبني ع اتفاق بين طرفين ، يبقى محدش ليه عندنا حاجة

-رباب: يعني انت مش هاتشوف البنت الجديدة اللي جيبهالك

-ظاهر: يووه سيبه يا رباب يختار اللي عاوزها ، طالما مبدأ الجواز موجود عنده

-زياد: ما تتعبيش نفسك يا أمي

-رباب: لأ أنا عاوزة أتعبلك بس انت ريحني الله يكرمك

-زياد: بصي... آآ... أنا في واحدة ...

-رباب مقاطعة بلهفة : هاللى مين؟؟

-زياد: آآ... نور !!!

-رباب مصنعة الدهشة : نور؟؟ نور مين؟؟

-زياد: نور بنت صاحبك

-ظاهر: بنت هدى الحديدي؟؟

-زياد: ايوه

-رباب: طب ازاي؟؟؟ ده انتو حصل بينكم touch و...

-زياد مقاطعاً: لأ ده كان زمان وخلص أنا.. أنا يعني

-ظاهر: انت ايه ؟

-زياد بتردد: يعني أنا ..إني ..

-رباب: ما تقول يا بني هي صعبة أوي كده

-زياد: يعني أنا ناوي أكتب كتابي عليها على طووول

-ظاهر ورباب بدهشة : ابييييييه ???

.....

في فيلا معتز ،،،،

-معتز: يااه يا حاج ، كان يوم ما يعلم بيه إلا ربنا بدأ بكارثة وخلص بجزا وشوية مصايب في النص

-ابراهيم : ليبيه كل ده ، هو ايه اللي حصل بالظبط ??

-معتز: والله ما أنا عارف ، تحس ان في بومة نحس كده جت حطت علينا ونشرت الفال الاسود والنحس عليا ، تقولش متسلطة عليا ...

-نجلاء: مزاميزووو ، حمدالله ع السلامة

-معتز: مش بقولك آحاج بومة نحس

-نجلاء: ليه يا أنكل مقولتليش ان مزاميزووو جه كنت حضرتله الأكل من بدري

-معتز: مش عاوز حاجة آنجلاء .. متتعبيش نفسك مش عاوز اكل

-نجلاء: لألألأ .. مش عاوز تاكل ابييه ، ده انت وشك خاسس وبقي أد اللقمة ، مش باين من كتر ما بيصغر

-معتز وهو يتحسس وجهه : ابييه ده ، وهو أنا بنكمش ولا ايه ??

-نجلاء: استناني بس هاجيبك البط اللي عملاه وتشرب شوربته يا سلام ، الدموية هترد في وشك

-معتز: بطع آخر الليل يا نجلاء !!

-نجلاء: يدوبك حاجة تسند بيها قلبك

-معتز: انتي ليه محسساني أني قايم من ولادة ولسه نفسة ومحتاج أتغذى ، وسعي
انجلاء خليني أروح أنام

-نجلاء: بس ايه رأيك في هدومي

-معتز: اه صحيح ، مالك لبسة زي بيض شم النسيم كده ليه

-نجلاء: ده الليلة ليلة هنا وسرور

-معتز: اشمعنى ؟

-نجلاء: أصلها.. أصلها

-معتز: أصلها ايه؟؟

-نجلاء: أصلها أول ذكرى لنا سوا

-معتز: نعم؟؟ احنا مافيش بينا حاجة

-نجلاء: مقصدش ، دي ذكرى أول كلمة حلوة قولتها لي

-معتز: أنا مش فاكرا اني قولتك حاجة حلوة أصلاً

-نجلاء: فاكرا لما قوتلي زمان اوي ده انتي شبه البطيخة

-معتز: أه ودي فيها ايه حلو يعني؟؟؟

-نجلاء : فيها انك شبهتني بالحمار والحلاوة يا مزاميزوو

-معتز: يا شيخة !!!

-نجلاء: هيبيح .. شوفت أنا لسه فاكرا لحد الوقتي ازاي ، هنعط زيتنا في دقيقتنا

أمتي بقى يا مزاميزوو ونتجوز !!

-معتز: حتى في دي جايبه سيرة الأكل ، ما سمعتيش عن المثل اللي بيقول خد م

الزرايب وماتخدش من القرابيب؟

-نجلاء: لأ

-معتز: أهو أنا أخذ المثل ده اسلوب حياة ، اديني سكة كده خليني أتخمد !!!

-معتز لنفسه: والله لو عملتي من الفسيخ شربات أنجلاء برضوه هتفضلي نجلاء
ومش هاتجوزك ، ياريتني كنت مكانك أزياد ، كنت كتب كتابي ع المزة وقتي
!!!.....

.....

الحلقة التاسعة والعشرون :

كانت رباب تتحدث هاتفياً مع هدى لتخبرها بنية ابنها الزواج من نور في أقرب
وقت ، وأن الخطة التي وضعوها بشأن رؤيته لعروس جديدة نجحت في استدراكه
للإعلان عن رغبته في الزواج من نور،،،،

-رباب هاتفياً: الواد وافق خلاص

-هدى: مش معقول

-رباب: اه والله بكلمك جد

-هدى: الحمد لله يا رب

-زياد من غرفته : اومال فين الشراب؟؟ أنا كنت حاطه هنا ، يوووه ، أمي مش
بتريح نفسها دايماً تنقل الحاجة من مكانها من غير ما تقولي ، أما أروح أسألها
عنها

توجه زياد حيث تجلس والدته ليعرف منها مكان جواربه فاستمع إلى ...،،،،

نبوية: ياخذ عدوينك يا ستي

□□□ في المستوصف ،،

أسرعت سعدية بالذهاب إلى العنبر الذي توجد به هدى ، وأبلغتها بما عرفته من نبوية ، وان عليها أن ترحل في الحال لانقاذ بناتها ..،،،

-هدى : أنا مش عارفة ايه اللي حصلني ولا ايه اللي جابني هنا ، بس كتر خيرك انك جيتي تطمني عليا

-سعدية: اوعي تجيبي سيرة يا ست هدى اني جيتك ، محدش يعرف بده

-هدى: طب ليه ؟

-سعدية: اللي فهمته انهم ساجوكي حاجة اكده عشان تنيك وسامح يسافر مصر

-هدى: يسافر مصر ؟؟؟ عشان ايه ؟؟

-سعدية: مخابرش ، بس لازم يا ست هدى تمشي طوالي

-هدى: كتر خيرك يا سعدية ، بس سامح بيعمل كده ليه ؟

-سعدية: الموضوع يخص أرض جوزك الله يرحمه ، أني سمعت طراطيش كلام ان الأرض بتاعة نور داخلة كردون مباني وسعرها هيضرب في العلالي

-هدى: بتقولي ايه ؟؟

-سعدية: أني بقول اللي سمعته ، المهم دلوجيت انك لازم تمشي ، وطالما

المحروس ابنك اتصاب يبجي خافي ع بناتك وهما لوحديهم

-هدى: ليه ؟؟ هو ممكن يكون سامحورا اللي حصل لابني ؟؟

-سعدية: مش بعيد

-هدى: ع العموم شكراً مرة ثانية ع اللي عملتية يا سعدية معايا لو اختي مش

هتجف معايا زي ما انتي عملتي

-سعدية: متجوليش اكده ، صحيح أني مرات الحاج فاروق الثانية ، بس الحق حق

، وأنني ميرضنيش أشوف نصيبة بتحصل وأجف ساكتة

-هدى: ربنا يجازيكى خير عن المعروف اللي عملتية معايا □□□

.....

عودة للوقت الحالي ،،،

-رباب: الحمد لله انها عدت ع خير ، بس خلى بالك أنا مقولتكيش حاجة ، ماشي !

-هدى : طبعاً ، وأنا هاعمل متفاجئة لما أسمع منه ده

-رباب: تمام أوي

لم تكن رباب مدركة أن زياد يقف خلفها وقد سمع كل كلمة قالتها خلال مكالمتها مع هدى ..

كور زياد قبضتي يديه ، كانت الدماغ تغلي في عروقه ، ووجهه يعلوه الغضب الشديد، وسيطر عليه الشعور بالحنق لكونه كان ألعوبة في يد والدته ورفيقتها ..،،،

-زياد لنفسه من الخلف: بقى الحكاية كده ، مدبرينها سوا وبتضحكوا عليا وبتشتغلوني وتقولولي موضوع خطف وجواز وقتل ، وأنا زي الأهل صدقت من غير ما أراجع وراكو ، ماشي .. أهوو اللعب بقى ع المكشوف .. ونور دي هتشوف أيام أسود من اللي سامح كان نويلها عليها .. أمك اكيببيد كانت داعية عليكي بيا يا نور !! اصبري ع رزقك معايا يا بنت الـ ، وجوازي منك هيكون تخليص حق لكل اللي عملتوه فيا .. اصبري عليا !!!!!!!!!!!!!!!

.....

في الإدارة ،،،

-المتصل:

-اللواء اسماعيل : بأمر الله يا فندم ، شاكرين أفضل معاليك .. مع ألف سلامة

-اللواء اسماعيل لنفسه : ماهو مش ع آخر الزمن أخذ كلام في جنابي ويتقال عن ادارتي انها أي كلام .. لأ لازم يتشد الكل شدة حلوة عشان يمشوا عدل !!!!

قام اللواء اسماعيل بطلب أحد الأشخاص ليخبره بأمر هام جدااااا ..،،،،

-اللواء اسماعيل هاتفياً: ايوه يا خليل ، طلع أمر كتابي فوراً وبتوقيع الجميع بالعلم بضرورة حضور كل اللي اسمه مقيد عندنا في الادارة في الدورة التدريبية الدورية

-خليل: حاضر يا باشا

-اللواء اسماعيل: والقرار يتضمن اسماء المستجدين وذوي العقود المؤقتة ، والمعارين والمنقولين عندنا

-خليل: حاضر يا فندم

-اللواء اسماعيل مكملاً : أه واي حد أخذ اجازة تتلغى فوراً ، لو حد امتنع عن الحضور خلال الدورة دي هيتم التحقيق معاه فوراً والتعرض للجزاء

-خليل: أوامرك يا باشا

-اللواء اسماعيل : خلص كتابة الأمر الاداري ده وهاتهولي أوقعه، وابعته بعد كده ع طول ع الميل للكل ، ويتمرر الأمر ع المكاتب كلها ، ويتعلق نسخة منه ع لوحة الاعلانات

-خليل: تمام يا باشا

.....

دخل زياد إلى غرفة المكتب وهو يشعر بالحنق والغضب مما سمعه من والدته ، كما لم يلقي السلام على أقرانه ...،،،،

-حسام متعجباً : اييه يا عم مالك؟؟ داخل كده لا سلام ولا كلام ، مالك؟؟؟

-زياد بضيق : مافيش ياخي مخنوق

-حسام: معلش يا زيزوو ، ان شاء الله تعدي ع خير ، احنا عرفنا باللي حصل

-زياد بدهشة: عرفتوا؟؟ طب ازاي؟؟

-وليد: هو في حاجة بتستخبي في الادارة دي؟؟

-زياد: ازاي يعني وماحدش عرف ولا سمع إلا أنا!!!

-معتز: معلش يا زيزوو ، أهي قرصة وذن وهدتدي ع خير

-زياد: ايبيه اللي قرصة وذن ، أنا مش فاهم حاجة ، انتو بتتكلمو عن ايه بالظبط
؟؟

-حسام: بتتكلم عن التحقيق؟؟ أو مال انت تقصد ايه؟؟

-زياد باستغراب: تحقيق!! تحقيق ايه ده؟؟؟

-حسام: هو انت مش عارف انك مطلوب في تحقيق رسمي

-زياد: نعم؟؟ وده بمناسبة ايه تاني

-وليد: نور!

-معتز: اشمعنى

-وليد: انت هتخشلي قافية

-زياد: انتو هتغنوا وتردوا ع بعض ، مش هو خلاص الموضوع كان مجرد لفت
نظر وانتهى

-حسام: لأ ده تحقيق رسمي من جهات عليا مع كل واحد اتسبب في تعرضها للخطر

-زياد: ده كلام جديد!!

-حسام: ايوه

-زياد بصوت هامس : ماهي المصاييب بتجي مع بعض!! أأ كنت ناقص دي كمان ،
حتى شغلي مرحمتنيش منه يا زفتة الطين .. والله لأخلي أيامك الجاية كلها أسود
من قرن الخروب!!

.....

الحلقة الثلاثون:

عادت نور إلى عملها مرة أخرى بعد أن علمت أنه لا توجد اجازات خلال الفترة القادمة ، استقبلها زملائها بالترحاب ماعدا زياد الذي كان ذو وجه مقفهر ..،،،
-نور لمعتز: ماله ده ؟

-معتز: من امبارح وهو ضارب الوش النكد
-نور: ليه ؟

-معتز: عشان تحقيقك
-نور: تحقيقي؟؟

-معتز: ماهو اللوا اسماعيل صعد الموضوع بتاعك وهيتعمل تحقيق رسمي
-نور: أها ...

-معتز مكملًا: وطبعاً بعد ما زياد خد كلمتين في جنباه وعرف بالتحقيق قلب علينا
وادانا الوش الخشب ، وطبعاً أنتي أكيد هتكوني الـ...آآآ
-نور: الـ ... ايه بالظبط؟؟

-معتز: هه .. متحطيش في بالك ، بس ممكن خدمة منك ؟
-نور: اتفضل

-معتز: ماتتازلي عن التحقيق يا نور ...
-نور: نعم؟

-معتز: أقصد يعني المسامح كريم ، وانتي قلبك قلب خساية ، يرضيكي الواد زيزو
يتبهدل وسط الفرق الثانية ، و..

-نور وقد أخذت تفكر : هه...

-معتز مكملاً: يعني طول عمر زياد معروف انه راجل وشجاع ومابيتأخرش عن
نجدة أصحابه ، و....

-نور مقاطعة: مين قال أصلاً اني عاوزة تحقيق ، أنا أصلاً معرفش حاجة عن الكلام
ده

-معتز: طب ازاي ؟ اذا كان التحقيق معمول بناءً ع شكوى ضد زياد منك !!

-نور نافية : محصلش !!

-معتز: غريبة ، اومال في ايه ???

-وليد من الخارج وتعلو شفتيه ابتسامه عريضة : صباح الخير عليكم جميعاااا

-معتز: صباحك فل

-نور: صباح الخير

-حسام: ماشاء الله بتسلم علينا وبتضحك ، يبقى في خبر حلو ؟ صح ؟؟

-وليد وهو يوزع بعض الدعوات : طبعاًاااااااااا ، اتفضلوا يا جماعة ..

-معتز: ايبيه ده ؟؟

-وليد: دي دعاوي الفرح بتاعي ، كلكم ان شاء الله معزومين ع يوم الخميس ده

-حسام وهو يحتضن وليد: بجد !!! الف مبروووووووك يا عريس

-معتز: مكنش يومك أوليبييد

-وليد: يالا بقى هنعمل ايه ، سنة الحياة

-نور: ألف ألف مبروووووك

-وليد: الله يبارك فيكي وعقبالك ان شاء الله

-نور بخجل: ميرسي

-معتز: وعقبالي أنا واللي في بالي

ثم رن هاتف معتز ، فأخرجه من جيبه ونظر إلى اسم المتصل وكانت،،
-معتز لنفسه: لأ مش ممكن نجلاااااء !! مش دي والله اللي في بالي !! استغفر الله
العظيم ياااا رب ، هي الدعوة مالها جاية معايا بالمعكوس كده ليبيه

-وليد: اتفضل يا زياد دعوتك

-زياد: مبروك يا وليد

-وليد: الله يبارك فيك ، اوعى متجيش

-زياد: ربنا يسهل

-وليد: والله هزعل منك .. انت عارف أنا مستني اليوم ده عشان أصحابي يكونوا
واقفين جمبي

-زياد: ان شاء الله

-وليد: ومتناساش تجيب العائلة الكريمة معاك ، أنا مش ناسيهم

-زياد: هشوف الظروف

-وليد: اوك

-وليد: اتفضلي يا آنسة نور دعوتك ، هستناكي

-نور: ميرسي أوي ع ذوقك ، حاضر

-وليد: أنا عازم العيلة كلها عشان تقعدني براحتك

-نور: بامر الله

-زياد لنفسه وهو ينظر لنور بقرف: أنا عارف بيعزمها ليه ، مابقالهاش يومين
معانا وخلص بقت محشورة في كل حاجة تخصنا ، ومافيش أي مصيبة تحصل إلا
ولازم تكون ليها يد فيها

شعرت نور بداخلها أن زياد غير راغب في وجودها في فرح وليد ، فقررت أن
تعذر لتتجنب الاحراج لها أو لأسرتها .،،،

نور لنفسها: ماله ده ببصلي كده ليه كأنه فرحه وأنا جاية غصب عنه .. اووبس
لاحسن يكون يفكر في مصيبة جديدة يعملها في وسط الناس ، أحسن حاجة أعملها
اني أعتذر عن الحضور من دلوقتي

نور لوليد: معلى يا سيادة الرائد لو أنا معرفتش اجي الفرحة

وليد:ليه ان شاء الله ، ده يوم خميس وصباح جمعة يعني عطلة رسمية ، ملكيش
حجة

نور: مقصدش ، بس مضمنش الظروف في البيت عندي وكده

معتز متدخلاً في الحوار: لأ لازم تيجي ، ده أنا مستني الفرصة دي عشان أشوف
المزة ، قصدي عشان نغير جو كلنا قبل ما نتفحت في الدورة التدريبية

وليد: والله العظيم هزعل لو ماجتيش ، انتي خلاص بقيتي واحدة مننا

زياد بقرف: أل واحدة مننا أل

-حسام: مالك ؟

-زياد: مافيش

-حسام:ياعم انت مش شايف نفسك عامل ازاي

-زياد: زهقان يا حس

-حسام: اهدى يا زياد ، وان شاء الله كل حاجة هتتظبط

-زياد: اها !!

.....

في منزل عبد الرحمن فوزي ،،،

كانت هدى تتحدث مع رباب حول زياد الذي لم يتصل إلى الآن ليخبرها بقراره النهائي بشأن زواجه من ابنتها ..،،،

-هدى هاتفياً: لحد الوقتي يا رباب زياد مكلمنيش

-رباب : والله ياختي ما عارفة

-هدى: لو مش عاوز يقولي بس ..

-رباب: لأ ازاي ، ده عاوز ونص وتلاتربيع ، تلاقي بس الشغل واخده ، هو مكلمني أنا وأبوه عنها ، بس أكيد مستني أما يشوف الوقت المناسب

-هدى: مش مطمئة يا رباب

-رباب: بصي أما هيجي النهاردة أنا هجس نبضه و..

-هدى مقاطعة : لألألألأ .. أنا مش عاوزة حد يضغط عليه ، سيبه براحتة

-رباب: يضغط ايبيه بس .. ده الواحد مصدق انه وافق ، لأ وكمان هيتجوز بنت صاحبتني الغالية

-هدى: حبيبتي ربنا يخليكي ليا وميحرمناش من بعض أبدأ

-رباب : اللهم أميييييين

أنهت هدى مكالمتها مع رباب ثم جلست لتطالع أحد الكتب و..

-نايا: مامي

-هدى: ايوه يا نوءة

-نايا: أنا خلاص قررت أنزل معاكي السنتر

-هدى: بجد ! فرحتي قلبي يا حبيبتي

-نايا: بصي انا هجرب ، ولو حسيت إني مش قادرة مش هنزل

-هدى: اوك يا حبيبتى ، المهم تنزلي

-نايا: deal

.....

في القرية ،،،

-سامح وهو يدخن الشيثة : هطق يا عبدالرازق من الحرمة دي

-عبد الرزاق هو يناوله كأس خمر : اشرب يا سي سامح ، وانسى

-سامح: أنسى ايه ولا ايه ، أنسى مهجة الجلب ، ولا الأرض ولا العز اللي كنت
هتغغ فيه .. واد الحرام جه وجش مني كل حاجة

-عبد الرزاق: خيرها في غيرها

-سامح: هي جاموسة يا جاموسة

-عبدالرازق: لع ، بس دي كنز

-سامح: ما أني عارف

-عبد الرزاق: متجلجش يا سي سامح ، انت اللي هتجش في الآخر

-سامح: يا بجرة بجولك الواد ناوي يتجوزها ويلهف كل حاجة في كرشه

-عبد الرزاق : بس لسه هو ماتجوزهاش

-سامح: إيوه ، لكن خلاص هيكتبوا الكتاب اجرىب

-عبد الرزاق : طب أني ممكن أشور عليك بحاجة

-سامح: جول يا سبع البرومية

-عبد الرزاق: ايه رأيك لو..... !!!

.....

في منزل طاهر السويفي ،،،

-رباب : يعني مردتش عليا يا زياد

-زياد: أرد أقول ايه في ايه؟

-رباب: في اللي أنا بحكي فيه من الصبح

-زياد: خلاص بقى يا أمي

-رباب: يعني انت مش ناوي تفتح هدى

-زياد: بعدين

-رباب: وليه بعدين ، ماهو انت مش ناوي تتجوزها و...

-زياد: مش وقته خالص ، أنا مش فاضي ، أما أخلص اللي عندي يبقى ساعتها أفاتها

-رباب: ربنا يهديك يا بني

.....

في منزل عبد الرحمن فوزي ،،،

-نور: ايه رأيك يا مامي ؟

-هدى: لأ

-نور: طب ليه ؟

-هدى : واحنا نعرفه أصلاً منين عشان نروح

-نور: يا مامي ده زميلي في الشغل وعازمنا كلنا

-هدى: لأ برضوه ، أنا مش رايحة في حته

-نور: بليز يا مامي

-نايا: في ايه ؟

-نور: يا ستي تعالي احضرينا وقولي رأيك

-هدى: قولت لا يعني لا !!

-نايا: استني بس يا مامي أما أعرف في ايه

-نور: وليد زميلي في المكتب فرحه الخميس وعازمنا كلنا ، ومامي مش عاوزة تروح

-نايا: طب ليه يا مامي

-هدى: احنا منعرفش حد هناك ، وهنبقى محط أنظار الكل ، وانا مش بحب كده ، ده غير ان نائل تعبان ومش هينفع أخده بحالته دي في أي حته

-نايا: نائل تعبان !! ده بيتنططي زي القرد جوا ، ده ماصدق ان رجله اتكسرت وسايق فيها ع الآخر

-نور: عشان خاطري يا مامي وافقي

-نايا: مامي بليز نروح ، أهي فرصة نغير جو بدل أعدة البيت المملة دي

-هدى: يا بنات ماينفعش ان أنا أروح

-نايا: عشان خاطري

-نور: وحياتك عندي يا مامي ، بلاش تخرجيني معاه ، وأوعدك اننا نرجع بدري ، ان شاء الله حتى نسلم ونمشي بس نبقي عملنا الواجب

-هدى بعد إلحاح : يووووه خلاص روحوا انتو ، بس متأخروش فاهمين

-نور وهي تقبل أمها وتحتضنها: حبيبتي يا مامي

-نايا: ربنا يخليكي لينا

ثم رن هاتف نور برقم ريم ..،،،

-نور هاتفياً : بنت حلال كنت لسه بفك....

-ريم: انتي اكبر ندلة في التاريخ

نور: ليه بس

ريم: معنتش بعرف أشوفك ولا بخرج معاكي ولا حتى بتعبرني باتصال

نور: والله يا بنتي غصب عني ، لو تعرفي اللي حصلي و..

ريم: أيوه أيوه ، كليني بالحجج والكلام

نور: طب بصي ايه رايك لو تيجي معايا فرح واحد من زمايلي

ريم: وأنا أجي بمناسبة ابيه؟؟ ولا أعرفه أصلاً منين؟؟

نور: يا بنتي عادي ، انتي جاية معايا ع الكارت بتاعي ، انا معايا دعاوي زيادة

ريم: لأ ياختي مش عاوزة ، انا مش عاوزة حد يكلمني نص كلمة لأحسن هتلاقيني
دابة صوابي في عينه

نور: يا بنتي محدش بيدقق ، تعالي بس

ريم: برضوه الحرص واجب ، هو امتي الفرح ده ؟

نور: ع يوم الخميس !

ريم: يبيبييه مش هينفع

نور: ليبيبييه؟؟؟

ريم: ياختي المنيلة بنت خالتي هتتاهل ومش هينفع أسيبها في يوم زي ده وإلا
هتولع فيا

نور: ممم... بقى كده ، ولا أنتي مش عاوزة تيجي معايا

ريم: لا والله ابدأ .. بس أوعدك لو عرفت أجي هاجي

نور: ماشي يا ستي ، أما أشوف

.....

في فيلا معتز ،،،

كان معتز يتحدث مع والده حول فرح وليد ، إلى ان جاءت نجلاء ..،،،

-معتز: عاوزين نظبطك أحاج في فرح وليد

-ابراهيم: أنا عاوز أفرح بيك انت

-معتز: ربنا يسهل

-نجلاء: ابييه ده ، انتو أعدين من بدري

-معتز: أه وخلص شطبنا

-ابراهيم: بس يا ميزو ، ده احنا لسه يدوب بنتكلم عن الفرح

-نجلاء بلهفة : الله ، فرح مين؟؟ ها .. مين ، ميبين؟؟

-معتز: واحد صاحبي

-نجلاء: يا خسارة كنت مفكرة بتتكلموا عن فرحنا

-معتز: يا نجلاء احنا اخوات وراضعين على بعض ، جواز ايه بس اللي هيحصل بينا

-ابراهيم: راضعين ازاي يا بني على بعض ، اذا كان أمك الله يرحمها مكنتش بترضع

-معتز: بس أمها كانت

-نجلاء: طب ازاي؟

- ابراهيم: يا واد متجننيش ، انت كان عندك عشر سنين لما نجلاء اتولدت ، يبقى ازاي كنت بترضع معاها؟؟

-معتز: مش امها كانت بتعملي رز بلبن ، وبتديني لبن نيدو في الكوباية ، وكمان كنت بتأكلني السيرلاك وقتها ، ها فاكر يا حاج ولا نسيت .. يبقى احنا اخوات ولا لأ؟؟؟

-ابراهيم ضاحكاً: هههههههههههه ، الله يحظك يا معتز

-نجلاء: أنكل أنا عاوزة أروح الفرح معاكو

-معتز معترضاً: لأ ، ده فرح صاحبي والدعوة يدوب ع اد اتنين

-ابراهيم: خد نجلاء مكاني

-معتز: بقولك اتنين مش عشرين يا بوخليل

-نجلاء: خدني معاك يا مزاميزووو ، خدني معاك ، خدني ..خدني

-معتز: خدك ربنا يا شيخة

-نجلاء: بتقولي ايبيه؟؟؟

-معتز: بقولك ربنا اللي بياخد مش أنا

-ابراهيم: هي كلمة يا معتز ، خد نجلاء معاك الفرح ، وأنا هاجي هسلم ع وليد وأباركله وأمشي ، انت عارفني مش غاوي سهر ، لكن اخرج انت ونجلاء وانبسوا

-معتز بقرف: أل أنبسط أل ..

-نجلاء بفرحة: الله يا أنكل ، ده أنا هاقومأجرب الفستان وأوريهولكم

-معتز: اللهم إني لا أسألك رد القضاء ولكني أسألك اللطف فيه ...

صعدت نجلاء إلى غرفتها لتجرب فساتينها وتنتقي منها الأفضل بينما جلس معتز في ضيق و...

-معتز لأبيه : ليه كده بس يا بابا بتبليني بنجلاء

-ابراهيم: مالها نجلاء ، أنا غلبت معاك ، البننت كويسة وحبوبة و...

-معتز مقاطعاً: مش الاستايل بتاعي ولا دماغها دماغي ، الله يكرمك خليها تحل عني ، وانت كمان يو بابا متعشمهاش اوي بيا

-ابراهيم: انت مش هتلاقي أحسن منها يحبك ويخاف عليك

-معتز: لأ هلاقي ، سيبني بس أنطلق وهتشوف العجايب

كانت نجلاء ترتدي فستاناً أخضر اللون مزدان بالكثير والكثير من الفصوص اللامعة ، كما قامت بوضع ميك أب كثيف على وجهها لتبدو أكثر بياضاً ..،

-معتز بضيق : ابيبيه طن البوهية اللي انتي دهناه ده؟؟ وايه قصيرة الزرع اللي وقعتي فيها دي كمان !!!

-نجلاء: الله مش فرح ولازم أزوء وألبس اللي ع الحبل

-معتز: هو يعني عشان فرح تخلي النقاش يلعب في وشك ، لأ وكمان تلبسي النجيلة !!

-نجلاء وهي تشير للفة طرحتها ذات السنام البارز: بس ابييه رأيك في لفة الطرحة من ورا

-معتز: ابييه ده؟؟ مين أعد جواها؟؟ ايه القرطة العجيبة دي؟؟؟

-نجلاء بثقة : كل البنات بتعمل كده ، دي موضه

-معتز: موضه ايه دي المهبية .. أنا مستحيل اخرج كده معاكي

-نجلاء متصنعة الخجل: اووه ، خايف الناس تتكلم علينا يا بيضا ويحسدونا ع حبنا الكبير

-معتز: حب ايه وزفت ابيبيه اللي انتي جاية تقولي عليه !!

-ابراهيم: بس بقى يا ولاد أنا تعبتكم

-معتز: انت مش شايف عاملة ازاي في خلقتها ، أل وعاوزني أروح أنا بس معاها كده ، ليه عاوز يا حاج تقلل من قيمتي وسط الناس ، ده أنا ابنك الوحيد

-نجلاء بحزن : هو أنا يعني عشان مليانة حبتين تقوم تستعر مني

-ابراهيم: لأ يا بنتي متقوليش كده ع نفسك ، ده انتي مألوظة وحلوة ومدملكة في بعضك

-معتز: أل حبتين أل ..

-ابراهيم: طب أنا هاقوم البس بسرعة عشان أجي معاكو بدل ما تقلب بعكنة

-معتز: يكون أحسن برضوه

-ريم: موووني ، اوعي تسمعي كلام امك

-منى: هو أنا مجنونة

-ريم: يا بنتي انتي لو عملتي ربع اللي هيا بتقوله يبقى هتخربي ع نفسك

-منى: اظمني يا ريمو ، انا ووليد بنحب بعض أوي وان شاء الله هنتفاهم ع كل حاجة ، وربنا مش يجيب مشاكل بينا

-ريم: يااا رب ان شاء الله

.....

في منزل طاهر السويقي ،،،

كان زياد يستعد للذهاب إلى حفل الزفاف بمفرده ..،،،

-رباب: معلىش يا حبيبي مش هاقدر أجي معاك

-زياد: ولا يهملك يا أمي

-رباب: انت عارف أبوك مش بيحب يحضر أفراح ، وأنا مش هاقدر أسيبه لوحده

-زياد: اوك

-رباب بخبت: اوزمال هي نور هتخضر ؟

-زياد بضيق: وانا هعرف منين يعني ؟؟

-رباب: الله مش انتو الاتنين سوا في الشغل واكيد يعني آآآ...

-زياد مقاطعاً: هو يعني عشان في الشغل سوا يبقى لازم أعرف كل حاجة عنها ، أنا مالي بيها

-رباب: مالك يا بني قالب عليها كده ليه بس ، أومال لو ماكنتش عاوز تكتب كتابك عليها وهتبقى مراتك و...

-زياد بحدة: ماما أنا لسه مادتش رأيي النهائي في الموضوع ده عشان تعتبريها مراتي .. مش يمكن مراضاش ولا هي !!

-رباب: لأ ان شاء الله توافق ، هي هتلاقي احسن منك فين

-زياد: يبقى تسيبك من الموضوع ده الوقتي ، وزى ما قولتك أما اخلص ضغط الشغل اللي عندي هبقى أتنبيل أشوف هعمل ايه معاها

-رباب: ربنا يصلح حالك يا حبيبي .. روح انت الفرحة واتبسب وان شاء الله تقضي وقت حلو

-زياد: ربنا يبسر

وهنا رن هاتف زياد برقم حسام ..،،،

-زياد هاتفياً: ألووو ، أيووو آحس

-حسام: انت فين دلوقتى؟؟

-زياد: بخلص لبس ونازل ع طووول

-حسام: طب يالا بسرعة حصلنا ع الكوافير عاوزين نعمل زفة عربيات حلوة لوليد

-زياد: طيب حاضر ، جاي أهوو ، أنا هعمل معاكو الزفة وبعدها هطلع ع القاعة

-حسام: أوك .. أي حاجة بس يالا بسررررعة .. سلام

-زياد: سلام

-زياد لوالدته : ماشي يا أمي ، أنا نازل بقى عشان ألحق العريس

-رباب : طيب يا ابني ، وعقبال ليلتك انت كمان يا حبيبي

-زياد عدم اكتراث: هه ...

.....

في منزل عبد الرحمن فوزي ،،،

-نايا: حاضر يا مامي ، أول ما العروسة توصل هنسلم ونقعد حبة صغنين ونمشي

-نور: اطمني يا مامي ، مش هنتأخرل

-هدى: خلوا بالكم من بعض

-نايا: حاضر

-هدى: ربنا يحميكم من أي شر ، ويكفيكم شر العين

.....

في منزل الحاج فاروق فوزي ،،،

-فاروق: جولي اعمل ايه معاها عشان دماغها تلين وتبيعلي الأرض

-يسري: شوف يا حاج انت خدتها بالمسايسة والمحايلة عشان تمضيك ع الأوراق ، ان شاء الله حتى تعمل معاها مبادلة

-فاروق: مبادلة ؟

-يسري: ايوه ، يعني تاخذ الأرض بتاعتهم وتديهم بدالها حته أرض تانية في مكان تاني

-فاروق وقد أخذ يفكر ملياً في الأمر: ممم...

-يسري مكماً : المهم يا حاج فاروق تلحق تنجز في الموضوع ده قبل ما يطلع القرار من المحافظة ، وإلا لو عرفت مرات المرحوم هتروح عليك الأرض

-فاروق: ربك يسترها ... أني لازم أتصرف وأخليها توافج تديني الأرض ان شاء الله بأي حيلة

-سامح من بعيد: أنا عندي الحل يابوي

-فاروق: سامح ، انت هنا من ميني؟؟

-سامح: من بدري يابوي ، وعندي الحل اللي هيريحنا من ده كله

-فاروق: حل ايه يا ولدي؟؟

-سامح : الحل لكل مشاكلنا هو!!!!!!!

.....

الحلقة الثانية والثلاثون :

بدأ الحضور يتوافدون على قاعة الفرح استعداداً لبدء مراسم الزفاف .. كان زياد قد وصل إلى القاعة مبكراً بعد أن انتهى من زفة السيارات كنوع من التهنئة لصديقه وليد ، بينما كان وليد مع عروسته في الداخل يلتقطان صوراً تذكارية ...

وصلت نور بصحبة أختها نايا إلى القاعة و..،،،

-نايا: ماشاء الله ، القاعة شكلها تحففة اوي

-نور: اه ، شيك جدا

-نايا: هو احنا ع تربيزة كام ؟

-نور: استني أشوف في الكارت ! اه احنا ع تربيزة 6

-نايا: اووبس .. الظاهر ان الـ .. الـ ...

-نور: في ايه ؟

-نايا : البتاعة اتفكت

-نور :بتاعة ايه ؟

-نايا: الـ bra ، أنا حاسة انها مش مربوطة عدل ، عاوزة أظبطها

-نور: اووباللا ، طب يالا بينا ع الحمام تظبطيها

-نايا وهي تلتفت: اييه ده ، بصي هناك يا ناووو

-نور : هناك فين ؟

-نايا: الله ! مش ده زياد !

-نور: فين ؟

-نايا: أهوو يا بنتي أعد هناك أهوو ، ماشاء الله شكله جامد في البدلة ، الصراحة
وسيم أوي

-نور بعد أن رأته : يا شيخة كبري منه ، خلىنا بس نشوف موضوع البتاعة بتاعتك
اللي اتفكت دي

-نايا: اوك ، بس تعالي نسأل فين التويلت

-نور: اوك .. استني أما نسأل الكابتن اللي واقف هناك ده

-نور لأحد العاملين بالقاعة : لو سمحت ، ممكن تقولنا فين مكان التويلت ؟

-العامل وهو يشير بيديه : هناك يا هانم

-نور: شكرا

-نايا: طب معلش ممكن تقولنا فين تربيذة 6 ؟ احنا تبع العريس

-نور وهي تلتكز نايا: وده وقته يا نايا

-نايا: معلش بالمره نعرف بدل ما ندوخ

-العامل: هناك يا هانم عند الاستاذ اللي لابس بدلة سودة ده

-نور: يعني اللي جمبها ولا اللي قدمها

-العامل : لأ هي التربيذة نفسها اللي هو أعد عليها !!!

-نايا: شكراً أوي ، معلش تعبناك

-العامل: العفو يا هانم ، تحت أمرك

-نور لنفسها : يادي الحظ ، أل كنت نقصاه

-نايا: ايه مالك يا نانوو ، سرحتي في ايه؟؟

-نور: هه ، لأ مافيش

-نايا بخبث: بقولك ايه يا نانوو

-نور: ايه يا نونة

-نايا: ما تروحي تقعدى ع التريضة عشان تحجزيلنا مكان

-نور: يا سلاااااام ، واشمعنى أنا اللي أروح ، ما تروحي انتي

-نايا: هو الفرع كان بتاع زميلي ولا زميلك انتي

-نور: لأ مش رايحة

-نايا: يا بنتي روعي بدل ما الكراسي تروح وم نلاقي مكان نقعد فيه

-نور: يووووه ، أنا هاجي التويلت معاكي وبعد كده نروح سوا

-نايا: ماتبقيش بايخة بقى

-نور: اووف

-نايا وهي تدفع اختها : روعي يالا ، وانا بس هظبطها واجيلك ع طول ، وخدي الـ

bag بتاعتي عشان تحجزى الكرسي بتاعي بيها

-نور: يا نايا استني بس

-نايا: يالا بقى

تركت نايا نور تقف بمفردها وتوجهت إلى الحمام ، فأصبحت نور الآن مضطرة إلى أن تذهب إلى حيث يجلس زياد ، وبينما هي تلتفت لتتحرك تجاهه اصطدمت دون قصد بـ... ..،،،،

-نور معتذرة: سوري والله ، أنا أسفة ، بجد ماشوفتكش

-عمر بدهشة ونظرات متفحصة ثاقبة لنور: واو .. هو في كده ! ولا يهملك يا قمرررر ، اخبطي براحتك

-نور وقد شعرت بالاحراج : هه ، عن اذنك

انصرفت نور وهي في قمة خجلها من نظرات عمر الوقحة لها ، بينما ظل هو في مكانه يراقبها ..،

-عمر: الظاهر ان الفرحة ده مليون مزز جامدة ، وهنبداً التظبيط بدري بدري

-مازن: ابييه يا سي عمر ، واقف كده ليه ؟

-عمر: بت طالقة لسه معدية من قصادي

-مازن: ودي فلتت منك ازاي

-عمر: لأ ده احنا لسه يدوب خابطين في بعض

-مازن: قوتلي بقى

-عمر: اصبر عليا ان ما ظبطتها ع اخر الفرحة

-مازن : وماله .. ده حتى الخير كتير النهاردة

-عمر: المزز زي العدد في الليمون متعديش !

-مازن: اشطا

توجهت نور ناحية المنضدة التي يجلس عليها زياد ، نظر إليها زياد متأملاً شكلها الرائع والمختلف عما قابلها من قبل فهي كانت تبدو كأميرة الأحلام التي يتمناها الفرسان ، ولكنه تذكر أنها تتلاعب به هي وأمها من أجل مصالح شخصية فقرر أن يكون حاداً معها في تعامله حتى يستطيع أن ينجو من مسألة الارتباط بها بكل سهولة و...

-نور: مساء الخير

-زياد بقرف: أهلا

-نور بتردد: آآآ... أنا مكاني هنا ، آآآ...وليد ، قصدي الرائد وليد كاتب في الكارت اني هنا و..

-زياد: انتي هتحكي لي قصة حياتك ، يا تقدي يا تمشي

نور : هه

أشاح زياد بوجهه بقرف بعيداً عن نور وكأنه يخبرها بصورة غير مباشرة بعدم رغبته في التواجد معها بنفس المكان رغم محاولته المستميتة في مقاومة فضوله الشديد نحو النظر إليها ..،،،

نور لنفسها: ماله ده ، بيتكلم كده ليه وعاج وشه عليا، ولا هو كل ما حد ينكد عليه يطلعهم عليا ، أنا مالي باللي هو فيه ، ربنا يعديها ع خير الليلا دي

حضر معتز إلى القاعة بصحبة والده ونجلاء وظل يبحث بنظره عن المكان الذي يجلس فيه أصدقائه ..،،،

-معتز لوالده : انطلق بقى أحاج وخذ معاك نجلاء وسيبني مع أصحابي

-نجلاء: ايه ده انت هتسيبني لوحدي أمزاميزووو؟؟ ده أنا معرفش حد هنا إلا أنت

-معتز: انت هتكدي؟؟ او مال ابويا بيعمل ايه معاكي

-ابراهيم: خدها يا بني معاك تاني

-معتز: خليهالك يا حاج ماهياش راجعة

-نجلاء: مزاميزووو ، خليني أعد معاك ده احنا كابل جامد سوا

-معتز: أنا هاقعد مع رجالة ، انتي بقى تروحي تدوري ع الحريم وتقعي معاهم

تركهم معتز وتوجه ناحية زياد ، بينما جلست نجلاء مع زوج عمته على منضدة ما
“..،،،

-نجلاء: شايف مزاميزووو يا انكل بيعمل ايه فيا؟؟

-ابراهيم: اصبري يا بنتي ، انتي عارفة معتز مش جديد عليكي

-نجلاء: أنا صابرة لحد ما أكعبله في حبي ونخش قفص الزوجية سوا

-معتز لزياد وهو يصافحه : مساءك معطر

-زياد: أهلا

-معتز: مساءك نور يا أحلى نور

-نور ضاحكة: مساء الخير عليك يا معتز

-معتز: ايه الشياكة والجمال ده ، مش متعودين ع كده

-نور بخجل : ميرسي

-زياد: هتقف كثير ، اقعدي

-معتز: ايه يا عم مش تسبيني أرحب بالحلويات اللي معانا

-زياد بضيق: هي فيها ايه جديد يعني ، ماهي زي ماهي لا زادت رجل ولا نقصت ايد

-معتز: يا عم ايش فهمك في الجمال انت ..

ثم جاءت نايا من بعيد ، فلمحها معتز ،،،

-معتز بصوت عالي : ايوووه بقى ، هو ده الكلام

-نايا: مساء الخير عليكم

-زياد باقتضاب : أهلا

-نايا لنور هامسة : ماله ده

-نور: ده العادي بتاعه

-معتز وهو يتأمل نايا برومانسية : مساء الفل والجمال والحلويات وسكر النبات

وان شاء الله نجيب أنا وانتي صبيان وبنات

-نايا: نعم ؟

-معتز: بقولك اتفضلي اقعدي

-نايا: ميرسي ! أنا هاقعد جمب اختي

-معتز: لأ تعالي هنا (وهو يشير لمقعد بجواره) ، عشان تشوفي الكوشة كويس

-نايا: ميرسي ،أنا شايفة من عندي

-معتز وهو يبديل مكان مقعده : يبقى لازم اجي يامتك عشان الروية تبقى أوضح

وفجأة أنطفت أضواء القاعة وعلت أصوات الزغاريط والمزامير لتعلن عن وصول العروسين لداخل القاعة

كان وليد يبدو وسيماً وأنيقاً في بدلة عرسه ، بينما بدت نور رقيقة وجميلة في فستانها ..،

-نايا : الله ، مش دي ريم اللي واقفة هناك جنب العروسة

-نور: تصدقي هي

-نايا: هي مش كانت قايلة مش جاية الفرح

-نور: اه عشان عندها فرح حد من قرايبهم باين

-نايا: او مال بتعمل ايه هنا ؟

-نور: مش عارفة

-نايا: استني أما تقرب مننا ونسألها

-نور : اوك

لمحت ريم نور ونايا وهما تجلسان إلى جوار بعض الأشخاص ، فتوجهت إليهما وجلست الفتيات سوياً يتحدثن معاً ...،

-ريم: لأ مش معقول ، انتو بتعملوا ايه هنا ؟؟

-نور: ده أنا اللي عاوزة اسألك انتي بتعملي ايه هنا ؟

-نايا: ايوه

-ريم: ده فرح بنت خالتي

نور: يا سلام

نايا: بجد ؟

ريم: اه والله ، انتو بتعملوا ايه بقى هنا ؟

نور: يا ستي عريس بنت خالتك زميلي في الشغل

ريم: يا شيخة ، قولي كلام غير ده

نور: والله بتكلم بجد

ريم بفرحة: ياااااه ، ده الدنيا فعلاً صغيرة

نايا: سبحان الله ، حاجة محدش يتوقعها

ريم: فعلاااا

ثم حضر حسام ليسلم على أصدقائه و...

-حسام وهو يصافح زياد: عاش يا رجالة ، الزفة كانت جامدة

زياد : عشان تعرفوا بس

-حسام: فاتك أميزوو حبة حركات وخمسات بالعربييات إنما ابييه

-معتز: هعمل ايه في أبويا والمصيبة لأ قول المصايب اللي معاه

-حسام ضاحكاً: يالا معلى ، ربنا يعينك على ما بالاك

التفت حسام ليجد الفتاة التي اتهمها من قبل بخبط سيارته تجلس لتتحدث مع نور
واختها ..،،

-حسام في نفسه: الوش ده شكله مش غريب عليا ، أنا شوفت البت دي فين قبل
كده

ريم : عاوزاكوا بقى تظبطوا معايا منى

-نور: ربنا يسهل

-نايا: احنا أصلاً هنقعد شوية وهنمشي ، أنتي عارفة مامي منبهة علينا منتأخرش

-ريم: يا بنتي أنتو معايا يعني هتروحوا أكيد معانا

-نور: لا مش هينفع نتأخر

-نايا: ايوه

كانت ريم مندمجة في الحديث إلى أن أدارت رأسها لتجد حسام ينظر إليها فاضطرب
“..

-ريم: هه !!!

-نور: ايبيه سرحتي في ايه

-ريم هامسة : انتي تعرفي الجدع اللي واقف ده

-نور: مين ؟

-ريم: اللي لابس بدلة كحلي

-نور: أه ، ده حسام

-ريم: اهوو الزفت ده اللي عمل فيا المحضر واتهمني اني سكرانة

-نور باستغراب : ده !!!!!

-ريم: اه تخيلي .. بصي أنا هاقوم شوية مع العروسة وهرجعك لما هو يمشي

-نور: اوك

-نايا: ريم قامت ليه ؟

-نور: شوفتي بتقولي ان حسام هو اللي عمل فيها المحضر ومش طايقة تقعد معانا

هو موجود

-نايا: اوبا

-نور: أنا عاوزة اتكلم معاه في الموضوع ده ، لو ينفع يتنازل عن المحضر ويسحب بلاغه و..

-نايا مقاطعة : اه يا ريت تكلميه

توجه حسام إلى حيث تجلس نور وطلب أن يتحدث معها على انفراد بعيداً عن الضوضاء ..،،،

-حسام لنور: ممكن كلمة ع جمب يا نور

-نور: اوك

-حسام: اوك ، اتفضلي

وقف حسام مع نور ليتحدثا قليلاً بعيداً ..،،،

-حسام: معلىش يا نور هعطلك شوية

-نور: لا يهملك ، أنا كمان كنت عاوزاك في حاجة

-حسام: ايه هي ؟

-نور: قول انت الأول وبعدين أنا

-حسام: آآآ.. الصراحة أنا ..أنا كنت عاوز اسألك عن البنيت اللي كانت أعدة تتكلم معاكي

-نور: مالها

-حسام: يعني تعرفيها منين ؟

-نور: هي صاحبتني الانتيم من زمان وع طول سوا في أي حاجة

-حسام: اها

-نور مكلمة: بس للأسف انت عملت فيها محضر

-حسام باستغراب: انتي ..انتى

-حسام : في ايه يا عمر مزة مين ؟؟

-عمر: الصاروخ اللي واقف جمبك ده

-نور: أفندم ؟؟؟

-حسام: اتكلم عدل يا عمر ، دي نور زميلتنا اللي في المكتب

-عمر باستغراب : نعم ؟ نور !!

-نور : عن اذنكو

-حسام: استني يا نور ، أنا جاي معاكي ، أشوفك بعدين يا عمر

-عمر وهو يضع يديه في جيبه : وماله ، وأنا هاشوفك كتيررر ، الظاهر انها هتخلو

ع الاخررررررررررر!!!!!!

.....

الحلقة الثالثة والثلاثون :

ازدادت أجواء الفرح سخونة خاصة بعد معرفة عمر لشخصية تلك الفتاة ..،،

-حسام: البايخ موجود هنا

-معتز: تقصد مين ؟

-حسام: عمر ، هو في غيره

-معتز بقرف: وده ايه اللي جابوه

-حسام: ما أنت عارف ان وليد مخلص حد من طوب الأرض إلا لما عزمه

-مسنول القاعة : ونطلب من أصدقاء العريس وصديقات العروسة ينضموا معاهم على البست ويشاركوهم فرحتهم

-ريم: يالا يا بنات تعالوا معايا ، عاوزين نظبط العروسة

-نايا: مش هينفع والله يا ريمووو

-ريم: يالا بقى ماتبقوش بايخين ، خمس دقائق بس

انطلقت الفتاتين بصحبة ريم حيث تقف العروسة ، بينما توجه معتر مع حسام إلى حيث يتواجد أصدقاء العريس .. وظل زياد جالساً في مكانه يشاهد ما يحدث

لمح عمر نور وفتاة ما اخرى يقفان مع العروسة فقرر أن ينضم للباقيين ..،،

-عمر: يالا يا شباب عاوزين نروق ع العريس

-مازن: العريس برضوه ولا صحبات العروسة

-عمر: أوعى تفهمني صح

-مازن: وماله مش عيب .. جاي معانا يا رامي ولا أعد شوية

-رامي: اوك أنا جاي

بدأ عمر يتحرك تجاه المكان الذي تقف فيه نور في محاولة للفت نظرها إليه ، ومن بعيد كان زياد يراقب الوضع ..،،،،

-زياد في نفسه: الثقيل ده بيعمل ايه !! هو مش ناوي يجيها لبر !!

-عمر وهو يخطب نور عن قصد: اووبا ، سوري ماكونتش آآآ... لا مش معقول انا محظوظ أوي

-نور باقتضاب: ولا يهملك ، خلي بالك بس

-عمر: أه اكيد يا آآآ.. انتي اسمك ايه

-نور: نور

-عمر: الله اسم ع مسمى فعلاً

-نور: ميرسي

-عمر: انتي تعرفي العروسة من زمان

-نور: لأ

-عمر: او مال بتجامليها

-نور: عادي

-ريم: انتي هتفضلي ترغي كثير ، يالا تعالي معانا

-نور: اه يا ريت

-عمر: هتروحي مني فين ؟ لسه قدامنا وقت كثير نرغي فيه

-حسام لوليد: قولي هو انت تعرف البنت اللي لازقة جمب عروستك

-وليد: مين ريم ؟

-حسام: ايوه

-وليد: اه طبعااااا ... دي بنت خالة المدام

-حسام: لا والله

-وليد: اه يا حس ، بتسأل بقى ليه

-حسام: أصلها طلعت صاحبة نور كمان

-وليد بدهوة: بجد .. ده الدنيا فعلاً صغيرة

-نايا لنور: نانووو ، بقولك ايه مامي بترن علينا ، مش عاوزين نتأخر

-نور: اوك ، حاضر ع طول والله ، يبدأ بس البوفيه وهانقوم

-نايا: ماشي ، أنا هاقولها

-نور: اوك

.....

-نجلاء : أنكل أنا عاوزة أرقص مع مزاميزووو

-ابراهيم : روعي يا بنتي

-نجلاء: شكراً يا أنكل

توجهت نجلاء إلى حيث يقف معتز و...،،،

-نجلاء: امزاميزووو ، عاوزة أرقص معاك

-معتز: وأنا مطلوب مني ايه امسلك الصاجات ولا أطبك

-نجلاء: ياباي بقى يا مزاميزووو ، ده كل الناس بترقص أهي ..

-معتز: هما عشان بيرقصوا عاوزة تقلديهم ، روعي كني في مكانك

-نجلاء: الله خايف عليا من عيونهم

-معتز: لأ خايف ع الأرضية لتتكسر ، روعي أنجلاء اقعدى جنب أبويا الله يكرمك

-نجلاء: طب تعالى اقعد معانا بدل ما أحنا أعدين مقطوعين كده

-معتز: مقطوعين ! ليه هو أنا سايبك وسط الصحرا

-نجلاء: يا مزاميزووو ، استنى

.....

استأذنت نايا للذهاب إلى المرحاض بينما جلست نور إلى الطاولة صامتة وتعمدت تجاهل نظرات زياد التي تحتقرها بدون أي سبب ، ولكن قطع زياد صمتها بـ...،،،

-زياد: ارحمي نفسك شوية

-نور: افندم

-زياد: مش ملاحقة تضحكي لده ولا تهزري مع ده ولا تشاغلي ده ، ابييه وحشتك طريقة صيد العرسان ،

-نور: ايه الكلام البايخ اللي بتقوله ده

-زياد مكملًا: كلامي اللي بايخ ولا انتي اللي ما بتصدقي ، ممم... بس الصراحة هتلاقي فرح فين زي ده مليون أحسن شباب و..

-نور مقاطعة: الزم حدودك معايا في الكلام ، ومش معنى اني مش برد عليك اني أبقي موافقة ع اللي بتقوله ، انا واحدة واثقة في نفسي وعارفة اخلاقي كويس

-زياد ساخرًا: انتي هتقوليلي ع الأخلاق بتاعتك

-مسئول القاعة: والوقتي أي حد يحب يشارك العروسين الرقصة الـ slow يتفضل معاهم ع البست

-نور: أنا مش عارفة انت محروق مني ليه

-زياد بحدة: محروق منك ، ع ايه يا حسرة ، ده انتي ماتسويش في سوق الحريم نكلة

-نور: استغفر الله العظيم

وبينما كان يتشاجر زياد مع نور جاء إليه عمر ليطلب من نور أن تشاركه الرقصة و...،،،

-عمر مقاطعًا: لو سمحتي يا آنسة نور ممكن ترقصي معايا

-زياد وهو ينظر إليه نظرات نارية : نعم ؟

-نور بتحدي: اوك ، يالا بينا

-زياد: بقي كده .. ماشي

.....

خرجت نايا من المرحاض لتبحث عن نور ولكنها وجدت معتز ينتظرها في الخارج

-معتز: نعيماً

-نايا: أفندم

-معتز: منورة الفرخ

-نايا وهي تسير مسرعة من أمامه : شكرا

-معتز وهو يحاول اللحاق بها : استني بس

-نايا: في حاجة ثانية

-معتز: أه ده في حاجات ومحتاجات والذي منه

-نايا: طب لو سمحت قول عاوز ايه بسرعة عشان مينفعلش نقف كده كتير

-معتز: اديني بس فرصتي وهتلاقيني صاااااروخ في الكلام

-نايا: خير

-معتز بتردد: آآآ... أنا.. أنا عاوز أقولك .. آآ

-نجلاء من بعيد: مين البت المسلوعة دي اللي واقف معاها مزاميزووو ، اوبا
لاحسن تكون واحدة من اياهم من اللي جايبين يدور ع عريس في الفرخ ، لأ أنا
مش لازم أسيبوه لوحده معاها

-نايا: ما تقول عاوز ايه

-معتز: اصبري عليا بس أخذ نفسي ، مش شايفاني ملبوخ

-نايا: طب عن اذنك أما تعرف انت عاوز ايه تبقى

-معتز مقاطعاً: خلاص خلاص افكرت ، أنا كنت عاوز أقولك آآآ...

-نجلاء مقاطعة بصوت عالي : مين دي أمزاميزووو اللي سايبني وواقف معاها
ترغي للصبح ومش سائل فيا ؟؟؟

-معتز: دي ..دي

-نايا: أفندم ، حضرتك بتكلمي كده ليه معايا

-نجلاء وهي تضع يدها في وسطها: انا خطيبته !!! انتي بقى مين ؟؟؟

-نايا بدهوة: هه خطيبته !! ..آآآ.. سوري مكونتس أعرف انكو آآآ... معلش عن
اذنكو

-معتز بضيق: انتي اتجنني أنجلاء ، خطيبتي ازاي يعني ؟

-نجلاء: الله مش ده اللي هيحصل

-معتز: لأ مش هيحصل ، ويا ريت تفهمي ده كويس ، اوعي كده خليني اشوف البت
اللي طفشت

-نجلاء: بقى خايف ع مشاعرها وأنا لأ .. طيب أمزاميزوو ، أنا وراك وراك ومش
هاسيب البت خاطفة الرجالة دي تاخذك مني

.....

-أمسك عمر بيد نور التي ندمت أنها تسرعت في الموافقة ، ولكنها لم تجد أي مفر
من شجار زياد الغير مبرر معها سوى أن تقبل بمشاركة عمر تلك الرقصة

-عمر: بجد أنا مش مصدق نفسي ، انا واقف بين ايديا أجمل بنت في الفرع

-نور: ميرسي ع مجاملتك

-عمر: والله ما مجاملة ، أنا بتكلم من قلبي

-نور: ميرسي

-عمر: عارفة يا نور ، اسمحيلي أقولك نور من غير ألقاب ، احنا برضوه زي الـ..

وفجأة وجدت نور من يجذبها من ذراعها لـ.....!!!

.....

الحلقة الرابعة والثلاثون :

أمسك عمر بيد نور التي ندمت أنها تسرعت في الموافقة ، ولكنها لم تجد أي مفر من شجار زياد الغير مبرر معها سوى أن تقبل بمشاركة عمر تلك الرقصة

-عمر: بجد أنا مش مصدق نفسي ، انا واقف بين ايديا أجمل بنت في الفرح

-نور: ميرسي ع مجاملتك

-عمر: والله ما مجاملة ، أنا بتكلم من قلبي

-نور: ميرسي

-عمر: عارفة يا نور ، اسمحيلي أقولك نور من غير ألقاب ، احنا برضوه زي الـ..

وفجأة وجدت نور من يجذبها من ذراعها لترقص معه

-زياد: سوري يا عمر ، هارقص أنا مع نور ، احنا زمايل وانا طلبت منها قبل ما أنت تجي ترقص معايا

-نور: هه ، اوعى كده

-زياد وهو يجذب نور بعيداً عن عمر : يالا بينا

-نور: انت اتجننت ، ازاي تعمل كده ؟

-زياد: انتي أصلك غبية ومش فاهمة حاجة

-نور: مش فاهمة ايه بالظبط

-زياد: عمر ده المنافس لينا ، ومعنى ان سيادتك واقفة تتمايصي معاه ، انكبتديله
فرصه إنه

-نور مقاطعة : ايه أتمايص دي

-زياد: مش شايفة نفسك وانتي مقضياها

-نور وهي تدفع زياد بعيداً عنها : لأ بقى انت زودتها ، اوعى كده ، أنا سيبالك
الفرح كله وماشية

-زياد ببرود: يكون احسن برضوه

.....

في فيلا ايهاب الملاح ،،

كان ايهاب يتحدث مع أحد الأشخاص هاتفياً ليتفق معه على ايداع نور في أقرب
وقت ..،،

-ايهاب هاتفياً: وماله عاوزك تقلب الفرح دندرة

-المتصل: علم يا باشا

-ايهاب: نفذ وقتي ومتستناش

-المتصل: اعتبره حصل

-ايهاب لهويدا: خلينا نخلص بقى من الصداع ده

-هويدا: أموت فيك وانت شرس مع أعدائك يا هوبا

-ايهاب: طب يالا بقى ظبطيلنا الأعدة

-هويدا بمياعة: خمساية ورجعالك يا بيبي ، هجهز نفسي ونقضي ليلة من ألف ليلة
يا..يا شهريار قلبي

-ايهاب : الله عليكي

.....

عودة إلى قاعة الأفرح ،،،

كانت نايا تشعر بالضيق من الطريقة التي تحدثت بها نجلاء معها ، وربما لأنها وجدت نفسها بدون قصد تهتم ب...،،،

-نايا لنفسها: انا ايه بس اللي ضايقتي اوي كده ، ما أنا كنت عادي خالص ، والبننت مش غلطانة هي من حقها تدافع عن خطيبها .. معنز طلع خاطب !! طب وأنا ايه اللي يزعلني في كده .. احسن حاجة اني اسي الفرح وأمشي مش ناقصة قعد أفكر في اللي حصل ده .. اومال فين نور ، هي مش كانت أعدة من شوية هنا !!

لمحت نايا نور وهي تأتي من بعيد في اتجاهها ف...،،،

-نايا: يالا يا نور أنا عاوزة امشي

نور: وانا كمان let's go

-نايا: اوك

انطلقت الفتاتين إلى خارج قاعة الأفرح ، ووقفتا تنتظران اي سيارة أجرة لتصطحبهما إلى المنزل ..،،،

.....

طلب حسام من ريم أن يتحدث معها قليلاً لكي يخبرها بعقدته العزم على...،،،،،

-حسام: أنا مكونتش أعرف انك صاحبة نور ولا حتى قريبة عروسة وليد

-ريم بقرف: وأما عرفت هتعمل ايه يعني

-حسام: يعني حابب اني إني ...

-ريم: انك ايه ؟

-حسام: يعني أنا كنت عاوز أقولك

-ريم: الظاهر ان حضرتك عاوز تظمن ان كنت سكرانة ولا لا ، ع العموم أنا الحمد لله ماليش في الحاجات دي وبعرف ربنا كويس و..

-حسام مقاطعاً: اسكتي شوية

-ريم: نعم ؟؟؟ انت بتزعقلي

-حسام: مقصدش ، بس انتي عمالة لوكلوك في الكلام مش مخلياني أقولك اللي عاوزه

-ريم: ما انت عمال تقولي آآ.. اووو .. آآآ

-حسام: أنا غلطان يا ستي اني كنت عاوز أقولك اني هتنازل عن المحضر والبلاغ

-ريم بفرحة : انت بتتكلم جد ؟

-حسام مبدياً حزنه : لأ خلاص

-ريم: لأ والنبي ، خلاص قول آآآ للصبح وأنا مستنية

-حسام: الوقتي عشان مصلحتك

-ريم: الله .. مش هخلص من المصيبة اللي انت وقعتني فيها

-حسام: الظاهر اني هاعيد تفكير في موضوع التنازل ده تاني

.....

-معتز لزياد: اومال فين نايا ؟

-زياد: نايا مين ؟

-معتز: اخت نور

-زياد: أها .. مشيت مع أختها

-معتز: ايبييه؟؟ مشيت ، يادي الفقر الدر ، منك لله آنجلاء طفشتي البونية من أول طلة ليكي

-زياد: في ايه

-معتز: او عى يا عم خليني احصل المزة وأظبط اللي بوظته بنت خالي

-زياد: استنى أمعتز

خرج معتز يبحث عن نايا ولحق به زياد ، ظل معتز يبحث بنظره عن نايا وبالفعل وجدها تنتظر مع اختها في موقف السيارات ..،،

-معتز: الحمد لله لحقتها

-معتز لنايا: آآآ.. آنسة نايا ممكن كلمة ؟

-نايا: نعم

-معتز: ممكن بس كلمة على جنب

-نايا: اتفضل قول

-معتز: لأ يعني أقصد آآآ...

-نايا: هو احنا في بينا حاجة عشان تقولي على جنب ومعرفش ايه

-نور: في ايه اللي حصل ؟

-نايا: معرفش

-معتز: أنا بس عاوز أفهمها حاجة

-نور: خلاص يا نونة روعي شوفي معتز عاوز ايه وأنا هستناكي هنا

-نايا: لأ

-معتز: الله يكرمك يا أخت نايا بعريس مسمسم وحليوة زيي كده بس اسمعيني

-نايا باصرار : لأ

-نور: خلاص أنا هاقف بعيد وانتو خدوا راحتكم ، بس انجزوا

-نايا: استني يا نور

-معتز: والله اختك نور دي بتفهم ، انا عرفت ليه اللوا خلاها تشتغل معانا ، دماغها الصلاة ع النبي آخر حلاوة

-نايا: انت عاوز تقول ايه خلصني

-معتز: بصي ، الكلام اللي قالته نجلاء ده مش صح

-نايا وهي تعقد ذراعها امام صدرها : وانا مالي بالكلام ده

-معتز: آآآ.. أنا... أنا يعني عاوزك تعرفي ده

-نايا: مش فارق معايا

-معتز: بس فارق معايا أنا

-نايا : خلصت

-معتز: لأ لسه بسخن !!

كانت نور تقف على مسافة قريبة من اختها ومعتز وتبتسم لهما ، أدارت رأسها الناحية الأخرى لتجد زياد يقف مستنداً إلى سيارته فنظرت له بازدياء وأشاحت بوجهها عنه ..،،

-نور في نفسها: هو هيفضل ورايا ورايا مش هاخلص أنا منه أبداً !!! يفضل يلاح بكلامه اللي زيه ويطلعني غلطانة حتى لو مكنش ليا ذنب وفالح بس يبصلي بقرف ، أنا أبقي أستاهل اللي يحصلي لو عبرته تاني

وبينما كانت نور منشغلة بالنظر إلى اختها ، كانت هناك سيارة تقترب من بعيد بصورة جنونية ، لمح زياد السيارة ووجد أنها تتحرك في الاتجاه الذي تقف فيه نور وكأنها تقصدها ، فنادي زياد على نور و...،،،،

-زياد بصوت عالي : نوووووور !!

-نور وهي متجاهلة اياه: والله لو أعدت تنادي للصبح مش هبصلك حتى

-زياد: نوووووووووووووووور ، خدي بالك !

-نور: هه ، ولا هعبرك

التفت معترز ونايا ناحية صوت زياد ولم ينتبها للسيارة ، بينما كانت السيارة على
وشك أن تصطدم بنور و.....!!!!

.....

الحلقة الخامسة والثلاثون:

التفت معترز ونايا ناحية صوت زياد ولم ينتبها للسيارة ، بينما كانت السيارة على
وشك أن تصطدم بنور ، و فجأة وجدت نور من يجذبها من ذراعها ناحيته ،
ويضمها بشدة إليه بعيداً عن السيارة التي فرت من المكان دون أن يستطيع أي أحد
من الموجودين التقاط أرقامها ...

-عمر وهو يحتضنها: انتي كويسة؟؟؟

-نور بخضة : ايه اللي حصل ؟

-عمر : اهدي متقلقيش ، الحمدلله اني لحقتك ، وإلا لا قدر الله كان زمانك آآ...

-نور وهي تبتعد عنه : هه ...

-زياد مسرعاً: نور !! انتي سليمة ؟ فيكي اي حاجة؟؟ وبعدين مش تركزي لما
كنت بنده عليكى و تاخدي بالك بدل ما أنتي سرحانة كده

-نايا وهي تمسك وجه اختها بين يديها : نور حبيبتي فيكي حاجة ؟

-معترز وهو يلهث : ملحققتوش ابن التيببت ده ، والعربية من غير أي نمر

-عمر: اطمنوا يا جماعة نور كويسة ،أنا لحقتها وهي

-زياد مقاطعاً: انت أصلاً ايه اللي خرجك من الفرحة

-عمر: وانت مالك ، هو كان فرحك !!

-نور: بسسس ، شكراً يا حضرت الراءد عمر ع اللي عملته معايا

-عمر: أنا معملتش لسه أي حاجة

-زياد بحق: عاوز تعمل ايه تاني غير التحضين والتفيعيص

-نور: الله متضايق ليه منه ، مش كتر خيره انقذني

-نايا: الحمدلله انك كويسة يا نانو ، بس مين ده اللي كان قاصد يخبطك

-نور: مش عارفة

-زياد: أكبيبيد حد كان قاصدها

-معتز: ويمكن واحد سكران

-زياد: لأ مش سكران ولا حاجة لأنني شوفته جاي من بعيد ناحيتها وقاصد انه يخبطها ويموتها

-نور: بعد الشر عني ، الحمدلله ربنا نجاني

-نايا: يستاهل الحمد

-عمر: المهم ألف حمدلله ع سلامتكم

-نور: الله يسلمك

-زياد وهو يصافح عمر ويدفعه بعيداً : متشكرين آعمر ، منجلكش في حاجة وحشة ، خش بقى جوا كمل الفرحة

-عمر: الله ! مش أما أظمن الأول ع نور

-زياد: ماهي واقفة قصادك أهي زي القردة ، اتوكل على الله

-عمر: ماشي يا زياد ، لسه الجايات أكثر من الرايحات

-زياد: وماله

-نايا لأختها : مش يالا بينا يقى ناخذ تاكسي لأحسن كده اتأخرنا أوي ومامي
زمانتها قلقانة علينا

-نور: أه يالا

-معتز: والله ما يحصل لازم أوصلكم ، هو أنا يجيلي قلب بعد اللي كان هيحصل ده
أسيبكم تروحوا لوحدكم

-نايا: لأ شكراً هنوقف تاكسي من ع الناصية

-نور: ميرسي ع تعبك ، بس احنا هنركب من هناك

-معتز: ان شاء الله ياااا رب ماتجوزش إلا أنتي لازم أوصلك

-نايا: نعم

تفاجئ معتز ونور ونايا بسيارة زياد تقف أمامهم لتسد عليهم الطريق ، ثم ترجل
منها و...،،،

-زياد بحدة: اتفضلوا ، أنا اللي هوصلكم

-معتز: لأ أنا يا زياد

-زياد: معتز!! أنا قولت أنا اللي هوصلكم

-معتز: طيب

-نايا: ميرسي ، مش عاوزين نتعبك ، احنا هنركب تاكسي

-زياد: لأ مافيش حاجة اسمها تاكسي، كلكم هتركبوا معايا

-نور معترضة: لأ مش عاوزين

-زياد: استغفر الله العظيم ، اركبي يا نور العربية من سكات ، ماهو انسي انك

تروحي في تاكسي لوحدك السعادي

-نور: أنا حرة وهروح في تاكسي ، وإن كان عاجبك بقى !!!!
-زياد بلهجة شديدة : هي كلمة أنا قولتها وهتسمع وإلا أقسم بالله ه...
-نور مقاطعة: احلف على نفسك مش عليا أنا ولا أختي
-زياد محذراً : بت انتي عدي يومك ع خير بدل ما أسويكي بالأسفلت
-نور: مين دي اللي تسويها بالأسفلت ؟ انت اتجننت
-زياد: اه اتجننت ، وبلاش تخليني أطلع جناني عليكي
-نور وهي تعقد ساعديها أما صدرها : هه .. برضوه لأ
-زياد: مش كفاية محاسبتكيش ع اللي حصل من شوية
-نور: نعم ! تحاسبني؟؟ ليه ان شاء الله؟؟؟ كنت مين ولا تقربلي ايه عشان
تحاسبني

-معتز متدخلًا في الحوار : صلوا ع النبي يا جماعة ، هو أنتو مش بتزهقوا من كتر
النقار والخناق

-نايا: اهدي يا نور

-نور: مش شايقة اسلوبه

-نايا: مترديش عليه

-نور: ما هو أنا لما مش برد بيسوق فيها

-معتز: اركبوا بقى يا بنات ولا هنقضيهما كده طول الليل

-نور: أنا مش عاوزة أركب معاه

-معتز: يا ستي اعتبريه سواق التوك توك ولا المكروباز

-زياد: احترم نفسك أمعتز ، ايه سواق دي كمان

-معتز: خلاص يا زيزوو ، امسحها فيا

.....

في فيلا ايهاب الملاح ،،،

-ايهاب هاتفياً: يعني فلتت منها

-المتصل:

-ايهاب: ماهو أنا مشغل معايا شوية بهائم ، تحت بت لا راحت ولا جت مش
عارفين تخلصوا عليها

-المتصل:

-ايهاب: ماهو أنا لو مشغل معايا رجالة كان زمانتهم جابولي خبرها

-المتصل:

-ايهاب: فرصة ايه بقى تاني الوقتي ، انت عاوز العين تفتح أكثر علينا

-المتصل:

-ايهاب: قول للحمار اللي معرفش يموتها يختفي ومايبنش لحد ما الدنيا تهدي ، أه
والعربية اللي كانت هتخطبها تتفور حالاً

-المتصل:

-ايهاب: خلص واديني التمام ..

-ايهاب بعد أن أنهى المكالمة: ناس عجر

-هويدا: في ايه يا بيبي

-ايهاب: البهائم اللي معايا مش عارفين ينجزوا تحت مهمة صغيرة

-هويدا: طب ما تقولي وأنا...

-ايهاب مقاطعاً: بقولك ايه أنا دماغي مش فيا الوقتي ، قومي اعمليلي كاس

-هويدا بدلح: حاضر يا حبيبي ، انت بس شاور عاوز ايه و..

-ايهاب بنرفزة : يووه هتفضلي كده كثير.. انجزي انتي روخرة

-هویدا: ح...حاضر

.....

في منزل الحاج فاروق فوزي ،،،

كان سامح يتحدث مع والده الحاج فاروق حول مخطط ما ينوي تنفيذه و...،،،

-فاروق: بس مش خطر يا ولدي الموضوع ده

-سامح: لأ يا بوي ، أني مجهز لكل حاجة

-فاروق بتردد : بس..بس

-سامح: يا بوي اطمئن ، أني جبل ما هعمل أي حاجة هاجولك

-فاروق: يا ولدي أنا خايف عليك

-سامح بثقة: متخافش يا حاج ، انت مخلف رجالة

-فاروق: ربك يسترها علينا

.....

ركبت كلاً من نور ونايا سيارة زياد وجلست كلتاهما في المقعد الخلفي بعد مداولات ومحاولات مستميتة من معتز لاقناع نور بركوب السيارة هي وأختها ..،،

-معتز: أخيراً اااا ، ده أنا لو بتقاوض عشان أحل أزمة السودان مش هتكون

بالصعوبة دي ، أحمدك وأشكر فضلك ياااا رب ، يالا يا زيزووو اطلع بينا

-زياد: اوك

ظل زياد يراقب نور من مرآة السيارة الأمامية ، بينما أدار معتز رأسه للخلف ليتحدث مع نايا ..،،،

-معتز : بس ايه الشياكة دي يا نايا .. قصدي يا آنسة نايا

-نايا: ميرسي

-معتز: وده جاهز ولا تفصيل

-نايا: لأ جاهز

-معتز: يا خسارة أصل كنت عاوز أعمل واحد

-نايا: أها ، قولتلي عاوز تعمل واحد.. ممم... استنى أخمن لمين ..

-معتز: ها لمين لو انتي شاطرة؟؟

-نايا: شور لخطيبتك اللي كانت معاك

-معتز بفرع: اعوذو بالله ، مين دي اللي خطيبتي ، نجلاء مش خطيبتي ولا أعرفها
هي اللي عاملة زي طابع البوسطة بتلرزق في أي حاجة ، وبعدين أنا لسه سينجل ،
ومدخلتس دنيا

-نايا: مايهمنيش

-معتز: بس أنا يهمني انك تعرفي ده ..

ظلت نور شاردة لبعض الوقت تفكر فيمن كان يحاول أن يصددها بالسيارة ، فهي
ليس لديها أي خصومات شخصية مع أحد إلا ذلك المدعو سامح ، ولكنه ليس بتلك
السذاجة ليقتلها و...

-زياد لنور وهو ممسك بعجلة القيادة : بقولك

-نور متجاهلة إياه :

-زياد: أنا مش بكلمك ؟

-نور وقد انتبهت : أفندم؟؟ هو انت بتكلمني أصلاً؟

-زياد: أه

-نور باقتضاب : خير

-زياد: آآآ.. كنت عاوز ..آآآ.. أسألك فـ...في..

-نور: في ايه؟؟؟

-زياد: هو .. هو عمر كان بيقولك ايه ؟

الحلقة السادسة والثلاثون :

ذهبت نور إلى مكتب اللواء اسماعيل الشاذلي لكي تقابله وتطلب منه أن ...،،،

-اللواء اسماعيل: تعالي يا نور

-نور: شكراً يا فندم

-اللواء اسماعيل: ايه فندم دي ، انتي تقولي يا أنكل

-نور: طالما احنا في الشغل يا سيادة اللوا خلينا نلتزم عشان محدش يقول حاجة

-اللواء اسماعيل: ومين ده اللي يستجري يتكلم عنك ولا يقول حاجة

-نور: مقصدش ، بس انا أحب التزم في الشغل

-اللواء اسماعيل: يا ريت والله الناس كلها زيك ، كانت حاجات كتير اتغيرت

-نور: عشان معطلش حضرتك ، أنا كنت..آآآ...كنت عاوزة ، آآآآ يعني

-اللواء اسماعيل: قولي اللي انتي عاوزاه ع طول من غير تردد أو كسوف

-نور: أنا كنت عاوزة أقول حضرتك يعني ان الرائد زياد مالوش دعوة باللي حصلي

-اللواء اسماعيل باستغراب: ايه ؟

-نور: يعني هو مش ليه أي علاقة باللي كان حصلي وأنا مش عاوزة أعمل تحقيق

أو شكوى ضده أو ضد أي حد .. ده كان خطأ غير مقصود

-اللواء اسماعيل: انتي عارفة دهمعناه ايه يا نور ؟؟؟ ده معناه ان لو ليكي حق

هيروح وأنا مقدرش أسكت عن أي تقصير

-نور: يا فندم والله الموضوع مش مستاهل إن أي حد يضر بسببي ، وانا برجو

سيادتك ان التحقيق ينتهي بصورة ودية ده لو كان حصل فعلاً

-اللواء اسماعيل: بس..

-نور : أرجوك يا فندم

-اللواء اسماعيل: ممم...

-نور: أكيد محدش يقصد يضرني والرائد زياد مالوش دعوة و..

-اللواء اسماعيل: يعني ده قرارك النهائي

-نور: باذن الله أه

-اللواء اسماعيل: طيب

-نور: أنا شاكرة افضالك يا فندم وبعتر عن اني عطلتك و..

-اللواء اسماعيل مقاطعاً: لا تعطيل ولا حاجة

-نور: عن اذن سيادتك

-اللواء اسماعيل : اتفضلي يا نور

وبينما كانت نور على وشك الخروج من الغرفة نادي عليها اللواء اسماعيل و..،

-اللواء اسماعيل: يااا نور

-نور: أيوه يا فندم

-اللواء اسماعيل: ماتنسيش انتي مشتركة في دورة التدريبية الدورية لرفع الكفاءة القتالية لفرق العمليات الخاصة

-نور: هه

-اللواء اسماعيل: انا عارف انك مالكيش في الجو ده ، بس ده أمر تكليف جاي لكل العاملين بالادارة ، ومافيش أي استثناءات ، الكل هيشارك فيه

-نور: حاضر

-اللواء اسماعيل: متقلقيش ، زميلك هيكونوا معاك ، واعتبريه زي معسكر مغلق للكشافة أو المرشدات مستمر لمدة اسبوع متصل

-نور: أها ..

-اللواء اسماعيل: وبلغني البيت عندك وخصوصاً والدتك أنك هتباتيفي المعسكر لأنه تدريب مكثف

-نور: ايه هبات؟؟ طب ازاي؟؟ وطب مش ينفع اني أروح الصباحية ، وامشي ع آخر النهار

-اللواء اسماعيل: لأ مش هينفع ، لأن التدريب هيكون في مكان بره القاهرة مخصص للنوع ده من الدورات القتالية

-نور وقد بدى عليها التوتر: بس ..بس أنا ..أنا مش أوي في الحاجات دي ويمكن أفضل و..

-اللواء اسماعيل: مافيش حاجة اسمها تفشلي ، في حاجة اسمها أحاول وأتعلم واكتسب خبرة

-نور: أنا قصدي يعني كل اللي مشترك في الدورات دي عنده الكفاءة والمهارات المطلوبة لكن أنا زيرو

-اللواء اسماعيل: بس هتتعلمي

-نور: أصل أنا برضوه آآآ

-اللواء اسماعيل: متخافيش ، وانا بنفسى هتابع أخبارك في الدورة

-نور: ربنا يبسر الأمور

-اللواء اسماعيل: عاوز أسمع أخبار كويسة عن تدريباتك انتي وأعضاء الفرقة

-نور: حاضر يا فندم ، ربنا المعين ان شاء الله

-اللواء اسماعيل: ان شاء الله

خرجت نور من مكتب اللواء اسماعيل وهي تحمل هم المشاركة في تلك الدورة التدريبية التي لا طائل لها بها ..،،،

-نور في نفسها: أل أنا كنت ناقصة الدورة دي كمان ، يعني مش كفاية عليا الشغل اللي أنا فيه لأ يطلعلي تدريب يادة الله أعلم هيبقى عامل ازاي وكمان هاغيب اسبوع عن البيت .. ربنا يسترها ، أنا مش عارفة هاقولهم ده ازاي!!!!

-عمر من بعيد: نوووور ، يااااا نور

-نور: هه .. سيادة الرائد ، خير !

-عمر: مافيش بسأل عليكي

-نور: أنا الحمد لله تمام ، عن اذنك

-عمر: رايحة فين ، احنا ملحقتناش نتكلم

-نور: ورايا شغل مش فاضية

-عمر: طب ينفع أعزمك ع حاجة في الكافيتريا تحت

-زياد مقاطعاً: ماهي قالتلك ورانا شغل

-نور بدهشة : زياد !!

-زياد ووجهه يعلوه الغضب : يالا يا أستاذة ، ورانا ملفات عاوزة تتراجع

-نور بتردد: ط...طيب ، عن اذنك يا حضرت الرائد

-عمر: أوك يا نور .. أشوفك بعدين

-نور لزياد: على فكرة هو اللي جه كلمني مش أنا

-زياد: وأنا مطلبتش اعرف حاجة

-نور: أنا بسبب بوضحك انه ه...

-زياد: قولتلك مش عاوز أعرف حاجة ، ويا ريت تنجزني شغلك في أسرع وقت

خلينا نخلص من المهمة دي ونرتاح

-نور: ياريت

.....

في مركز التصوير الخاص بهدى الحديدي ،،،

-هدى: ماشاء الله يا نونة ، طلعتي شطورة

-نايا: طبعا يا مامي ، أومال مفكراني ايه

-هدى: أنا كده هريح وأعتد عليكي انتي

-نايا: متحمليش هم يا مامي ، أنا هاخذ بالي من السنتر

-هدى: ربنا يحميكي يا حبيبتتي ، ويعوضك خير

-نايا: ان شاء الله

-هدى: هاروح أنا البيت أشوف نائل وأجيب الغدى وأرجعك

-نايا: اوك يا مامي

-هدى: خلي بالك من نفسك لحد ما أرجعك

-نايا: حاضر يا مامي

انصرفت السيدة هدى إلى منزلها ، بينما ظلت نايا في المركز تراجع بعض الأوراق حتى....،،،

-معتز: لو سمحتي يا آنسة

-نايا ملتفتة لمصدر الصوت: أيوه .. ايه ده !! انت !!!

-معتز: عاوز أصور البطاقة وش وضهر

-نايا بدهشة: انت؟؟ بـ.. بتعمل ايه هنا؟؟ وعرفت مكاني ازاي؟؟؟

-معتز: أنا عاوز أصور البطاقة ، وعرفت مكانك من..آآ.. اهو اللي يسأل مايتهوش

-نايا: طب لو سمحت اتفضل امشي الوقتي

-معتز: لأ مش قبل ما أصور البطاقة

-نايا: طب عاوزها كام نسخة

-معتز: الف نسخة

-نايا: أفندم ???

-معتز: الله ! مالك مستغربة ليه ??

-نايا: ألف نسخة ليبييه ???

-معتز: عندي مصلحة ومحتاج صور للبطاقة

-نايا: صورة اتنين لكن الف !!!

-معتز بفرحة : ومتنسيش الصور وش وضهر

.....

في النادي ،،،

كانت ريم تجلس في النادي تتابع آخر الأخبار على الفيس بوك حينما رن هاتفها
برقم لا تعرفه ..،،،

-ريم لنفسها: ايبيه الرقم الغريب ده ، أحسن حاجة اطنشه

ولكن ظل المتصل يطلبها عدة مرات ، فقررت أن تجيب على هاتفها

-ريم هاتفياً : لأ بقى كده كتير .. ألووو

-حسام: أنسة ريم

-ريم بحدة : أيوه مين انت ؟

-حسام: آآآ...آآآ..

-ريم بعصبية : انت هتهته ، هي مش ناقصة هبل

-حسام: أنا الرائد حسام

-ريم وقد اعتدلت في جلستها : هه ، مين ؟

-حسام: أنا الرائد حسام

-ريم: آآ.. أهلا بيك يا سيادة الرائد ، آآ..سوري ماكونتش أقصد والله ، أنا افكرتك واحد ببعاكس

-حسام: أها ..

-ريم مكملة : معلى والله مش تضايق مني ، أنا مقصدش ، بس حضرتك عرفت رقمي منين

-حسام: أنا ظابط مش مخبر !! ودي حاجة سهلة بالنسبالي

-ريم وهي تخبط جبهتها بكف يدها: اووبس ، سوري نسيت

-حسام: اوك ولا يهكم

-ريم: خير يا حضرت الظابط في حاجة

-حسام: هه ، لأ مافيش ، آآ...أقصد يعني كنت عاوز أبلغك اني..اني تنازلت عن البلاغ والمحضر

-ريم: بجد .. انت انسان عظيم فعلا، أنا مش عارفة أشكرك ازاي ، ميرسي أوي ، أنا أهلي هيفرحوا كتير بالخبر ده

-حسام: أهم حاجة عندي ماتكونيش زعلانة ، اللي ما يعرفك يجهلك

-ريم: لأ مافيش زعل ، وما محبة إلا بعد عداوة ، ولا ايه رأيك ؟

-حسام: أكبييد

.....

عودة إلى مركز التصوير ،،،

-نايا: مش هاتقول جاي ليه؟؟ وسيبك من حكاية التصوير دي

-معتز: عاوزة الصدق ولا ابن عمه

-نايا: الصدق طبعا

-معتز: ابن عمه بقى بيسلم عليه

-نايا: انت هتهزر

-معتز: اعمل ايه بس ، بحاول أخليكي تفكي وش الشويش عطية ده شوية ، شكاك
بيبقى حلو وانتي بتضحكي ، واحلى وانتي مكشرة ، وانا مش حمل ده كله

-نايا وقد احمرت وجنتيها: لو سمحت مش بحب الكلام ده

-معتز: يالهوي ع الكسوف ، هو لسه في كده

-نايا: من فضلك ، قول عاوز كام نسخة وبلاش أفورة

-معتز: طب خلاص خليههم 999 نسخة

-نايا: لأ كده أنا هفضل معاك أصور البطاقة للصبح

-معتز بفرحة : وده المطلوب

-نايا: أنا قولت ايه

-معتز: لو مكونتيش تضغطي عليا بس

-نايا وهي تناوله بطاقته : طب خذ بطاقتك وروح صورها في مكان تاني ، معندناش
حبر

-معتز بفرح : ابييه ده ، دي مش بطاقتي

-نايا: ازاي ، وريني كده

-معتز: اهوو ، بصي !

أخذت نايا البطاقة لتتحقق منها فابتسم لها معتز وقال ..،،،

-معتز: ايه رأيك بقى ، طلعت ابن ناس وسني مناسب اهوو وساكن في حنة حلوة ،
وناوي أغير الحالة الاجتماعية قريب من أعذب لمتزوج ، ها ايه رأيك بقى ، أنفع ؟

-نايا وقد بلغت قمة الاحراج: بعد اذنك ، هنقل دلوقتي

-معتز بابتسامة : ممم بقى كده ، ماشي .. عشان خاطر بس خدودك الحمراء دي

هامشي ، بس ان شاء الله قريب أوي هنعير الحالة الاجتماعية سوا ..سلام يا

قمررررر!!!!

.....

الحلقة السابعة والثلاثون :

أخبرت نور عائلتها بذلك التدريب الاجباري الذي ستضطر أن تقضي فيه أسبوعاً خارج المنزل ..،،،

-هدى : أنا هكلم اسماعيل أقوله يشيل اسمك منه

-نور: أنا حاولت والله معاه ، بس هو مصمم

-هدى: ازاي يعني بنت تغيب لمدة اسبوع في مكان منعرفش عنه أي حاجة

-نور: هو قال ان المعسكرات دي بتبقى مجهزة بكل حاجة عشان خاطر المتدربين و..

-هدى مقاطعة: انتي بنت مش راجل، وأي حاجة بتعملها بتبقى محسوبة عليكي ، وبعدين عاوزاني أوافق انك تغيبى اسبوع عني وأقف أتفرج ، لا يمكن ده يحصل ، أنا هطلبه فوراً

-نور: يامامي ، لو سمحتي اسمعيني بس

-هدى وهي تطلب رقم اللواء اسماعيل: اسكتي انتي

قررت السيدة هدى أن تطلب اللواء اسماعيل لتطلب منه أن يعفي ابنتها نور من حضور ذلك التدريب ..،،،

-هدى هاتفياً: سلامو عليكم ، ازيك يا اسماعيل

-اللواء اسماعيل :

-هدى: ايه اللي بيحصل ده يا اسماعيل ، دورة ايه دي اللي عاوز بنتي تشارك فيها ، لأ وكمان تبات بره لو حدها .. هو احنا بتوع الكلام ده

-اللواء اسماعيل :

-هدى: لأ برضوه ماينفعش

-اللواء اسماعيل:

-هدى: وأنا ايه اللي يضمنلي ان محدش يتعرضلها ولا يضايقها

-اللواء اسماعيل :

-هدى: بس برضوه ، أنا خايفة عليها دي بنتي ، وبعدين متنساش انها بنت المرحوم عبد الرحمن صاحبك ولا نسيته هو كمان ؟؟

-اللواء اسماعيل:

-هدى: والله لو جرالها حاجة كلامي هيبقى معاك انت

-اللواء اسماعيل:

-هدى: ماشي يا اسماعيل .. سلام

-هدى: خلاص يا نور ، هتروحي التدريب ، بس او عديني بحاجة واحدة

-نور: ايه يا مامي ؟

-هدى: انك تحافظي ع نفسك مهما حصل ، وأوعي تسمحي لأي حد مهما كان انه يهز ثقتك في نفسك أو يقتل من قيمتك

-نور: حاض يا مامي ، أو عدك

-هدى: خليكي واثقة في نفسك وفي قدراتك مهما كان اللي قدامك أقوى منك

-نور: حاضر

-هدى: وخلي بالك من نفسك .. انتي عارفة غلاوتك عندي انتي واخواتك ومش هستحمل الهوا الطاير عليكم

-نور: ربنا يخليكي لينا يا أحلى مامي في الدنيا

أعدت نور حقائبها وودعت أسرتها وأطلقت في طريقها إلى الإدارة بصحبة صديقتها ريم التي أصرت اصراراً شديداً على أن توصلها بسيارتها ...،،،

-نور: يا ريموو مكنش لازم تتعبي نفسك

-ريم: تعب ايه بس ، انتي بتسمي سواقة العربية دي تعب

-نور: بدل ما أعطلك ولا حاجة

-ريم: حوش حوش الشغل اللي مقطع بعضه ، يا بنتي أنا بعاني من فراغ قاتل وما بصدق ألاقي أي حاجة أعملها أضيع بيها وقتي

-نور: أها

-ريم: وبعدين .. أنا ... أنا

-نور: انتي ايه

-ريم: بصراحة كده كنت عاوزة أشوفك ..

-نور بغمزة: أنا برضوه

-ريم: يعني

-نور بخبت : ممممم.. ع العموم حسام هيكون موجود

-ريم بلهفة: بجد؟؟

-نور: طبعاً

-ريم: آآآ.. قصدي يعني كلكم موجودين

-نور: يا بت انتي بقيتي مكشوفة خاااااالص قدامي ، مش ناوية بقي تقوليلي ايه اللي بينك وبينه

-ريم: هه .. ولا حاجة مـ..محاضر وبس ما أنتي عارفة

-نور: عليا برضوه

-ريم: الله بقى يا نانووو مش تبقي غلسة

-نور: ماشي ، هعديها بمزاجي ، بس محدش هيجبلك أي خبر عنه غيري

-ريم: خلاص أنا هأقولك

-نور: ها قوليلي

-ريم: بصي الحكاية وما فيها إن في استلطاف بيني وبين حسام من بعد ما عرف
اني صاحبك وبنت خالة مرات صاحبه ، فحب يعوضني عن اللي عمله وانتازل عن
البلاغ والمحضر اللي عمله ، وطلب يقابلني بس لما يرجع من التدريب اللي عندكو
عشان في موضوع مهم عاوز يفتحني فيه

-نور: مممم.. واظن أنا كده ابتديت أخمن ايه هو الموضوع

-ريم : ماشاء الله ذكية ولماحة

-نور: طبعاً

وصلت نور إلى مقر الادارة ووجدت تجمع العديد من الأفراد والقادة في انتظار
الأوامر ، ثم لمحت من داخل السيارة زياد وباقي الفرقة يتحدثون سوياً و...

-ريم: حسام مش باين

-نور: ماهو واقف هناك اهو

-ريم: فين

-نور: بصي ع شمالك

-ريم: ايوه ايوه ، شوفته خلاص ، ماشاء الله قمررر

-نور: الله يرحم أيام ما كان الولاد هما اللي بيعاكسوا البنات

-ريم: هيببيح ، دوام الحال من المحال يا أختشي

-نور: طيب ، هسلم انا بقى عليك عشان أنزل أنضم للفرقة

-ريم: خدي بالك من نفسك ولو عرفتي تكلميني كلميني

-نور: والله لو نفع هاكلمك ع طول

-ريم: ولو المز قالك حاجة عني قوليلي ماشي

-نور: مميم.. الوقتي بقى مز

-ريم: خلاص بقى يا نانووو ، ويا بخت من وفق راسين في الحلال

-نور: ماشي يا ست ريمووو

-ريم: لا إله إلا الله

-نور : محمد رسول الله

ترجلت نور من سيارة ريم التي رحلت بمجرد أن أوصلتها وبعد أن ألقنت نظرة خاطفة على حسام ، توجهت نور إلى حيث يقف أعضاء فرقتهما ..،،،

-نور: صباح الخير عليكم جميعاً

-معتز: يا صباح الصباح واللي جاي أحلى من اللي راح

-حسام: صباحك فل

-وليد: يا صباح الخير

-زياد: أهلا

استأذنت نور في الحديث مع وليد على انفراد ..،،،

-نور لوليد: مبروك يا عريس

-وليد: الله يبارك فيكي

-نور: ازي عروستك

-وليد: بخير الحمد لله

-نور وهي تقدم له هدية مغلقة : اتفضل

-وليد: ايه ده ؟

-نور: دي حاجة بسيطة بمناسبة جوازك

-وليد: والله مافي داعي

-نور: لأ ازاى مش ينفع ، انا المفروض اجي ابارك بس عشان ظروف التدريب وكده فمكنش في وقت ، فدي حاجة بسيطة

-وليد: شكراً يا نور ، والله انتي انسانة مافيش زيك وكلك رقة وذوق

-نور: الله يخليك يااا رب

ثم جاء عمر مقاطعاً لحديث الجميع و...

-عمر: ازيكم يا رجالة

-حسام: الله يسلمك يا عمر

-معتز: بخير

-زياد: تمام

-عمر: الله أو مال فين نور؟؟ مش هي جاية معاكو

-زياد: وانت مالك؟؟ هي تخصك في حاجة

-عمر: بسأل ياعم زياد عليها عادي ، هو السؤال حُرْم يعني

-معتز: نور واقفة هناك أهي

-عمر وقد رأها : أها ، طيب متشكر ، أشوفكم بقى بعدين ، سلام يا رجالة

لمحت نور الكابتن رشا تقف بصحبة اثنتين من الفتيات ، فأسرعت إليها لتلقي عليها التحية و...،،،

-نور : كابتن رشا ، ازيك ؟

-رشا: أهلاً يا نور ازيك ، أخبارك ايه ؟

-نور: الحمدلله

-رشا: أحب أعرفك دول أصحابي وفاء ونادين

-نور : أهلا بحضراتكم

-وفاء: أهلا نور

-نادين: هاي نور

-وفاء: تعالي يا نادو نشوفلنا مكان في الباص

-نادين: اوك

انصرفت وفاء بصحبة نادين للبحث عن مكان خالي في الباص لحجزه لهن ، بينما ظلت نور مع الكابتن رشا يتحدثان سويا ...،،

-نور: بجد أنا فرحانة أوي يا كابتن أنك هتكوني معانا في الدورة

-رشا: شكراً يا نور

-نور مكلمة بسعادة : انتي مش متخيلة أنا أد ايه كنت متوترة ان .. ان يعني هاكون لوحدي وكده ، لكن دلوقتي أنا أظمنت ان معايا بنات وان كلنا هنكون سوا وفريق واحد مع بعض وه...

-رشا مقاطعة: مين قالك ان احنا هنكون سوا

-نور: الله مش انتي طالعة معايا يا كابتن

-رشا: اه أنا فعلاً طالعة الدورة لأنها اجباري ع الكل ، بس ده مش معناه اننا هنقعد سوا

-نور: مش فاهمة

-رشا: يعني اللي أقصده ان انا هاكون تبع الفرقة بتاعتي اللي هي نادين ووفاء وبنيتين كمان بس لسه مجوش

-نور: طب وأنا ؟

-رشا: انتي ايه ؟

-نور: أقصد يعني أنا هاكون تبع مين ؟؟؟؟

-رشا: اكيد طبعاً تبع فرقتك

-نور: ما أنا عارفة اني هاكون تبع فرقتي ، أقصد يعني هنام فين وأقعد مع مين

-رشا: فرقتك

-نور بدهشة: نعم ???

-رشا: ايوه يا نور ، المفروض تكوني عارفة ده

-نور: بس ..بس أنا..أنا بنت وهما ...هما كلهم شباب

-رشا: مش عارفة والله يا نور النظام هيكون ازاي معاكي ، بس المعهود ان أعضاء كل فرقة بتقعد مع بعضها طول فترة التدريب وبيتشاركوا في كل حاجة لحد ما يجي اليوم الختامي وده بيبقى يوم التنافس بين الفرق لاختيار الأداء الأفضل لأحسن فرقة في كل المجموعات

-نور وقد ظهر عليها التوتر الشديد : طب ده معناه اني مضطرية كده اقعد مع..مع ..

-رشا: بصي يا نور ده النظام المتبع هنا من زمان ، وعشان كده أنا فرقتي كلها بنات عشان نكون ع راحتنا

-نور: طب أنا ماينفعلش اكون معاكو ???

-رشا: للأسف مش هينفع ، لأن المفروض انتي هتكوني منافسة لينا مع فرقتك ، وبعدين ماشاء الله فرقتك مش محتاجة منافسة دول 5 مرات ع التوالي بياخدوا المركز الأول في النوع ده من التدريبات

-نور: يكسبوا ولا يخسروا مش فارق معايا الوقتي ، أنا بس عاوزة اعرف أنا وضعي هايكون ازاي !!

-رشا: مقدرش افيدك الصراحة ، المفروض تكون عندك خلفية ومضبطة مع فرقتك

-نور: طب هل ينفع يكون ليا مكان لوحدني أو...

-رشا مقاطعة: لا معتقدش ، لأن احنا قبل كده طالبنا بده بس الادارة رفضت وقالت ان ده تدريب جماعي ولازم الكل يلتزم بالقواعد المتبعة فيه ، وعشان كده دايماً فرقتي بنات

الحلقة الثامنة والثلاثون :

وبينما كانت نور تفكر في حل للمأزق الذي وقعت فيه جاء إليها ...،،،

-عمر برومانسية: الجميل سرحان في ايه ؟

-نور: هه ، لأ مافيش

-عمر: ازاي ، ده انتي شكلك مش معانا خالص

-نور: عادي والله

-عمر: ممممم.. ماشي ، المهم اخبارك ايه ؟

-نور: الحمدلله

-عمر: مستعدية

-نور: هه يعني ، أنا أصلي جديدة وماليش في جو الدورات القتالية دي

-عمر: متقلقيش يا نور ، دي حاجة عادية بالنسبالنا ، زي وقت بنتطلع فيه الكبت

اللي جوانا وبنرفع من قدراتنا ولياقتنا البدنية

-نور: بس أنا ماليش في ده يا حضرت الرائد

-عمر: حضرت الرائد !!! لأ مش هينفع كده

-نور: ايه اللي مش هينفع ؟

-عمر: انك تقويلي حضرت الرائد

-نور: معلىش ، المقامات محفوظة يا سيادة الرائد

-عمر: لأ بقى ، هو احنا هنقضيهارسميات كده على طول ، احنا المفروض زمايل

في ادارة واحدة ، انتي تقويلي عمر على طول زي ما أنا بقولك نور

-نور: آآآ... يعني... مايصحش

-عمر: لألألأ ، أنا مش هاقبل غير انك تقويلي عمر وبس

-زياد مقاطعاً: ما تقوليهِ عمر وتخلصينا بقي

-نور بخوف : ز...زياد ، قصدي الرائد زياد

-زياد: اه يا هانم ، معش قطعت خلوتكم الحلوة دي مع بعض ، عاوزين نتنيل نركب الباص بتاعنا ، وسيادتك واقفة هنا ترغي مع عمر

-عمر: في ايه يا زيزووو ، فكها شوية بقي

-نور: انا ...أنا جاية أهو معاك

-زياد وهو يشير بيده للباس : اتفضلي ، انتي مكانك في الباص اللي هناك ده

-نور: اوك ، عن اذنكم

-عمر: اتفضلي يا نور ، اشوفك في المعسكر يا...يا قمر

انصرفت نور وعلى وجهها علامات التوتر والقلق مما قد يحدث لها لاحقاً ، بينما نظر زياد لعمر نظرات تحمل الغضب و...،

-زياد بنبرة قوية : عمر ، ابعد عن نور أحسنك!!!!

-عمر: ليه ان شاء الله؟؟؟ هي كانت اشتكتك ولا كنت ولي أمرها؟؟

-زياد بضيق: من غير ما تشتكيلي ، ابعد عنها أنا بحذرك

-عمر: وان مابعدتش هتعمل ايه يعني؟؟

-زياد: هعمل كتير وانت عارف ده كويس

-عمر بتحدي : طب ما توريني حاجة م الكتير اللي تقدر تعمله

-زياد: انت مش ادي

-معتز من بعيد : ياااااااااااااااااااا زياداد ، انت يا جدع ، يالا بقي

-زياد وهو مسلط نظره على عمر: جياااااا

-معتز: طب انجزرزرز

-زياد: أنا نبهت عليك ، وقد أعذر من أنذر

-عمر: أموت أنا في جو التحدي ده ، سلاااام يا ..يا أسد

توجه عمر ناحية الباص الخاص بفرقته وهو يُصفر ، بينما ذهب زياد إلى الباص المتواجد فيه أصدقائه وعلى ملامحه الضيق الشديد ، بحث بعينه عن نور فوجدها تجلس في الخلف وتحاول أن تتوارى بعيداً عن أنظاره وكأنها تخشى مواجهته ، فجلس بجوار حسام و...،،،

-حسام: مالك يا زيزوووو؟؟ الواد عمر قالك حاجة ؟

-زياد: لأ

-حسام: او مال وشك مقلوب كده ليه

-زياد: عادي يعني ، انت عارف الواحد مائمش كويس

-حسام: أها

-زياد في نفسه: بس نوصل المعسكر يا نور وهتشوفي اللي عمرك ما شوفتية هناك
!!!...

.....

انطلقت الأتوبيسات الخاصة بجميع الفرق نحو المعسكر التدريبي ، كان الجميع يتحدثون في مواضيع شتى و...،،،

-معتز: ان شاء الله هنتبسطي معانا يا نور

-نور: هه .. ربنا يستر

-هدى: متنسيش اللي وصيتك بيه ، أوعي تخافي أو حد يهز ثقتك في نفسك مهما كان اللي قدامك أقوى وافضل منك

-نور: حاضر يا مامي ، أنا مش ناسية اي حاجة

-هدى: وكلي كويس ، انا عارفة انك إنفة في أكلك بس برضوه صحتك مهمة وخصوصاً أنك داخلة ع تدريبات جامدة

-نور: حاضر يا مامي

أنهت نور مكالمتها مع والدتها ، وفي نفس الوقت تقريبا كان وليد يتحدث مع منى زوجته هاتفياً و...

-وليد هاتفياً: لألسه يا حبيبتي احنا في الطريق أهوو

-منى:

-وليد: وأنا أقدر برضوه

-منى:

-وليد: ستات ايبيه بس ، ده كل اللي في التدريب ده خناشير ، لامواخذة يا نور

-نور: ولا يهملك .. سلملي ع المدام

-وليد: حاضر .. نور بتسلم عليكي يا مووني

-منى:

-وليد: ان شاء الله ، سلام

-وليد لنور : أوعي تكوني زعلتي يا نور من اللي قولته أنا مقصدش

-نور: عادي والله ، انت عارفني روعي رياضية

-وليد: أصل احنا متعودين من زمان اننا كلنا رجالة في بعض فتلاقينا أخذين راحتنا في الكلام

وصلت الاتوبيسات إلى المعسكر حيث الدورة التدريبية الدورية لرفع الكفاءة القتالية المنعقدة فيه .. كانت نور مصدومة مما فعله فريقها بها من السخرية والاستهزاء منها طوال الطريق ، لذا قررت أن تتعامل معهم بحذر وألا تشاركهم التدريبات ولكن كانت هناك عقبة تنتظرها ...،،،

-احد العساكر بصوت مرتفع : انتباااااااااااااااااااااااه

-قائد المعسكر: حمدلله ع سلامة الجميع ، نورتوا المعسكر ، وزى ما انتو عارفين احنا كل فترة بنعمل الدورة التدريبية دي للتأكد من تأهب جميع أفراد العمليات الخاصة واستعدادهم البدني والجسماني لمواجهة أي خطر ، وطبعاً الروح التنافسية والقتالية بتزيد بزيادة المنافسة بين جميع الفرق المشاركة .. واحنا المرة دي موفرين مدربين ع أعلى مستوى ، وأخصائيين متخصصين في كل الفنون القتالية عشان يساعدوكم في اكتساب مهارات جديدة وتعلم حركات مميتة تقدرؤا بيها تسيطروا ع العدو اللي قصادكم ، ده طبعاً غير محاضرات استراتيجيات الهجوم والدفاع وكيفية وضع مخططات اقتحام باستخدام التقنيات الحديثة ... أنا مش هطول عليكم ، انتو هتلاقوا عند كل فرقة في ملف كامل بكل المطلوب عمله خلال الدورة دي ، تفضلوا حضراتكم عشان تتسكنوا مع بعض ، ونتقابل بعد ساعتين ..
انصراف

-معتز: يالا بينا يا جماعة نشوف الدور ده هيقعدونا فين

-زياد: انا رايج اشوف الليلة ماشية ازاي

أسرع زياد إلى المكتب الموجود في المعسكر ليستعلم منه عن المكان الخاص بفرقته ...

-وليد: فاكر المرة اللي فاتت أحس

-حسام: متفكرنيش أجدع ، ده الأوض المرة اللي فاتت كانت قبلية وصعب أوي

-معتز: يا رب نكون في الجهة البحرية

-نور: احنا رايجين فين؟

-حسام: هنشوف التسكين بتاعنا في أنهو جهة

-نور: طب وأنا ؟

-حسام: انتي ايه ؟

-نور: انا ...آآ... أنا يعني هاقعد فين

-معتز بثقة : ودي محتاجة سؤال ، معانا طبعا !!!

-نور: طب ازاي ؟

-معتز: زي الناس

-نور: لأ مش هينفع ، انتو ناسيين اني بنت !!!! ازاي هاقعد معاكو في نفس الأوضة !!

-حسام بدهشة :اووووبا تصدقوا احنا ازاي مفكرناش فيها الحكاية دي

-وليد: صح !!

-زياد من بعيد بفرحة : خلاص يا رجالة ، ظببت الدنيا ، احنا في الجهة البحرية

-معتز: كويس

-حسام: أها

-وليد: طيب

-زياد باستغراب: اييه ده محدش فرحان منكم ، الله ! في ايه مالكم؟؟ مش ده اللي كنتو عاوزينه؟؟

-معتز: ايوه.. بس ..آآآ... بس

-زياد: بس ايه؟؟

-حسام: أصل نور

-زياد بقرف: مالها الهانم

-حسام: هتقعد ازاي معانا في نفس الأوضة؟؟

-زياد: هه

-وليد: هي بنت واحنا رجالة وده مايصحش

-معتز: طب والعمل ايه الوقت؟

-زياد وقد اخذ يفكر: مممممم..

-نور متدخلة في الحوار: ماهو انسوا بأي شكل من الأشكال اني أكون معاكم في
أوضة واحدة

-زياد: اسكتي خليني افكر

-نور: هو أنا قولت حاجة غلط

-زياد بضيق: هو انتي أصلاً فيكي ايه صح

-نور: وده ذنبي يعني، أنا مكونتش عاوزة اجي الدورة دي من أساسه

-زياد: ياريتك ماجيتي يا شيخة

-نور بضيق: استغر الله العظيم يا رب

-معتز: أهو اللي حصل حصل، عاوزين نشوف حل للموضوع مش هنقضيه
خناقات

-حسام: أنا عندي اقتراح

-وليد: ايه هو

-حسام: نور تروح تقعد مع الكابتن رشا وفرقتها

-زياد مقاطعاً: مش هينفع

-حسام: ليه؟

-زياد: لأن كل فرقة لازم تكون مع بعضها

-حسام: طب والعمل؟

-معتز: لازم نتصرف لأن مش هينفع نفضل واقفين كده وكل الناس بتتفرج علينا

لمح عمر زياد وفرقته يقفون في مكانهم ويتناقشون في أمر ما ، ويبدو من طريقة نقاشهم أن هناك معضلة ما لا يستطيعون حلها ، فقرر أن يعرف السبب لعله يتمكن من مساعدتهم ، كانت نور على وشك أن تخبره بما يحدث ولكن زياد جذبها من ذراعها بعيداً و...،،

-عمر من بعيد: ايبيه يا جماعة مالكم واقفين كده ليه ؟ في حاجة ؟

-زياد: لأ

-عمر: ماتقولولي ايه اللي حاصل يمكن أقدر أساعدكم

-نور موضحة : أصل الـ...

-زياد وقد جذبها بعيداً : تعالي شوية يا نور عاوزك ، معلش أعر لحظة وراجعين

-نور: في ايه ، بتمسكني من دراعي كده ليبييه؟؟

-زياد: انتي اتهبلتي في مخك ولا انطسيتي في عقلك !

-نور: ما تحترم نفسك شوية

-زياد: ماهو لو لسانك ده يفضل جوا بؤك وماتتكلميش ع الفاضية وع المليانة مع أي حد والسلام كنا ارتحنا كلنا

-نور: وفيها ايه يعني لما أقول للرائد عمر ع اللي حاصل

-زياد بضيق: فيها ايبييه ، فيها كثير ياختي !!

-نور وهي تعقد ذراعيها أمام صدرها : طب يابو العريف والمفهومية كلها ، قولي ع الحل الذكي وخلصني

-زياد وقد نظر إلى مافي يديه من مفاتيح : بسسس خلاص لاقيتها

-نور: ها ..

-زياد: تعالي ورايا

-نور في نفسها وهي تسير خلفه : مشورني بقى ، ماهو أنا أصلي ناقصة رزالتك

-زياد: أنا لاقيت الحل للمشكلة اللي وقعنا فيها

-معتز: ها ايه هو ؟

-حسام: قول يا زيزووو

-وليد: ايه ؟

-زياد: الوقتي أنا معايا مفاتيح أوضين جمب بعض في الجهة البحرية

-معتز: وبعدين

-زياد: خلاص اتحلت

-حسام: ازاي

-نور: مش فاهمة

-زياد موضحاً: يعني احنا الأربعة هنبات في أوضة ، ونور هتبات في أوضة

-نور: ممممم..

-معتز: ده الأوضة أد الحو هنام احنا الأربعة فيها ازاي

-زياد: هننقل السراير كلها في الأوضة الأكبر وبقية الحاجة نهنطها في أوضة نور

-وليد: بس كده ... آآآ

-نور: أنا موافقة

-حسام: أنا هنام جمبك أيزووو ، مش عاوز انام جمب معتز

-معتز: حوش حوش ياخويا أنا اللي هموت وأنام جمبك

-وليد: ابييه ده يعني أنا وقع في قرعتي معتز

-معتز بضيق: هو أنا جربة ولا ايه ، ماتحترموا نفسكوا شوية

-زياد: اظن كده ان معدتش في مشكلة ، وأهونستحمل الكام يوم دول لحد ما نخلص

من أم دي دورة

-نور وهي تمد كف يدها لزياد : مفتاح أوضتي لو سمحت

-زياد: خدي

بالفعل توجهت فرقة زياد بصحبة نور حيث تتواجد غرفهم ، تم نقل أربعة من الأسيرة في غرفة واحدة وهي التي كانت أكبر في المساحة ، بينما تُركت باقي المتعلقات في الغرفة الأخرى مع فراش نور ..،

-زياد: كل واحد يأخذ بس حاجته المهمة ويحطها في الأوضة عندنا ، واللي مالوش لازمة وهيزاحم ع الفاضي يسيبوه في اوضة الهانم

-نور: ده ع اعتبار ان اوضتي بقت مخزن

-زياد: احدي ربنا أصلاً ان ليكي اوضة لوحدك بدل ما كنتي تباتي في قلب الحمام

-نور: اللهم طولك يا روح

-زياد: يالا انجزوا ، وقت كثير ضاع مننا ع الفاضي

-وليد: أنا هنام جمب الشباك

-حسام: لأ ده محجوز ليا

-زياد: أنا هنام ع الطرف

-معتز: يعني أنا اللي انكتب عليا أنام في النص بينكم

-زياد: اوعى تكون بترفس وانت نايم ، مش ناقصين قلق ع المسا

-معتز: ده أنا نسمة محدش بيحس بيا ، مطرح ما بحط راسي بحط رجليا

-زياد: ياخوفي منك

-معتز: اظمن ... !!

.....

بعد مرور الساعتين ، اجتمعت جميع الفرق في الساحة المفتوحة ، وبدأ توزيع الملابس الخاصة بالتدريبات على الجميع بواسطة قائد كل فرقة ..،

-زياد: خد امعتز ؟

- حسام: بصراحة شكلها هيبقى مهزأ أوي لو طلعت بيه كده قصاد الكل
-وليد: بس أزيووو كنت جيلها مقاس صغير ، في حد يجيب مقاس 4XL لبنت
بتلبس ميديام ولا لارج كأقصى تقدير ، ده احنا كلنا لابسين مقاسات XL
-حسام: ايه الحكمة صحيح انك تجيبهولها مقاس كبير؟
-زياد ببرود وخبث : كيفي كده ، وبعدين خليها تتربى
-معتز: بتقول ايه ؟
-زياد: هه ، مافيش ، بقول ده اللي لاقيته ، وإن كان عاجبها
-معتز: يا شيببيخ
-حسام: لو طلعت قصاد بقية الفرق باللبس ده ، أنا مش عارف هيقولوا ايه عنها !
-معتز: طب ماهي عضوة في فرقنا ، يعني هينوبنا من التريقة جانب
-زياد: محدش هيستجري يفتح بوئه معانا
-معتز: معتقدش
-زياد: فكك
-معتز: طب سيبك من أساليبك دي ، وقولي هنعمل ايه مع
ظل الأربعة شباب يتحدثون سوياً وتناسوا عدم ظهور نور إلى الآن معهم ، بينما
أوشكت نور على الانتهاء من!!!

.....

الحلقة الأربعون :

-معتز: مالك آرش مالحتها

-زياد: ايه آرش ملححتها دي

-معتز: يعني ع طول واقفلها ع الواحدة

وبينما هم يتحدثون ، سمعوا أصوات صفارات متعددة وصيحات وتهليلات ، بل
وإنها كانت تتعالى تدريجياً وتزداد قوة ووضوح ، نعم لقد كان الصوت يزداد قوة
كلما اقتربت نـ.....،،،

-زياد بدهشة: نـور !!!

التفت معتز وحسام ووليد إلى حيث ينظر زياد ووجدوا نور تتجه ناحيتهم في رشاقة
وأناقة غير معهودة ملفتة لكل الأنظار ..،،،

-معتز وهو يفحص عيناه : هـه ، ايه ده

-حسام: يااااااااا دين النبي

-وليد: ده أنا متجاوز غفير بقى

لقد كانت نور ترتدي الزي الذي أعطاه زياد لها ولكن بعد أن ادخلت عليه التعديلات
الأنثوية الجاذبة للأنظار ..

(كانت نور ترتدي البنطال بعد أن تحول بفعل المقص والابرة والخيط إلى بنطال من
النوع البنثاكور الذي يصل إلى ما بعد الركبة بمسافة فأبرز جمال ساقها ، كما
لبست حذائها الرياضي المريح حتى تتمايل في مشيتها ، بينما ارتدت الجاكيت
الخاص بالزي بعد أن ضيقته ليناسب حجم جسدها ومن تحته ارتدت بادي حمالات
أسود اللون ، وكانت تضع فوق رأسها الكاب الخاص بالفرقة ، ولكن في رشاقة
غير معهودة وبحركة بسيطة قامت بخلع الكاب فانساب شعرها الحريري على
ظهرها بصورة مثيرة مما جعل الجميع يعجب بها)

-معتز: هي دي نور ، استحالة

-نور بدلع : اوووه ، سوري يا جماعة اتأخرت عليكو

-وليد: هه ...

-زياد بضيق : ابيه اللي انتي عاملاه ده ؟

-نور بعدم اكتراث: ده العادي بتاعي ، وبعدين هيفرق معاك انت ولا غيرك في ايه ، مش انتو بتقولوا عليا شبه واحد صاحبكم اللي اسمه ... ممم... اسمه ... آآآ

-معتز: اسمه عويس عبد المتجلي

-نور: whatever ، فمعتقدش يعني ان شكلي هياثر ولا هيفرق حتى معاكو ، شوور ولا أنا غلطانة

-حسام: لأ عويس عويس فعلاً !!!

-زياد: انتي اتجننتي ؟؟؟؟ عاوزة تحضري التدريبات بالمنظر ده ؟؟؟؟

-نور ببرود: وفيها ايه ، ده اللبس بتاعي من هنا ورايح في المعسكر

ثم نظرت نور للمنضدة التي كانوا يجلسون عليها و..

-نور مدعية الحزن وبطريقة بها دلح زائد : اووه ، انتو كلتوا من غيري ، يا خساارة ، طب أكل أنا الوقتي ايه ومع مين

-زياد: هنعملك ايه يعني ، ما أنتي اللي اتبيلتي اتأخرتي والأكل هنا بمواعيد مش سايبه هي

-عمر من بعيد برومانسية : لألألألأ مش ممكن، بقى القمر سايب مكانه في السما وواقف عادي كده بينا

-نور بخجل : ميرسي

-زياد بضيق: جاي ليه هنا

-عمر: ميخصكش

-نور: يا حضرت الرائد ملاقيش معاك حاجة كده .. آآآ.. أكلها

-عمر بلهفة : ابييه هو أنتي جعانة

روحنا ناكل مسألناش فيها ، وطنشنا حتى أبسط شيء انها تاكل ، يبقى نستاهل انها
تعمل فينا كده

-وليد: انت بتتكلم صح يا حسام

-حسام مكملاً: تخيل لو انت بتعامل مراتك كده يا وليد هتكون ردة فعلها معاك

-وليد: مش بعيد تقتلني ولا تقطعني حتت وتعبنى في اكياس سودة

-زياد وقد شعر بالندم: ماشي ، كل ده غلطنا فيه ، بس ده مايمنعش انها تطلع
بالشكل ده قصاد الفرق كلها ، لأ وكمان تروح مع عمر

-حسام: عاوزها تعمل ايه لما تلاقي فرقتها حالقين لها

-زياد: تقوم تروح مع عمر !!!

-حسام: هتعمل ايه يعني

-زياد: تروح مع عمر

-معتز: انت علقت ولا ايه

-زياد: يوووه ، أنا مش طايق نفسي ، حد يروح وراها ويجيبها بدل ما أجيبها من
شعرها

-معتز: خلاص اهدى ، أنا رايح

....

في مكان آخر بالمعسكر ،،،

-عمر وهو يناولها السندوتش : اتفضلي

-نور: لأ خلاص مش عاوزة

-عمر: لأ والله ما يحصل لازم تاكلي

-نور: شكراً مش عاوزة

-عمر: أنا عارف انك مضايقة منهم ، هما أصلاً عالم زبالة مش بيعبروا حد
وخصوصاً زياد جلنّف مع الناس و..

بدأت جميع الفرق في التجمع لبدء التدريبات ، وانضمت نور لفرقتها دون أن تتحدث مع أي منهم ، ثم

-العسكري بصوت مسموع: انتبأاااa

-القائد: كل الفرق تجمع هنا ، احنا هنبدأ من دلوقتي التدريبات والشغل الجد ، مافيش هزار ، الكل مطلوب منه ينفذ التعليمات بالحرف ، بالنسبة للمستجدين هتلاقوا معاونين هيفهموكوا تعملوا ايه بالظبط ، ولازم قبل أي حاجة نعرف ان الرياضة أخلاق ، وإن التنافس بين الجميع يكون بنزاهة ووضوح ، أي تجاوزات هتحصل هيكون ليها رد رادع ، ومافيش مانع ان فرقة تساعد فرقة تانية طول فترة التدريب ، وأخر يوم هيتم تقييم جميع الفرق بناءً على عوامل كثير ، بالتوفيق للجميع .. انصرف

بدأت كل فرقة تتجه إلى المكان المخصص لها في التدريب ..

-زياد: احنا هنبدأ الأول بالجري ، هنجري في التراك اللي هناك ده ، وبعد كده هنطلع ع تسلق الجدران وبعدها هتاخدوا break ونستأنف

-حسام: تمام

-وليد: اوك

-معتز: اشطا

-نور: وهو التراك ده طوله أد ايه ، ولا هنجري عليه أد ايه؟؟

-زياد بخبت : هع .. ده مش بمدة ، ولا بأي حاجة ، انتي هتشوفي بنفسك

-نور: تقصد ايه ؟

-معتز هامساً لزياد: خف ع نور ، البننت كويسة و...

-زياد مقاطعاً: أنا لسه معملتش حاجة

-معتز: استر يا رب

اتجه زياد وفرقته وبصحبتهم نور إلى المضمار الخاص بالجري ، وأخذ الجميع وضع الاستعداد ، ثم قام زياد بـ...

-زياد : جاهزين يا رجالاتي

-الجميع: ايوووه

-نور مستفهمة: جاهزين لايه بالظبط

-زياد وقد ذهب لاحضار شيء ما من الداخل : عظيم ..

-نور لمعتز: هو بيعمل ايه؟؟ ورايح فين كده؟؟

-معتز: الوقتي هتشوفي ، اجهزي بس ، وأهم حاجة متخافيش

-نور: اخاف من ايه بالظبط؟؟؟

وفجأة خرج زياد وهو يمسك بكلتا يديه كلباً أسود اللون ، أنيابه مخيفة ومنظره مرعب ، ارتعدت نور كثيراً من هيئته واختبأت خلف معتز كأنها تحتمي بيه ، ثم مال زياد على الكلب قليلاً و وضع على أنفه شيئاً ما ليشتمه .. نعم انه الكاب الخاص بنور ...،،،

-زياد بمكر: يالا يا رجالة ورونا الهمة

-نور وقد اختبأت خلف معتز: ايببيه ده؟؟؟

-زياد : ده اللي هيخليكوا ترمحوا في قلب التراك

-نور: آآآآ... يـ...يعني ايببيه؟؟

-زياد بفرحة : يعني هسيبه وهيجري وراكوا ، وانتي وبختك بقي ..

-نور: آآآ...قصدك ايه؟؟

ظلت نور تجري والكلب يلاحقها ، حاول وليد الإمساك بالكلب ولكنه فشل ..،،

-وليد بغضب: ابييه يا عم زياد قطعت نفسنا ، في حد يعمل اللي عملته ده ، ريكس مش هيسيبها

-زياد: احسن

-معتز: انت ابييه معندكش رحمة

-حسام : لا كده كتير ، الكل يجري وراه يمسه

كان يتابع عمر المشهد من بعيد فقرر أن يتدخل رغم ..

-مازن: ملكش دعوة يا عمر

-عمر: يعني أسيب زياد يعمل فيها كده وأقف اتفرج

-مازن: هما أحرار مع بعض ، فرقة وبتدرب بالطريقة اللي شايفنها مناسبة ليهم

-عمر وهو يتجه ناحية نور : حتى لو كده ، دي ..دي بنت مهما كان ، وأنا رايح لها

-مازن: استنى أعمر

تعبت نور من كثرة الجري ومن مطاردة الكلب لها فعلى ما يبدو أن الكلب مصمم على الإمساك بها ، حاولت النجدة بأي أحد ولكن الكل منشغل في تدريباته ولا يوجد في مضمار الجري سوى فرقة أسود الليل فقط ، ، لذا قررت أن تتوقف لأنها لم تتحمل أن تجري اكثر من هذا و...

-عمر وقد وقف أمامها : حاسبي يا نور

-نور: هه ...

تصدى عمر للكلب الذي قفز فوقه بدلاً من نور وأمسك به جيداً ..،،

-عمر: خلاص اهدى يا ريكس ، شششش

-نور وقد جلست ع الأرض: مش قايلا ادره ، امسه الله يكرمك كويس

-عمر: متخافيش ، المهم انتي كويسة

-زياد وقد أمسك الكلب: الله يا عمر ، هو أحنا مش هنخلص ، انت مش عندك فرقتك ، ايه اللي جايبك هنا

-عمر: وهو في حد عاقل يعمل ده مع بنت

-زياد: ده تدریب ، وهي بنفسها قالت زيها زينا ، واحنا بندرب كده

-عمر لنور: حاة ده حصل يا نور ???

-نور بتردد: آآآ...

-عمر: قولي يانور ، اتكلمي ، لو هو عمل كده بدون موافقتك هيتحاسب ، لأن ده ممنوع يتعمل مع المستجدين !!

كانت نور مترددة هل تخبر عمر عما فعله زياد أم تصمت ، عليها أن تحسم الأمر فوراً لأنها رأت في أعين كلاً من زياد وعمر نظرات تحدي وغضب قد تؤدي إلى كارثة إذا ظلت صامته ...،

-نور بتردد : آآآ... الحقيقة يا حضرت الرائد ، انا..آآآ.. قصدي احنا متفقين ن..ندرب كده

-عمر: يا نور قولي الحقيقة ، متخافيش من حد

-نور : ما..ما أنا بقولك أهوو ، احنا متفقين ندرّب كده

تعجب كثيراً زياد من موقف نور تجاهه ، فعلى الرغم مما يفعله بها إلا أنها لم تسيء إليه إلى الآن !!

-عمر وهو ينظر لزياد نظرات ذات مغذى : ماشي يا نور .. ع العموم أنا موجود ولو في حاجة قوليلي ، وخلي بالك من نفسك

-زياد: طريقك أخضر آعمر ، اتجدعن انت بس في تدريباتك بدل ما أنت مركز معانا

انصرف عمر ، وحاول زياد أن يتحدث إلى نور ولكنها انصرفت من أمامه دون أن تنطق بكلمة مما أثار تساؤلات كثيرة لديه ...،

-زياد في نفسه: غريبة أوي ، يعني رغم انها عارفة اني ورا موضوع الكلب إلا انها أنكرت ده ، طب ليه عملت كده؟؟ واحدة غيرها كانت آآ..

-معتز مقاطعاً: يالابقي رجع أم الكلب ده ، خلاص مش قادر تعبت

-زياد: هه .. طيب ، طيب

-معتز: ع فكرة كنت عاوز أقولك ان نور علمت ع عمر

-زياد : نعم؟؟

-معتز: أقصد ادت لعمر في جنبه لما راحت تجيب أكل معاه

-زياد: ازاي يعني ، أحكي لي بالظبط اللي حصل

-معتز: مش قادر أتكلم ، شوية كده وهبقي أقولك

-زياد: لأ وحياة أبوك انت هتقول الوقتي وإلا والله أسيب عليك ريكس

-معتز: خلاص خلاص هاقولك .. بص !!

حكى معتز لزياد ما دار من حوار بين عمر ونور مما زاد الحيرة لدى زياد حول نور وتصرفاتها

-زياد: طب ليه هي عملت كده

-معتز: معرفش

-زياد: لأ .. أكيد في حاجة

-معتز: أديني قولتلك ع اللي سمعته ، خف بقى عليها مش ناقصين البت تفتس مننا ، وانت شايف عمر مركز معانا ع الآخر

-زياد: والنصيبة ان البت نور بتسكه ع دماغه كل مرة

-معتز: ماهو في ناس مش بنتيجي غير بالسك ع دماغها

-زياد: قصدك ايه ؟

-معتز: قصدي ان الظاهر نور علقت في دماغ عمر

-زياد بضيق: لأ مش ممكن

-معتز: ماهو بالعقل كده ، واحدة في الراححة والجاية بتدي لعمر ع دماغه ، وهو عمل كام موقف جدعنة معاها ، ومصمم انه يساعدها مهما عملت يبقى ايه؟؟
افهمها انت بقى !!!!

-زياد: لأ مستحبييييل!!!!

.....

قابلت نور في طريقها الكابتن رشا وفرقتها ..،،

-نور: ازيك يا كابتن

-رشا: نور .. واو ، انتي عملتي في لبسك كده ازاي ???

-نور: عادي

-رشا: لأ بجد قوليلي ، ازاي ظبطني الطقم كده ع مقاسك

-نور: أبداً جبت مقص وعدة الخياطة وظببته

-رشا: عدة الخياطة طب ازاي؟؟ جيبتها مين دي ???

-نور: احنا متعودين أما بنسافر في أي حطة أو بنروح في أي مكان بنحط معانا شنطة صغيرة أوي زي المقلمة كده وفيها خيط وإبرة ومقص وبنستخدمها في الطواريء

-رشا: تصدقي عمري مافكرت في ده

-نور: البركة في مامي هي اللي علمتنا نعمل كده ، حتى في شنطتي أنا حاطة ابرة وخيط صغيرين يمكن لا قدر الله حاجة تنقطع أو تنفك أعرف أتصرف

-رشا: والله برافو عليك ، أنا هعمل زيك بعد كده ، ولا انتو ايه رأيكم يا بنات

-وفاء: فكرة هائلة وعملية

-نادين: تنفعنا في الزنقة

-نور: اه بصراحة هي نفعتني اوي

-رشا: وان شاء الله تنفعنا احنا كمان

-نور: يا رب أمين

-رشا: انتي رايحة فين كده ؟

-نور: ع التدريب التاني بتاع التسلق ده ، ماتعرفيش هو فين يا كابتن

-رشا وهي تشير بيدها: بصي هناك أهوو

-نور: تمام .. ميرسي يا كابتن

-رشا: ربنا معاكي يا نور ويوفكك

.....

ظل زياد يفكر فيما قاله معتر عن نور ، وعن تصرفاتها معه ومع غيره ، أصابته الحيرة كثيراً ، ظل شارداً لبرهة إلى أن ...

-وليد: مش يالا بقي خلينا ننجز

-زياد: هه ، بتقول حاجة

-وليد : بقول يالا

كانت الحرارة عالية ، ومازال هناك الكثير من المهام أمام الجميع لانجازها ، تجمع عدداً من الفرق للتدريب على تسلق الجدران ،

فهذا التدريب عبارة عن تسلق أحد الجدران العالية عن طريق استخدام شبكة حبال موضوعة على كل جدار ، التدريب يبدو سهلاً ولكنه يحتاج لمجهود كبير من أجل الوصول إلى قمة الجدار العالي ومن ثم الوثب عالياً في الهواء للنزول في الجهة المقابلة ، وصلت نور إلى حيث تتواجد فرقتهما ، كانت تشعر بالإعياء قليلاً ، وبأن حرارتها مرتفعة لذا قررت أن تخلع سترتها و..،،،

نور في نفسها : اووووف ، يااه ع الحر ، مش قادرة ، أنا حاسة اني تعبانة ومش هستحمل أكثر من كده ، ده حتى مافيش هنا تندة ولا حته ضل الواحد يقف فيها ، لأ أنا هخلع الجاكيته ده ، وبعدين في حد يلبسه دوسودة في الحر ده ، ده لو قاصدين نفطس م الحر مش هيعملوا كده ..

خلعت نور سترتها وربطتها حول وسطها وظلت فقط بالبادي الأسود الحملات ، واخذت تحرك يديها لتهوية وجهها ، ثم وقفت خلف زياد الذي كان منشغلاً بكتابة بعض الملحوظات و..،،،

-شخص ما من بعيد: حلااااااااوتك يا أبيض

-شخص اخر: الحر ممكن يعمل أكثر من كده

-شخص ثالث: انت مكانك مش هنا ، انت مكانك التكييف

التفت زياد ليرى عن أي شيء يتحدث هؤلاء الأشخاص فوجد نور بهيئتها تلك ..،،،

-زياد: الله يخربيتك ، هو انتي اللي جاييلنا الكلام

-نور بضيق : في ايه تاني؟

-زياد: بصي ع منظرِك

-نور: ماله

-زياد: ابييه اللي انتي لابساه ده؟؟

-نور: بادي !!

-زياد: الله يحرقك انتي والبادي في ساعة واحدة

-نور: يووووه ، انت بتدور ع أي حجة عشان تتخانق

-زياد: استغفر الله العظيم ياااا رب ، انتي مش شايفة نفسك

-نور: لأ شايفة يا سيدي ، وعارفة ان شبه صاحبكم عويس

-زياد: ربنا ياخذ عويس ع اليوم اللي قولنا فيه كده

-نور والارهاق بيدو واضحاً عليها : بقولك ايه أنا حرانة وتعبانة ومش طايقة نفسي ، مافيش حته ضل هنا خالص ، وانا مش قادرة ، وبعدين مش كفاية قطعت نفسي من كتر الجري ، معنتش قادرة أعمل اي حاجة

-زياد: اصبري ، احنا يدوب ننجز أم التدريب ده ع خير ، وفرکش ع كده النهاردة

-نور: افلح ان صدق

-زياد: بتقولي ايه ياختي ؟

-نور: اتفضل قولنا هنعمل ايه

-معتز بدهشة: ايبيه ده انتي صيفتي امتي ???

-زياد: مش وقت هزارك أمعتز

-معتز: لأ بجد ، البادي شكله نار عليكي

-زياد: ما تلم نفسك أمعتز ولا عاوزني أحدفك من فوق السور

-معتز: الله ! مش بعبر عن رأيي

-حسام: يالا بقى خلونا نخلص

-وليد في نفسه : تيجي منى تشوف البنات بتلبس ازاي ، الظاهر اني خدت مقلب في الجوازَة دي ، يا إما أمها سلوى باصلنا فيها....

.....

Flash back ◻◻◻ لـ ليلة زفاف وليد ،،،

وصل العروسان وليد ومنى إلى منزلهما ، وصدعت أم العروسة سلوى معهما و..

-وليد: ايه يا حماتي ، مش ناوية تروحي بقى

-سلوى وهي تدعي البكاء: مش قادرة أسيب بنتي لوحدها ، إهيء إهيء

-منى: يا ماما هو أنا بيتي الوقتي ، انزلي انتي عشان متتأخرين

-سلوى: آآآه مش قادرة ضهري

-منى بلهفة: مالك يا ماما

-سلوى: الظاهر ان ضهري قافش ، مش قادرة خالص ، آآآه ، الحقيني يا بنتي

-منى : وليد إحق ماما ، اتصرف بسررعة ، انزل شوفلنا دكتور

-وليد بضيق : نعم !! مين ده اللي ينزل

-منى: انت

-وليد: نعم يا روح....قصدي يا مووني

-منى: معلىش يا حبيبي

-وليد: الوقتي !!!

-منى: أيوه

-وليد: ده النهاردة ليلة دخلتي

-منى : معلىش عشان خاطري

-سلوى: متتعيش نفسك يا بني ، أنا شوية وهبقى كويسة ، أفرد بس ضهري وهو

هيفك لوحده

-وليد: الف سلامة عليكى آحماتي

-منى: طب خشي يا ماما ريحي شوية في أوضتنا

-وليد: لأ كله إلا الأوضة ، ده أنا منمتش ع السرير

-منى: وماله يا وليد ، دي ماما برضوه

-وليد: حسبي الله ونعم الوكيل

-سلوى: ايدك يا بني الله يكرمك ، ايوه اسندني كده للأوضة

منى : حاضر جاية ، معلىش يا حبيبي ، اصبر

-وليد: والله المفروض أنا اللي اكون مكانها الوقتي ، نقول ايه بس غير أرزاقاق !!!

ظلت سلوى ملازمة لابنتها طوال يومين حتى فاض الكيل بوليد الذي طلب منها
الرحيل حتى يستطيع أن يجلس مع زوجته بحرية، وبالفعل رحلت بعد اصرار ابنتها
، وجلس وليد مع زوجته ليبدأنا معاً حياتهما الزوجية ، ولكن قرار
المشاركة الاجبارية في الدورة التدريبية منعه في تذوق معنى السعادة ... ■■■

.....

عودة للوقت الحالي ،،،

-وليد: ان شاء الله لما أرجع أنا هاخذ منى ونسافر بعيد ، محدش هيعرف عننا
حاجة وخصوصاً الولية الحيزبونة أمها ... !

بدأ زياد في تسلق الجدار بسهولة ويسر ، ولحق به حسام ، ثم بدأ وليد في تسلقه ،
بينما وقف معتز مع نور يرشدها ..،،

-معتز: حطي رجلك هنا ع الحبل ده، وأمسكي بايدك هنا ، وافضلي اتشعبطي لحد ما
توصلي

-نور: أها

-معتز: بصي هي سهلة جدا ، بس أهم حاجة امسكي الحبل كويس

-نور: أوك

-معتز: يالا ورينا هتطلي ازاي

-نور: اوك

بالفعل بدأت نور تتسلق الجدار ، ووضعت قدمها على الشبكة وبدأت تصعد تدريجياً إلى أعلى ...

-معتز: برافو يا نور .. استمري بقي ع كده

-نور: انت مش طالع

-معتز: لأ ، أنا كده فل

-نور: طب مش ده غلط

-معتز: هو ايه اللي غلط؟

-نور: انك مش تشارك معانا في التدريب ده

-معتز: أنا هعمله ، بس شوية كده

-نور: أها

-معتز: يالا انتي بس اطلعي ، وأما توصلي ل فوق ، نطي ع الجهة الثانية

-نور: ازاي انط من المسافة دي كلها

-معتز: عادي ، في مرتبة هوا هتقعي فوقها ، فماتقلقيش

-نور: أها ..أوك

-معتز: اتوكلي على الله لأحسن الجماعة سبقوكي

-نور: طيب

ارتفعت نور تدريجياً عن الأرض ، واستمرت في تسلق الجدار رغم شعورها بالارهاق والتعب ، ظل زياد يراقبها ولكنه لاحظ شيئاً غريباً ..

كانت نور تشعر بأنها ليست على ما يرام ، تشعر بأن الدنيا تدور من حولها ، حاولت أن تتغلب على هذا الشعور ولكن دون جدوى ، وفي لحظة اختل توازنها و

!!!.....

.....

الحلقة الثانية والأربعون :

ارتفعت نور تدريجياً عن الأرض ، واستمرت في تسلق الجدار رغم شعورها بالارهاق والتعب ، ظل زياد يراقبها ولكنه لاحظ شيئاً غريباً ..

كانت نور تشعر بأنها ليست على ما يرام ، تشعر بأن الدنيا تدور من حولها ، حاولت أن تتغلب على هذا الشعور ولكن دون جدوى ، وفي لحظة اختل توازنها و لم تستطع أن تتمسك بالحبل جيداً ، فأغلقت عيناها واستسلمت لمصيرها ...
رأها زياد فأسرع بيده ممسكاً إياها قبل أن تسقط لأنه كان الأقرب إليها ..،،

-نور: الدنيا مالها بتلف بيا كده ليه ، أنا...أنا.. آآه

-زياد: نووور ، خلي بالك .. نووووووووو نووور

-معتز من الأسفل: حاسبي يا نوووور

-وليد منتبهاً لما يحدث : نووور

-حسام: أوعى تفلت منك

أمسك زياد ذراع نور بيد واحدة ، وباليد الأخرى أمسك بالحبل المثبت على الجدار ، ظل زياد معلقاً في الهواء محاولاً بكل قوته ألا يفلت نور من يديه والتي غابت عن وعيها تماماً ..

-زياد: نووور سمعاني !! نووور ..ردي عليا ، نووور

-حسام: مالها

-زياد: مش عارف ، بس ثبتني كويس لحد ما أرفعها ناحيتي

-حسام وقد أمسك به جيداً: تمام .. خد بالك بس

بالفعل قام حسام بالامساك بزياد جيداً ولحق به وليد مما مكنَّ زياد من استخدام كلتا يديه في شد نور ورفعها ناحيته ، ضم زياد نور إليه واحتضنها جيداً حتى لا تفلت منه لأن المسافة كبيرة إلى الأرض ، ثم صعد بها إلى قمة الجدار وهو متشبث بها تماماً ، اسندها برفق على قمة الجدار العالية ، ورفض أن يحملها أي أحد آخر غيره ،

-زياد بضيق: محدش يقرب منها ولا يلمسها

-حسام: يا عم هنشوف بس مالها

-زياد بنرفزة : لأ

-وليد: اهدى بس يا زياد

-زياد: أنا قولت محدش يجي جمبها

-حسام: طب هتعمل ايه الوقتي؟؟

-زياد: هاخذها وأروح ع العيادة

قام زياد بربط حبلًا حول وسطه ، ثم حمل نور على كتفه ، ونزل الجدار وهو يهبط ببطء حتى وصل إلى الأرض .. ثم جاء إليه معتز وساعده في حل وثاقه، ووضع زياد نور على الأرض وحاول افاقتها بالماء ..

-معتز: بالراحة يا زياد ، حاسب ع دماغها لأحسن تتخبط

-زياد: متخافش ، فك بس الحبل ده عني

-معتز: اوك ، بس ده حصلها من ايه ؟

-زياد وهو يضع نور على الأرض : معرفش

-معتز: خد المياح دي رشها ع وشها يمكن تفوق

-زياد: طيب ..

أخذ زياد يرش قطرات من الماء على وجه نور ، حت أنه بلل يده كلها بالماء ومسح على وجهها ، ولكن دون جدوى فهي لم تستجب له

-زياد وهو يمسح على وجهها بالماء : نوووور .. سمعاني ، يا نوووور ، ردي عليا ، نوووور

-معتز: دي ضايعة خالص

-زياد: أنا رايح بيها العيادة

وهنا جاء عمر متلهفاً لرؤية نور ، وكان على وشك الصدام مع زياد

-عمر بخضة: نوووور ، مالها ، عملت فيها ايه ؟

-زياد: ابعده عنها

-عمر وقد أمسك زياد من ياقته: والله ماهسيبك ، أنت السبب في اللي حصلها

-زياد: أنا مجتث جمبها

-معتز: اهدوا يا جماعة ، خلينا الأول بس نشوف البونية

مال عمر على نور وحاول أن يحملها بين ذراعيه ، ولكنه أوقفه زياد ومنعه من هذا

-زياد: إياك تفكر تقرب منها

-عمر: لأ هاقرب غصب عنك، وهشيلها أوديها للدكتور

-زياد: يبقى انت الجاني ع نفسك

تدخل معتز بين زياد وعمر و...

-معتز: حرام عليكم انتو الاتنين ، البت خلصانة وانتو بتتخانقوا ع مين يوديها للدكتور ، أمي الله يرحمها هي اللي هتوديها ، بس مش عاوزين فضايح اكثر من كده

أنصت زياد لما قاله معتز ، وابتعد عن عمر وحمل نور بين ذراعيه وتوجه بها إلى العيادة الملحقة بالمعسكر ، وضعها على فراش الكشف وانتظر ..

-زياد: الحقوني ، نور اغمى عليها فجأة وأنا مش عارف مالها

-المرض بصوت مرتفع : طب حظها ع السرير هنا بعد أدنك ، يا دكتور أحمد ، يا دكتور أحمد ، تعالي بسررررعة عندنا حالة اغماء

-الطبيب أحمد: فين المريض؟

-زياد: لأ مريضة

-الطبيب أحمد وهو يتفحصها: أها ، اوك

-زياد: لو سمحت قولي مالها

-الطبيب أحمد: لحظة بس اكشف وأعرف في ايه بالضبط عندها

-زياد: اوك

-الطبيب أحمد: حضرتك تعرف اسم المريضة او تقربلها

-زياد بتردد: هه .. أه اسمها نور ، وأنا..أنا ...

-الطبيب أحمد: انت ايه؟؟

-زياد: أنا خطيبها !!!!

-الطبيب أحمد: طيب .. هستاأذنك تتفضل تنتظر بره

-زياد: اوك ، بس والنبي يا دكتور تخلي بالك منها ، ماشي وطمني عليها الله يكرمك

-الطبيب أحمد: حاضر .

خرج زياد من غرفة الكشف وانتظر بالخارج وهو في قمة القلق والتوتر على نور ، لحق معتز به و...

-معتز: ها ايه اخبارها الوقتي

-زياد: الدكتور معاها جوا وهيظمنا عليها

-معتز: ان شاء الله هتبقى كويسة

-زياد: يا رب

-معتز: بس كويس انك خدت بالك ، كان ممكن لا قدر الله آآ...

-زياد مقاطعاً: فال الله ولا فالك يا شيخ ، انت هتقدر البلي ليه ، ان شاء الله هتبقى كويسة

-معتز: مقصدش يا عم ، أنا بس بقول أنه لولا فضل ربنا أولاً وانت بعده كان زمانها ضاعت مننا ..

-زياد: الحمد لله ، قدر ولطف

-معتز: يستاهل الحمد

بعد أن قام الطبيب بفحص نور أعطاها حقنة ما ووضع لها بعض المحاليل ثم خرج ليطمئن زياد عليها ...

-زياد مسرعاً : خير يا دكتور مالها؟؟

-الطبيب أحمد: انخفاض في مستوى السكر في الدم وضغطها كمان نزل ، هي تقريباً بذلت مجهود بدني شديد ، وفي نفس الوقت مكالتش حاجة من فترة فده سببها حالة عدم اتزان وفقدان للوعي

-زياد: يعني هي كويسة؟

-الطبيب أحمد: ان شاء الله هتكون كويسة ، هي محتاجة راحة وتاكل كويس

-زياد مقاطعاً : طب والمحاليل المتعلقة دي ؟

-الطبيب أحمد: لأ دي اجراء عادي بنعمله مع حالتها، اطمئن

-عمر وقد دخل إلى العيادة: ها اخبارها ايه الوقتي

-زياد: برضوه انت !!

-معتز: الحمد لله

-عمر: قولي يا دكتور هي كويسة

-الطبيب أحمد: الحمد لله

-عمر: طب أقدر أشوفها

-زياد: انت البعيد ايه مايبحسش

-عمر: أنا عاوز أظمن عليها

-زياد: وأنا قولتلك هي كويسة ، امشي بقي

-عمر باصرار : مش قبل ما أشوفها وأتأكد انها بقت بخير

-زياد: ياعم بطل رزالتك بقي وحل عن سمايا السعادي

-عمر بتحدي: لأ مش ماشي ، وهات أخرك يا زياد

-معتز: احنا في العيادة يا جماعة ، اهدوا شوية ، واذكروا الله كده

-زياد: استغفر الله العظيم يا رب

-عمر: لا إله إلا الله

ثم جاء حسام ووليد ليطمئنوا على نور في العيادة ؟

-حسام: ايه يا جماعة في جديد ؟

-معتز: لسه

-وليد: طب الدكتور طمنكم عليها

-معتز: الحمد لله

استعادت نور وعيها وحاول أن تتذكر كيف وصلت إلى ذلك الفراش وتلك الحجرة ولكنها فشلت .. قررت أن تنهض عن الفراش وتخرج و...

-نور في نفسها باستغراب : آآآه .. أنا..أنا.. ايه ده ، أنا فين ؟؟؟ أنا..أنا ..آآآه ، ايه اللي جابني هنا ، أنا مش فاكرة حاجة

-استندت نور على طرف الفراش لتنهض ، ونزعت عن يدها حقنة محلول الجلوكوز المعلق وفتحت الباب و...

-زياد وقد جرى ناحية نور ليسندها حتى تجلس : نور !! ايه اللي قومك من السرير

-نور: آآآه...

-عمر: نور انتي كويسة الوقتي ؟

-معتز: نور حاسة بايه ؟

-زياد: اقعدي ماتقفيش

-نور: أنا.. أنا كويسة ، بس..بس

-زياد: بس ايه اللي جابك هنا ؟

-نور: أها

-زياد: اغمى عليكي وأنا جبتك هنا

-نور باستغراب : انت ؟

-زياد: أه

-حاولت نور أن تقف على قدميها مرة أخرى ، ولكنها فقدت اتزانها ، فلحقها زياد وامسك بها ..

-نور وهي تترنج : آآآه

-زياد بقلق واضح وهو ممسك بها: انتي لسه داخنة ، بتقومي ليه ، هو عند وخلص !!

-نور: آآ..

رَهَان رِبْحَهُ الْأَسَدُ ...

-عمر: ابعـد انتـ بس عنـها يا زيـاد وهـي هـتبقـى كـويـسـة

-زياد: انت لسه هنا !!!

-نور بصوت مبـحـوح: لو سمـحـتم عـاـوزـة أمـشـي من هـنا

-معتز: طـب اسـتـنـى لـحـد ما تـقـدرـي تـمـشـي عـ رـجـلك

-نور: أنا..أنا هـاقـدر ، بس لو سمـحـتم خـلـوني أمـشـي من هـنا

-حسام: يا سـتـي تـفـوقـي الأـول والدـكـتـور يـطـمـنا عـلـيـكـي وهـتـخـرجـي عـ طـول

-نور: والله أنا كـويـسـة ، بس بـليـز عـاـوزـة أـسـيـب هـنا

-معتز: حـاضـر يا نور الـلي يـرـيـحـك

وفجأة قام زياد بحمل نور وسط دهشة الجميع وخاصة نور،

-نور بخجل شديد : انت..انت بتعمل ايه؟

-زياد وقد حملها بين ذراعيه: هـودـيـكـي مـكان ما تـحـبـي

-نور: لو سمحت نزلني

-زياد: ما أنا طول اليوم شايلك ، هي جت ع دي يعني !!!

أوصل زياد نور إلى حجرتها ، ثم طلب من اقرانه تجهيز وليمة طعام لنور ..،

-زياد: ارتاحي انتي ، وانا شوية وراجع

-نور في نفسها: ماله ده !! مش بعوايده يعني ميتخافش معايا ، اوباللا احسن

يكون بيدبرلي مصيبة ولا حاجة ، ربنا يستررررر

-زياد لأصدقائه: بصوا بقى عاوز كل واحد فيكو يروح المطعم وينقي أجدعها أكل

لنور

-معتز: ليه

-زياد: من غير ليه

-حسام: مميمم.. ولو اني مش فاهم حاجة بس ماشي

-وليد: ناوي ع ايه المرادي يا زيزوو؟

-زياد: كل خير ان شاء الله

-معتز: مش مرتحالك يا زياد !!

-زياد: اظمن والله يا ميزوو ، هو أنا الوقتي يهمني ايه غير راحة نور وسلامتها ..

بالفعل ذهب معتز وحسام ووليد إلى المطعم الخاص بالمعسكر ، واستطاعوا بعلاقاتهم أن يحضروا طعاماً جيداً لنور .. بينما ذهب زياد إلى العيادة وطلب من الطبيب أن يحضر له ...،،،،

-زياد: هي رافضة تماماً ومصممة تنزل تدرّب ، وانا غلبت معاها ، ومافيش قدامي الصراحة إلا كده

-الطبيب: بس

-زياد مكملًا: أعمل ايه بس يا دكتور ، هي عنيدة ، وأنا عاوزها ترتاح

-الطبيب: ماشي ، بس هو قرص واحد بس

-زياد: تمام

-الطبيب: دويه في مياه أو عصير ، وخليها تشربه ، وبعدها هي هتروح في النوم

-زياد: وده مدته أد ايه يا دكتور

-الطبيب: من 6 لـ 8 ساعات

-زياد: عظيم أوي

انصرف زياد من العيادة ، وقابل أصدقائه أثناء عودته لغرفهم ..

-معتز: انت كنت فين كده ؟

-زياد: في العيادة

-معتز: ليه ؟

-زياد: بجيب دوا

-حسام: هو انت تعبان؟؟

-زياد: لأ

-وليد: أو مال لمين؟؟

-زياد: لنور

-معتز: هي لسه تعبانة

-زياد: لأ ده مخدر !!

-الجميع: بتقول ايبيبويه؟؟؟

-زياد: بصوا بقى ، احنا لسه قدامنا باقي اليوم وعندنا تدريبات كتير مخلصتش ، ونور بحالتها دي هتخلص مننا ، فأحسن حاجة اننا نخليها تنام وترتاح ، ع الأقل عشان تقدر تقاوم بعد كده

-معتز: بس ده مش غلط عليها

-زياد: الغلط اننا نسيبها تقع مننا تاني والمرادي اللي مخدش باله هياخد

-حسام: انا شايف ان زياد عنده حق ، الكلام بينتشر بسرعة في المعسكر واللي معرفش بيعرف

-زياد بصوت منخفض : اه وخصوصاً المخفي عمر

-معتز: بتقول حاجة

-زياد: لأ

-وليد: طب احنا مطلوب مننا ايه؟؟

-زياد: هنخليها تاكل بالعافية ، وتشرب العصير بعد ما ندوب في قرص المخدر

-معتز: وتفتكر هي هترضى

-زياد: غصب عنها ، لو حكمت هكتفها وأخليها تاكل وتشرب

-وليد: اهدى بس ، مش عاوزين عنف معاها ، كله بالمسايسة بيلين

-حسام: بالظبط

وبالفعل توجه الجميع إلى غرفة نور بعد أن أعدوا لها صينية مليئة بالطعام ، طرق زياد باب غرفتها و...

-زياد: (طق..طق..طق) نووور ، ممكن ندخل ؟

-نور: لحظة

-زياد: اوك

ارتدت نور سترتها ومشطت شعرها ثم فتحت الباب ووجدت أعضاء فرقته يحملون الطعام والعصائر لها ..،

-نور بدهشة: ايه ده

-معتز: لقمة على ما أوسم

-زياد: اقعدى يا نور ، احنا جايين ناكل كلنا سوا

-وليد: اه عشان يبقى بينا عيش وملح

-معتز: وبط وفراخ ولحمة وشوربة وعصير وبطاطس

-حسام: بالراحة يا عم

-نور: بس ده كتير أوي

-معتز: مايحسد المال الا صحابه ، يالا بقى أنا عصافير بطني بتصوصو

-نور: معلىش والله مش هاقدر

-زياد بحدة : يوووووه ، مش هنخلص بقى ، يا نور انتي غاوية ليه تتعبيننا معاكي ، قولت هتاكلي يعني هتاكي ،

-نور: أنا ماليش نفس ، هو غصب يعني

-زياد: اه غصب

-حسام: اهدى يا زياد ، مش كده

-زياد: انا غلبت معاها

-نور بعند: وانا قولتلك مش عاوزة

-معتز: طب وحياة اختك نايا

-نور: نعم ؟

-معتز: أقصد يعني عشان خاطر امك واختك كلي

-نور: بليز ، انا والله لو جعانة هاقول

-زياد: احنا هنفضل نتحايل عليكي كثير ، مبدهاش بقى !!

قام زياد بإحاطة نور من الخلف وتقييد كلتا يديها بيديه الاثنتين ، وقف الجميع مشدوهاً بما يحدث بينما صاح فيهم زياد ..،،

-نور: انت بتعلم ايبييه ، ابعده عني

-زياد وهو يكتف يدي نور: يالالاااااا ، انتو هتقفوا تتفرجوا عليا

-نور محاولة أن تتحرر: اوووعى !! انت مجنون

-معتز: ايوه

-حسام: ايه المطلوب

-زياد: هاتولي الأكل ده بسرعة خلينا نأكلها

-نور: لالالالالال

نور: كح... بس بقى

وما إن ارتشفت نور من العصير حتى شعرت أن رأسها ثقيل ، وأنها في حالة ارتخاء لا تستطيع أن تقف على قدميها أو تقاوم زياد ف...

نور: أنا.. أنا

زياد: انتي هتبقى كويسة ، ارتاحي بس الوقتي

فقدت نور وعيها في احضان زياد ، الذي حملها برفق ووضعها على الفراش ، ثم دثرها جيداً ، و..

زياد: كله يطلع بره بقى ، وخلوها تنام

معتز: تفتكر هتسكتلنا ع اللي عملناه فيها

زياد: ده عشان مصلحتها

حسام: أنا دوبت قرص واحد بس في العصير

زياد: كفاية اوي

حسام: انت واثق انه مش هيعملها حاجة

زياد: أه اظمن ، الدكتور بنفسه هو اللي قالي كده

حسام: اوك ، ربنا يستر

وليد: أنا لميت الأكل خلاص

معتز: هات نايبى ، أنا جعان وشقيان ومكلتش حاجة من الصبح

وليد: تعالي نتقاسم بره

معتز: ماشي بس انا عاوز الصدر مش الفخد

وليد: اللي أديهولك تاكله وانت ساكت

معتز: لالالا انت مكونتش كده أوليبيد ، الظاهر ان الجواز بوظ أخلاقك

-نائل: يالا بقى أنا جعان وعاوز اكل

-هدى: أصبر على رزقك

-نائل: ماشي

سمعت هدى طرقات على باب المنزل فذهبت لترى من الطارق ..،،

-هدى : طيب ياللي ع الباب،أنا جاية أهو

فتحت هدى باب شقتها لتجد أن الطارق هو ...

-هدى بفرع: انت ...!!!

-سامح: ايه يا مرات عمي ، مش هتجوليلي اتفضل

-هدى: هه .. أه ، آآآ.. اتفضل يا سامح

-سامح: العواف عليكم ، أني جولت طالما مابتجالوش ، اجي أسأل أني بنفسي

-هدى: ماينسألش ايه بس يا بني ، ما أنا لسه كنت عندكم ، هو انت نسيت اللي

حصل لنائل و...

-سامح مقاطعاً: او مال فين بنات عمي ؟

-هدى: آآآ... موجودين بس ..

-سامح: ونور بت عمي أخبرها ايه؟؟ وجوزها ..جصدي اللي هييجي جوزها عامل

ايه؟؟

-هدى: آآآ..الحمدلله ، نور فـ.في الشغل و..

-نايا من الداخل : مامي أنا حظيت الأكرم... سـ...سامح

-سامح ببرود: مالك يا بت عمي ، مخضوضة كده ليه؟؟ شوفتي عفريت !!

نايا: انت بتعمل ايه هنا ؟

-سامح: جاي أزوركم وأطمئن عليكم وبالمرّة أسأل مرّات عمي عن
!!!

.....

في المعسكر ،،،

استيقظت نور ولم تدرك أنه قد مر عليها ليلة بحالها وهي نائمة لا تدري كيف نامت
كل تلك المدة ، ولكنها تذكرت الذي فعله زياد معها ، غضبت لبعض الوقت ولكنها
هدأت حينما ادركت انه كان يهتم بها و...

-نور: ياااه ، أنا نمت كل ده مش معقول ، هو ايه بس اللي حصل .. ممم.. زياد ،
بقي تعمل فيا كده ، طيب ماشي ، بس..بس هو كان همه اني اكل وأسترد صحتي
..مممم.. بس برضوه مش بالأسلوب ده ... أوووبا ، ده أنا أتأخرت أوي أما أجهز
بسرعة عشان الحق أحصلهم في تدريبات النهاردة

وبينما كانت نور ترتدي ملابسها ، سمعت طرّقاً على الباب

-نور: حااضر ... لحظة

-معتز من الخارج : (طق..طق..طق) الجميل صحن

-نور: ايوه ، ثواني بس

-معتز: اوك براحتك ، انا بس بقولك اجهزي عشان عندنا تدريب كمان شوية

-نور: اوك

-معتز: أنا جببتك فطار معانا ، خلصي وحصلينا ع المطعم

-نور: اوك

وبالفعل ارتدت نور زيها وتوجهت نحو المطعم الملحق بالمعسكر ، ولكن قابلت في طريقها ...

-عمر: نور

-نور: أهلا حضرت الرائد

-عمر: ازيك الوقتي

-نور: أحسن الحمد لله

-عمر: انا كنت هتجنن عليكي امبارح ، بصراحة آآ...

-نور مقاطعة: محصلش حاجة ، أنا دوخت بس دي حاجة عادية

-عمر: عادية بالنسبالك لكن أنا لأ

-نور: معلش عشان متأخرش

-زياد مقاطعة: كل ده يا هانم عشان تيجي ، شغالين عندك

-نور: آآآ

-عمر: جرى ايه يا زياد ، انت بتكلمها كده ليه ؟

-زياد وقد حاول مسك أعصابه : احنا مش فاضين ، وعندنا حاجات كتير لازم تتعمل ، وبعدين انت هتفضل مرقلها كده في الرايحة والجاية

-عمر: ايه مرقلها دي ؟

-نور: ع فكرة أنا كنت جاية ع المطعم ، ومش آآ...

-زياد مقاطعة: طب اتفضلي انجزي ، كفاية مياعة ودلع مع خلق الله

-نور: أفندم؟؟ مياعة !!

-زياد وهو يدفعها للامام: يالا

-نور: نعم؟؟

-زياد: مش كل ما أروح أدور عليكى ألاقى واقفة معاه

-نور: لو سمحت

-معتز: بالراحة يا زياد

-نور: انت .. انت بتكلمني كده ليه

-زياد: انا بعرفك بس ان لو شوفتك مرة تانية واقفة معاه مش هيحصلك طيب

-نور: ده انت بتهددني بقى

-زياد: اعتبريها زي ما تعتبريها

-حسام: في ايه لده كله يا زياد

-زياد: الهانم عارفة

-نور: انت.. انت بتجيب الكلام ده منين

-زياد: بشوف بنفسى ياختي

-نور: انت فاهم غلط

-معتز: مش أنا قولتك قبل كده يا زياد ان ...

-زياد مقاطعاً: ان كلامي واضح ويا ريت يتسمع

-نور بتحدي: لأ بقى ، الكلام ده تقوله لنفسك مش ليا ، انت ناسي أنا أبقى ايه ؟

-زياد: طز

-نور: فيك

-زياد : انتي اتهبلتي

-نور: والله ما هسكتلك لو طولت ليانك عليا

-زياد: أنا بعد كده هطول ايدي

-حسام: صلوا ع النبي

-معتز: في ايه يا زياد ، انت بتعمل من الحبة قبة ليه كده بس؟؟

-نور: أصل قطته جمل ، مش طايق لحد كلمة

-زياد: هو ده اللي عندي ، وطول ما احنا هنا في المعسكر هتسمعي كلامي
والجزمة فوق رقبتك

-نور: الجزمة دي ليك انت مش ليا

كاد زياد أن يضرب نور ولكن وقف معتز حاجزاً بينهما ..

-معتز وقد وقف حاجزاً بينهم : أم الجزمة ع اللي عاوزاها ، الناس اتفرجت علينا ،
خلاص بقى ، كده مش هينفع

لاحظ القائد اضطراب الأجواء في المطعم ، فجاء ناحية زياد ورفاقه ثم ..

-القائد: ايه اللي بيحصل هنا؟؟

-زياد: آآآآ

-معتز: مافيش يا فندم

-نور: بنتفق ع التدريبات

-القائد: مممم.. طيب ، شدوا حيلكم يا شباب ، عاوز فرقة أسود الليل تتصدر الدورة
زي كل مرة

-حسام : ان شاء الله يا فندم

-القائد: أنا متفائل ، وخصوصاً معاكم وجه جديد وجميل

-نور: شكراً يا فندم

-القائد: زياد خلي بالك من اعضاء فريقك ،وعاوز أشوف روح التعاون بينكم

-زياد: تمام يا فندم

انصرف القائد وعلى وجه كلاً من زياد ونور نظرات حقد وغضب وتحدي و..وعيد ..

-حسام: يالا بقى خلونا نجهز عشان عندنا تدريب السباحة

-نور باستغراب : سباحة؟؟

-معتز: ايوه ، جينا لجو الشقاوة والبلبطة

-وليد: ما بتصدق انت

-معتز: مش احسن ما نقف في الشمس ، خلينا نعوم شوية

-نور : سباحة !!

-حسام: أنا هسبقكم ع الأوضة

-وليد: لأ استناني أنا جاي معاك

-نور: سباحة !!

-معتز: في حاجة يا نور

-نور: هه.. لأ مافيش

-معتز: طب يالا

-نور: هه... طيب ، جاية وراكم

-معتز: متتأخريش

-زياد: تلاقيها هتستنى أما يجي سبع البيه عمر عشان يديها الاذن

-نور: استغفر الله العظيم يااا رب ، انا ماشية من هنا بدل ما أتخنق

-زياد: ماشي يا نور !!!!!!!

توجهت نور إلى غرفتها ويعلو وجهها القلق والاضطراب فهي لا تجيد السباحة بدرجة جيدة ، كل ما تعرفه عن السباحة هو بعض المبادئ العامة ، ولكن

كممارسة فعلية لها فستصنف كـ (مبتدئة) ، بالإضافة إلى هذا كانت نور محتارة ما الذي يجب عليها أن ترتديه ..

-زياد من الخارج : اخلصي بقى ، ولا عاوزة تنزوقي يمكن تعجبي البيه

-نور : لأ بقى انت مصر انك تحرق في دمي بكلامك ده ، طيب أنا هوريك بقى ، طالما انت مش ناوي تتعدل في اسلوبك معايا

قررت نور أن ترتدي ملابس السباحة الخاصة بها وخرجت من غرفتها لتجد زياد مرابطاً بجوار باب غرفتها و...

-زياد: الله يخربيتك ، ايه اللي انتي لابساه ده ؟؟؟؟؟؟؟

-نور: ابيه العادي بتاعي

-زياد: يا شيخة !! بقى ده العادي بتاعك ؟؟؟ او مال اللي مش عادي هيكون ازاي

كانت نور ترتدي مايوه من النوع البكيني ذواللون الأسود وتربط حول وسطها ايشارياً شفافاً وتضع في قدمها شبشباً ذو الأصبع ، ثم وضعت على رأسها نظارة سوداء مما جعلها تبدو فاتنة ومثيرة ..

-زياد: انتي بتهرجي صح !! هتروحي تدريب السباحة كده

-نور: أه طبعا

-زياد: انتي فاهمة انك هتروحي وسط رجالة مش جيم حريمي

-نور وهي تعقد ذراعيها أمام صدرها : عادي

-زياد: هو ايه اللي عادي ، ده انتي..انتى .. مش عارفة أقولها لك ازاي ، انتي هتقلبي الدنيا هناك

-نور: So what ؟؟

-زياد بحنق : صوتوا بدري عليكى يا شيخة

-نور: اييه

-زياد بصوت مرتفع : امشي اقلعي المسخرة دي حالياً

-نور: لا مش هاقلع وهاروح كده

-زياد محاولاً أن يمتص غضبه ويبدو هادئاً : اللهم طولك يا روح ، بصي يا بنت
الناس روحي غيري لبسك ده والبسي أي حاجة تانية تكون طويلة وتداري جسمك
ده

-نور: ماله جسمي ، مش ده اللي شبه عويس

-زياد: منك لله يا عويس ، انت السبب في اللي احنا فيه ، بصي بلبسك ده انتي كده
ناوية تتسببي ان المعسكر كله يا إما يروح السجن ، يا هيلبس قضية آداب ، يا
هيطلق مراته !!

-نور: ليه يعني ، ما انا عادية خالص

-زياد: عادية ايبيه بس ، خشي غيري بقى

كان عمر على وشك اللحاق بباقي الأفراد ، ولكنه لمح نور وهي ترتدي المايوه
فخطفت أنظاره وقلبه و..

-عمر وهو يطلق صفيراً من بعيد: اللهم صلي ع النبي ، قمر قمر قمر

-زياد: ارتحتي الوقتي ، اهو ده اللي كنت خايف منه

-نور وقد شعرت بالقلق: آآ..

-عمر وهو ينظر لنور بنظرات متفحصة أخرجتها: للألألا ، أنا مش هاقدر على كده
، هوفي كده ، زي الكتاب ما قال

-زياد: ماتحترم نفسك

-عمر: سيبنني يا عم زياد أعبر عن رأيي في الجمال الرباني

-نور وهي تتوجس خيفة من نظرات عمر : أنا... أنا .. داخله الأوضة ، يا..ياريت
يا زياد قصدي يا حضرت الرائد زياد تستتاني هنا

-زياد وقد شعر بتوترها : أه طبعا ، أنا أعدلك هنا ، عشان نروح سوا

-عمر: داخله الأوضة ليه ، ما أنتي كده فل أوي

-زياد: خشي جوا يا نور ، وانجزي

-نور: أمانة عليك ما تمشي

-زياد: اطمني

دخلت نور الغرفة لتبدل ملابس السباحة بأخرى أكثر حشمة ، بينما ظل زياد مرابطاً أمام باب غرفتها ..

-زياد: طرقتنا بقي

-عمر: مش أما تخرج

-زياد: ياض انت معجون من ايه؟؟ من الرزالة

-عمر: الله ، مش قولتلك أنا عيني عليها ..

-زياد: وهي مش عاوزة عينك ولا ايدك ولا أي حاجة منك ، اتفضل بقي

-عمر: مممم.. وماله ، هنروح من بعض فين ، لسه قدامنا وقت كتيررررررر

-زياد في نفسه بضيق : أل أنا كنت ناقصك يا زفت الطين ...!!!

خرجت نور بعد أن ارتدت ملابس أخرى (برمودا كحلي وبادي أبيض في كحلي)

-زياد: ولو اني مش مبسوط من اللي انتي لابساه ده ، بس ع الأقل أرحم من الزفت اللي كنتي لابساه

-نور: يووووه ، او مال فين عمر؟؟

-زياد: همك أوي !! اتنيل غار في داهية ، يالا اتفضلي قدامي

-نور: طيب ، ماتزوعش

.....

في منزل عبد الرحمن فوزي ،،،

-نايا: انت بتعمل ايه هنا؟؟

-سامح: جاي أزوركم وأظمن عليكم وبالمرة أسأل مرات عمي عن فرح بت عمي

-هدى: آآآ..

-سامح: مش انتو خلاص حددتوه

-هدى بترد: هه .. آآآ.. اه طبعا

-سامح: طب أنا بجى عندي اقتراح أكيد هيعجبك

-هدى: ايه هو؟

-نايا في نفسها: ربنا يستر ، مش مستريحة لزيارة سامح

-سامح: ايه رأيكم نعمل فرحهم حدانا في البلد؟

-هدى بقلق : بـ...بتقول ايه؟؟؟

-سامح: اللي سمعته يا مرات عمي!!!

.....

الحلقة الرابعة والأربعون :

-سامح: ايه رأيكم نعمل فرحهم حدانا في البلد؟

-هدى بقلق : بـ...بتقول ايه؟؟؟

-سامح: اللي سمعته يا مرات عمي ، مش هما خلاص ناويين يتجاوزوا ، ليه بجى

نخلي الفرحة اهنة ، وكل أهلنا وحبائنا هناك !

-هدى: بس.. أصل الحكاية ان ...

-سامح: في ايه يا مرات عمي؟؟ مش مبسوطه من الفكرة ، ده أبوي الحاج فاروق بنفسه هو اللي موصيني ان فرح بنت أخوه المرحوم يتعمل هناك ، ولا البيه جوزها مستعر منينا لا سمح الله!!!!

-هدى: لأ مش كده والله بس..

-سامح: من غير بس يا مرات عمي ، أبوي جال كلمة وان شاء الله الفرح هيبجي هناك

-هدى: ربنا يسهل

-سامح: هستنى منك تلافون تخبرينا فيه بالمعاد عشان نستعد

-هدى: ان شاء الله

-سامح: كان نفسي اجعد أكثر من اكده ، وأشوف بت عمي وأباركلها بنفسي ، بس ملحوقه ان شاء الله .. في الفرح هباركلها بنفسي و..و.. ربك يعمل اللي فيه الخير

-هدى: لسه بدري يا..يا سامح ، ده انت لسه مخدمتش واجبك ، الحاجة الساقعة بسرعه يا نايا

-سامح: لأ أنا كده تمام .. وماتنسيش يا مرات عمي ، تبلغينا بالمعاد بالكثير ع بكرة عشان نجهزوا كل حاجة للعرايس

-هدى: بكرة!!

-سامح: ايوه ، عاوزين نفرح

-هدى: ربنا ييسر

-سامح: استأذن أنا .. سلام يا..يا مرات عمي

انصرف سامح وترك هدى ونايا يعانيان من هول القنبلة التي ألقاها في وجه
كلتاهما ...

-نائل من داخل غرفته : ماما يا ماما ، انا وقعت من الجوع خلاص ، مين كان بره
؟؟ ما حد يرد عليا ، يا عالم ياللي في البيت ياهووووو .. مالهم دول ساكتين كده
ليه ومحدث معبرني

-نايا: هنعمل ايه في المصيبة دي يا مامي؟

-هدى وقد جلست على أقرب مقعد: مش عارفة ، والله ما عارفة يا بنتي

-نايا: أنا قولت من الأول ان زيارة الزفت سامح لينا دي وراها كارثة

-هدى: العمل ايه يا ربي الوقتي

-نايا: ده بيقول بكرة لازم نبلغه بمعاد فرح زياد ونور

-هدى: وزياد أصلاً لحد الوقتي مردش عليا

-نايا: طب هنتصرف ازاي؟؟

-هدى بعصبية شديدة : معرفش ، معرفش ، أنا حاسة ان مخي اتشل ومش عارفة
أفكر

-نايا: اهدي يا مامي ، ان شاء الله هتدبر

-هدى: أنا لازم أكلم رباب تساعدني في الموضوع ده

-نايا: أيوه صح ، أنطي رباب ممكن تقولنا ع أي حل

أسرعت هدى بالاتصال برباب لكي تخبرها بما جد لديها ..

-هدى هاتفياً: ألووو ... أيوه يا رباب ، الحقيني في كارثة هتحصل

-رباب: خير يا هدي في ايه؟؟؟ طمني؟؟

-هدى : اللي حصل إن!!!

.....

عودة إلى المعسكر مرة أخرى ،،،

تجمع معظم الأفراد بالقرب من المنطقة الخاصة بالسباحة ، كان معتز ووليد وحسام ينتظرون وصول زياد ونور حتى يبدأوا تدريباتهم ...

-معتز: ايه اللي أخركم كل ده

-زياد: عادي يعني

-نور:

-حسام: طب يالا بينا ، عارفين هنعمل ايه

-وليد: زي كل مرة ، ايه الجديد يعني

-نور: هنعمل ايه ؟

-معتز: هنط

-نور: تصدق مكوناتش اعرف

-حسام موضحاً: بصي احنا هنطلع ع السلم اللي هناك ده فوق حمام السباحة وهنط من على مسافات مختلفة ، مرة 5 متر ، ومرة تانية 7متر ومرة 10 متر

-نور في نفسها: يالهوي

-معتز: وخدي الثقيلة بقى في مسافة 20 متر ودي للمحترفين ، مش لأي حد يعني

-نور: طب ما كده الواحد ممكن يقع ع جدور رقبتة تتكسر

-معتز: ليه هو الواحد هينتحرق؟؟ ماهو هينط جوا حمام السباحة مش براه ، انتي الظاهر فاهمة النطة غلط

-نور: طب ما فيش نطة مسافة متر

-معتز: لأ في ، بس ده وسيادتك بتعدي على لامواخذة بركة مياه في الشارع وخايفة هدمك تتبل

نور: أها

زياد وقد خلع تيشرتة : جاهزين يا رجالة

-حسام: تمام

-وليد: أيوه

-معتز: كله على الله

زياد: وانت يا نور ، جاهزة ولا هتفضحننا

نور: أفضحكم ، ليه ان شاء الله ، أنا..ب.. بعرف أعموم ، أه ع أدي بس بعرف

زياد مستهزءاً: عوم كلابي يعني

نور: ايه كلابي دي ، لأ بعرف أعموم أحسن منك

زياد: والله شكلك فشارة وبايعة أونطة

نور: لأ انا مش فشارة وأقدر أنط من اعلى مسافة من غير ما يتهزلي رمش

زياد: لا والله ، طب خلاص ورينا مهاراتك العالية يا ست المحترفة

نور بتحدي: اه هوريك

-حسام: خلاص يا نور ، زياد بيهزر معاكي

-وليد: متخديش الأمور جد

زياد: يا عم هي جبانة ومش هتعرف تعمل حاجة ، دي آخرها تنط Start وتمسك

الـ board

نور: مين دي اللي تنط start !! أنا هنط من أعلى نقطة وهوريك

زياد: يا بت انتي شكلك ريش ع مافيش ، مش هتقدري

نور: ماتستفزنيش ، انت عارف كويس اني أقدر أعمل كده

زياد بسخرية: لأ مش هتقدري .. انتي بؤ ع الفاضي

-مازن: أهوو ده احسن يوم في التدريبات كلها

-عمر: اه الصراحة

-مازن مشيراً إلى فرقة زياد : الله مش ده زياد وفرقته

-عمر: تصدق هما .. بس فين .. فين نور ???

-مازن: الظاهر مجتثش

-عمر: استحالة ، ده أنا سايبها مع زياد

-زياد بعد أن رأى عمر: يخربيته ، ده كأنه متسلط عليا

-عمر: اهلاً زياد

-زياد بقرف: اهلا ، انت ايه اللي جايبك هنا ، مش تدريبك كان الفنون القتالية

-عمر بغمزة : عادي يعني ، اقترحت ع الزملاء اننا نبدل ، أصل أنا حابب فرقتنا
احنا الاتنين تكون سوا وهي بتدرب ، فاهمني طبعاً

-زياد بقرف: استغفر الله العظيم ، ومين سمحك بده ، المفروض الجداول
والمواعيد محطوبة ...

-عمر مقاطعاً: دي فايذة العلاقات الجامدة يا برنس

-زياد: هه

-عمر وهو يبحث عن نور بعينيه : أو مال فين القمر بتاعنا

-زياد: قمر في عينيك

-عمر: مش هي كانت جاية معاك

-معتز بصوت مرتفع: نووور ، انزلي الله يكرمك وبلاش تهور

-عمر بفزع: ايه ده !! نووور .. انت ازاي تسببها تطلع تنظ من فوق كده لوحدها

-زياد بثقة : هي مش هتنط أصلاً

-عمر: يا غبي هما كاتيين ان النط في حمام السباحة امبارح والنهاردة لمسافة 5 متر فقط لأن لسه هيترفع باقي المنسوب ع بالليل

-زياد برعب: ايبيبيبيبية بتقول ايه ???

-عمر: ما انت لو كلفت نفسك وكنت بتقرى المكتوب في الكتيب اللي معاك ولا حتى الورقة اللي متعلقة هناك دي كنت عرفت ده

-زياد بصوت عالي : نــــور ... انزلي بسرعة

-عمر: نــــور .. اوعي تنطي

أغمضت نور عينيها وقررت أن تقفز وألا تستمع إلى ما يقولون ، ،

-نور: أبدأ مش هنزل ، هحاول ، هيحصل ايه يعني ، ان شاء الله هنجح ، هأخذ نفس عميق و..

-زياد برجاء شديد : عشان خاطري يا نور ارجعي متنطيش

جرى عمر ناحية السلم ليحاول منع نور من القفز من تلك المسافة العالية ..،

-عمر بصوت مرتفع: نوووور ، استيني ، متنطيش ، أنا جاي أنط معاكي

-نور: شكراً مش عاوزة مساعدة من حد ، أنا هنط ، وده آخر كلام عندي

-زياد وقد جرى ناحية السلم : يا نوووووووووووووور ،

ولكن سبق السيف العزل وسُمع صوت ارتطام قوي و...

-زياد صارخاً: لألألألألأ!!!!!!!

.....

الحلقة الخامسة والأربعون:

جرى عمر ناحية السلم ليحاول منع نور من القفز من تلك المسافة العالية ..،
-عمر بصوت مرتفع: نوووور ، استيني ، متطيش ، أنا جاي أنط معاكي

-نور: شكراً مش عاوزة مساعدة من حد ، أنا هنط ، وده آخر كلام عندي
-زياد وقد جرى ناحية السلم : يا نوووووووووووووور ،

ولكن سبق السيف العزل وسُمع صوت ارتطام قوي و...

-زياد صارخاً: لألألألألأ

قررت نور أن تقفز دون أن تنظر أي أحد لكي يساعدها ، ارتطمت نور ارتطاماً قوياً
بالمياه في داخل حمام السباحة ، كان عمر في منتصف الطريق حينما كان صاعداً
إلى نور ، بينما كان زياد على وشك صعود السلم ، فلما سمعا صوت الارتطام ، قفز
كلاهما خلفها بسرعة رهيبية ، وسبحا في اتجاهها ، ثم لحق بهم حسام ووليد ،
ووقف معتز خارج المسبح ينظر لما حدث في ذهول تام !!

-عمر بلهفة وهو يسبح تجاهها : نوووور

-زياد: نور

لم تظهر نور أو حتى تطفو أمامهم على سطح مياه المسبح ، بحث الجميع عنها ، ثم غاص زياد ليجد نور راقدة بالأسفل وتفرد كلتا ذراعيها بعد أن فقدت وعيها من قوة الارتطام وتغيير الضغط ، حاول عمر أن يساعد زياد في انتشالها من المياه ...

انتبه الجميع أن نور فقدت الوعي نتيجة قوة الارتطام ..

-حسام محذراً : حاسبوا على دماغها

-وليد: بشويش وانت بتحركها

-زياد بحزن : نووور .. عملتي كده ليه؟؟

-عمر: انت السبب !

-معتز: حرام عليك يا زياد

-زياد: اسكتو كلكم خلونا نلحقها الأول

-حسام: بسرعة ، امسك يا معتز

-وليد: شوف كده دماغها ان كانت اتعورت ولا لا

سبح زياد بنور ناحية جانب المسبح ، التقطها منه معتز وحملها برفق ووضعها على الأرضية وأمال رأسها قليلاً ، ثم خرج الجميع من داخل المسبح و...

-زياد وهو يحاول افاقتها : نووور .. نووور

-عمر: دي شكلها قاطع النفس ع الاخررررر

-زياد: ان شاءالله يتقطع نفسك انت .. ارحمنا شوية

-حسام: بص شوف في جرح في دماغها

-زياد: لأ مافيش الحمدلله

-معتز: هي مش بتتنفس ولا ايه؟؟

-عمر: باين لأ ، دي شكلها عاوزة تنفس صناعي ، حاسب أنا هعملهولها ، أنا خبير
في الاسعافات الأولية اللي من النوع ده

-زياد: وعزة جلال الله هتكون محصلها لو فكرت بس تعمل ده

-عمر: انت لا بترحم ولا بتسيب رحمة ربنا تنزل

-معتز: ياعم حظ ايدك ع بؤها وشوف طالع هوا ولا لأ

وضع زياد يده على فم نور ولكنه لم يجد أي شيء ، مال برأسه على صدرها
ليستمع لضربات قلبها ، فوجد أن النبض ضعيف ، فأسرع بالضغط على صدرها
لعله يستطيع أن ينقذها ...

-زياد وقد أخذ يضغط على صدرها بكلتا يديه: 1 ، 2 ، 3 ..

-معتز: يااااا رب استر

-حسام: اضغط جامد يا زياد

-عمر: انت هتحسس عليها ، سيبيني أنا أفوقها

-زياد: شيلوا الواد ده من قصادي بدل ما أرتكب فيه جناية

-مازن: تعالى يا عمر ع جنب

-عمر: مش همشي غير لما أظمن ع نور

-مازن: طب خليك ساكت يا عمر

-زياد وهو مستمر في الضغط : 1 ، 2 ، 3 ..

-نور وقد رشقت بعض الماء : كح..كح ..

-حسام: الحمدلله ، الضغط جاب نتيجة

-معتز مسرعاً : خلي راسها تميل عشان المياح تطلع بره بؤها

-زياد وقد أمال رأسها : نووور ، سمعاني

نور بعد أن أفاقت قليلاً : آآآ...أنا..أنا.. نـ.نطيت صح ؟

-معتز: وده وقته

-زياد: أيوه نطتي ، بس ليه عملتي كده ، خضتيني عليكي ، حرام عليكي يا نور ،
ليه عملتي كده ؟؟؟؟

-نور: آآآ...أنا...أنا يعرف أنط ..آآآ.. صـ.صح ؟

-زياد: يا ستي انتي أجدع من رانيا علواني ومن أبو هيف نفسه

-معتز: أبو الليف ؟؟ هو بيعرف يعوم ؟؟

-حسام: اسكت يا بارد

-وليد: الحمد لله انك بخير

-حسام: بلاش يا زياد تتحدى نور تاني ، أهي أثبتتك نفسها

-عمر مستفهما: يعني ايه اللي بتقوله ده يا حسام ؟؟

-حسام: زياد حب بس يشوف ان كانت نور هتتعرف تنط ولا لا ، وأهي طلعت بميت
راجل وعملت ده ..

-عمر مقاطعاً: يعني انت السبب في اللي كان هيحصلها يا زياد؟

-زياد: ملكش فيه ، انا مش عارف انت مالك ومال فرقتي واللي بنعمله ما تركز مع
زمايلك أحسن

-عمر: طيب ماشي !!، أنا بقى مش ورايا إلا أنت ، وهبلغ عنك يا زياد وهاقول انك
بتعرض حياة زمايلك للخطر زي ما بلغت عنك قبل كده

-زياد: بتقول ايه؟؟؟

-عمر: اللي سمعته !!

-زياد: يعني انت اللي عملت فيا شكوى بخصوص نور وكنت هتحويلني للتحقيق
؟؟؟؟

-عمر والغضب يعتريه : أيوه ، وياريت التحقيق جاب نتيجة معاك ، لكن عرفت بعد
كده ان نور اتنازلت عن حقها في الشكوى ، وضيعت الفرصة في انك تتربى

كانت جميع الفرق في المعسكر تبذل قصاري جهدها لتحقيق نتائج مرجوة ، انتقلت معظم الفرق لتؤدي التدريب الجديد الخاص بالفنون القتالية ..

كانت قواعد ذلك التدريب تقتضي أن يتم اختيار كل عضو من فرقة ما لينافس عضو من فرقة اخرى عن طريق الاختيار العشوائي أو القرعة ، انضمت فرقة زياد لذلك التدريب وتفاجئوا بوجود فرقة عمر معهم ..

-زياد: شايفين مين هنا ، وتقولوا بقى مين بيجر شكّل الثاني

-حسام: مالناش دعوة بيه

-زياد: اعوذو بالله ، عامل زي المطب الصناعي الرخم اللي تلاقيه طالعك من غير احم ولا دستور

-وليد: فكك منه ، خلينا ننجز في التدريب ده

-نور مستفهمة : احنا ايه المطلوب منا في التدريب ده ؟

-معتز: نتخايق

-نور: نعم ؟

-معتز: زي ما سمعتي كده ، نتخايق ، بمعنى أدق ده تدريب العين صابنتي ورب العرش نجاني

-نور : مش فاهمة

-معتز: يعني ده بالبلدي كده هنطحن بعض لحد ما يبانلنا صاحب

-نور : يالهوي !!

-معتز: لأ لسه الصويت جاي بعدين

-عمر مقاطعاً: ازيك يا نور ، عاملة ايه الوقتي ؟

-نور: هه ..آآ... الحمدلله

-عمر: بصراحة لو مكونتيش جيتي التدريب ده مكونتش عارف هقدر أكمل ازاي

-زياد: ده ع أساس ان كل اللي موجودين قصادك هفأ

-نور: البركة في حضرتك و..

-عمر: نفسي تشيلي التكلفة اللي بينا دي وتناديني زي ما بناديكي كده

-زياد بضيق : يالا بقى خلونا ناخذ أماكنا ، ولا هنفضل متعطلين كده كتير

بالفعل اتخذ الجميع أماكنه وكانت المفاجأة أن فرقة عمر تنافس فرقة زياد
وستتشارك معهم التدريب ...

-زياد: كمان ، هيتيلوا يدربوا معنا

-حسام: ساعة وهددي

-زياد: ساعة كأنها سنة ثقيلة على قلبي

بدأ المسئول عن هذا التدريب (والذي كان يمتاز بضخامة جسمه وعضلاته البارزة ، وقوته الجسمانية العالية) في انتقاء الأسماء عشوائياً لكي يبدأ النزال الجماعي و ..

-المدرّب: زي ما حضراتكوا عارفين أن احنا بنختار كل اتنين يقفوا قصاد بعض
عشان يتنافسوا في مهارات الدفاع عن النفس حتى لو كان من نفس فرقتك ، و
لازم واحد بس اللي يكسب من الاتنين المتنافسين مع مراعاة تجنب ضرب أي
مناطق حساسة أو محظورة في الجسم و...

-نور هامسة لمعتز : أنا ماليش في اللي بيقوله ده

-معتز: يعني شايفاني فان دام قصادك

-نور: أنا أخري أضرب بالشلوت ، لكن ده بيتكلم عن حاجات صعبة أوي

-معتز: سيبيها على الله ، احنا لو وقعنا مع بعض هنتفاهم ونعدي ع خير

-نور: يااا رب

-معتز: ماشاء الله ، المدرب عنده عضلات مش عندي

نور: أكيد نفخ

-معتز: هو من ناحية ان في نفخ فاحنا مع الـ Big Show (اسم مصارع شهير)
ده هنتنفخ

-المدرب: والوقتي هنختار الأسماء عشوائياً ، وبما ان عدد المشاركين 9 المرة دي ،
فاحنا هنخلي عضو يتنافس مرتين

-معتز: يا عيني ، مين ده اللي امه داعية عليه انه يطحن مرتين

-حسام: طب وده هنختاره ازاي ؟

-المدرب : أنا عملت ورق بأرقام المشاركين كلهم ، وكل واحد هيختار ورقة ،
واللي هيكون معاه الرقم 9 هو اللي هيتنافس مرتين ، وقبل أي حد ما يختار
ويعرف هيتنافس مع مين أنا حددت أرقام المتنافسين اللي هيلعبوا بعض أياً كانت
النتيجة ، رقم 9 هيلعب رقم 2 ورقم 6 ... رقم 1 هيلعب رقم 5 ، رقم 3 هيلعب
رقم 8 ، ورقم 4 هيلعب رقم 7 .. تمام

-الجميع : تمام

-زياد في نفسه وهو ينظر لعمر : يا رب يكون من نصيبي الرقم 9 وأنا هفرم أم
اللي في بالي لو طلع قصادي

-عمر وهو ينظر لزياد بغل : يا سلام لو أنا .. يااااااه ، هطحنك يا..يا ...

-معتز في نفسه : يارب اطلع أي حاجة إلا 9 ، يا رب والنبي ، أنا عاوز اتجوز مش
معقول أروح أخطب المزة وانا أعور ولا مكسح .. ده حتى فال وحش عليا ، ياااا
رب ألاعب البت نور ، أهوو أحنا هنكون نسايب في قلب بعض وهنطلع من الليلا دي
كسبانين وهنبل الشربات ونعلي الجواب ونجيب صبيان وبنات ..

-حسام: يا مسهل

-مازن: يالا يا كابتن ، خلىنا نختار

-وليد: اه خلىنا نعرف مين هيلاعب مين

-رامي: يالا يا كوتش ، أنا جاهز

-المدرّب: أنا فرنطت الورق كله ، يالا كل واحد يمد ايده ويسحب رقم
!!

.....

الحلقة السادسة والأربعون:

كان الجميع متلهفاً لمعرفة أي أرقام سوف يحصلون عليها ، فقد قام المدرّب بطي
جميع الأرقام وبدأ الجميع في انتقاء ورقته و انتظار معرفة منافسه ...

-المدرّب: أنا فرنطت الورق كله ، يالا كل واحد يمد ايده ويسحب رقم ، وأنا آخر
واحد هسحب رقم ، وطبعاً المحظوظ هو اللي هيلاعبني !!

-معتز في نفسه: تقصد المرحوم هو اللي هيلاعبك

-زياد: اوك ، استعنى ع الشقى بالله

-المدرّب لمعتز: اتفضل

-معتز: يا منجي من المهالك ياااا رب ، قل أعوذو برب الفلق

-المدرّب لنور: اتفضلي اسحبي رقم

-نور: حاضر

-المدرّب لحسام: اتفضل

-حسام: تمام

-وليد: أنا هسحب ورقتي

-عمر: يالا يا كابتن خلينا نشوف هلاعب مين ونفرمه

-زياد: يا سلام لو تكون من نصيبي

-عمر: ياااه .. ده يوم المنى لما تكون واقع تحت ايدي

-مازن: أنا سحبت ورقة

-رامي: وانا تمام

-المدرّب: كل واحد يفتح الورقة بتاعته ويقول رقمه ، وزي ما فهمتكم أن رقم 9 هيلاعب رقم 2 ورقم 6 ... رقم 1 هيلاعب رقم 5 ، رقم 3 هيلاعب رقم 8 ، ورقم 4 هيلاعب رقم 7 .. هنبداً من ع اليمين ، اتفضل يا حضرت الرائد ..

بدأ الجميع في فتح أوراقهم ، وكانت النتائج كالتالي ...

-معتز وهو يفتح ورقته : اشمعنا أنا الأول .. يا رب استر ، أنا رقم رقم .. لأ مش ممكن رقم 1 ...

-المدرّب: كويس

-وليد: ممم.. طلعي رقم 7 ، يعني هلاعب كده مين ؟

-المدرّب: هتلاعب صاحب الرقم 4 ، وده لسه هنعرفه لما نشوف باقي الأرقام

-حسام: أنا رقم 8

-معتز: ايه ده يعني أنا مش هلاعبك ، الحمد لله

-حسام: ياخي ده أنا ربنا بيحبني إني مش هلاعبك ، كان زماني اتفقت من عمالك

-معتز: الحمدلله ، ربنا اللي عالم بيا

-عمر: أنا رقم 6

-المدرّب: ممم... يبقى انت هتلاعب اللي هيطلع له رقم 9

-عمر وهو ينظر لزياد: وأنا جاهز أطلع أيمانه

-المدرّب: الباقي يكمل فتح أوراقه لو سمحتم

-مازن: أنا رقم 3

-المدرّب: يبقى حضرتك هتلاعب الرائد حسام

-مازن: اوك

-معتز: الحمدلله لسه الأمل موجود ان ألعب مع بنت حماتي المستقبلية

-زياد بضيق بعد أن فتح ورقته : أنا رقم 2

-عمر : يا خسaaaaاارة ، كان نفسي ألعب قصادك

-المدرّب: معنى كده ان الرائد زياد والرائد عمر هيلعبوا مع صاحب الرقم 9

-رامي : أنا رقم 4

-معتز: ايه ده يعني انت هتلاعب وليد يا رامي؟

-رامي: اه

-وليد: كويس مش بطل

-معتز : كده معدتش فاضل إلا رقمين ، يااااا رب ، قربت خلاص من حلمي ...

-المدرّب وهو يفتح ورقته : وأنا رقمي 5 !!

-معتز: يعني هتلاعب مين؟؟

-المدرّب : ان شاء الله سيادتك !!!!!!!!

-معتز: هااااااااااا اسود عليا وع اللي جابوني ، وقع في قرعتي البيج شو !!!!!
ماكنش يومك يا معتز ، يا فرحة نجلاء فيا .. كان بدري عليا ، حسرة قلبي ع شبابي
اللي راح هدرررررر

-حسام معلقاً: معنى كده ان صاحب الرقم 9 هو ...

-نور بفرح: أنا معايا الرقم 9

-الجميع: نور !!!

-معتز بحزن شديد : ليه يا ربي مخلتت البونية الغبانة دي تلاعبني

-زياد: يعني ايه الكلام ده ؟؟

-المدرّب: يعني الاستاذه هتلاعب سيادتك مرة ، والرائد عمر مرة

-عمر بفرحة: متقلقيش يا نور ، أنا هبقى حنين معاكي

-نور لنفسها: يا ربي يعني أنا مش قادرة ع واحد ، هلاعب اتنين سوا ، ده ايه
النحس ده ، لأ ومش أي اتنين ، ده زياد وعمر والاتنين أناح من بعض !!!

-زياد بضيق: لأ أنا مش موافق ع الكلام ده ، ازاي هي تلاعب اتنين

-المدرّب : دي القواعد يا حضرت الرائد

-زياد بنرفزة: لأ لازم تتغير

-المدرّب: أسف .. مقدرش ، حضرتك عارف ان طالما وضعنا شروط وقواعد للعبة
استحالة تتغير ، ومن فضلكم يالا عشان نبداً

اتخذ الجميع وضعية الاستعداد لبدء التدريب و...

-معتز: ولا تحسبن الذين قتلوا في سبيل الله أمواتاً بل أحياء عن ربهم يرزقون

-المدرّب: اطمن يا حضرت الرائد معتز ، انا هاكون خفيف معاك

-معتز: لا ماهو واضح ، هتوحشوني يا عيال ، خدوا التي شيرت ده ، يمكن يبقى
ذكري

-المدرّب: يالا ..

-معتز: اشهد أن لا إله إلا الله .. هيلا هوووب

-وليد: جاهز يا رامي

-رامي: تمام يا عريس

-وليد: طب كويس انك عارف اني عريس عشان تاخذ بالك ، فاهمني طبعاً

-رامي: عيب عليك ، اطمن ، مستقبلك مضمون

-حسام: يالا يا مازن

-مازن: انا مستعد

-حسام: يبقى ناخذ وضع الاستعداد

-مازن: اوك

-نور: بصوا بقى انتو الاتنين ، أنا ماليش في جو الأكشن والضرب ده ، انا
بصراحة معرفش اعمل أي حاجة خالص

-عمر مقاطعاً: اهدي ومتقلقيش ، أنا هبقى حنين ع الآخر معاكي

-زياد بضيق: لا والله ، وده من امتي ده ؟؟

-نور لعمر : أنا واثقة فيك يا حضرت الرائد بس برضوه خلي بالك عليا وانت بتلعب

-عمر: اطمني .. مع عمر هتنسي نفسك خالص

في منزل طاهر السويفي ،،،،

-رباب: لازم نوصل لحل يا طاهر وإلا هتحصل كارثة

-طاهر: ماهو مافيش قدامنا غير ان زياد يوافق انه يتجاوز نور

-رباب: ده لازم اللي يحصل

-طاهر: طيب احنا عاوزين نفكر ازاي نفتحه في ده ، ونقتعه بالموافقة في أقل من اسبوع

-رباب: اسبوع كثير ، ده احنا محتاجين يومين تلاتة ، المفروض هدى هتكلم قرايبها النهاردة وتحدد معاهم معاد كتب الكتاب

-طاهر: مممم..

-رباب مكلمة: احنا معدناش وقت نضيقه ، لازم أنا وانت نحدد المعاد وما على زياد إلا التنفيذ

-طاهر بعد لحظات من التفكير : الظاهر اننا مضطرين نعمل كده

-رباب: حتى لو مكشش في الموضوع ده ، بصراحة أنا كنت هزعل ان زياد ماينسبش بنت من بنات هدى الحديدي

-طاهر: الحق يتقال ولاد اللواء عبد الرحمن الله يرحمه متربين وأخلاق ، زي أبوهم بالظبط

-رباب: ايوه ، وانا كان صعبان عليا اننا نضيع نور من ايدينا

-طاهر: اها..

-رباب: احنا نتوكل على الله ونبلغ هدى بمعاد كتب الكتاب ، ومايبقاش قدامنا غير اقناع زياد بالجوازة

-طاهر: ممم.. احنا مضطرين لده

.....

في منزل عبد الرحمن فوزي ،،،

اتصلت رباب بالسيدة هدى لتبلغها بالقرار النهائي الذي توصلت له مع زوجها
ظاهر ..،،

-رباب هاتفياً: ألوو ، السلام عليكم ، ازيك يا هدى

-هدى ويعلو صوتها نبيرة حزن: وعليكم السلام ، ازيك يا رب يا أختي

-رباب: صلي ع النبي كده واسمعي اللي هاقولها لك

-هدى: اللهم صلي وسلم عليه

-رباب: أنا اتفقت مع ظاهر جوزي ان معاد كتب الكتاب هيكون الاسبوع الجاي

-هدى: طب وزياد؟؟

-رباب: متقلقيش ، دي مهمتي أنا وأبوه نقتعه بده

-هدى: بس..بس

-رباب: مش قدامنا إلا اننا نحط العيال قدام الأمر الواقع ، وإلا هتحصل كوارث

-هدى: ماهو أنا خايفة من كده

-رباب: وبعدين بعيد أن أي مشكلة ، احنا من الأول قايلين اننا عاوزين مناسب

بعض ، مش فارقة بقى الطريقة هتكون ازاي ، بس المهم اننا في الآخر نبقي

نسايب وعيلة واحدة

-هدى: ربنا يعديها ع خير

-رباب: ان شاء الله خير!!!

.....

الحلقة السابعة والأربعون :

عودة إلى المعسكر مرة أخرى ،،،

كانت نور تتآلم من التدريب مع زياد الذي لم يدخر وسعه في تعليمها جيداً ..،،

نور في نفسها : منك لله ياخي ، بقى مش قادر ع صاحبك تقوم تطحنني أنا .. أه
ياعضمي ياني

-زياد: ايه الأخبار ؟

-نور: مهببة

-زياد ببرود: عظيم أوي

-نور: هو انت بتتبسط أما بتستقوى عليا ؟

-زياد: والله ع حسب

-نور: أفندم

-زياد: يعني عادة بكون عادي ومش في دماغي ، بس الصراحة أما بشوفك
بيحصلي حاجة غريبة

-نور: ايه هي ؟

-زياد: بضايق ، بتخنق ، بيركبني العصبي

-نور في نفسها : ده مجنون ، ازاي ساكتين عليه

-معتز: التدريب الجاي آخر حلوة

-حسام: ها عرفت ايه هو ؟؟

-معتز: حاجة بنعشقها كلنا ومستنينها

-زياد بفرحة : متقولش ، أوعى يكون آآآ...

-معتز: هي !

-نور بعدم فهم : ايه ؟

-زياد: ايووه بقى ، خلىنا نعلي الادرينالين شوية

-نور بقلق: هتعملوا ايه تاني؟؟

-معتز: مطاردات

-نور: مش فاهمة

-حسام: طب يالا بينا

-زياد: عاوزين نعمل أحلى شغل

-وليد: ده جوم في ملعبنا

-زياد: وده المطلوب

-نور: ماتفهموني هنعمل ايه؟

-وليد: تعالي وشوفي بنفسك

-نور: استر ياللي بتستر..!!

انتقل الجميع إلى ساحة كبيرة مليئة بالسيارات القتالية ، كان التدريب التالي عبارة عن تقسيم الفرق إلى مجموعات تشكل عصابات ، ومجموعات اخرى تقوم بمطاردتها باستخدام تلك السيارات المعدة خصيصة لذلك النوع من التدريبات ..

-نور: دي عاملة زي ما تكون ساحة حرب ، وايه العربيات الكبيرة دي كلها؟

-معتز: ماهو احنا هنسوق العربيات دي

-نور: نعم؟

-معتز وهو يفرك يديه : أنا عاوز الدبابة اللي هناك دي

-حسام: أنا قولت للمدرب اننا هنكون المهاجمين

-زياد: حلو أوي ، ومين اللي هنطارده؟؟

-حسام: حزر فزر

-زياد: انا حاسس ان هيكونوا آآآ...

لم يكمل زياد كلامه حتى قاطعه عمر و..،

-عمر: احساسك في محله اصاحبي

-زياد بضيق: قلبي حاسس انك مش هتفوت فرصة إلا وتكون راشق معنا فيها

-عمر وهو ينظر لنور : طبعاً ، ده انت حبيبي !!

-زياد: ماهو واضح الحب اللي هينط من عينيك

بدأت فرقة زياد في التجمع والاتفاق على نوعية السيارات التي سيستخدمونها في المطاردة ووشع خطة المطاردة والهجوم ، وكذلك كان الحال مع فرقة عمر ...،،،

-زياد: احنا عددنا 5 ، وهما 4 يعني بامكانا نتفوق عليهم في عدد العربيات اللي هنستخدمها وبالتالي هنعمل عليهم كماشة ونقضي عليهم في تكة

-معتز: الله عليك

-نور مقاطعة : انا عاوزة بس أقول حاجة صغيرة شوية

-زياد: استنى أما أكمل كلامي

-نور: لأ ، لازم تعرفها قبل ما تكمل كلامك

-حسام: فرق العدد هيفرق معنا ويخلي كفتنا تريح

-وليد: بالظبط

-زياد: وده اللي أنا بتكلم فيه

-نور: اسمعوني الله يكرمكم

-معتز: قولي يا نور

-نور: الحقيقة أنا.. آآآ... أنا

-زياد بضيق: انتي ايه؟؟

-نور هامسة : مش...ب..ب...ع...

-زياد: ماتقولي عاوزة ايه وتخلصينا

-نور: أنا الصراحة مش بعرف أسوق

-زياد: نعم ياختي ???

-نور: وفيها ايه دي كمان

-معتز: اوووبا

-حسام: اهو ده مكو ناش عاملين حسابه

-وليد: طب والعمل ايه الوقتي ؟

-نور: عادي يعني ، مش قضية

-زياد: هو انتي أصلا بتعرفي تعملي ايه في دنيته غير انك ترازى فيا

-نور: الله ، هو أنا أذنبت يعني عشان مش بعرف اسوق

-زياد: ما أنتي اخرك تسوقى الهبل ع الشيطنة

-نور: استغفر الله العظيم

-معتز: طب ليه ماتعلمتيش السواقة ؟

-نور: واتعلمها ليه وانا مامي ونايا هما اللي بيسوقوا

-معتز: بجد ، نايا بتعرف تسوق ؟ يا خسارة كنت عاوز أنا اللي أعلمها ازاي تمسك
الفتيس

-زياد بضيق: وانتى فايدتك ايه بالظبط طالما مالكيش في اي حاجة ؟؟؟؟

-نور: يووووه ، انت صعب الواحد يتفاهم معاك

-معتز: طب ما هو كده لازم نوصل لحل

-زياد: مممممم..

-حسام: خلاص ناخد 3 عربيات للمطاردة

-زياد: والهائم اللي مابتعرفش تسوق دي هنعمل فيها ايه ؟

-نور: ولا حاجة ، هستناكو هنا وأمسك العلم للفائز ، مش ده زي سباق الرالى
للسيارات

-زياد: شيلوا البت دي من قدامي بدل ما أعدي عليها بالدبابة أفرمها

-عمر من بعيد: ها اتفقتوا ع ايه ؟

-زياد: هتشوف ع أرض الواقع ، احنا مش محتاجين نقول

-عمر: وماله

-مازن: احنا هنسيبلكم أولوية اختيار نوع العربيات

-معتز: اوك

-نور: وأنا دوري ايه ؟

-زياد وقد أمسكها من يدها : انتي هتيجي معايا

-نور: آآآي ... طب بالراحة

اصطحب زياد نور إلى سيارة قتالية تشبه سيارات الجيب ولكنها مزودة بمدفع رشاش آلي في الخلف مثبت مع مقعد حتى يتمكن القناص من اطلاق النيران على من يطارده ...

-زياد لمعتز: انا وانت والهاتم هناخد العربية اللي بالمدفع دي

-معتز: اشطا ، وأنا هاضرب نار

-زياد: بالظبط

-نور: طب وأنا ؟

-زياد: هتتنيلي تترزعي جمبي

-نور: نعم ؟؟

-زياد وهو يفتح لها الباب: اركبي يالا

-نور: الله ، طب ماأنا كده مش هعمل حاجة ، وأنا عاوزة يكون ليا دور فعال في المطاردة

-معتز: خلاص ابقى زغرطي لما نكسب

-نور: فكرة برضوه

ركب زياد بجوار نور ، وتولى هو قيادة السيارة ، بينما ركب معتز في الخلف
ليمسك بالمدفع الآلي ويطلق النيران ، في حين استقل كلاً من حسام ووليد سيارتين
أحدهما مصفحة والاخرى دفع رباعي

-زياد: يالا يا شباب ، هنتطلق مع طلقة البداية

-حسام: تمام يا زياد

-وليد: أنا جاهز

-معتز: يا معين يا رب ، انا جاهز

وبالفعل سُمع صوت طلقة البداية ، وتم ترك مهلة دقيقة للسيارات المُطاردة لأن
تنطلق (فرقة عمر) ، وما إن أوشكت الدقيقة على الانتهاء حتى استعدت فرقة
زياد للهجوم ..،،،

-زياد: اربطي حزام الأمان

-نور: ليه يعني ؟

-زياد: بقولك اربطيه

-نور: معتقدش اني هحتاجه

-زياد : ومترجعيش تعيطي وتقولي اني محذرتكيش

-نور بقلق: هه .. قصدك ايه؟؟

-زياد لباقي فرقته : هجووووووووووم

قام زياد بقيادة سيارته بسرعة جنونية لكي يطارد فرقة عمر، بينما كانت نور تقفز
من على مقعدها ويعلو وجهها الرعب الشديد

-نور: هدي شوية الله يكرمك ، اااااه

-زياد: طب امسكي في دراعي لحد ما نقف

-نور : ااااا...

-زياد: ده حل مؤقت لحد بس أما أعرف أربطك الحزام

-نور مستسلمة:اوك

بالفعل تشبست نور في ذراع زياد بكتنا يديها حتى لا تقفز من مكانها أو ترتطم بزجاج السيارة ووضعت رأسها على كتفه ، وفي نفس الوقت كان زياد يشعر بنوع من السعادة ونور متعلقة به كالطفل الصغير الذي يمسك بأمه حتى لا تفلت منه ...

-زياد مازحاً : بالراحة شوية ، دراعي هيتخلع في ايدك

-نور وقد ازدادت تمسكاً به: لأ مش هسيبه

-زياد وهو ينظر اليها : مصلحية

-نور بفرع: بص قدامك

-زياد وقد أدرك انه على وشك الارتطام بحاجز ما: اوبااا

-نور وقد أغلقت عيناها ثم صرخت : عاااااااااااااااا ، هناموووووووووووت

-زياد: يا شيخة طبله ودني اتخرمت

-معتز: خد بالك يا زياد

-زياد: طيب

كان زياد على وشك الارتطام بحاجز ما ، ولكنه تفاداه بمهارة فائقة ...

-زياد بفخر وثقة: عشان تعرفي معاكي مين

-نور:

-زياد: نوووور !!!

-نور:

نظر زياد إلى جواره فوجد نور شبه فاقدة للوعي وممسكة بذراعه بقوة ، فأوقف السيارة وأخذ يتأملها ..

-زياد بهدوء : نور ، احنا وقفنا

-نور:

-معتز: انت وقفت ليه يا زيزوو؟

-زياد: اصبر شوية .. نور

أبعد زياد رأس نور عن كتفه ، وحل يديها من الامساك بكتفه ومسح على وجهها برقة ..،

-زياد: سبحان الله ، اللي يشوفك وانتي كده مايشوفكيش وانتي بتأوحي معايا.. يا نور سمعاني

-نور وقد بدأت تستعيد وعيها : آآآ...

-زياد: نور .. الووووو

-نور بفزع: احنا خبطنا؟؟ موتنا؟؟ بقينا أشلاء؟؟

-زياد: اهدي محصلش حاجة ، احنا كويسين

-نور: بس الـ. البتاع كنت هتلبس فيه وش

-زياد: الحمد لله

-نور: ما انت لو بتعرف تسوق كويس وتبص قدامك مكنش ده حصل

-زياد: ده ع أساس انك مكونتيش قافشة فيا

-نور: آآآآ ... معلش انت كنت حل مؤقت بدل الحزام

-زياد: لا والله ، طب اربطيه خرينا نتتيل نكمل

-نور: اربطه انت أنا معرفش ده بيتعمل ازاي ؟

-زياد: طيب

قام زياد بربط حزام الأمان لنور بكل بطيء ، واخذ يتأملها وهو على مسافة قريبة
جدا منها لدرة انها شعرت بالاحراج والاضطراب منه ..،،

-نور باضطراب: آآآ... س...ساعة عشان تربط الحزام

-زياد بخبت: الله ! مش عشان أتأكد انه مربوط كويس

-نور: يا سلام

-زياد: او مال ايه ، ده أنا راجل دقيق في شغلي

-نور: طب بسرعة لو سمحت

-زياد مبتسماً: مالك؟؟ مش على بعضك ليه ؟

-نور: هه ..آآآ.. لو سمحت

-زياد بعد ان انتهى : خلاص كده تمام

-نور: كويس

-زياد بغمزة: بس تعرفي كان شكلك حلو وانتي ماسكة فيا

-نور وقد احمرت وجنتيها : كنت مضطرة ، والمضطر بيركب الصعب

-زياد: بجد .. مكونتش أعرف اني صعب

-نور بقلق: آآآ.. سوق بقى خرينا نـ..نلحق

-زياد: وماله ..

.....

في منزل الحاج فاروق فوزي ،،،

كانت السيدة هدى تهاتف الحاج فاروق لتخبره بميعاد كتب الكتاب و...،،

-فاروق: اتفجنا يا ست هدى

-هدى:

-فاروق: لأ اظمني ، البيوت كلها هتكون مفتوحة عشان العرايس

-هدى:

-فاروق: دي بت الغالي الله يرحمه

-هدى:

-فاروق: متجلجيش ، في انتظاركم ، سلامو عليكمو

وما إن أنتهى من مهاتفة هدى حتى صاح سامح و..

-سامح : يعني هايتجوزها أهوو يا بوي ، وأني هطلع من المولد بلا حمص

-فاروق: اتجل يا واد

-سامح: اتجل لحد ما يتجوزها ؟؟؟ يا بوي سيبيني أنفذ اللي جولتك عليه

-فاروق: هاتنفذه يا ولدي بس مش دلوجيت خالص

-سامح بضيق: يوووو

-فاروق: اسمع الكلام اللي بجولك عليه ، وبعدين لو عاوز تتجوز ، عندك اختها

اللي كبيرة ممكن تتجوزها

-سامح: لع ،أني عاوز نور وبسس

-فاروق: يبجي تعمل اللي جولتك عليه وتصبر

-سامح على مضض: ماشي

ثم انصرف سامح وهو غير مقتنع تماماً بما قاله والده و..

-سامح: أصبر على ايه بس يا بوي ، ده أنا جايد نار من جواتي وأنا شايف نور مع

حد تاني غيري ، ازاي افضل واجف اتفرج عليها وهي هتتجوز واحد غيري ، لأ

وأبوي بس يجولي اتجوز اختها .. الجلب مافيهوش إلا نور وبس ، وان مكانتش ليا

يبقى مش هتكون لغيري ..!!!!

.....

الحلقة الثامنة والأربعون :

يوم جديد قد بدأ في المعسكر و...

-نور: خلاص أنا معنتش قادرة ، عاوزة أرجع فرشتي ، ماله شغل الكمبيوتر ،
حاجة اخر روقان

-معتز: ده المعسكر السنادي يعتبر لعب عيال

-نور: خلاص ، انا كل حتة فيا مدشدشة ، انا محتاجة سنة عشان أرجع زي ما
كنت.

-معتز: ومين سمعك ، أنا عن نفسي عاوز أتقع في مياه وملح يمكن يطلع
الروماتيزم من عندي

-نور: انتو مافيش أي تدريب عندكو كده حنين

-معتز: مممم... الصراحة لأ

-زياد: احنا مش هنرتاح إلا لما تخلص الدورة دي

-حسام: بس الحمد لله الواحد كل مرة بيستفاد حاجة من الدورات دي

-معتز: انا مابخدش منها إلا وجع جسمي ودماعي

-حسام: عشان انت مش بتفكر

-معتز: كفاية انت موجود تستفادلنا

-عمر من على بعد بصوت مسموع : يا أهلا بجميلة الجميلات والوحشين

-نور بضيق : اووف

-زياد: ردي يا ست فيرجينيا ع البيه

-نور: انا اتخنقت منه

-زياد: لكن هو لأ

-عمر: ايه يا قمر مش بتردي السلام ليه

-نور: ماسمعتش

-عمر وهو ينظر لزياد: ممم.. بتتقلي عليا ، ولا في حد منبه عليكي متكلميش معايا

-نور: اووف، عن اذنكم

انصرفت نور عن فرقتها لترتاح قليلاً ، بينما ظل عمر ليتحدث معهم

-معتز: خير يا عمر ، جاي ليه ؟؟؟

-عمر: عادي يعني قولت أسأل عليكم

-زياد: وده من امتي ده

-عمر: طول عمري معروف ان عشري وبحب الصحبة

-معتز: بس اللي اعرفه عنك انك رزل يا عمر

-عمر: لأ ده مع الخناشير اللي زيك

-زياد: طب معلش بقى ادينا سكة عشان مش فاضيين ، ورانا شغل

-عمر: طيب وماله ، بس أحب أقولك يا زياد اني قربت من هدفي خلاص ..

وفاضلي حاجة بسيطة .. و.. أوصل للي أنا عاوزه ، فاهمني طبعاً

-زياد بضيق: عـمـر .. اللي في دماغك ده مش هيحصل ، وبص ع أدك !

-عمر: الشاطر هو اللي يضحك في الآخر .. وأنا أكيبه هضحك

-زياد: متقولش كلم انت مش أده

-عمر وهو يرحل مبتعداً : انت هتشوف بنفسك ... سلام يا ..يا زعيم

-زياد بعد أن رحل عمر: أنا مش مرتاحله

-حسام: ولا أنا

-معتز: يا عم ده كلامنجي ع الفاضي ، بتاع منظره وبس

-زياد: بس برضوه ، كلامه ده معناه انه ناوي ع حاجة

-حسام: عندي احساس بده

-معتز: حساس الجيل

-حسام: بطل يا ميزووو ، بلاش انت تقع معايا

-وليد من بعيد: عرفتوا الجديد؟؟

-زياد: خير؟

-وليد: احنا اتحط اسمنا في تدريب الرهينة!!

-زياد: طب ازاي؟

-وليد: مش عارف ، النصيبة ان التدريب ده بدأ من نص ساعة

-زياد: ابييييييه؟؟؟

-حسام: مين عمل كده

-معتز: هو احنا لحقنا نرتاح

-زياد: تعالوا نشوف الحكاية

.....

في مكان آخر بالمعسكر ،،،

كانت نور تتجه لغرفتها لتستريح قليلاً ، ولكنها سمعت صوت عمر يجري مسرعاً
ويحاول اللحاق بها ..

-عمر وهو يلهث : نور

نور بضيق: أيوه يا حضرت الرائد

-عمر: كنت عاوز أقولك آآآ...

نور مقاطعة : معلى أنا أسفة مش هأقدر أتكلم معاك الوقتي ، أنا تعبانة ومحتاجة أرتاح ، عن اذنك

-عمر وقد أمسكها من ذراعا : يا نور استني بس ، أنا عاوز أقولك حاجة مهمة

نور: وأنا مش عاوزة أسمع حاجة الوقتي

-عمر: بصي

.....

وصل زياد إلى لوحة الاعلانات المعلق بها مواعيد التدريبات الخاصة بكل الفرق ، وبالفعل وجد أنه تم وضع اسم فرقته (أسود الليل) في تدريب (الرهينة) ، وكان هذا التدريب عبارة عن قيام أحد الفرق بخطف عضو من الفرقة المنافسة واتخاذ كرهينة وتخبأته في مكان مجهول لا يعلمه أحد إلا أعضاء الفرقة الخاطفة ، وعلى الفرقة المنافسة أن تستعيد رهينتها في مهلة لا تزيد عن 6 ساعات ، وإلا اعتبرت الفرقة خاسرة ويتم استبعادها من الدورة ، وفي حالة فوزها تحتل الصدارة ويتبقى لها تدريب واحد فقط بعدها يتم اعلانها الفرقة الفائزة ...

كانت معظم الفرق لا تفضل الاشتراك في ذلك التدريب لأنه يعتبر أقواها من حيث المكسب أو الخسارة ، ولا يشترك فيه إلا المحترفين فقط ، لأن الخسارة تعني الاستبعاد الفوري من التدريب كلياً..

-زياد: ازاي ده حصل !!!

-وليد: مش عارف ، انا بالصدفة معدي لاقيت حد من صحابي بيقولي ازاي توافقوا ع التدريب ده

-معتز: يادي النصيبة السوداء ، يعني كل اللي عملناه ده راح ع الفاضي

-حسام: في حل أكيد للموضوع ده

-زياد: حل ازاي يعني والمفروض المعاد بدأ من نص ساعة من غير ما نعتذر حتى

-وليد: بس احنا كلنا موجودين سوا ، ولو عدت الـ 6 ساعات احنا مع بعض يبقى
نفدنا

-معتز: ايوه صح أوليد.. انت بتكلم كلام موزون

-حسام: معنى كده اننا لازم نكون سوا عشان نقدر ندافع عن بعض

-وليد: بالظبط

-معتز: مش احنا كده كاملين

وفجأة انتفض زياد في مكانه ووضع يديه على رأسه و..

-زياد بصوت عالي : نــــور

-معتز: مالها

-زياد: احنا نسينها خالص

-حسام: اوبا

-وليد: معنى كده انها ..انها ...آآآ

-معتز: الرهينة المخطوفة !!

.....

-عمر وقد أمسكها من ذراعها : يا نور استني بس ، أنا عاوز أقولك حاجة مهمة

-نور: وأنا مش عاوزة أسمع حاجة الوقتي

-عمر: بصي ومن الآخر كده أنا مش هسيبك مهما حصل

-نور: انت اتجننت ، ازاي تمسك ايدي كده !!

-عمر: الصراحة أنا بقت مجنون بيكي ، أول حد يعصلج معايا كده

-نور: سيب ايدي بدل ما أصوت وألم عليك الناس

-عمر وقد كمم فمها: لأ مش هسيبك

-نور وهي تقومه : مmmmmmmممم... ممم

-عمر: أسف ع اللي هعمله معاكي ، بس أنا مضطر والمصلحة حكمت

-نور بفرع: مmmmmمم...م

قام عمر بخبط نور في رأسها خبطة قوية أفقدتها الوعي ، ثم حملها على كتفه
وتحرك بها قليلاً في اتجاه رفاقه الذين كانوا ينتظرونه ومع أحدهم ملأه ذات لون
غامق و على مقربة منهم سيارة ما ...

-عمر وهو يخبط رأس نور : اسف يا نور .. طر!!!!!!!!!!!!!!!!!!!!!!خ

-نور: آآآآآه

-عمر: بسررررررعة يالا غطيها

-مازن: اوك

-عمر: جبت العربية يا رامي ؟

-رامي : أيوه هناك

-عمر: طب يالا اوام

-مازن: أنا جهزت المخبأ

-عمر: كويس

-رامي: انت واثق انه مش هيعرفوا مكانا ؟

-عمر: عيب عليك ده أنا عمر

-رامي : طيب هنشوف

وبالفعل تحركت فرقة عمر بالسيارة إلى حيث المخبأ الذي تم الاتفاق عليه بعد ان وضعوا نور بالمقعد الخلفي وجلس عمر بجوارها ، وما إن وصلوا حتى حمل عمر نور وأجلسها على أحد المقاعد الخشبية ، ومن ثم أوثق ذراعيها وقدميها بالمقعد ووضع رباط على فمها ...

-عمر : كده حلو أوي ، حتى لو فاقت محدش هيسمع صوتها

-رامي : أنا قلقان يعرفوا مكانها واحنا نخسر

-عمر: اطمن ، مايبقاش قلبك ضعيف

-رامي: خايف تعبنا يضيع عشان التدريب ده ..

-عمر: اطمن ، انا مكوونتش هشترك إلا لو كنت واثق من الفوز

-رامي: ربنا يستر

.....

أسرع زياد ناحية غرفة نور أملاً أن يجدها بالداخل ، ولكن للأسف حدث ما توقعه و..

-زياد وهو يطرق باب غرفة نور: (طق...طق...طق) نوووور ... انتي جوا (طق...طق...طق)

فتح زياد باب الغرفة وبحث بعينه عن نور ولكنه للأسف لم يجدها ، وكان موضوعاً ورقة صغيرة مطوية على الفراش ...

-زياد وقد رأى الورقة : اه يا ولاد الـ..... ، ايه دي ???

-معتز: نور مش موجودة في اي حطة

-وليد: أن سألت رشا عنها ، وهي قالت ماشفتهاش

-حسام: مين عمل كده

-زياد: الزفت عمــــر !!!

-حسام: عرفت ازاي ؟؟؟؟

-زياد وهو يطوي الورقة بغل : مكتوب في الورقة دي

أخذ حسام الورقة من يد زياد وقرأ ما بها :

(نور معايا ، وريني شطارتك بقى يا ...يا عم الحبيب ، خصمك اللدود عمر)

-زياد: لازم نور ترجع

-معتز: اوووبا ، كده احنا خسرنا وش

-زياد بعصبية: ملعون ام التدريب ع المعسكر ، انا لازم اوصل لنور بأي شكل

-وليد: طب هنعمل ايه ؟

-زياد: مش هنسيب شبر في المعسكر إلا لما نفتش فيه ، اكيد مش هيخرجوا براه

-حسام: الله أعلم

-زياد: اقسام بالله لو بس قرب من نور ما هرحمه

-حسام: اهدى يا زياد عشان نفكر ، في الأول وفي الآخر ده تدريب

-زياد: لأ مش تدريب ، انت مش فاهم عمر كان يقصد ايه بنظراته ولا كلامه عن نور

-وليد: عشان نوصل لنور يبقى لازم نوصل لحد من فرقة عمر

-حسام: ودول هنلاقيهم ازاي ؟

-معتز: نفتح المندل

-زياد: معتــــز ، هدي أعضائك وبطل هزار ، أنا مش ناقصك ياخي

-معتز: آآآ.. مقصدش أنا بس بحاول أهون عليك

-زياد: متزعش مني ، بس أنا مضايق

-وليد: احنا مقدرين ده ، ونور تخصصنا كلنا ، وان شاء الله هنجيبها

بالفعل بدأ زياد يضع الخطط مع فرقته من أجل استعادة نور ، وما إن انتهوا حتى بدأوا بتمشيط المناطق المحيطة والبحث عن أي أثر يخص نور .. بحثوا كثيراً عنها ولكنهم لم يجدوها ...

-معتز: تفكروا هتكون راحت فين

-وليد: مش عارف

-حسام: اكيد آخر مكان مفكرناش فيه

-زياد: طب هو ايبيبويه؟؟؟؟

.....

بدأت نور تستعيد وعيها تدريجياً لتتفاجيء بوجودها في مكان ما شبه مظلم به الكثير من الأشياء المهملة كأنها في مخزن ما ، وكلتا يديها وقدميها مقيدتين ، حاولت أن تتحرك أو أن تصرخ ولكن كان فمها مكمماً ...،

-نور: ممممم...مممممم

-عمر: أخيراً صحيتي

-نور: ممممممم..مممممم

-عمر: أكيد انتي عاوزة تعرفي ايه اللي جابك هنا

-نور: ممم...مممممممم

-عمر: بصراحة أنا لاقيت انك الوحيدة اللي هتقدري تخليني أغلب زياد وبكل بساطة ، زي ما تقولي كده انتي المفتاح اللي هيخليني أكسب وأسحب البساط من تحت رجليه

-نور: ممم..ممم

-عمر مكملاً: زياد وفرقته رغم اختلافهم في الشخصيات وتقريباً في حاجات كثير إلا انهم مع بعض بيقدروا يحققوا كثير ، وما فيش مهمة بيكلفوا بيها إلا وعملوها 10 على 10 .. مش معنى كلامي ده اني أقل منه ولا حاجة ، لأ أنا مستوايا عالي

لكن فرقتي تعبانة مش أد كده ، مش بنفس قوة فرقة زياد ، في كل مسابقة أو دورة تدريبية بيكسبوا بكل بساطة ، أنا بعمل كتير لكن للأسف مش بحقق النتائج اللي عاوزها ، لحد ما انتي ظهرتي في طريق زياد ، الصراحة ظهورك ده خدمني كتير

-نور: ممممم..مممممم

-عمر : متقلقيش كلها كام ساعة وهسيبك .. وهاكون أنا الراح في اللعبة دي !!

-نور: مممم..ممممم..مممم

-مازن: بقولك يا عمر مافيش حد هيروح فينا يستطلع الأخبار عن الجماعة ؟

-عمر: لأ .. أنا مش عاوز حد يبان لأن دول ممكن يراقبوه ويعرفوا احنا فين من غير ما ياخذ باله

-مازن: أها

-عمر: او مال فين رامي ؟

-مازن: بيتكلم بره في التليفون

-عمر: طب قوله يدارى بلاش يقف كده ، مش عاوزين غلطة

-مازن: اوك

.....

-زياد: مافيش ولا حته مدورناش فيها ، هيكون الزفت ده خباها فين؟؟

-معتز: المطعم مافيش ، الحمام مافيش ، عند البسين مافيش ، التراك مافيش ، اوضة الكلب برضوه مافيش

-حسام: اكيد مش هيخبئها في مكان مكشوف للكل ، لازم يكون مكان شبه مهجور أو الرجل عليه خفيفة

-وليد: طب احنا عندنا حاجة زي كده هنا في المعسكر

-حسام: ممكن في السفاري

-وليد: طب هيخرج بيها ازاي قصاد الناس

-حسام: لازم يكون معاه وسيلة نقل

-زياد بلهفة: عيد كده اللي انت قولته تاتي

-حسام: انهو كلام ؟

-زياد: اخر حاجة

-حسام: انه ممكن يكون مخبي نور بره في السفاري

-زياد: لأ اللي بعده

-حسام: تقصد انه نقلها بوسيلة موصلات ؟

-زياد: ايوووه .. انت صح يا حسام

-حسام: مش فاهم

-زياد: عشان ينقلها اي حنة لازم يستخدم عربية

-معتز: مطبوط

-زياد: والعربيات في المعسكر هنا بالكامل مزودة بجهاز GPS

-معتز: اها

-حسام: انت بتفكر في ...

-زياد : ايوووه

-معتز: ماتفهموني معاكو

-زياد: مش مهم تفهم ، يالا بينا بسرعة

-وليد: في ايه ؟

-معتز: والله ما اناعارف أي حاجة في أي حاجة

انطلق زياد ناحية المكان المخصص للسيارات القتالية والسيارات المخصصة
للعمليات الخاصة ، وقام بمعاونة أصحابه بالاستيلاء على احدى تلك السيارات

الحديثة والمزودة بأجهزة تتبع ، ركب زياد ومعتز وحسام السيارة وحاولوا تشغيل تلك الأجهزة ، بينما ظل وليد في الخارج يراقب الطريق لهم ..،

-معتز: احنا لو اتمسكنا هنروح في داهية

-زياد: شششش ، خلينا نشوف هنعرف مكانهم ازاى

-حسام: بيتهيايلى ندوس هنا

-معتز: فينك يا نور كنتي بتخلصي الحاجات دي في تكة

-زياد: اسكت شوية خليني أعرف أركز

-معتز: يعني أنا اللي قاطع عليك حبل الغسيل ..

-زياد: يوووه

-وليد من الخارج: انجزوا بسرعة قبل ما حد يشوفنا

-زياد: طيب

-حسام: ممم... احنا ممكن نشوف مكانهم بالقمر الصناعي

-معتز: وده بييجيب روتانا سينما ؟

-زياد: امشي ياض اطلع بره ، أنا مش عاوزك معايا

-معتز: بهزر معاك ، بلاش قفش

-حسام: خف يا معتز ، مينفعش تاخذ الأمور باستهترار

قام زياد باستخدام الأجهزة المزودة في السيارة والمتصلة بالأقمار الصناعية في الحصول على صورة رقمية مجسمة للمعسكر كله ،

-زياد: دي خريطة للمعسكر كله

-حسام: واحنا مكانا هنا تقريبا

-زياد: بالظبط

-معتز: طب تفتكروا نور هتكون فين؟؟؟

-زياد: مممم.. أديني بشوف

-معتز: احنا عاملين زي اللي بيدور ع ابرة في كوم قش

لاحظ حسام وجود مكان ما يظهر على الشاشة لا يعرفون ماهيته..،،

-حسام : ايه المكان ده؟

-زياد: مش عارف

-حسام: طب اعمل زووم كده عليه

-زياد: اوك

-معتز: ده عامل زي الخرابة

-حسام: اه باين عليه

-زياد: بيتهيألي ده مكان المعدات اللي بنتكهن و... ثواني كده !!

-معتز: ايه؟

-حسام: خير

-زياد : أنا عرفت هي فين .. يالا بسررررررعة

-وليد من الخارج: خير؟؟ عرفتوا حاجة

-زياد: ايوه

-معتز: لاقينا نور

-وليد: فين؟

-معتز: مش عارف

-وليد: اومال بتقول لاقطوها ازاي؟

-معتز: زياد هو اللي عارف

-زياد: مفيش وقت نضيعه معدتش قدامنا إلا حاجة بسيطة

-حسام: ان شاء الله هنلحق

-معتز: طب احنا هنحرر نور ازاي؟؟ انت عارف انه ممنوع استخدام أي اسلحة في التدريب ده وبيعتمد كلياً ع الاشتباك البدني

-زياد : وده اللي هيتعمل ان شاء الله

-وليد: بس ممكن نور متكونش هناك

-زياد: أنا واثق انها هناك ، يالا بس بينا

توجهت فرقة زياد إلى حيث توجد نور ، فقد استطاعوا أن يخمنوا أنها تتواجد في مكان تكهين المعدات القديمة بأطراف المعسكر ، وهو مكان شبه مهجور ..

-زياد بصوت هامس: البوابة هناك أهي

-حسام: احنا هنقسم نفسنا ، اتنين من هنا ، واتنين من الناحية الثانية

-زياد: لأ ، لازم يبقى في واحد دعم لو لا قدر الله حاجة حصلت

-حسام: طب عاوزنا نعمل ايه

شرح زياد لفرقته المطلوب عمله لكي يتم تحرير نور من قبضة عمر وفرقته ، ثم أضاف

-زياد: كل واحد عرف هيعمل ايه ، والوقتي هنحدد أماكن توزيعكم

-حسام: تمام

-زياد: معتز ، انت هتستنى هنا

-معتز: احسن برضوه ، انا مكونتش عاوز أتخايق أصلاً

-زياد مكملاً: انت يا وليد هتخش من الناحية دي ، وحسام من هناك ، وأنا من عند البوابة

-حسام:اوك

-زياد: طبعاً انتو عارفين ازاي هتتعاملوا

-حسام: هي دي أول مرة

-زياد: معتز ، عاوزك تغطينا

-معتز: اطمن

-زياد: يالا يا رجالة

وبالفعل بدأ زياد وفرقته في اقتحام المخزن المهجور بكل هدوء حتى لا يثيروا ريبة من كان متواجداً بالداخل ..

كان رامي يقف بجوار البوابة الداخلية ممسكاً بهاتفه المحمول ، فانقض عليه زياد من الخلف ، وقام حسام بتكبيله

-زياد: كتفهولي بسرعة

-حسام: اوك ، خش انت شوف نور

-زياد: خلي وليد يداريه بسرعة

-حسام: اوك

دلف زياد إلى داخل المخزن حيث كان!!!!

.....

الحلقة التاسعة والأربعون :

دلف زياد إلى داخل المخزن حيث كان من المفترض أن يجد نور بالداخل ، ولكن كانت المفاجأة ان المكان خالي تماماً ..

-زياد: نوووووووووور .. نوووووور !! انتي فين ???

-حسام: ها ملاقتش نور ???

-زياد: لأ ، مش لاقيتها ، الكلب ده خدها وداها فين

-حسام: الوقت ببسرقتنا

-وليد: خلاص روقت ع رامي

-زياد: هاتهولي بسرعة لازم أعرف منه فين مكان نور

-زياد : انطق ، فين نور ؟

-رامي: والله ما أعرف

-زياد: ازاي متعرفش وانت كنت معاهم

-رامي : ايوه أنا فعلا كنت معاهم ، بس اقسم بالله هما مشيوا

-حسام: راحوا فين ؟

-رامي: معرفش

-وليد: ياعم هتخسر نفسك لو ماتكلمتش

-معتز: زياد مجنون !! انت مشوفتش لسه جناه

-رامي: ما أنا لو هعرف هاقول

-زياد: والله أموتك لو ما اتكلمتش

-رامي: اعمل اللي عمله ، انا حلفتك

-معتز: قالوا للحرامي احلف ، قال جالي الفرغ

- حسام لزياد: الظاهر ان رامي مش ناوي ينطق

-زياد: وأنا لو اتسابت عليه مش هيطلع من تحت ايدي سليم
-حسام: اهدى ، احنا لازم نفكر بالعقل ، والوقت كمان بيجري مننا
-زياد: طب هيكونوا راحوا فين؟؟؟ راحوا فين!!!!
-حسام: أنا رأيي نرجع المعسكر ونحاول ندور تاني هناك و..
-زياد مقاطعاً: معتقدتش انهم هيرجعوا عليه
-حسام: أهو نجرب ، احنا كمان الوقت بيخلص مننا ، ع الأقل أهى محاولة
-زياد على مضض: ماشي ، وهاتوا الزفت ده معانا
-حسام: اوك

.....

في غرفة عمر بالمعسكر ،،
كان عمر قد انتقل مع نور ومازن من المخزن المهجور قبل مجيء زياد وفرقته
بوقت قليل إلى غرفته بالمعسكر ، وتركوا رامي بمفرده كنوع من التمويه ...،،،
-مازن: انا خايف يفرموا رامي
-عمر: متخافش عليه
-مازن: تفتكر ممكن يكلم
-عمر: وهو عارف اصلا احنا فين
-مازن: لأ
-عمر: خلاص يبقى اظمن
-مازن: وهتعامل ايه مع نور الوقتي
-عمر: ولا حاجة ، أهى مألحة جوا
-مازن: أنا قلقان

-عمر : اظمن ، محدش هيجي أبداً في باله انها في اوضتنا في المعسكر ، وبعدين
معدتش فاضل من المهلة إلا بس أقل من ساعة ، يعني لو حتى عرفوا مش هيلحقوا
يوصلوا

-مازن: أها ..

.....

في شركة ايهاب الملاح ،،،

كان ايهاب الملاح يتحدث مع محاميه وكاتم أسراره بهجت عن نور و..

-ايهاب : يعني ايه الكلام ده ؟؟

-بهجت : زي ما حضرتك سمعت ، مش موجودة ، بقالها كام يوم مش ظاهرة

-ايهاب بنرفزة : ايببيبيه الأرض اتشقت وبلعتها ؟؟؟

-بهجت: لأ بس تقريباً مع زمايلها

-ايهاب: طب راحوا فين ؟؟

-بهجت: مش عارف

-ايهاب: ماهو أنا مشغل معايا شوية بهايم ، المفروض موضوعها ده كان خلص
من زمان ، أنا داخل صفقة جديدة ومش ناقص بلوى تانية تحط ع دماغي ، وطول
ما البت دي بتدور ورايا أنا في خطر

-بهجت: أنا هحاول أعرف عنها أي حاجة

-ايهاب: قدامك 24 ساعة يا بهجت وتجيبي كل حاجة عنها ، فاهم !!

-بهجت: طيب

.....

في منزل الحاج فاروق ،،،

-سعدية : أني جهزت يا حاج فاروق الأوض كلها ، وفتحت أوض الضيوف عشان الجماعة

-فاروق: طيب جهزي كمان الأوض اللي في البيت الثاني

-سعدية: ليه يا حاج

-فاروق: انتي ناسية يا سعدية ان أهل العريس كمان جاينين ، واحنا منعرفش هما جد ايه

-سعدية: فاتتني دي يا حاج

-فاروق: خدي بت ولا اتنين معاكي يساعدوكي عشان تلحجي

-سعدية: حاضر يا حاج فاروق

.....

عودة إلى المعكسر وتحديداً غرفة عمر ،،،

كانت نور في غرفة عمر ترقد على الفراش مقيدة من قدميها وكذلك الحال مع يديها ولكن خلف ظهرها، حاولت أن تحرر نفسها ولكنها فشلت ..،،

-نور في نفسها: الجبان عمر خطفني عشان مصلحته وبس ، أنا لازم احاول انقذ نفسي ، مش لازم أستسلم ، أآآآآآه ، لو أعرف بس أفك ايدي .. طب هاعمل ايه لازم أتصرف ...

لاحظت نور أن أطراف الفراش ذو نهايات مدببة ، فحاولت أن تحرك نفسها قليلاً حتى تقترب من طرف السرير المجاور لها و..،،

-نور في نفسها: ايه ده ، بوز السرير حامي ومدبب ، ممكن ينفعني في اني احاول افك الرباط اللي رابط ايدي ده

اقترب نور من طرف الفراش بعد أن دحرجت نفسها عليه ، حاولت أن تمد يدها من أجل أن تلمس طرف الفراش ، نجحت في أول مرة ولكنها جرحت يديها فأبعدتها ، ثم حاولت مرة أخرى و...

-نور في نفسها : أآآآآآه ، ايدي .. معلى لازم أحاول تاني .. أووووف ، يالا بقى .. هيه ، أيوووه

ظلت نور تحاول وتحاول مراراً وتكراراً حتى أنها جرحت يدها أكثر من مرة في محاولاتها لقطع الرباط ، واخيراً نجحت واستطاعت أن تحل وثاق يدها
-نور: الحمد لله ..

قامت نور بإزالة القماشة الموضوعة على فمها ، وحلت وثاق قدميها ، وبدأت تتحرك في خفية ، نظرت بعينيها فوجدت عمر منشغلاً بالحديث مع مازن في الخارج ، نظرت حولها فوجدت نافذة صغيرة ، فقررت أن تقفز منها و...

-نور في نفسها: لازم أخرج من هنا بسرعة قبل ما يشوفني عمر . اه هو بيتكلم مع صاحبه ..ممم.. في شباك أهوو هحاول أنط منه

فتحت نور النافذة ببطء ، ولأنها غرماً أرضية استطاعت أن تقفز منها بسهولة ، لاحظ عمر تغيير الإضاءة في الداخل فأسرع ليرى ما يحدث و..

-عمر : معدتش فاضل إلا .. ايبيه ده ؟

-مازن: في ايه ؟

-عمر: النور جوا الأوضة

-مازن: ماله

-عمر: استنى كده ، في حاجة مش مظبوطة !!

-عمر وهو يرى نور تقفز : نور !!!!!

أمسك زياد نور من يديها ونظر إليهما فوجدهما مجروحتين ، ولمح عمر وهو واقف ، فترك يديها وأسرع اليه و...

-زياد وهو ينظر ليدي نور: مال ايدك؟؟ ايه اللي عورهم كده؟؟؟

-نور: آآآ... م...مافيش ..

-زياد وقد لمح عمر : أه يا جبان ، والله ما هسيبك

-نور: استني يا زياد

أسرع زياد ناحية عمر ليفتك به ، ولحق به حسام ووليد للحيلولة دون وقوع أي مشاكل

-زياد وقد لكم وجه عمر: ياااا و** ، ازاي تجيلك الجرأة تعمل في نور كده

-عمر: آآآآه ، بتضربني

-زياد: ده أنا هاموتك

-مازن: مينفعش كده

-حسام وقد تدخل بينهما : اهدى يا زياد

-وليد: مش كده يا زياد

-مازن: ما تحوشوا صاحبكم

-عمر: ده تدريب ، مالك !!

-زياد: تدريب ولا انت كنت عاوز تستغل نور ف..

-نور متدخلة في الحوار: محصلش حاجة يا زياد والله ، سيبوه ، خلاص

-عمر: اسمعلها يا زياد ، ده تدريب ، مكنتش دخلة لا سمح الله

-زياد وهو يلكمه مرة اخرى : اخرررس

-معتز: خلاص يا جماعة ، احنا كده الكسبانين

-مازن بعدم تصديق : ايبيه

-معتز: نور رجعتنا قبل الوقت ما يخلص

-نور: بجد ؟

-معتز: يعني احنا كسبناكم

-زياد وقد انتبه لما يُقال : هه

-حسام: صح ، بهروب نور قدرنا نكسب

-عمر: مش ممكن ، ده ..ده معناه

-معتز بفرحة : معناه انك أوت يا عمورة ، باي باي يا كوتش ، ابقى اقطع

الجوابات ، مش عاوزين نعرفك تاني

-عمر: مش ممكن

-وليد: البركة في نور

-نور: يعني أنا ..أنا خليتكم تكسبوا ؟

-معتز: تخيلي ، أهوو يوضع سره في أضعف خلقه

-زياد لعمر: عشان تعرف أن فرقة أسود الليل كلها رجالة ، حتى بنات الفرقة أجدع

من اجدعها رجالة !

-نور بسعادة: ميرسي

شعرت نور بسعادة بالغة لأنها كانت السبب في فوز فرقة اسود الليل وتصعيدهم دون المزيد من التدريبات وانها لم تكن السبب في هزيمة زملائها كما كانت تظن ، انتشر الخبر في المعسكر كله بفوز فرقة زياد كالنار في الهشيم .. وتوالت التهنئات للفرقة كلها ..

احضر زياد علبة الاسعافات الأولية ، وجلس بجوار نور و..

-زياد: هاتي ايدك

-نور: ليه

-زياد: مش هاكلها يعني ، هحطلها شاش وقطن ، واربطها لك ببلاستر

-نور: شكراً ، انا هعمل لنفسي

-زياد: هو أنا بعزم عليكى بكوباية شاي ، هاتي ايدك بقى

مدت نور يدها لزياد الذي قام بتضميد جراحها و..

-زياد بعد ان ضمد يدها : كده كويس

-نور: اه ، ميرسي ، تعبتك معايا

-زياد: عادي ، ولايهمك ، أنا معملتش حاجة

-نور: برضوه ، كنت عاوزة اسألك حاجة

-زياد: اسألي

-نور: كنت هتعمل ايه لو ملحقتش تفرمل بالعربية وانا ..أنا مت

-زياد: بعد الشر عنك ، الحمدلله اني قدرت أوقفها

-نور: بس انت شوفتني ازاي ؟

-زياد: معرفش يمكن احساسى

-نور باستغراب: احساسك ؟

-زياد بتوتر: أقصد يعني في المراية

-نور: اها

سكت زياد لفترة ما كأنه يستجمع ما يريد قوله ، ثم بدأ الحديث و...

-زياد: تعرفي

-نور: ها

-زياد: الصراحة كنت عاوز أقول

-نور: ايه ؟

-زياد بتردد: يعني ..آآ

-نور: قول متخافش

-زياد: أنا مش خايف ، أنا بس..بس

-نور: متوتر

-زياد: يعني حاجة زي كده

-نور: أها

-زياد : بصي رغم اني مكونتش طايقك الصراحة بس ..آآ..بس

-نور مقاطعة : عارفة عارفة !! مكونتش عاوزني أرجع ..

-زياد: يا شيخة نفسي في مرة تسيبني أكمل كلامي للأخر من غير ما تقاطعيني

-نور: سوري ، اتفضل كمل

-زياد: اللي عاوز أقوله اني كنت قلق...
سالم

-معتز: أنا جيت

-زياد : وده وقتك

-نور: منور

-معتز: ده نورك يا نور

-نور لزياد: ها كمل كنت عاوز تقولي ايه ؟

-زياد بضيق: ولا حاجة

-معتز: عارفة يا نور انتي عملتي فينا معروف كبير

-نور: ايه هو ؟

-معتز: خلتينا نخلع من أم التدريبات الفقر دي كلها

-نور: بجد

-معتز: ايوه ، وخلصينا من عمر

-زياد: كان كابووس

-معتز: يخربيته واد ثقيل

-زياد: جدا

-نور: بس ع فكرة كان بيدور ع مصلحته ، يعني مش غلطان

-زياد: عاجبك ياختي انه كان خاطفك ، طبعاً ما انتي ما بتصدقي

-نور: أعودو بالله منك ، بتقلب بسرعة

-زياد: ما أنتي بتقولي كلام يفور الدم

-معتز: لأ والنصيحة ان عمر ذات نفسه يفور الدم

-زياد: أه والله ، ربنا ريحنا منه

-معتز: وبالمناسبة دي احنا هنحتفل

-زياد: ازاي

-معتز: أنا قولت للرجالة وهما زمانتهم ظبطوا الليلة كلها

-زياد: يا راجل

-معتز: طبعاًاااا ، في الحاجات دي تلاقي الواحد راشق وش ، يالا عشان نلحق ،

عاوزك بقى آنور تعملي نفسك متفاجئة ، أصلهم لامواخذة يعني كانوا ناويين

يفاجئوكي لكن أنا حرقت المفاجأة

-زياد: قول ولعت فيها مش حرقتها

-نور: ما فيش والله داعي لده كله

-معتز: لأ في ، وبعدين هو احنا عندنا كام جيميس بوند

-نور: ههههههههههههههه

-زياد: يالا

-زياد: اه ، كله تمام

-معتز: ها يا وليد جبت المطواة عشان أما نسلخ التعم...-

-زياد مقاطعاً: الله يخربيتك مابتسترش

-نور: تسلخ ايه ؟

-معتز: آآآآ... ممم.. آآ

-زياد: كبري دماغك

-حسام: يالا يا جماعة ، العربية جاهزة وفيها كل حاجة

-وليد: اشطا

-زياد: عظيم أوي ، يالا بينا

-نور: مش عارفة ليه حاسة انكم مخبيين عليا حاجة

-معتز: عيب عليكي هو احنا وش ذلك

-نور: ده انتو أبو ذلك نفسه

انطلق الجميع إلى حيث المكان المخصص لتدريب الرماية و...-

-نور: دي صحرا

-زياد: حد قالك حاجة غير كده

-نور: أنا كنت مفكرة اننا رايعين الغابة

-زياد: غابة؟؟؟ ده ع اعتبار ان مصر فيها غابات واحنا منعرفش

-نور: مقصدش يعني ، أصل انتو هتصطادوا حيوانات ازاي ومافيش في الحتة دي

صريخ ابن يومين

-زياد: ماتستعجيلش

-وليد: احنا هندور في الحتة اللي هناك دي عن ال...-

-معتز: عارف عارف السوكو بوكو

-وليد: يخربيت أفاظك

-معتز: يعني عاوزني أقول قصاد نور اننا جايين نصطاد تعابين؟

-نور من الخلف: نعم؟؟

-معتز: منورة يا نور

-نور: هو اللي أنا سمعته ده صح؟

-معتز: لأ مش أوي يعني

-زياد وقد سحبها من يدها: تعالي يا نور ، سيبك منهم ، قوليلي انتي بتعرفي
تنشني

-نور: استنى بس أفهم الأول الكلام اللي قاله الرائد معتز

-زياد: ده هجاص ع الفاضي ، تعالي بس أقولك ع الكلمتين اللي مش عارف
أقولهمك دول

-نور: خير

-زياد: الحقيقة أنا.. أنا..

-نور: انت ايه؟

-زياد: أنا كنت عاوز أقولك اني ...

-حسام مقاطعاً: زياد انت حطيت فين الخرطوش بتاع الـ...

-زياد مقاطعاً بغضب: معرفش ، روح اسأل حد تاني غيري

-حسام: الله ، مالك

-زياد بضيق: مكانوش كلمتين دول ، أروح فين بس يا ربي عشان أقولهم

-حسام: خلاص يا عم أنا افكرت هما فين ، سلام

-زياد: بالسلامة

-زياد : كنا بنقول ايه

-نور: مش فاكرة

-زياد: أنا بقى فاكِر ، كنت عاوز أقولك

-نور: ها ؟ أوعى تجيبلي سيرة عمر

-زياد: بيبييه ، فكك من سيرة الواد ده لأنه بيعصبني

-نور: أوك

-زياد: أنا كنت عاوز أقولك حاجة تانية خالص

-نور: ايه هي

-زياد: آآآ...

لمح زياد شيئاً ما يزحف بالقرب من نور فما كان منه إلا أن أخرج سلاحه وصوبه
تجاهها و...

-نور: انت بتعمل ايه ؟

-زياد: اوعي تتحركي من مكانك

-نور برعب: انت هتموتني؟؟

-زياد: شششششش

-نور: حرام عليك ، كل ده عشان خاطر عمر ، والمصحف ما بطيقه ولا بأقبله

-زياد: قولتلك اسكتي

-نور وقد بدأت تتراجع للخلف : الله يكرمك بلاش تموتني

-زياد: يا بنتي اثبتي في مكانك

-نور: لأ

-نور: يجمع ، انا يتحدف عليا تعبان

-زياد لنور : عشان تجمدي قلبك

-نور: متكلمش معايا لو سمحت

-زياد: يعني كنت أعمل ايه ، انتي حظك في رجليكي ، التعبان ملاقاش حد في المنطقة كلها إلا انتي عشان يقف وراكي

-نور: متفكرنيش ، يجمع

-معتز: او مال احنا مش هنشويه ؟

-نور: تشوي مين

-معتز: التعبان ، عشان يبقى مقرمش كده وحلو

-نور : ايه القرف ده

-معتز: دي تقاليد

-حسام ضاحكاً: طبعاً ههههههههههههه

-وليد بحماسة : هاتلي حته من الوسط

-معتز باصرار : وأنا عاوز الفخد ، محدش يلمسه

-نور وقد أمسكت معدتها: يع

-زياد : ع فكرة المفروض تاكليه

-نور: نعم؟؟

-زياد:ايوه ، طالما انتي شاركتي في اصطيداه يبقى لازم تدوييه

-نور: مش هيحصل

-معتز ساخرأ: انا هجهز لها طبق

-نور: لأ

-زياد: يالا يا حسام ، خلونا نكتفها ونأكلهولها بالعافية

-معتز: وارتحنا من عمر وفرقته

-وليد: تخيل منظره قصاد باقي الادارة

-معتز: فائلة

-زياد: خلاص بقى ، فضونا من السيرة دي

-حسام: يالا نجهز نفسنا عشان نلحق نركب الباصات

-نور: اوك

-معتز: طيب

-وليد: ماشي

-زياد: كله يتم ع حاجته ، محدش ينسى أي حاجة

-معتز: تمام

بالفعل قام جميع من في المعسكر باعداد حقائبهم ومتعلقاتهم الشخصية استعداداً للعودة مرة اخرى ، جلس زياد وفرقته في اتوبيس واحد سعداء بما حققوه من انجاز ، وانطلق الأتوبيس عائداً إلى مقر الادارة

-حسام وهو ينزل حقيبته : كويس انا راكن عربيتي هنا

-وليد وهو يحمل حقيبته في يده : طب خدني في سكتك بقى ، خلينا أروح لعروستي وأبدأ دنيتي

-حسام: أوك ، حد ثاني حابب اوصله ؟

-معتز وهو يناول نور حقيبته : اتفضلني يا نور شنطتك ، لأ انا عربيتي هناك ، تعالي يا نور أوصلك معايا

-نور وهي تحمل حقيبته : شكراً أنا هكلم مامي تيجي توصلني

-معتز: ولزمتها ايه تتعبها ، ما أنا هخدك في سكتي

-نور باصرار: لأ والله أنا هطلبها تجيلي

-زياد وقد وقف بسيارته أمام نور: يالا يا نور ، أنا اللي هوصلك

-نور: شكراً ، أنا هنتظر والدتي

-معتز: يا عم أنا اللي هوصلها

-نور: مش عاوزة والله أتعب حد معايا

ترجل زياد من سيارته وأخذ من نور حقيبتها وفتح حقيبة السيارة ووضعها ثم فتح لها باب السيارة الأمامي لتجلس و..

-زياد وهو يأخذ حقيبتها منها: مش هنرغي كثير ، يالا بقى الواحد تعبان ومش قادر ع المناهدة والمحايلة

-نور: معلش بس ، طب سيب الشنطة

-زياد وهو يفتح لها الباب : يالا يا نور اركبي

-معتز: خد يا زياد شنطتي أنا كمان

-زياد: أفندم

-معتز: أصل الفردة نايمة وأنا الصراحة مش قادر أغيرها ، جسمي مكسر ع الأخررر

-زياد بضيق: ماتخلك تاكسي ولا انت متسلط عليا

-معتز: ده أنا بحبك ياخي ، أنا هركب قدام ، اركبي انتي ورا يا نور

-زياد: رزل

-معتز: توشكر

بالفعل ركبت نور مع زياد وجلست في المقعد الخلفي ، بينما جلس معتز بجوار زياد في المقعد الأمامي ..،،

-نور: هو احنا على كده هنيجي الشغل بكرة ؟

-زياد: مش عارف

-معتز: هنسأل

-نور: طب ياريت تبقوا تعرفوني

-زياد: هاتي رقمك وأنا أبقي أقولك

-نور: هه

-معتز: أنا معايا رقم اختك هبقى أكلمها تقولك

-زياد بضيق : حد قالك قبل كده انك بارد

-معتز: يووووه كتيررررر ، بس انت ايه اللي مضايقتك كده

-زياد: رخامتك

-نور: ماشي أنزل أنا هنا بعد اذنكم

-زياد: لسه بيتك قدام

-نور: معلى مش عاوزة أتعبكم أكثر من كده

-معتز: لا يمكن والله ، لازم نوصلك لحد باب البيت ونرن الجرس وأشوف نايا

بنفسي، قصدي أمك ونسلمك ليها يداً بيد

-زياد: أول مرة تقول حاجة عدلة

-معتز بغمزة : المصلحة بقي

.....

وصل زياد بسيارته إلى منزل نور ، ثم ترجل معتز من السيارة وأخرج حقيبتها

وحملها وسبقها إلى مدخل العمارة ...

-زياد: نور .. آآ

-نور: شكراً ع كل حاجة

-زياد: أنا كنت عاوز أقولك

-نايا وهي تفتح الباب : أي... .. انت ؟

-معتز: والله أُمي قبل ما تموت كانت دعيالي

-نايا: آآآ... انت بتعمل ايه هنا ؟

-معتز: جاي أشوفك

-نايا: أفندم ؟

-معتز: قصدي بوصل شنطة نور

-نايا: نور؟؟ طب هي فين مجتش معاك ليه ؟

-نور من خلف معتز : نايا ، أنا جيت

-نايا وقد جرت ناحية أختها لتحتضنها : نوووووور حبيبي ، وحشتني أوي أوي

-نور وهي تحتضن أختها : وانتي أكثر والله

-معتز: تراني تأثرت .. لحظة أبكي

-زياد: بدل سخافة

-نايا: سوري يا جماعة ، اتفضلوا

-زياد: لأ شكراً ، احنا وصلنا الأمانة وماشيين

-هدى: بترغي مع مين كل ده يا ... مش ممكن ، نور بنتي

-نور وهي تجري ناحية أمها لتحتضنها : مامي حبيبي ، وحشتني أوي أوي

-هدى: حبيبي يا بنتي ، انتي متعرفيش والله الأسبوع ده عدى علينا ازاي من

غيرك

-نائل وهو يتحرك ب كرسية المتحرك: نانوووو ، ازيك

-نور: نونو ، انت عامل ايه الوقتي يا حبيبي

-نائل: أنا بقيت أحسن لما شوفتك

-زياد هامساً لمعتز: يالا بينا احنا ، مالهاش لازمة الوقفة كده

-معتز: سيبي شوية

-زياد: لأ ، ماتبقاش غلس ، سيب الجماعة على راحتهم

-معتز: ماشي طيب

لمحت هدى زياد ومعتز وهم يقفون بجوار باب الشقة على وشك الرحيل و..

-زياد: عن اذنكم احنا بقي ، وحمدلله ع سلامة نور

-هدى: اتفضل يا زياد يا بني ، ميصحش تقف كده ع الباب

-زياد: الله يخليكي يا طنط ، احنا هنمشي بقي

-هدى : والله ما يحصل ، لازم تقعدوا شوية

-معتز: ماشي

-زياد وهو يلكر معتز في يده: مافيش داعي

-معتز متألماً : آآه

-هدى: لأ اللي ميصحش هو انكو تيجوا من ع الباب كده وتمشوا ، ع الأقل اشربوا

حاجة

-معتز: اه فعلاً ، ده أنا ريقني ناشف

-زياد: بطل غلاسة

-هدى باصرار : اتفضلوا اتفضلوا

-زياد: شكراً

-معتز: يزيد فضلك يا رب

أصرت هدى على بقاء زياد ومعتز للترحيب بهم ، وتركت نائل يجلس معهم إلى أن تنتهي من ...،،،

-نائل: ازيكم ؟

-معتز: الحمد لله

-زياد: تمام

-نائل: اتبسظوا؟

-معتز: اه

-نائل: نور كانت عاملة ايه ؟

-زياد: كويسة

-نائل: كان في أكشن وكده ولا تدريبات مملة

-زياد: العادي بتاعنا

-نائل: أها

-هدى: تعالي يا نور ، خشي غيري هدومكجوا ، وانا هرحب بيهم

-نور: اوك يا مامي

-هدى لنايا : نايا طلعي العصير والشيكولاته للضيوف عقبال ما أجهز لهم أكل

لأحسن أكيد ع لحم بطنهم من بدري ومكالوش حاجة

-نايا: مافيش داعي يا مامي ، أكيد مش هيرضوا

-هدى: مالكيش انتي دعوة ، اعلمي اللي بقولك عليه

-نايا : اوك

أحضرت نايا صينية مليئة بالمشروبات والحلويات و...

-نايا: اتفضلوا

-معتز مسرعاً: جايباهم بنفسك ، مالوش لازمة التعب ده

-نايا: دي حاجة بسيطة

-معتز: تسلم ايدي ورجليكي وعينيكي وكل حاجة فيكي

-نايا بخجل : ميرسي

-نائل: وانا؟

-نايا: اسكت

-نائل بضيق: يوووه

-زياد: شكراً يا آنسة نايا

-نايا : العفو

-حضرت هدى بعد قليل بعد أن أعدت مائدة الطعام و..

-هدى : ياالا يا جماعة

-زياد: على فين؟

-هدى: اتفضلوا كلوا لقمة بسيطة كده وع الأاد

-زياد: للألاً ماينفعلش والله ، احنا اتأخرنا و..

-هدى مقاطعة: والله ما هيحصلش ، عيب عليك تكسفني

-زياد: يا طنط والله مش قصدي

-هدى: دي لقمة بسيطة

-معتز: خلاص يا زياد بقي ، خلينا ناكل

-زياد: ايوه ، ماهو الموضوع جايلك ع الطبطاب

-معتز: ييس

-هدى: اتفضلوا

جلست هدى مع زياد ومعتز وكذلك نائل على مائدة الطعام ولحقت بهم نايا ونور
“..

-هدى: بألف هنا وشفا يا جماعة

-زياد: شكراً

-معتز: الله يهنكي يا طنط ، الأكل شكله حلو

-هدى: ولسه لما تدوق أكيد هيعجبك

-معتز وهو ينظر لنايا: لأ هو عاجبني من زمان

-هدى: بتقول ايه ؟

-معتز: هه.. بقول تسلم ايدك

تناول الجميع الطعام وما ان انتهوا حتى طلبت هدى أن تتحدث مع زياد على انفراد
قليلاً ، بينما جلس معتز بصحبة نائل ونايا و...

-هدى: معلىش يا بني هعطلك شوية

-زياد: ولا يهملك ، اتفضلي حضرتك

-هدى: فاكّر موضوع جوازك من بنتي و...

-زياد: الصراحة يا طنط أنا كنت عاوز أقول لحضرتك آآ

-هدى مقاطعة: بص يا بني حتى لو مش عاوز الموضوع يتم ، أنا برجوك توافق
عليه ولو لفترة بسيطة .. بصراحة كده أنا واقعة في عرضك تنجدي أنا وبنتي !!

-زياد: مش فاهم !

-هدى: الحكاية وما فيها إن

قصت هدى على زياد المشكلة التي وقعوا فيها ، وما تم بعدها من تحديد ميعاد لعقد القران في منزل عائلة والد نور بالشرقية و...

-زياد: ازاي كل ده يحصل وانا مغنديش خبر !!

-هدى: أنا بلغت والدتك بكل التطورات دي ، لكن كان صعب الوصول ليك انت أو نور

-زياد وقد أخذ يفكر في الموضوع بجدية : مممم..

-هدى: نور متعرفش أي حاجة عن اللي حصل والمفروض ان جوازكم هيكون اخر الاسبوع ده

-زياد: كمان !!!

-هدى: أنا عارفة ان مش من حقي أفرض عليك بنتي ، بس اعتبره اتفاق وأنا مستعدة أدفعلك اللي انت عاوزه

-زياد: يا طنط الموضوع مش كده بس...

-هدى: انا برجوك ، قولي انت عاوز ايه وأنا مستعدة أعمله ، ان شاء الله طلقها بعدها على طول بس متخلّاش عنها

-زياد: آآآآ

-هدى: لو سامح أو أبوه عرفوا اننا كنا بنكذب عليهم مش هيحصل طيب وهما عالم شر مش هيسبوننا في حالنا وخصوصاً بنتي

-زياد: آآ

-هدى: مافيش وقت قدامنا انك تاخذ تفكر حتى ، بس أنا زي ما قولتلك اعتبرها صفقة و...

-زياد: ارجوكي يا طنط بلاش الكلام ده

.....

في الخارج ،،،

-نائل: وانت على كده بتعرف تضرب نار ؟

-معتز: أه

-نائل: طب عاوزك تعلمني

-معتز: ليه ؟

-نائل: عشان أحمي عيلتي

-معتز: وانت يا ناي ، قصدي يا آنسة ناي مش عاوزاني أعلمك ضرب النار

-نايا: لأ ، ماليش أنا في جو الأكشن ده

-معتز: طبعا الرقة دي كلها لازم تدلع وتتهنى و..

-نور: احم.. نحن هنا

-معتز: لامواخذة ، منورة يا نور

-نور: هاروح أشوف مامي بتعمل ايه مع زياد ورجعالكم

-معتز: خدي نائل معاكي

-نائل: لأ أنا هاقعد معاك ، أصل أنا حبيتك

-معتز وهو ينظر لنايا: وأنا دايب فيك من زمان

.....

في نفس الوقت تقريبا أسفل العقار الذي به منزل عبد الرحمن فوزي ، كان هناك شخصاً ما يراقب المنزل وما إن رأى نور وزملائها حتى أخرج هاتفه وطلب رقماً ما ليخبره بما حدث و...

-الشخص هاتفيا: أيوه يا بيه ، البت جت ومعاها اثنين زمايلها وطلعوا كلهم فوق

-المتصل :

-الشخص: من شوية يا بيه وانا بلغتك ع طول

-المتصل:

-نور: انت مش جوزي ، أنا لسه موافقتش

-هدى: بس يا نور ، خلاص احنا خدنا القرار و..

-نور: يا مامي

-هدى: ششش

-زياد: عن اذنك يا طنط ، سلام ..يا.. يا عروسة

انصرف زياد ومعتز بينما ظلت نور تزفر في ضيق و...

-هدى: ايه اللي عملتية ده

-نور: ازاي توافقي يا مامي عليه بدون حتى ما تكلميني

-هدى: وانت ازاى أصلاً تكلميه كده ، مش تحسني اسلوبك شوية

-نور: يا مامي أنا مقصدش ، بس أصلي اتفاجئت وبعدين كان وشي في وشه ومافتحيش

-هدى: الراجل عارف في الأصول وكلمني أنا

-نور: وبعدين ايه حكاية اننا نكتب كتابنا دي وفي البلد عندنا

-هدى: عشان نقطع لسان أي حد يتكلم ، ولا نسيتي سامح

-نور: يوووو ، بلاش سيرته دي

-هدى: يبقى تعقلي كده وتسمعي الكلام ، وأنا أدري بمصلحتك

كانت نور في قرارة نفسها سعيدة بتقدم زياد لخطبتها ، لكنها في نفس الوقت كانت تشعر بالضيق لأنه لم يفتحها أولاً ، حاولت أن تبرر له موقفه هذا ولكنها لم تقتنع ، فتحديده لموعده عقد القران وفي قريتها أثار الريبة لديها ...

-نايا: مالك يا عروسة ؟

-نور: لحقتي تعرفي

-نايا: مافيش حاجة بتستخبي عليا

-نور: أها

-نايا: مالك مش مبسوطة ليه

-نور: مش عارفة ، أصل كان نفسي يقولي الأول ونتخطب ونقعد فترة نعرف فيها بعض مش ع طول ع كتب كتاب وجواز

-نايا: آآ.. كده أحسن

-نور: أحسن ازاي ؟

-نايا: هه .. يعني أقصد بلاش تضيعوا وقت ، وبعدين طالما هو عاوزك يبقى مافيش مشكلة ، مش انتي كمان عاوزاه

-نور: منكرش الصراحة انه رغم اللي كان عامله فيا إلا ان شخصيته عجباي و..

-نايا: وايه كمان

-نور: بظلي غلاسة بقي

.....

في سيارة زياد ،،،

-معتز: انت بتكلم جد

-زياد: وهي الحاجات دي فيها هزار

-معتز: طب وأبوك وأمك عارفين ؟

-زياد: اه طبعاً

-معتز: أه يا سهون ، ومش قايل لحد فينا ، طبعاً خايف من الحسد

-زياد: خف عليا يا معتز

-معتز: الله يسهله ، وع كده هتعزم قرابكم كلهم ولا ناوي على ايه ؟

-زياد: هه .. لسه مش عارف ، بس معتقدش اني هاعزم ناس كثير

-معتز: طب وحبيبك ميزوو هتعزمه

-زياد: اكيبيد يعني

-معتز: اشطا عليك يا بونسب

-زياد: طبعا انت جاي عشان الـ ...

-معتز: المزة طبعا

-زياد: مصلحجي حقير

-معتز: الله يكرمك ، دايماً فاهمني ، هتبغ بقية الشلة ؟

-زياد: ايوه ، بس أما أتكلم مع ابويا وأمي الأول

-معتز: تمام ، نزلني بقى هنا خليني أروح أسلم ع الحاج أبوخليل

-زياد: أوك ، سلملي عليه

-معتز: يوصل

-زياد بمكر : وع بنت خالك

-معتز بقرف: أعودو بالله ، يا رب تكون غارت وأروح الأقي الفيلا فاضية

-زياد: يا رب

-معتز: سلام أصحابي

-زياد: سلام

انطلق زياد إلى منزله ، بينما دلف معتز إلى داخل فيلته ، فرح ابراهيم كثيراً بروية ابنه سالماً و...

-ابراهيم: حبيبي يا بني ، حمدلله ع سلامتكم

-معتز: ازيك يا حاج ، الله يسلمك يا رب

-ابراهيم: قولي صحتك عاملة ازاي ، بتاكل كويس ؟

-معتز: اه الحمد لله ، ماشاء الله البيت هادي كده وما فيش حس

وفجأة ...

-نجلاء وهي تصفر في مزمار ما : Surprise ، تووووووووووووت

-معتز: ييبه ، مش هنخلص بقي

-نجلاء: مزاميزوووووووو ، وحشتني أوي اوي اوي اوي

-معتز: انتي لسه قاعدة ؟

-نجلاء: أه ، أنا وحشتك صح ؟

-معتز: الصراحة لأ

-نجلاء: ياااااه وحشتني هزارك أوي

-معتز: مش المفروض يكونوا في بيتهم العالم دي ؟

-ابراهيم: بيوضبوه دلوقتي

-معتز: يعني التوضيب جه ع دماغ أهلي

-نجلاء: احنا هنفضل أعيدين هنا معاكو نونسكوا

-معتز: لله الأمر من قبل ومن بعد

-نجلاء: مبسوط أمزاميزووو ؟؟

-معتز: لأ

-معتز: اوزك احاج شوية

-ابراهيم: طب تعالى ع المكتب

-نجلاء: هاحضركم لقمة لحد ما تخلصوا كلام

-ابراهيم: تسلمي يا بنتي

-معتز: لأ مش هاقدر

-نجلاء: ده انت وشك أصفر زي اللمونة وخاسس النص

-معتز: يا ستي والله ماجعان

-نجلاء: برضوه ، ثواني

-معتز: باباي ، انت مستحملها ازاي يا بابا

-ابراهيم: والله قلبها طيب وبتحبك

-معتز: بس أنا لأ ، هي زي اختي بالظبط ، لا أكثر ولا أقل

-ابراهيم: ما أنت لو تبطل تفكر فيها من الناحية دي هتلاقيها آآ...

-معتز: خلاص يا حاج أنا عرفت نصيبي هايكون مع مين

-نجلاء : ايه ده ، انت نويت تتجوز ؟

-معتز: ربنا يسهل

-نجلاء وهي تتصنع الخجل : أتاريك مش عاوزني أسمع يا خلبوص

-معتز: اوعي تفهمي غلط

-نجلاء: ده أنا فهماك صح يا مزاميزوووو

-معتز في نفسه: مخها جزمة ومش هتفهم بالساهل

-معتز: بص يا حاج أنا عاوز أقولك ان زياد ناوي يتجوز وان شاء الله احنا

معزومين ع فرحه

-ابراهيم: بجد؟؟ ألف ألف مبروووك ليه

-نجلاء: عقبالنا يا مزاميزوووو

-معتز: ان شاء الله يا رب يكون يومك قبل يومي وأمسكك الشمع

-نجلاء: الله انت مش هتكون معايا في الكوشة

-معتز: لأ أنا هاقعد مع المعازيم

-ابراهيم: طب مقالش فرحه امتي ؟

-معتز: اخر الاسبوع ده في حته في الشرقية

-ابراهيم : ايه ده هو مش هيعمله هنا؟؟

-معتز: لأ ، أصل أهل العروسة غالبيتهم عايشين هناك

-ابراهيم: أها

-معتز: واعمل حسابك بقى يا بوخليل احنا معزومين

-نجلاء: الله ، وأنا هاجي معاكو

-معتز: لأ طبعا

-ابراهيم: ربنا يسهل يا بنتي

-معتز: يا بابا احنا بس اللي معزومين ، انا وأنت فقط لا غير

-ابراهيم: يعني هنسيب بنت خالك وأمها لوحدهم

-معتز: هو احنا كنا خلفناهم ونسيناهم

-نجلاء: اخص عليك يا مزاميزووو ، جتلك قسوة القلب دي منين ، أهون عليك

-معتز: اه تهوني

.....

في منزل وليد ،،،

وصل وليد إلى منزله ، وفتح باب شقته بهدوء دلف إلى الداخل لكي يفاجيء زوجته

منى و..

-وليد في نفسه: يا رب تكوني يا حماتي غورتني ومش موجودة ، خلينا أعرف
أتهنى مع مووني شوية

وفجأة وجد وليد من يضربه فوق رأسه بمضرب السجاد و...

-وليد متألماً: آآآآه .. نفووخى

-منى: حرامى ، حراااااامى

أمسك وليد بيد زوجته منى وأبعد المضرب من يدها وأدار يدها خلف ظهرها و...

-وليد وهو يبعد المضرب : يا مووونى أنا وليد جوزك والله ما الحرامى ، اوعى
بس المضرب ده

-منى: وليد ، انت جيت امتى؟؟

-وليد برومانسية : وحشتني

-منى: لأ اوعى كده أنا زعلانة منك ، كده تخضني

-وليد: وأنا أقدر على زعلك برضوه ، وحشتني أوي

-منى: توّ ، أنا زعلانة

-وليد: وأنا مايخلصنيش زعلك ، لازم أصالحك وأراضيكى

حمل وليد منى وتوجه بها نحو غرفتها وفجأة توقف و...

-وليد: أمك هنا ولا رحلت ؟

-منى: لأ ماما رجعت البيت لأحسن بابا تعبان شوية

-وليد: أحسن

-منى : بتقول ايه ؟

-وليد: بقول احنا وراانا حاجات كتير علوزين نتكلم فيها ، ده انتي وحشاني بشكل

.....

في منزل ريم ،،،

كانت ريم تتحدث هاتفياً مع حسام الذي كان مشتاقاً لسماع صوتها و..

-ريم هاتفياً: حمدلله ع سلامتک

-حسام: الله يسلمك ، اخبارك ايه ؟

-ريم: الحمدلله

-حسام: تعرفي ان طول الاسبوع ده وانا بفكر فيكي

-ريم بلهفة : بجد

-حسام: اه والله

-ريم: مممم.. وبتفكر فيا ليه بقى

-حسام: مش عارف ، طول الوقت كنتي على بالي

-ريم: كويس

-حسام: ريم

-ريم: ايوه

-حسام: هو أنا ممكن اطلب منك طلب

-ريم: اتفضل

-حسام: بس اوعي ترفضيه

-ريم: خير ، قلقتني

-حسام: بصراحة ومن غير لف ولا دوران أنا عاوز أخطبك

-ريم بعدم تصديق : بتقول ايه ؟

-هدى: يا نور ، يااا نور

-نور: ايوه يا مامي

-هدى: طنطك رباب اتصلت واتفقت معاها نهم يجوا بعد بكرة ان شاء الله عشان
يطلبوا ايدك ويخطبوكي رسمي

-نور: بسرعة كده

-هدى وهي تحتضن ابنتها : مافيش وقت يا ناووو ، مبروووووك يا حبيبتي ،
ربنا يتملك ع خير

-نور : قلبي مش مرتاح

-هدى : كله خير ، اظمني

-نايا ونائل : وافرحي يا عرووسة أنا العريس يا عرووسة أنا العريس ♪

-نور: بطلوا انتو الاتنين

-نايا: عاوزين نفرح بيكي يا عرووسة

-نور: يوووه

-نايا: والنهاردة فرحي يا جدعان ♪

-نائل: وهاتجوز هاتجوووووز ♪

-نور: ده انتو مصدقتوا

-نايا: طبعاً

.....

بعد مرور يومين ،،،،

في منزل عبد الرحمن فوزي ،

-هدى: الله يبارك فيكي ، مبرووووك يا أحلى عروسة

-نور بخجل: الله يبارك فيكي يا مامي

-رباب: لبس عروستك الشبكة يا زياد

-زياد: طيب

جلس زياد بالقرب من نور ليلبسها شبكتها و..

-زياد: ايدك لو سمحتي

-نور وهي تمد يدها: اتفضل

-زياد بعد أن ألبسها دبالتها : مبروك

-نور: الله يبارك فيك

-زياد: ع فكرة شكك قمر

-نور: ميرسي

-زياد: لأ بجد ، انتي فعلا حلوة أوي و..

-نور: شكراً على مجاملتك الرقيقة

-زياد: والله ما بجمال ، دي الحقيقة فعلا ، وعاوز أقولها لك من فترة

-نور وقد احمرت وجنتيها : تسلم

-زياد: طب ايه ؟ مافيش اي كلمة حلوة ليا

-نور: متخرجنيش لو سمحت

-زياد: يا سلام .. مش واخد ع كده منك الصراحة

-نور: تقصد ايه ؟

-زياد: ع الجمال والرقّة والدلع ده كله

-نور: احم ...

-زياد: طب ايه بقى ؟

-نور: ايه تاني ؟

-زياد: مش ناوية تلبسيني الدبلة ولا طمعانة فيها

-نور: اه ، سوري

-هدى: يالا يا نونة الشربات لأحلى عرسان

-نايا: حاضر يا مامي

-رباب: ربنا يسعدكم يا ولادي ويهنيكم مع بعض

-هدى: اللهم أمين

-ظاهر: اتفقتوا ع السفر امتي

-هدى: اه ان شاء الله ، هنسافر قبل الفرحة بيوم

-ظاهر: اها

-رباب: طب كويس

-هدى: احنا هنقعد 3 ايام ان شاء الله كلنا هناك ، والحاج فاروق ظبط الدنيا عنده

عشان يستقبلنا كلنا

-ظاهر : معنى كده اننا لازم نعرف اي حد جاي معنا انه هيقعد 3 ايام

-هدى: بالظبط ، دي أقل حاجة

-رباب: كويس انك قولتلي عشان أبلغ الناس بدل ما يتفاجئوا

-هدى: ماهو الحاج فاروق كلمني من شوية وبلغني بده

-ظاهر : على بركة الله

بعد ان انصرفت عائلة زياد ، ذهبت نور إلى غرفتها وهي تفكر في خطبتها السريعة لزياد ، كانت تشعر ان هناك شيئاً ما غامضاً يحدث يجعلها لا تشعر بالسعادة الحقيقية رغم فرحة من حولها ..،

نور في نفسها: مش عارفة ليه حاسة ان في حاجة غلط ، مش قادرة أحس بالفرحة رغم ان كلهم حواليا مبسوطين ، حاسة ان في شيء ناقص ، فرحة زياد بيا مش كاملة كده ، أو يمكن أنا اللي متلخبطة ومش عارفة ، يوووو ربنا يستر ويخيب ظني .. أنا لازم أشيل وساوس الشيطان دي من دماغي وأركز في اللي جاي ، زياد انسان كويس وشهم ودايما بيقف جمبي وشكله معجب بيا من زمان انا كنت حاسة بغيرته من عمر، بس يا ترى بيحبني فعلاً زي ما أنا بدأت أحبه ولا لأ ، ماهو لو مكنش بيحبني مكنش خطبني بسرعة وصمم يتجوزني ، يمكن عشان يقدر يعبر عن مشاعره بحب عاوز يكون في رابط شرعي بينا .. جازي ده تفكيره ، الله أعلم بقي ، ان شاء الله خير

.....

في نفس الوقت في غرفة زياد بمنزله ، كان زياد يفكر في كل ما حدث و..

زياد في نفسه: مكنش ينفع أسيب نور تتعرض للخطر من غير ما أساعدها، بس أنا خايف مكنش بحبها ، هي صحيح لفتت نظري كتير وانا حاسس اني مشدود لها من زمان بس برضوه هل هي الزوجة المناسبة اللي أنا عاوزها ؟ مش قادر أفكر حاسس ان مخي واقف ، أنا بكون مبسوط معاها وبتضايق لو حد اتعرض لها لكن هل ده كفاية اني اتجوزها، وبعدين هي متعرفش اني واقفت أصلاً اتجوزها عشان خاطر أحميها من سامح ، يا ترى هيكون رد فعلها ايه لو عرفت ده .. يوووو ، خليها على ربنا بقي ، واللي عاوزه هيكون !!!

.....

الحلقة الثالثة والخمسون:

صباح اليوم التالي في الادارة ،،،

توالت التهنئات والتبريكات لكلاً من زياد ونور على خطبتهما ..

-أحد الأشخاص: مبروك يا زيزوو

-زياد: شكراً

-شخص آخر : ألف مبروك يا سيادة الرائد

-زياد: الله يبارك فيك ، عقبالك

وما إن وصل إلى المكتب حتى ،،

-معتز: مبروووووووووووووو مبروك أعرييس

-زياد: الله يبارك فيك يا ميزوو

-معتز: ايوه بقى ، خلي الفرحة تعرف طريقنا

-زياد: ال يعني كانت تايهة قبل كده

-معتز: ان شاء الله النحس هيتفك بتاعنا

-وليد: مبروك يا زياد والله فرحتلكوا من قلبي

-زياد: الله يبارك فيك يا وليد

-حسام: مبروك يا زيزوو ، وان شاء الله أحصلك قريب

-زياد: الله يبارك فيك أحس

-معتز: اومال فين العروسة ؟

-زياد: هه ، معرفش

-معتز: ايه ده في حد يسيب عروسته تاني يوم خطوبتهم من غير ما يوصلها

-زياد: نسيت

-معتز: طب كلمها اسأل عليها

-زياد: طيب

-زياد هاتفياً: الووو

-نور: الوو

-زياد: آآآ...ازيك

-نور: الحمدلله

-نور في نفسها: أكيد مكلمني عشان يقولي كلام حلو ويسأل عليا

-زياد في نفسه : أقولها ايه ، انا أصلا مش مصدق اني خطبتها

-زياد: انتي فين الوقتي ؟

-نور: في الطريق

-زياد: طيب

-نور: كنت عاوز تقول حاجة ؟

-زياد: لأ ، مع السلامة

-نور: سلام

-نور في نفسها: ايه ده ولا حتى كلمة حلوة قالهالي ، متوقعتش منه كده ، قفلتني

يا زياد منك !!!

-معتز: في حد يكلم خطيبته كده ؟

-زياد: يعني أقولها ايه ؟

-معتز: ده أنت ولا المخبر اللي بيسأل عن حرامي

-زياد: أعملها ايه يعني ، اتلبخت ومعرفتش هاقولها ايه

-معتز: ده انا محتاج أعد معاك أداة عرب

-زياد: بعدين بعدين ، خلىنا نشوف ورانا ايه الأول

-معتز: طيب

-زياد للجميع: ع فكرة كلكم معزومين ان شاء الله ع كتب كتابي

-حسام: أكيد هنيجي مش هنسيبك يعني

-زياد: لأ اعملوا حسابكوا هتابتوا في بلد نور بتاع يومين تلاتة

-وليد: نبات ؟

-زياد: ايوه ، عمها يا سيدي مصمم انه يحتفل بينا ونبات

-وليد وقد أخذ يفكر في شيئاً ما : ممم.. والله فكرة

-حسام: طيب هحاول نشوف ظروفنا ايه

-زياد: مافيش حاجة اسمها هحاول ، انتو جايين وش

-معتز: أنا راشق معاك

-زياد: تمام ..ظبطوا حالكم وهبلغكم بمعاد الباص عشان اما نتجمع كلنا

-وليد: اوك

.....

وصلت نور إلى الإدارة وتم ابلاغها من أحد رجال الاستقبال بضرورة مقابلة اللواء
اسماعيل في مكتبه فور وصولها

-نور في نفسها : استر يا رب ، هيكون عاوزني ليه سيادة اللواء ، ربنا يعديها ع
خير

.....

في مكتب اللواء اسماعيل الشاذلي ،،،

خرجت نور من مكتب اللواء اسماعيل وهي سعيدة بالأجازة التي حصلت عليها
لنتتهي من الاستعداد لمراسم عقد القران ولكنها قابلت في طريقها ...

-عمر بضيق: ازيك يا نور

-نور: حضرت الرائد

-عمر: مبروك

-نور: شكراً وعقبالك

-عمر: ليه عملتي كده يا نور

-نور: عملت ايه ؟

-عمر: ليه وافقتي تتخطبي لزياد

-نور: والله الموضوع ده ميخصكش

-عمر: هو فيه ايه زيادة عني

-نور: عن اذنك

-عمر وقد أمسكها من ذراعها : استني ، ماتمشيش وأنا لسه مخلصتش كلامي

-نور: انت اتجننت ، ازاى تمسك ايدي كده

-عمر وقد ترك ذراعها: مقصدش ، بس أنا عاوزك تسمعيني

-نور: لو سمحت أنا مش عاوزة اسمع حاجة

-عمر: يانور أنا بس عاوز أقولك آآآآ...

-زياد: عاوز تقولها ايه؟؟

-نور بخضة: ز...زياد

-عمر: آآآ..زياد ، ازيك

-زياد بضيق: لما تحب تقول حاجة لخطبتي تيجي تقولها لي في وشي

-نور: زياد آآ...

-زياد : اسكتني انتي يا نور

-نور: طيب

-عمر: أنا كنت بس عاوز أباركلها

-زياد: وخلصت

-عمر: اه

-زياد: طب اتفضل من هنا

-عمر: سلام

-نور: زياد والله عمر هو اللي بيجي في سكتي

-زياد: بصي يا نور ، من الأول كده لازم تبقي حاطة حدود في تعاملك مع الناس
وخصوصا عمر ده واللي زيه

-نور: أنا بتعامل مع الناس كلها بحدود ، واظن انت عارف ده كويس

-زياد: أنا ماليش فيه ، أنا ليا في اللي بشوفه بعينيا

-نور: على فكرة انت بتظن فيا وحش

-زياد بضيق : لا وحش ولا حلو ، قصري في كلامك مع أي حد ، فاهمة

-نور: والله لو مش بتثق فيا يبقى مافيش داعي اننا نرتبط ببعض ونفضها سيرة ،
احنا لسه ع البر و..

-زياد وقد أمسك ذراعها: مش انتي اللي تحددني اذا كنا هنرتبط ببعض ولا لا

-نور متألّمة : آآه ، سيب ايدي

-زياد: اتفضلي يالا عشان هوصلك البيت

-نور: طيب بس بالراحة

-زياد: أنا مقصدش أوجعك ، بس أنا..أنا خايف عليك

-نور: اظمن ، أنا بعرف أحافظ نفسي كويس

-زياد: بس الوقتي انتي بقيتي مسئولة مني

-نور: مسئولة منك؟؟

-زياد: أقصد يعني انتي خطيبتني ويومين وهتبقي مراتي فلأزم نتفاهم مع بعض من الأول

-نور: ماهو لو انت بتتكلم معايا بالراحة وتفهمني من غير ما تتعصب هعمل اللي انت عاوزه

-زياد: خلاص بعد كده هبقى أكلمك بالراحة

-نور: اوك

-زياد في نفسه: المفروض أقولها كلمة حلوة تراضيه ، طب أقولها ايه وأنا بتلبخ في ثانية

-زياد: نور

-نور: نعم

-زياد: آآ.. انتي .. انتي

-نور: انا ايه ؟

-زياد: انتي حلوة

-نور: ميرسي

-زياد: وزى القمر

-نور: ممم.. كده انا هتغر في نفسي

-زياد: لأ دي حقيقة

-نور: وانت ..

-زياد: أنا ايه ؟

نور: انت ... بعدين هبقي أقولك

زياد: بقى كده ، ماشي

شعرت نور بالضيق من ظن زياد السيء بها من حيث أنها لا تضع حدوداً مع عمر أو غيره ، هي تشعر أن زياد لا يحبها وكأنه مجبر على الزواج منها ، ورغم هذا فهو يهتم بها ويخاف عليها ، ولكن ذلك مجرد احساس ..

.....

في منزل ريم ،،،

كانتريم تتحدث مع نور هاتفياً حيث اتفقت الاثنتين على النزول سوياً لشراء ما ينقصهم من متطلبات

-ريم هاتفياً: أنا جياك ع طول

نور: اوك ، مش عاوزين نتأخر ، أنا كتبت في ورقة كل اللي ناقصني

-ريم: متقلقيش ، هنظبط كل حاجة يا عروسة

نور: قولتي لباباكي عن انكم جايين معانا البلد

-ريم: طبعااااا ، وهو أنا ينفع أسيبك في اليوم ده يا قمر

نور: كويس اوي ، عقبال ما نتعبك يا ريمووو

-ريم: يا رب يا اوختشي ياااا رب وعن قريب ان شاءالله

نور بخبت: ممم.. الظاهر ان الصنارة غمزت

-ريم: غمزت واصطادت وكل حاجة حلوة

نور: اوووبا ، ده الظاهر في تطورات أنا معرفهاش

-ريم: أما هجيك هحكيك

نور: اوك ، متتأخريش بس عليا

-ريم: مسافة السكة

.....

في فيلا معتز ،،،

-معتز: جهز انت بس شنطتك وملكش دعوة

-ابراهيم: يا بني أنا مش بتاع سفر

-معتز: هو انت مسافر الخليج ، دي الشرقية

-ابراهيم: برضوه يا بني

-معتز: على رأي الجاسمي يا حاج دي فركة كعب و هتعملها ، قصاد الدنيا هتقولها

-نجلاء من بعيد: وقوم نادي ع الصعيدي وابن اخوك البورسعيدي

-معتز: اهوو اتفضل شوف ما بتصدق تلاقي حاجة وتلرزق فيها

-نجلاء: الله يا مزاميزووو ، أنا بحب الهيصه زيك

-ابراهيم: ماهو بصراحة أنا مش هاروح من غير نجلاء وأمها

-معتز: قولتلي بقى

-نجلاء: حبيبي يا أنكل

-ابراهيم: هما لو هيجوا معانا ، أنا جاي

-معتز: بتزنقتي يا بوخليل ، خد بالك دي مش أول مرة تعملها فيا

-ابراهيم: ماهو انت مش بينفع معاك غير كده

-معتز: ماشي يا حاج

-معتز في نفسه : لازم أوافق ع ان ابويا يجيب البلوى دي معانا وإلا مخططي هيبوظ ، ماهو أنا عاوزه يشوف المزة ويتعرف على عيلتها وأهي فرصة مش هتكرر تاني

-نجلاء: ها ، هاجي معاك الأرياف يا مزاميزووو

-معتز: للأسف مضطر أخذك

-نجلاء بفرحة : الله ، وهبقى زي شادية كده واركب الحمار وألعب في الغيطان

-معتز في نفسه : ده لو موقعش بيكي في الترفة

.....

في منزل وليد ،،،

-وليد وهو يدلف داخل منزله : يا مووووني ، مووووني

-منى من الداخل : ايوه يا وليد

-وليد: انتي فين ؟

-منى : في المطبخ يا حبيبي

-وليد: طب تعالي عاوزك

-منى : ثواني ، ايدي مش فاضية

توجه وليد ناحية المطبخ ليجد زوجته تطهوه له الطعام وهي ترتدي ملابس مثيرة
و..

-وليد وهو يتأملها : ده أنا أجيلك ع رموش عينيا ، ايه الجمال ده كله

-منى: معلش يا بيبي ، ايدي مشغولة

-وليد: لأنتي تسيبي اللي في ايدك وتجي معايا حالاً

-منى: الأكل هيبوظ ، وانا مصدقت أخلصه

-وليد: ما يتحرق الأكل، تعالي بس يا قمر الليالي

اصطحب وليد زوجته خارج المطبخ وجلسا معاً ليخبرها بأمر زفاف زياد من نور زميلتهم ..،،

-منى: الف مبروك ، ربنا يسعده

-وليد: هو بقى عازمنا ع فرحه في الشرقية

-منى: الشرقية ؟

-وليد: أيوه ، وهما يومين هنقضيهم هناك

-منى: ايه ده ، هنقعد هناك ، بس آآ

-وليد: بس ايه يا مووني

-منى: ماما كانت هتجيلنا و..

-وليد مقاطعاً: يووه ، بقولك ايه هنسافر يعني هنسافر ، وكبري من أمك بقى

-منى وهي تشتم شيئاً ما يحترق : شامم يا حبيبي

-وليد: شامم ايه ؟

-منى : اووبا ، ده الظاهر ان الأكل اتحرق

-وليد: لأ ده أنا اللي بولع من حبي فيكي

.....

في منزل طاهر السويفي ،،،

كان زياد متردداً في الاتصال بنور للاطمئنان عليها و...

-زياد في نفسه : أطلبها ولا لأ .. طب هاقولها ايه ، ما أنا ببقى عامل زي البطة
البلدي لما ببقى عاوز أقولها كلام رومانسي ، طب أكلمها ازاي ، يوووه أنا زهقت ،
أنا هكلمها واللي يحصل يحصل

-زياد هاتفيا: تليفونها بيرن ..

-نور: ألوو

-زياد: الوو .. ازيك يا نور

-نور: معلى علي صوتك شوية لأحسن مش سمعك

-زياد: انتي فين يا نور؟؟ ايه الدوشة اللي حوالكي دي

-نور: انا في المول بشتري شوية حاجات نقصاني

-زياد: لوحدك؟

-نور: لأ معايا ريم ومامي

-زياد: طب مقولتليش ليه انك نازلة

-نور: مجتش مناسبة

-زياد: مجتش مناسبة؟؟ هو أنا مش خطيبك ولا ماليش لازمة عندك

-نور: مقصدش ، بس مكونتش عارفة انك عاوزني أخذ الاذن منك قبل ما أنزل

-زياد: أنا مقولتتش تاخدي مني الاذن بس ع الأقل تعرفيني ، تحسني انك مهمة
بيا

-نور: سوري والله ، أنا مقصدتتش

-زياد: خلاص ، روجي شوفي وراكي ايه

-نور: زياد مش عاوزاك تزعل مني

-زياد: افقلي يا نور ، سلام

ألقى زياد بالهاتف المحمول على فراشه وظل يتحرك في غرفته ذهاباً وإياباً وهو يشعر بالضيق

-زياد في نفسه : الهانم مكلفتش نفسها تعرفني رايحة فين ولا جاية منين ، بتعمل اللي في دماغها ونسياني خالص ، ماشي يا نور

.....

في المول ،،،،

-ريم : مالك يا عروسة

-نور: مافيش

-ريم: لأ وشك قالب خالص

-نور: أصل زياد زعل اني مش قولتله ع اننا خارجين

-ريم: اوووبا

-نور: أنا مكونتتش عارفة انه هيزعل كده

-ريم: يا بنتي الرجالة تحب الستات اللي تحسسهم انهم رقم واحد في اهتمامتها

-نور: بس أنا مقصدتتش ده

-ريم: حصل خير ، أما تروحي البيت كلميه وان شاء الله تعدي ع خير

-نور: ان شاء الله

-هدى: تعالي يا نانووو شوفي الفستان ده

-نور: حاضر يا مامي

-هدى: شكله هيبقى تحفة عليكي

-نور: أها ...

.....

في منزل عبد الرحمن فوزي ،،،،

حاولت نور الاتصال بزياد مراراً وتكراراً ولكنه لم يرد على أي من اتصالاتها ،
فأرسلت له رسالة نصية كتبت فيها :

(زعلك غالي عليا ، أنا أسفة)

وانتظرت أن يتصل بها ، ولكنه لم يجيبها .. فبكت نور لأول مرة وشعرت بالضيق
الشديد و...

نور في نفسها: هو ليه مش بيرد عليا ، طب انا عملت ايه لكل ده ، حاجة مكنتش
مقصودة ومش مستاهلة ، أنا حاسة اني بشحت منه الكلام وانه واخدني غصب ، لا
حول ولا قوة إلا بالله ، يا رب صبرني .. خلاص أنا مش هذل نفسي أكثر من كده ،
براحته لو حابب يكلمني أو يرد عليا ، لو مش حابب خلاص!!!!

.....

الحلقة الرابعة والخمسون :

ظل زياد متردداً في الرد على اتصالات نور أو حتى رسالتها النصية ، ولكنه حسم
أمره بالأجيبها ، ورغم قراره هذا إلا انه شعر بالحزن والضيق ، فهو يريد أن
يتقرب منها لا يبتعد عنها ، ولكن كونها لا تعطيه الاهتمام الكافي الذي يبيغه يجعله
يعاملها بنوع من الجفاء ..

لاحظ طاهر أن زياد ابنه مازال مستيقظاً ويبدو عليه الحزن فقرر أن يتحدث قليلاً
معه و...

-طاهر: مالك يا بني

-زياد: مافيش

-طاهر: هو أنا هتوه عنك ، في ايه اللي مزعلك

-زياد: عادي ، قلقان

-طاهر: ممم.. قلقان ! من ايه ؟

-زياد: يعني من الشغل وموضوع الجواز

-طاهر: كل ده عادي ، انت متخاف

-زياد: آآ.. م...متخاف

-طاهر: شكك بيقول كده

-زياد: مش أوي

-طاهر: يبقى واضح انها خناقة فعلا

-زياد : مش عارف مالي يا بابا ، حاسس اني متكتف مش قادر أأخذ قرار

-طاهر: ايه اللي مكتفك

-زياد: حاسس اني بضحك على نور وبستغفلها ، وفي نفس الوقت عاوز أقرب منها

-طاهر: طب واياه اللي مخليك تحس انك بتستغفلها

-زياد: يعني عشان فهمتها اني عاوز اتجوزها، وفي نفس الوقت أنا مش حاسس ان مشاعري قوية ناحيتها

-طاهر: يعني انت مش بتحبها ؟

-زياد: مش عارف

-طاهر: طب بتكرهها

-زياد: لأ

-طاهر: طيب مشدود لها

-زياد: ساعات

-طاهر: بص يا بني انا هاقولك ع حاجة ، طالما انت نويت تتجوز يبقى قبل أي حاجة تصلي لله ركعتين تستخيره فيها وتطلب منه يرشدك للصواب ، لو حاسس

انك هتقدر تكمل حياتك مع نور وانها الانسانة اللي تستاهلك يبقى توكل على الله ،
لكن او عى في حياتك تظلمها معاك

-زياد: ما أنا خايف أظلمها معايا وخايف محبهاش وخايف آ...

-ظاهر مقاطعاً : انت خايف من حاجات كتير وده اللي مخليك متوتر ، سيبها على
الله وان شاء الله كل حاجة هتعدى

-زياد: يا رب

-ظاهر: قوم بس اتوضى وصلي ركعتين وتعشم في الله كل خير

-زياد: حاضر

.....

أسفل عقار عبد الرحمن فوزي ،،،

كان الشخص الذي يراقب نور وتحركاتها مازال مرابطاً أسفل العقار لكي ينقل
أخبارها أولاً بأول لمن وظفه ، وحينما علم من البواب أمر زواجها ، أسرع
بالاتصال بـ ...

-الشخص: ألووو ، ايوه يا بيه

-المتصل:

-الشخص: حصل يا بيه ، كلهم مسافرين ع البلد

-المتصل :

-الشخص: أنا عرفت من البواب انها هتجوز الطباط زميلها هناك

-المتصل :

-الشخص: تمام يا بيه

.....

في صباح اليوم التالي ، كان الجميع مجتمعاً أسفل عقار نور للذهاب سوياً إلى حيث سيعقد القران ..

-ظاهر: كلمتي يا رباب احمد وعيلته ؟

-رباب: ايوه يا ظاهر ، وجايين في السكة

-ظاهر: طب كويس ، شوفي بقى فؤاد ومراته

-رباب: ماشي

-حسام هاتفياً : انتي فين ؟

-ريم: في الطريق ، 5 دقائق وهنكون عندكم

-حسام: اوك ، توصلوا بالسلامة

-ريم: الله يسلمك يا رب

-معتز: خلاص بقى يا نجلاء ارحمي امي

-نجلاء: الله يا مزاميزوو ، ماأنا معرفش حد إلا أنتوعاوزه أقعد جمبك في الباص

-معتز: انتي يدوب تاخدي الكرسيين اللي جمب بعض ، أنا هاقعد فين على حجرك مثلاً؟؟

-نجلاء: طب ما نقعد سوا ورا

-معتز: لأ

-وليد: برضوه يا منى قولتي لأمك

-منى: هاعمل ايه يعني ، كان لازم تعرف

-وليد: وأهي لما عرفت صممت تيجي معانا

-منى: معلش يا حبيبي

-وليد: معش دي أصرفها من أنهو حته بالظبط

-منى: أنا هصالحك بعدين

-وليد: وهو أنا هعرف أتلم عليكي بعد كده

-سلوى من بعيد: يا منى ، ياااااااااااا منى

-منى: ماما جت أهي هناك

-وليد: روحيلها

-منى: مش هاتيحي معايا

-وليد: لأ

-وليد في نفسه: ولية حشرية ما بتصدق

-منى: ازيك يا ماما

-سلوى: مال جوزك مجاش يسلم عليا ليه؟ وبعدين ضارب بوز ليه كده ع الصبح

-منى: أصله تعبان وماتمش

-سلوى: ماهو لو يرحم نفسه شوية

-منى: يا ماما

.....

-هدى: يالا يا بنات ، خدتوا كل حاجة معاكو

-نايا: ايوه يا مامي

-نور: اه

-هدى: او عوا تنسوا حاجة ، الفستان ولوازمه موجودين

-نور: اها

-هدى: نائل خد معاك الكتب عشان تذاكر هناك

-نائل: ياماما في حد يذاكر في فرح اخته

-هدى: ايوه ،انت

-نائل: يوووه

-هدى: نايا تممي ع الغاز والمياه ، اقلي المحابس

-نايا: خلاص يا مامي كله تمام

-هدى: طب يالا بينا ، الجماعة زمانتهم جوم تحت

-نائل: اوك

-نور: طيب

نزلت عائلة نور إلى أسفل العقار ليجدوا غالبية الناس في انتظارهم ، وضع الجميع حقائبهم ومتعلقاتهم الخاصة في السيارات وفي الأتوبيس ، وحينما اكتمل الجميع انطلقوا إلى الشرقية ...

-رباب وهي تحتضن هدى : ازيك يا أم العروسة

-هدى: الله يسلمك يا حبيبي

-رباب وهي تقبل نور : عروستنا الجميلة ، منورة يا قمر

-نور: ميرسي يا أنطي

-ظاهر: مبروك يا عروسة

-نور: الله يبارك فيك يا انكل

-رباب: مش هتسلم على عروستك يا زياد ولا بتتكسف

-زياد ببرود : ازيك يا نور

-نور: تمام

-نايا: مميم.. بقى بتخبي ع اختك حبيبتك ، طيب ماشي

-نور: مش هاقولك

-نايا: يبقى اكيد ده زيزوو

-نور: اه هو

-نايا: يباركله يا عم

.....

في الباص ،،،

جلس وليد بجوار زوجته ، بينما جلس معتز بجوار أبيه ، وجلست نجلاء بجوار سلوى و...

-وليد: أنا مش عارف لازمته ايه نجيب امك معانا ، الناس تقول علينا ايه

-منى: محدش واخذ باله

-وليد: ده على اعتبار ان امك غير مرئية بالعين المجردة

-منى: معش يا ليدووو ، استحملها عشان خاطري

-وليد: ماهو لو مكنش عشان خاطرك كان زمانى مخلص القديم والجديد

-منى: بحبك يا ليدووو

-وليد: مافيناش من كده ، احنا في الباص وممكن أتهور

-منى: ههههههههه

-معتز: يعني الست امها مجتش معانا

-ابراهيم: وارها شغل ده غير انها بتابع توضيب شقتهم

-معتز: يارب ينجزوا ويغوروا من عندنا ونرتاح

-ابراهيم: مالك مش طايق نجلاء ليه ولا حتى امها ، حاططها فوق دماغك وزاعى

-معتز: زهقت من حوارها الفكسان ده

-ابراهيم: طب قولني انت عاوز مين

-معتز: هاقولك بس أما يجي الوقت المناسب

-ابراهيم: ربنا يهديك يا بني ويصلح حالك

-سلوى: وانتى بقى متجوزة يا نوجة

-نجلاء: لأ يا أنطي

-سلوى: هما الشباب اتعموا عنك فين ، ده انتى حلوة ومدورة

-نجلاء: بختي قليل هاعمل ايه

-سلوى: متقوليش كده ، عريسك هيكون عندي ان شاء الله

-نجلاء: لأ انا بفكر في مزاميزوو وبس

-سلوى : مزا ايه يا بنتي ؟

-نجلاء: أقصد معتز ابن عمتي

-سلوى: قولتيلي ، وهو بقى بيفكر فيكي

-نجلاء: الصراحة لأ ، وانا غلبت معاه

-سلوى: لأ بقى احكيلى من الأول كده ، خلىني أفهم

-نجلاء: هصدك يا أنطي

-سلوى: لأ أنا مش بصدع من الحاجات دي ، احكيلى وفاطميني ع الليلة كلها..

.....

في سيارة حسام ،،،

-حسام لوالده : ان شاء الله يا بابا هتتعرف عليها هي وعيلتها

-مصطفى (والد حسام) : بأمر الله يا بني ، أنا واثق فيك وفي اختيارك

-حسام: عيلتها طيبين وأصلهم طيب

-مصطفى: طالما مافيش عليهم أي شبهة يبقى على بركة الله

-حسام: اظمن يا بابا

.....

في سيارة ريم ،،،

-ريم: أنا فرحانة أوي يا ماما

-سعاد : ربنا يسعدك يا بنتي

-ريم: حسام جاب عيلته معاه عشان يعرفهم بينا ويخلي ارتباطنا رسمي

-وجدي: طالما هو ابن ناس وكويس ايه المانع

-ريم: والله يا بابا هو محترم وشاريني وهيعملي كل حاجة أنا نفسي فيها

-وجدي: ربنا يبسرلك الأمور يا بنتي

-سعاد: يا رب

-ريم: أميييين ...

.....

بعد عدة ساعات وصل الجميع إلى القرية التي يقطن بها الحاج فاروق عم نور ،
وخلال الطريق كان يتبادل زياد مع نور الرسائل النصية .. وما إن وصل الجميع
حتى وجدوا عشرات الأشخاص في استقبالهم ..

-فاروق: يا مرحاب يا مرحاب

-هدى: ازيك يا حاج فاروق

-فاروق: البلد نورت بيكي يا ست هدى انتي وست العرايس

-نجلاء: أيوه هو يا انطي

-سلوى وهي تتأمل معتز : لا فعلا ليكي حق تموتي عليه ده شاب حليوة ومركز
وطول بعرض ، خدي بالك لأحسن واحدة تخطفه منك ولا حاجة

وبينما كانت سلوى تتحدث عن معتز تعثر هو في طريقه وسقط على وجهه و..

-معتز: آآآه ، في حد عينه مأورة ومدورة جاب في سيرتي

-ابراهيم: مش تاخذ بالك وانت ماشي

-معتز: الحمد لله ، ماهو العين صابنتي ورب العرش نجاني

-ابراهيم : يستاهل الحمد ع كل حال

توجه الضيوف جميعهم إلى منزل الحاج فاروق حيث ساعدهم الخدم الموجودين
هناك في ارشادهم إلى حجراتهم بالمنزل أو إلى البيوت الخارجية الملحقة بالدار ..
رأت هدى زياد وهو يخرج من غرفته مع أهله فطلبت منه أن تتحدث قليلاً معه و..

-هدى: زيااااااد ، زيااااااد

-زياد: خير يا طنط في حاجة

-هدى: حطيتوا حاجتكموا في الأوضة

-زياد: ايوه ، ماما بتتظبط الدنيا هناك

-هدى: طب كويس ، أنا عاوزاك شوية

-زياد: خير

-هدى: تعالى ، هنتكلم في الأوضة اللي هناك دي

-زياد: طيب

دافقت هدى ومعها زياد إلى احدى الغرف بالطابق الأرضي وتأكدت من عدم وجود
أي أحد بالخارج و...

-هدى: بجد أنا مش عارفة أقولك ايه يا بني

-زياد: تقولي ايه في ايه ؟

-هدى: يعني أنا مش لاقية أي كلام أشكرك بيه ع اللي عملته معايا ومع بنتي

-زياد: أنا معملتش حاجة ، أنا فعلا بجد...

-هدى مقاطعة : متقولش كده ، انت عملت كتير

في تلك الأثناء كانت نور تبحث عن والدتها هدى لتطلب منها أن تساعدتها في اعداد فستان الزفاف وتجهيز متعلقاتها كعروسة ، لم تجدها في غرفتها فنزلت للطابق الأسفل وبالفعل وجدتتها تتحدث مع زياد فاقتربت منهم لتستمع إلى
!!!!

.....

الحلقة الخامسة والخمسون :

كانت نور تبحث عن والدتها هدى لتطلب منها أن تساعدتها في اعداد فستان الزفاف وتجهيز متعلقاتها كعروسة ، لم تجدها في غرفتها فنزلت للطابق الأسفل وبالفعل وجدتتها تتحدث مع زياد فاقتربت منهم لتستمع إلى ما يقولون وكانت المفاجأة كالصاعقة المدوية بالنسبة لها ..،،

-هدى : يا زياد يا ابني أنا لسه عند وعدي ليك ، اطلب الفلوس اللي انت عاوزها ، أنا عارفة اني فرضت عليك جوازك من بنتي عشان تحميها ، وإنك مكووننتش موافق تتجوزها أصلا

-زياد: الحقيقة آآآ..

-نور في الخارج : مش ممكن ، ايه اللي انا بسمعه ده

-هدى: ماتتسفس ، أنا عارفة انت ضحيت بحاجات كتير عشان توافق ع جوازك من نور و..

-زياد مقاطعاً : يا طنط متقو...

-هدى مقاطعة: لأ ده حقك ، وانا مينفعلش أضيع عليك حقك ، وانا اعتبرتها صفقة بالنسبالي ، فحرام تعبك مع نور يضيع ع الفاضي من غير حتى ما تاخذ مقابل لده

-زياد: لا يا طنط

-هدى باصرار : اطلب اللي انت عاوزه وأنا تحت أمرك .. سعادة بنتي وحمائيتها أغلى عندي من أي فلوس

-زياد: يا طنط حضرتك فهماني غلط أنا..

-هدى: ولو حابب تنفصلوا بعد كده مافيش مشكلة ، انت عارف ان جوازك منها عشان بس تحميها من سامح لا أكثر ولا أقل

-زياد: طنط اسمعيني من فضلك

-نور في الخارج وهي تبكي : يعني ايه الكلام اللي أنا سمعته ده ، يعني زياد اتجوزني بس عشان مامي طلبت منه ده ، وكمان بمقابل مادي .. يعني ما..مافيش حب.. مافيش حتى اعجاب .. أنا..أنا مش مصدقة وداني ، أنا بالنسبالي مجرد صفقة ، ليه عملتي فيا كده يا مامي ؟؟ ليه بعيتيني لزياد ؟؟؟ كل ده عشان تبعدي سامح عني ، ياريتك سبتيني لسامح وما اتخدعتش في زياد ، أنا قلبي كان حاسس ان في حاجة مش مظبوطة ، كان حاسس ان زياد مغصوب ، استحالة كان بيحبي ولا حتى هيحبنى ، طب أنا ذنبي ايه يتلعب بمشاعري وحياتي ، ليه عملتوا فيا كده ، لبيبيبييه ؟؟؟ حرام عليكموا ، حرام...!!

ثم صعدت إلى غرفتها وهي تبكي بحرقة على حلم انتهى قبل أن يبدأ ..

-زياد: يا طنط اسمعيني ، أنا مش عاوز حاجة من اللي انتي بتقوليه دي

-هدى : يا بني

-زياد: يا طنط أنا فعلاً معجب بنور ، وعاوز أبدأ حياتي معاها

-هدى بفرحة: انت بتكلم جد

-زياد: ايوه يا طنط ، أنا نور دلوقتي بقت شيء أساسي في حياتي ، ممكن لسه مش عارف ان كنت بحبها زي ماهي بتحبني، يعني بنفس الدرجة ولا لا ، لكن اللي واثق منه انها لازم تكون جزء من حياتي ، ويومي مش هيكون إلا بيها ، أنا عمري ما اعتبرت نور صفقة بالنسبالي ، بالعكس نور دخلت حياتي وحركت حاجات فيا ..

-هدى: ربنا يسعدك يا زياد زي ما فرحت قلبي بكلامك ده

-زياد: ربنا يقدرني وأسعدها ، واحبها بدرجة كبيرة

-هدى: أنا واثقة انكو هتحبوا بعض ، لأن قلبكوا نضيف ، ونور كمان طيبة ورقيقة وتتحب بسرعة مش عشانها بنتي ، انت اتعاملت معاها وأكد عارف هي ازاي

-زياد: فعلا هي رقيقة ودي أول حاجة شدتني ليها

-هدى: وايه كمان ???

.....

في غرفة نور بمنزل عمها ،،

دلفت نور إلى داخل الغرفة وأغلقت عليها الباب وظلت تبكي بحرقة ، شعرت بالاهانة بأنه لا قيمة لها ، بأنها كالبضعة التي تباع لأجل من يدفع أكثر ..

-نور: أنا بيتلعب بيا اهيء اهيء ، لأ وماليش قيمة زي زي أي حاجة ببيعوها للي يدفع أكثر ، مكوناتش أتخيل انك كده يا زياد ، كسرتني انت ومامي عشان خاطر ايه؟؟ ماشي يا زياد ، وزى ما مامي فرضتني عليك وانت قبلت بيا غصب ، أنا هخليك تكره اليوم اللي وافقت فيه ع الاتفاق ده ، زي ما كسرت قلبي ووجعتني أنا هاكسرك .. ومابقاش نور إلا لو دمرتك يا زياد !!!!

.....

في الخارج ،، ،

-ريم: اومال فين العروسة

-نايا: في الأوضة فوق

-ريم: ها قررتي تلبسي ايه ؟

-نايا: محتارة بين فستانين

-ريم: مميمم... طب تعالي نختارك المناسب

-نايا: اوك

....

-معتز: المكان حلو أوي

-حسام: الصراحة أه

-معتز: أنا كنت مفكر انه مهجور وحاجة كده استغفر الله العظيم

-حسام: يا عم فكك من جو الأفلام ، قولي بقي ايه اللي لم الشامي ع المغربي ؟

-معتز: تقصد مين ؟

-حسام: حماة وليد ع قريبتك

-معتز: والله ما أعرف ، وبعدين ما جمع إلا ما وفق ، شبه بعض

-حسام: هههههههههههه تصدق صح

....

-سلوى: تعرفي يا نوجة انتي لو سمعتي اللي بقولك عليه ، الواد معتز هيبقى زي

الخاتم في صوباعك

-نجلاء: بجد يا طنط ،طب قوايلي أعمل ايه

-سلوى: أول حاجة اوعي تباني مدلوقة عليه ، الرجالة طول عمرهم عينيهم فارغة
مايحبوش الست المدلوقة

-نجلاء: أها ، وايه كمان

-سلوى: دائماً حسسيه انك مطلوبة ومرغوبة

-نجلاء: ازاي ؟

-سلوى: خليه يشوفك والناس بتعاكسك

-نجلاء: يا حسرة عليا ، ده محدش بيعبرني من أساسه

-سلوى: ما أنتي اللي عبيطة مركزة مع واحد بس وسايبة الباقي

-نجلاء: تقصدي ايه ؟

-سلوى: ارمي الهلب ع صاحبه ، خليه يغير ، فلفليه كده وشعوطيه

-نجلاء: أها

.....

-فاروق: يالا يا سعية ودي الوكل للضيوف

-سعية: حاضر يا حاج

-فاروق: مش عاوز حاجة تبجي ناجصة

-سعية: اظمن يا حاج فاروق

-فاروق: اومال فين ولدي سامح ؟

-سعية: ماخبرش ، مش باين من بدري

-فاروق: طيب روعي خلصي اللي جولتك عليه

-سعية: حاضر

-فاروق بعد أن انصرفت سعيدة : فينك يا ولدي ، مش باين خالص اكده ، ده
تليفونك مجفول ومحدث عارفك طريق ، ربنا يستر وماتعملش حاجة تخلينا كلنا
نروح في داهية .. جيب العواجب سليمة يا رب

.....

انتهت هدى من حديثها مع زياد وهي مطمئنة الآن على ابنتها ، فهي أصبح بين
يدي رجل أمين عليها يحميها من أي خطر ، ثم صعدت إلى غرفة نور حتى ..،،،
-هدى وهي تطرق باب الغرفة : (طق..طق..طق) نانووو حبيبة قلبي ، افتحي يا
عروسة (طق..طق..طق)
-نور: طيب

فتحت نور الباب وكان يبدو وجهها مختلفاً تماماً ، تعجبت هدى من شكل نور ، فهي
لا تبدو كالعروسة السعيدة وإنما كمن في حداد ..،،
-هدى: الله ، مالك يا نور؟؟ فيه اللي حصل؟؟

-نور باقتضاب : مافيش

-هدى: لأ شكلك بيقول ان في حاجة ، وفي حاجة كبيرة كمان

-نور: عادي يا مامي ، ارهاق

-هدى: برضوه مايكونش منظرك كده ، ده انتي زي ما تكوني معيطة

-نور: لأ تعبانة شوية

-هدى: لأ مش تعبانة ، في حاجة حصلت ولازم تقولي ايه هي !!

-نور بضيق: يوووو ، قولتلك يا مامي مافيش حاجة ، انتي هتزعيني بالعافية

-هدى: مالك بتكلميني كده ليه؟؟

ثم دلفت ريم ونايا إلى غرفة نور ..

-نايا: يالا يا عروسة

-ريم: احنا جايبين نظبطك آخر حاجة

-نايا بعد أن رأت وجه نور : الله ، مالك يا نور ، شكلك مش مبسوط

-نور: مافيش

-نايا: ازاي مافيش !!

-ريم: لأ في ، انتي مش شايفة شكلك عامل ازاي ، بصي للمراية وهتفهمي نقصد ايه

-نور: يووووه ، انتو عاوزين ايه الوقتي

-نايا: الله ، مش انتي العروسة ؟

-نور: ايوه أنا الزفتة

-هدى: نور !!! اتكلمي عدل مع اختك

-نايا: معلش يا مامي هي تلاقيها تعبانة ومتوترة

-ريم: خلاص يا جماعة اهدوا شوية

-سعدية : ممكن ادخل

-هدى: اتفضلي يا سعدية ، ده بيتك واحنا اللي ضيوف عندك

-سعدية: انا جايبية الوكل للعروسة وليكوا

-نور: شكراً مش عاوزة

-ريم: ميرسي ليكي يا أنطي سعدية

-سعدية: هه

-هدى: بتشكرك يا سعدية ع تعبك

-سعدية: اني معملتش لسه حاجة

-هدى : كتر خيرك

-نائل: أيوه يا عمو

-ابراهيم: انت في سنة كام ؟

-نائل: في اولى ثانوي

-ابراهيم : ماشاء الله ، يعني سنة كمان وهتبقى ثانوية عامة

-نائل: ان شاء الله

-ابراهيم: وناوي تتخصص ايه

-نائل: لسه مش عارف

-ابراهيم: لأ لازم تعرف من دلوقتي ، شوف انت ميال لايه واختاره ، متخليش حد يفرض عليك رايه ..

-معتز من بعيد: يا سلام يا بوخليل لو تعمل بالنصيحة دي معايا

-ابراهيم: انت ابني ولازم أديك ع دماغك

-معتز: الله يكرمك أحاج ، ازيك نائل ، انت عامل ايه ؟

-نائل: تمام

-نائل هامساً لمعتز: أبوك ده أنتيكا

-معتز: بس يا ض ، اتكلم عدل عن حماك

-نائل: حمايا ؟

-معتز: متخدش في بالك

-حسام مقاطعاً: يا ميزووو ، تعالى يالا ، العريس عاوزنا معاه

-معتز: اشطا ، انا جاي

-حسام: كلم وليد خليه يحصلنا

-معتز: اوك

جاء المساء ، وكان كلاً من زياد ونور قد بدأوا الاستعداد في غرفتيهما من أجل مراسم كتب الكتاب ، وبدأ حضور أهل القرية إلى الصوان المقام خارج المنزل ، وكذلك حضر معهم الضيوف القادمون بصحبة العروسين
كان صوان الفرع مقسم إلى قسمين أحدهما خاص بالرجال ، والآخر بالنساء ..

كان الحاج فاروق يستقبل الجميع ويرحب بهم ويقف بجواره طاهر والد زياد و ابراهيم والد معتز و...

-الحاج فاروق: اتفضلوا ، اتفضلوا

-أحد الأشخاص: مبروك يا حاج

-الحاج فاروق: الله يبارك فيك

-الحاج فاروق : مبروك يا طاهر بيه

-طاهر: الله يبارك فيك يا حاج فاروق

-ابراهيم: مبروك يا طاهر

-طاهر: الله يبارك فيك يا ابراهيم ، عقبال ما نفرح بمعتز

-ابراهيم: ان شاء الله

ظل فاروق يترقب وصول ابنه الذي كان مختفياً طوال النهار و..

-فاروق في نفسه: فينك كل ده يا ولدي ، أني هموت من الجلع عليك ، وانت ولا كأن ليك أهل واصل .. الناس هتسألني عنك ، هاجولهم ايه ، ربنا يستر وما يكونش ناوي يعمل اللي في دماغه . عديها ع خير ياااا رب !!!

.....

-نجلاء: متشكرة ، انت بس ناديلي أي حد من قرايبي يجي يساعدي

-سامح: مين جرايبيك؟؟

-نجلاء: مزاميزووو أو انكل ابراهيم

-سامح: مازا ايبييه؟؟

-نجلاء: لامواخذة معتر ابن عمتي

اعترض سامح و غضب حينما سمع باسم رجل سيأتي للكشف على نجلاء ، وأصر على أن يأتي بزوجة أبيه بدلاً منه ...

-سامح وهو يبتعد عنها : احنا معندناش رجالة تكشف ع حريم ، أني هناديك مرات ابوي تيجي تشوفك

-نجلاء بغضب : حريم مين؟؟؟ خد يا جدع انت !! استنى هنا ، ايه ياخواتي الرجالة الغريبة اللي هنا دي!!!! أَل حريم أَل

.....

بحث سامح عن زوجة أبيه لكي يحضرها لتطمأن على نجلاء و..

-سامح: مرات أبوي ، معلش عاوزك شوي

-سعدية: انت فين يا سامح ، ده الحاج فاروق جالب عليك الدنيا من بدري

-سامح: كان ورايا مصلحة بقضيها ، تعالي بس عاوزك

-سعدية : خير يا ولدي

-سامح: في حرمة وجعت عند المطبخ وباين رجلها اتلوت ولا حاجة هناك ، تعالي معايا شوفيها

-سعدية بخضة: يا ساتر يا رب

بالفعل ذهبت سعدية لترى نجلاء و..

-سامح وهو يشير على نجلاء : أهي يا مرات ابوي ، اللي جاعدة هناك دي

-سعدية: مالك يا بتي ، ايه اللي حوصل

-نجلاء: مافيش يا طنط ، كنت بدور ع المطبخ فاتكعبت ووقعت

-سامح: شوفي اكده ان كانت رجلها ورمت

-سعدية: وريني كده رجلك يا بتي

-نجلاء وهي تشير لسامح : والأخ ده هيفضل واقف يبص علينا ولا حاجة يعني

-سامح وهو يدير وجهه : هه ، لامواخذة

-سعدية: ياالني يا بتي ، ده رجلك ازرجت جوام

-نجلاء: آآآآه ، بالراحة يا طنط لأحسن مش قادرة

-سعدية: روح يا سامح اطلب الحكيم يجي يشوف رجل اللي بنية

-سامح: حكيم !! لأ أني هشوف البت نبوية

-سعدية: البت نبوية هنا ، استتاني أني هاروح أجيبها من جوا

-نجلاء: نبوية مين والناس نايمين !! انا عاوزة أروح عند قرايبي

حاولت نجلاء الوقوف على قدمها ولكنها لم تتحمل الألم فجلست مرة اخرى ..،،

-نجلاء: آآآآآآآآه

-سامح: ما أنا جولتلك اجعدي أحسن

-نجلاء: طبعاً فرحان فيا

-سامح: وأنا هفرح فيكي ليه

-نجلاء: عشان كنت رايحة أكل من المطبخ

-سامح: طب ما تكلي هو أني حوشتك

-نجلاء: تلاقيك باصصلي في الأكل

-سامح: وِكل ايه اللي هبصلك فيه ، ده انتي حتى شكلك مربرب وحلو

-نجلاء: ايه مربرب دي ؟؟؟ لو سمحت أنا شكلي سمبتيك

-سامح: لأ انتي شكلك حلو اكده

-نجلاء وهي تمط شفثيها : يا سم !

-سامح في نفسه: ايه البت الغريبة دي ، مالهأ اخدة في نفسها مجلب اكده ليه ،
بس البت الصراحة مدملكة في بعضيها شبه البطة البلدي المتزغطة صوح

.....

في خارج المنزل ،،،

-ابراهيم : واد يا معتز

-معتز: ايه يابوخليل

-ابراهيم: البت نجلاء مش باينة

-معتز: ليه هي أد الكف لا سمح الله ، دي شبه ضرفة الدولار هتبقى مش باينة
ازاي يعني ؟؟

-ابراهيم: يا واد اسكت ، بت خالك كانت قاعدة هناك من شوية وبعد كده
مشوفتهاش

-معتز: تلاقيتها بتعث هنا ولا هنا ، ما انت عارفها لو ملاقتش حاجة تعملها هتدور
ع حاجة تاكلها

-ابراهيم: أنا هاروح أشوفها

-معتز: خد راحتك آحاج

-ابراهيم: مش جاي معايا ؟

-معتز: لأ

-ابراهيم: كتر خيرك ، ها يا نوجة قادرة تقفي

-نجلاء: مش قادرة ، رجلي لسه بتوجعني

-ابراهيم: طيب استني أما نكلم الحاج فاروق يجيبنا دكتور ولا حاجة

-سامح مقاطعاً: هو انت تعرف الحاج فاروق يا حاج

-ابراهيم: أيوه يا بني ، ده نسيب صاحب ابني

-سامح: أها

-ابراهيم: بتسأل ليه

-سامح: اصل أنا ولد الحاج فاروق ، سامح !

-ابراهيم: بجد؟؟ اهلا بيك يا بني ، انا برضوه بقول الشهامة دي متخرجش بره العيلة

-سامح: الله يكرمك يا حاج ، ع العموم أي بعث أجيب البت نبوية الممرضة وهي هتعالج الست نجلاء

-ابراهيم: تسلم يا بني

جاءت نبوية الممرضة مع سعدية لتكشف على قدم نجلاء وتربطها برباط ضاغط ، بينما ظل سامح باقياً حتى اطمأن عليها ثم رحل ...

-نجلاء في نفسها : ماله الجدع ده بببصلي كده ليه ، شايفني بلياتشو قصاده ، استغفر الله العظيم

-نبوية: هي كويسة يا سي سامح

-سامح وهو يعطيها المال : طب خدي دول يا نبوية

-نبوية بفرحة: ياخذ عدوينك يا سي سامح ، ونفرحوا بيك اجريب

-سامح: توشكري ، يالا روعي شوفي اللي وراكي

-نبوية : حاضر

-سعدية: ان شاء الله يا بتي هتبجي كويسة

-نجلاء: ان شاء الله

-ابراهيم: هتقدري تمشي عليها ؟

-نجلاء: اه ، هسند عليك يا أنكل

-سامح: أني ممكن يعني ..آآآ... أساعدكم ..آآ

-نجلاء: شكراً

-ابراهيم: كتر خيرك يا بني

رفضت نجلاء أن يساعدها سامح مرة أخرى واكتفت بأن تستند على زوج عمته
ابراهيم حتى تصل إلى المكان المخصص للسيدات ، فقد وصل المأذون الآن إلى
المنزل ، وانطلقت الزغاريط عالياً و.....!!!

.....

الحلقة السابعة والخمسون :

وصل المأذون الآن إلى المنزل ، وانطلقت الزغاريط عالياً ، وأطلقت بعض الأعيرة
النارية في الهواء ايذاناً ببدء مراسم عقد القران ..

كانت نور في غرفتها بالطابق العلوي تشعر بالتوتر والضيق والاختناق ، هي
رافضة لتلك الأكذوبة ، ولكنها في نفس الوقت لا تستطيع أن تكشف الملعب الذي

قامت به والدتها أمام الجميع وإلا ستكون العواقب وخيمة ، لذا عليها الآن أن تتحمل ذاك العذاب النفسي حتى تعود إلى القاهرة مرة أخرى وتتفصل عن خدعها ..

-نايا بفرحة : المأذون جه يا أحلى عروسة

-ريم: أخيراً!!!!!!!!!!!!!! ، النحس هيتفك عننا وھتجوزي يا لوزة

-نور: ھه

-نايا: مالك يا نور مش على بعضك من الصباحية

-نور: عادي

-نايا: في ايه اللي مضايقتك

-نور: مافيش

-نايا: ده انا اختك ومش هتوه عنك يا نور

-نور: يا نايا عشان خاطري ، سيبيني في حالي الوقتي

-ريم: خلاص يا نونة هي تلاقيا بس صعبان عليها انها هتجوز وتسيبكم

-نايا: مممم..

-ريم: عقباننا يا رب

-نايا: بقيتي هتموتي ع الجواز

-ريم: أنا طول عمري ياختي هموت عليه ، بس محدش حاسس بيا

صعدت كلاً من رباب وهدى إلى غرفة نور ، ولحق بهم زياد ..

-رباب من الخارج : لووووووولولي

-هدى: يالا يا عروستنا ، عريسك مستني على نار تحت

-رباب: والمأذون جه ، وھنكتب الكتاب ونعلي الجواب

-هدى: هھھھھھھھھھھھھ ، مبروك يا رباب

-رباب: الله يبارك فيكي يا هدهوودة

-نايا: اومال فين العريس؟؟ مش المفروض يجي ياخذها من ايدها

-رباب: طالع ورايا أهوو

-زياد من الخارج : احم..احم ... ممكن أدخل

-هدى: اتفضل يا عريس

-رباب: خش يا بني ماتستأذنش

بالفعل دلف زياد إلى داخل الغرفة وشاهد عروسته نور وهي متألقة في فستانها الأبيض ، كانت نور تضع الطرحة الشفافة على وجهها لتخبيء نظرات الاحتقار لزياد، بينما كان هو يشعر بسعادة داخلية في نفسه لا يعرف مصدرها ، مد يده ليمسك بيد عروسته ، ولكن نور ظلت ثابتة كالصنم في مكانها إلى أن دفعتها نايا و..

-زياد في نفسه: ماشاء الله قمر ، ربنا يباركلي فيكي يا أحلى حاجة حصلتلي وهتحصلني

-نايا: يالا يا عروسة ، روجي مع عريسك

-نور: هه

-نايا: تعالى يا عريس خد ايد عروستك

-رباب: لووولوووولي

-زياد بقلق : آآآ..ازيك

-نور باقتضاب: تمام

-هدى: يالا يا ولاد ، الناس مستنينكو تحت

-رباب: زي القمر ، الله يحميكو يااااا رب ويكفيكو شر العين

-سامح: اظمن يا بوي ، أني هبسطك

-فاروق: استر يا رب

.....

في داخل صوان الفرخ ،،

جلس زياد بجوار نور على الكوشة المخصصة لهم ، واجتمع حولهم الأصدقاء والأقارب و..

-معتز وهو ينظر لنايا : مبروووووك أعريس ، النبي قمر ومنور

-زياد: الله يكرمك ، بس ارحم عينك شوية

-معتز: آآآآخ .. يا بختك

-زياد: استرها يا رب

-حسام: مش هتخلص منه النهاردة

-وليد: الليلة ليلتك يا عريس ، عاوزين أسد بيرمح

-معتز: لم نفسك انت وهو

-نايا: ماشاء الله لاقيين ع بعض أوي

-ريم: جداااااا

-منى: مبروك يا أحلى عروسة ، تتهنوا يااااا رب

-هدى: افردى وشك يا نور ، الناس بتتفرج عليكي

-نور: ان شاء الله

جلس والد حسام (مصطفى) بجوار والد ريم (وجدي) ، وظلوا يتحدثان سويا و..

-مصطفى: أنا اتشرفت بمعرفتك يا استاذ وجدي

ومن حولها ، فتعجز عن النطق بما يشتعل في صدرها ، أصبح ما عليها الآن هو الصمت إلى أن تستطيع أن تواجه زياد بالحقيقة وتنتهي تلك المهزلة .. ظلت شاردة لفترة إلى أن جاء إليها أحد الأشخاص ومعه الدفتر لكي توقع على عقد الزواج .. أمسكت بالقلم وظلت مترددة .. الكل يتربص ما ستقوم به ، لا مفر أمامها إلا أن توقع بالموافقة رغم رفضها لما يحدث

-مساعد المأذون: وقعي هنا يا عروسة .. يااااا عروسة

-هدى: يااا يا عروسة ، امضي

-رباب: ها يا نور

-نور: طيب

وما إن وقعت نور على عقد الزواج حتى علا صوت الزغاريط وانطلقت الأغاني و..

-حسام: مبرووووووووك

-ظاهر وهو يقبل ابنه : الف مبروك يا بني

-زياد: الله يبارك فيك يا بابا

-فاروق: مبروك يا ولدي

-زياد: الله يبارك فيك يا حاج فاروق

-هدى وهي تحتضن رباب: مبرووك يا رباب يا حبيبتي

-رباب: الله يبارك فيكي يا هدهوودة ، عقبال ما نفرح بعيالهم

-هدى: يا رب أمين

-نايا: مبروك يا عروسة

-ريم: مبرووك يا أحلى نانووو في الدنيا

-منى: الف مليون مبروك يا عروسة

-نور في نفسها: بتباركولي على ايه ، ع بختي المهيب ولا حظي الأسود ، ده انا
اضحك عليا واتبعك بالرخيص واتقبض فيا تمنى من بدري

-معتز: مش يالا بقى نرقص ونظيط ، احنا مش أعيدين في عزا

-حسام: ايوووه يالا يا عريس

-زياد: اصبروا عليا أما أسلم على عروستي الأول

-وليد: وماله يا عريس

صعد زياد بجوار عروسته ليهننها بعقد قرانهم و..

-زياد وهو يقبلها من جبينها : مبروك يا عروسة

-نور: ميرسي

-زياد: ممكن أرفع الطرحة بقى عشان أشوف القمر اللي مستخبي

-نور بضيق: طيب

-زياد وهو يرفع الطرحة: ماشاء الله ، كنتي مخبية الجمال ده كله فين

-معتز وهو يجذب زياد من يده : يالا بقى ، خلي الكلام بعدين ، ده وقت الفرح
والانبساط

-زياد: يا ض انت رزل

-معتز: اوفكووورس

بدأ زياد وأصدقائه الرقص على بعض الأغاني ، بينما ظلت نور جالسة في مكانها
ورفضت حتى أن تتحرك مع الفتيات حولها

-نايا: قومي بقى ماتبقيش بايخة

-نور: أنا مبسوطه كده ، مش عاوزة أقوم

-منى: سيبيها براحتها

-رباب: لووووووولووولي ، يالا يا بنات عاوزين نهيص للعروسة

-ريم: طبعاً!!!!!!!!!!!!!!!!!!!!!! ، وهو احنا عندنا كام نور

-هدى: ربنا يخليكوا لبعض

كانت سلوى تجلس مع نجلاء وبعض النساء وتنتظر للفرح بنوع من الاشمزاز و..

-سلوى بقرف: ايه ياخواتي الفرحة الأورديحي ده ، فين فرحك يا منى كان كله زينة
وزمبليطة ، مش الفرحة الساكة ده اللي متشحطين فيه من آخر الدنيا .. يا ريتني
ما جيت ، مانابني بس إلا هدة الحيل والتعب

-سلوى: مالك يا نوجة ساكتة ليه

-نجلاء: ولا حاجة ، بس رجلي بتوجعني

-سلوى: مقولتليش هو حصلها ايه ؟

-نجلاء: عادي يعني

-سلوى: ممم.. بقى مش عاوزة تقوليلي

-نجلاء: الله يا طنط ، أصل الموضوع مش مستاهل

-سلوي وهي تمط شفيتها: طيب

.....

في داخل المنزل

- فاروق : يالا يا سعيدة جوام هاتي الوكل لكل الناس

-سعدية: حاضر يا حاج

-فاروق: بسرعة متأخر يش

-سعدية: ع طول يا حاج ، يالا يا بت انتي وهي ، هاتوا الوكل وده بسرعة حدا الضيوف

.....

وقف سامح بمفرده بعيداً عن ضوضاء الفرع ، أخرج هاتفه المحمول ليطلب أحد الأشخاص و ...

-سامح هاتفياً: ها انتو فين دلوجيت ؟؟؟؟

-المتصل:

-سامح: يالا بجى ، والله ما يوحصل أبداً مش ده اللي اتفجنا عليه

-المتصل:

-سامح: ماشي أني منتظركم ، سلام !!

-سامح: هيببيح ، يا ترى يا بوي هتعببك المفاجأة اللي محضرها لبت عمي وعريسها ولا لع

.....

الحلقة الثامنة والخمسون :

كانت الأجواء في الفرحة تسير هادئة نوعاً ما إلى أن جاء ميكروباص ونزل منه أحد الأشخاص وأخرج هاتفه المحمول وطلب سامح و...

-برعي هاتفياً : ألوو ، ايوه يا استاذ سامح انت فين؟؟ احنا وصلنا

-سامح: انا واجف جنب الدوار ، انتو فين بالظبط ؟

-برعي: موجودين يا باشا

-سامح: خلاص شوفتكم ، أنا جاي حداكم

-سامح: ايه اللي أخركم كل ده

-برعي: الطريق يا باشا

-سامح: طيب ، عاوزكم تعملوا الواجب مع العريس ، انتو فاهمين

-برعي: ده احنا هنظبطله الليلة ع الآخر

-سامح: عظيم جوي

-برعي: طب مافيش حاجة كده تحت الحساب يا باشا

-سامح: خد ، والباجي لما تخلصوا

-برعي: ياخذ عدوينك يا بيه

.....

في داخل صوان الفرحة ،،،

بدأ توزيع الطعام على الضيوف الحاضرين وتقديم المشروبات لهم و...

-فاروق: حظ يا ولد الوكل هناك لأهل العريس

-شخص ما: حاضر يا حاج

-فاروق: وانت يا واد يا منعم ودي الأكل حدى الجماعة دول

-منعم: ماشي يا حاج فاروق

-سعدية: اتفضلوا يا هوانم الوكل

-سلوى: شكراً يا حاجة

-سعدية: كلي يا بتي ، ده الأكل نضيف والله

-نجلاء: شكراً يا طنط ، حاضر هاكل

-رباب: تعالي أما نشوف يا هدى المعازيم كلوا ولا لسه

-هدى: حاضر ، البركة الصراحة في سعدية هي اللي شايلة الليلة كلها

-رباب: ربنا يكرمها

-هدى: عنك يا سعدية

-سعدية: اجعدي ارتاحي يا ست هدى ، احنا هنعمل كل حاجة ، ده الحاج فاروق

موصيني

-هدى: ودي تيجي برضوه

-سعدية: والله ما يحصل أبداً ، خليكوا مع العروسة وأني هاقوم بالواجب

-رباب: ربنا يعينك يا رب

....

-سلوى: أنا هاروح الحمام وراجعة تاني

-نجلاء: ماشي يا طنط

انصرفت سلوى بعيداً عن نجلاء ، ولمحها سامح وهي تجلس بمفردها فتوجه إليها
و...

-سامح: سلامو عليكو

-نجلاء بقرف : و عليكو !!

-سامح: طب ردي السلام عدل ، ازيك دلوجيت

-نجلاء: الحمد لله

-سامح: في حاجة نجصاكي ؟

-نجلاء: لأ شكراً ، كله موجود يا بلدينا

-سامح بضيق : ايه بلدينا دي ؟

-نجلاء: او مال عاوزني اقولك ايه

-سامح: أني اسمي سامح

-نجلاء: أها

-سامح: يعني مش عاوزة حاجة ؟

-نجلاء: لأ !!

عادت سلوى ورأت سامح يتحدث مع نجلاء فأسرعت الخطى لتعرف من هو ذلك
الشخص و...

-سلوى: اتأخرت عليكي يا نوجة

-نجلاء وقد اضطربت من رؤية سلوى : آآآ.. لأ يا طنط

-سلوى: مين حضرتك يا أخ؟

-سامح: أني ابن عم العروسة

-سلوى: أها ، وبتعمل ايه هنا ؟

-سامح: بظمن ع الست نجلا

-نجلاء: على فكرة أنا اسمي نجلاء مش نجلا

-سلوى بخبث : قولتلي بقى

-سامح: عن اذنكو ، ولو في حاجة ناجصة جولولي

-سلوى: وماله مش عيب

.....

-فاروق بغضب: ايه اللي عملته ده يا ولد ؟

-سامح: خير يا حاج

-فاروق: مين الناس اللي واجفة بره الدوار دي

-سامح: يا بوي آآآ...

-فاروق: جول يا ولد

-سامح وهو يتجه ناحية الصوان: هتعرف دلوجيت يا حاج

-فاروق: يا ولد استنى ، يا سامح ياااا.. لا حول ولا قوة إلا بالله

صعد سامح إلى المسرح حيث يتواجد زياد وأصدقائه ، وأخذ الميكروفون وتحدث فيه و..

-سامح: مبروك يا عريس ، يا زين ما اخترت و.....

-هدى بقلق : استر يا رب ، ناوي على ايه ده كمان

-رباب: مين ده يا هدى

-هدى: ده سامح ابن الحاج فاروق اللي حكيتك عليه

-رباب بتوتر: يالهوي ، لأحسن يكون ناوي يعمل مصيبة

-معتز: ايه اللي طلح الرزل ده

-زياد: مش عارف

-حسام: مين ده ؟

-وليد: معرفش

-حسام لزياد: مين ده يا زياد ؟

-زياد: ده الزفت سامح ابن عم نور

-حسام: اها

-وليد لحسام : مين ؟

-حسام: ابن عم نور

-وليد: طيب

-نور : ايه اللي جابه ده !!

-نايا: مش عارفة ، ربنا يستر يا نور ، مش ناقصين فضايح

-نور: ربنا يعديها ع خير

-ريم: مين ده يا نوءة ؟

-نايا: ده ابن عمنا سامح

-منى: هو في ايه ؟

-سامح : الليلة ليلتك آعريس ، وأني هعمل معاك السلمة ..

-معتز: ناوي على ايه ده ؟

-زياد: خلوا بالكوا

-حسام: احنا جاهزين لأي حاجة

-وليد: متخافش يا زياد

-زياد : أنا مش خايف ، أنا بس.. آآآ....

-سامح مكملاً: أني حبيت أعمل مع بت عمي الله يرحمه الواجب ومع عريسها البيه
الظابط ، وجيبتكم أجدعها فرجة من المنصورة عشان تحيي الفرحة للصباح ،
ومبروك للعرايس وربنا يتملكم إبخير ...

-زياد: فرقة؟؟

-معتز: عوالم !!

-نور: ايه ؟

-نايا: مش ممكن

-ريم: بيتكلم جد ده

-رباب: فرقة؟؟؟

-هدى: غريبة أوي

-فاروق: الله يحظك يا واد يا سامح ، جايب فرجة لبت عمك ، والله براوة عليك

بدأت الفرقة الشعبية في عرض فقراتها وأشعلت الأجواء وظل الجميع يحتفل مع
العروسين و...

-سامح: ايه رأيك يا بوي في المفاجأة دي ؟

-فاروق: حاجة مليحة الصراحة

-معتز: أنا مالي آحاج ، انت خدت فرصتك قبل كده ، سيبيني أحاول أنا بقى

-ابراهيم: ده أنا أبوك ، تستخسر فيا الحلويات دي

-معتز: وأنا ابنك برضوه ، سيبيني أخذ فرصتي

.....

كانت ليلة جميلة بحق ، وحينما أوشكت على الانتهاء كانت هناك فرقة اخرى لتزف العروسين إلى غرفتهما و...

-فاروق: يالا يا عرايس، الفرجة جت وهتزفكم لأوضتكم

-ظاهر: كتير والله يا حاج فاروق اللي انت عمله ده

-فاروق: مش كتير ع بت اخوي الله يرحمه

-زياد: مش يالا بينا يا عروسة

-نور: اووف

-زياد: مالك؟

-نور: مافيش

-زياد: طب يالا

-رباب: لووووولووووولي ، الف الف مبروووووك يا حبايب قلبي

-هدى: ربنا يحميكم من العين

-معتز من بعيد: ارفع راسنا يا عريس

-ابراهيم: اختشي يا واد

-معتز: الله ، هو أنا قولت حاجة غلط

-زياد: انتي اتجنني ، اييييييه اللي عملتية ده

-نور وهي تتراجع للخلف: دي أقل حاجة أرد بيها عليك وعلى كدبك ، أنا عرفت كل حاجة ، انت واحد كداب ومخادع ممكن تعمل أي حاجة عشان الفلوس ، ممكن تبع نفسك للي يدفعك أكثر

-زياد بعصبية : انتي واعية للي بتقوليه ده

-نور مكلمة : خلاص تمثليتك المزيفة دي اتكشفت ، ولعبتك الحقيرة أنا فهمتها وأنا عرفتك ع حقيقتك ، مجرد واحد واطي وقذر ..

-لم تكمل نور كلامها حيث بادرها زياد بصفعة قوية على وجهها أخرستها على الفور

ظراااaااااااااااااااااااااااااااااااااااa

-زياد: اخرسي وماتفتحيش بؤك بحرف واحد

-نور: بتمد ايدك عليا

-زياد وهو يسحبها من شعرها: وأموتك كمان لو فكرتي تطولي لسانك ولا ايدك عليا تاني يا هانم

-نور متألمة آااااااااآه .. ابعدي عني ، أنا بكرهك ، بكرهك

-زياد بعد أن تركها : ولما انتي بتكرهيني وافقتي تتجوزيني لبيبييه؟؟ هاااااه ردي عليا يا هانم

-نور وهي تبكي : وافقت بس عشان خاطر أمي

-زياد: أفندم؟؟

-نور: عشان مانفضحش قصاد الناس ، لكن انت زيك زي سامح ، بس عارف هو أحسن منك ع الأقل بيحبني من قلبه ، مش زيك بتمثل

-زياد وهو يصفعها مرة اخرى: اخرسي .. ظراااa

-نور: آااااااااآه ... ده اللي انت بتعرف تعمله وبس ، بس لو كنت أعرف انك كداب من الأول مكونتش وافقت ، لكن للأسف عرفت متأخر ومكمنش قصادي حل تاني إلا اني اتنيل او افق ع الجواز دي

-زياد بغضب : اسكتي مش عاوز اسمع صوتك خالص

-نور بعصبية : لأ مش هاسكت

-زياد بضيق : بسسسسس ، مش عاوز أسمع حاجة

-نور: أول ما نرجع القاهرة تطلقني ، أنا مش عاوزة أفضل على ذمتك ثانية واحدة

-زياد:

-نور: سمعتني ، أنا بقولك تطلقني

-زياد في نفسه : لا حول ولا قوة إلا بالله

-ثم صاح بها : انتي طرشة ، بسسسسس بقي ، اخررررسي

.....

في غرفة معتز ووالده

-معتز: زمانت زياد هايص الوقتي

-ابراهيم: يا بني ادعيه ربنا يسهله

-معتز: ده أنا بدعيه من قلبي والله ، بس مقوتليش ايه رأيك آحاج في عروسة
ابنك المستقبلية

-ابراهيم: الصراحة هي حلوة

-معتز: حلوة بس ، دي قمر وجميلة الجميلات وحاجة ايبييه عسل ع الأخررر

-ابراهيم: حيلك حيلك

-معتز: جوز هالي يابا

-ابراهيم: يا واد اصبر

-معتز: لأ خلاص أنا صبرت كتير ، اخطبهالي من أمها

-ابراهيم: اصبر لما يطلع علينا نهار

-معتز: ماشي آحاج

في مكان ما بالقرية ،،،

كان سامح يجلس برفقة عبد الرازق يتسامران سوياً و...

-سامح وهو يدخن : عارف ياض يا عبد الرازق

-عبد الرازق: ايه يا سي سامح؟

-سامح: أني دلوجيت معدتش يفرج معايا ان كانت بت عمي اتجوزت ولا لع

-عبدالرازق: أها

-سامح: أهي بجت عادية خلاص بالنسبالي

-عبد الرازق: أومال كنت لامواخدة يعني هتموت عليها و..

-سامح: أني كنت مفكر اني هاموت عليها ، بس الصراحة دلوجيت لع

-عبد الرازق: وايه اللي غير تفكيرك إكده يا سي سامح؟

-سامح: البت عمرها مافكرت فيا ، وأنني كنت أخذها ماسجلة تحدي معاها ، وكنت

الصراحة مفكر انها عاملة ملعوب عليا هي والولية أمها عشان تخلص مني ، لكن

طلع الكلام ابجد واتجوزت الظابط

-عبد الرازق: أها

-سامح: أني موتي وسمي اللي يستغفني أنا ولا أبوي

-عبد الرازق: ايوه

-سامح: وأنا بعت ناس يسجالوا عن الظابط وطلع من عيلة

-عبد الرازق: وبعدين

-سامح: بس

-عبد الرازق: بس يمكن الظابط ده يطلع طمعان فيها ولا حاجة

-سامح: معتجدهش ياض يا عبد الرازق

.....

في الغرفة التي بها سلوى ونجلاء ،،،

-سلوى: قوليلي بقى حكاية الواد الفلاح

-نجلاء: فلاح !! قصدك مين ؟

-سلوى: قريب العروسة ده

-نجلاء: ماله

-سلوى: احكي لي هو يعرفك مين

-نجلاء: لا حكاية ولا رواية ، طنط بقولك ايه

-سلوى: قولي يا حبيبي

-نجلاء وهي تضع الملاءة على وجهها : أنا تعبانة وعاوزة أنام ، تصبحي على خير

-سلوى: بقى كده ، طيب

-نجلاء في نفسها: ايه الست الغريبة دي ، حاشرة نفسها في كل حاجة ، والله ولا

هعبرها .. أنا ناقصة قرف !!

.....

في غرفة وليد ومنى ،،،

-وليد: بس ايه الشياكة والجمال ده يا مزتي

-منى: ماتكسفنيش بقى

-وليد بغمزة : الظاهر ان الواحد صحته بتيجي ع الأرياف

-منى: ايه مالك بتبصلي كده ليه ؟

-اللواء اسماعيل: عظيم أوي ، استمروا في مراقبتهم بدون ما يحسوا ، ولو في أي حاجة بلغني فوراً وأنا هبعثلك الدعم

-المتصل: تمام يا فندم ، تؤمر بحاجة ثانية

-اللواء اسماعيل : لأ .. سلام

-المتصل: سلام يا باشا

.....

في غرفة الحاج فاروق ،،،

كان الحاج فاروق يجلس مع زوجته سعدية فطلب منها أن تذهب إلى المطبخ لتطهو له طعاماً طازجاً و...

-فاروق : جومي يا سعدية اطبخيلي حاجة أكلها

-سعدية: الوكل كثير تحت يا حاج

-فاروق: لأ أنا عاوز حاجة من ايدك انتي يا سعدية ، أصل أني مش بيعجبني وكل البننة

-سعدية: الله يكرمك يا حاج ، حاضر ، تحب أطبخلك ايه

-فاروق: اعمليلي حمام محشي بايديكي الحلوين دول ..

-سعدية: عينيا يا حاج

-فاروق: أني هخلص شوية مصالح إكدة ، تكوني انتي طبختي الوكل

-سعدية: ايه ده يا حاج ، هتخرج دلوجيت ، ده احنا داخلين ع الفجر

-فاروق: وفيه ايه يا ولية

-سعدية: مافيهاش يا حاج

-فاروق: روعي خلصي اللي جولتلك عليه ، واني راجلك تاني

-سعدية: حاضر يا حاج

ارتدى الحاج فاروق ملابسَه وخرج في تلك الساعة المتأخرة لكي يقابل أحد الأشخاص و...

-فاروق : طلبت تجابني ليه دلوجيت ؟

-بهجت وهو يعطيه بعض الأوراق : ايهاب باشا بيسلم عليك وباعتك نقوط العروسة

-فاروق: ايه دول ؟

-بهجت: عربون المحبة اللي بينا

-فاروق: مش فاهم ؟

-بهجت: أوراق تخليص الأرض اللي كنت عاوزها

-فاروق: عملتها ازاي دي

-بهجت: مافيش حاجة صعبة على ايهاب باشا

-فاروق: بس.. آآآ

-بهجت: متقلقش احنا على اتفاقنا ، وهنجيبك الأرض من الولية أمها

-فاروق: الله يباركك يا اووستاذ بهجت ، وسلمنا ع ايهاب باشا ، وجوله اللي عاوزه هيكون

-بهجت: طب احنا بقى عاوزينك تعمل اللي هنطلبه منك مع العرايس

-فاروق: جولي وأني رجيتي يا سي الاووستاذ

-بهجت : عاوزين آآ.....

.....

Flash Back لما حدث من قبل ،،،،

علم اللواء اسماعيل من مصادره الخاصة بأن هناك نية مبيتة لاغتيال نور على يد أحد رجال ايهاب الملاح ، وأن هذا كان مقرر حدوثه بالفعل يوم زفاف الرائد وليد ، لذا طلب تعيين حراسة خاصة عليها بدون علمها وطلب من ...،،

-اللواء اسماعيل: انت أكثر واحد محدش هيشك فيه

-عمر: تمام يا فندم

-اللواء اسماعيل: عاوزك تكون زي ضلها في أي حطة تروحها

-عمر: بس الرائد زياد ممكن آآآ.. يكشفني و..

-اللواء اسماعيل: دي شطارتك بقى انك تخليه مايحسش بده

-عمر: حاضر يا فندم

-اللواء اسماعيل : مش عاوز نور تبقى لوحدها لمدة ثانية واحدة

-عمر: حاضر يا فندم

-اللواء اسماعيل: وطبعاً زي ما أنت عارف السرية المطلوبة حتى على أقرب الناس ليك

-عمر: عُلم ويُنفذ يا باشا

-اللواء اسماعيل: مش عاوز غلطة يا حضرت الرائد

-عمر: ان شاء الله مش هيحصل حاجة

-اللواء اسماعيل: اتفضل على مكتبك وابدأ مهمتك

.....

علم في فرح وليد ،،،،،

توجهت نور بصحبة اختها نايا خارج قاعة الأفراح لتطلبا سيارة أجرة ، فلحق بهما عمر دون أن تراه أي منهما ، ومن ثم رأى عمر نايا وهي تتحدث مع معتز، فسلط نظره على نور وسمع صوت زياد وهو ينادي عليها ، ثم رأى السيارة المتجهة بسرعة ناحيتها ،

، ايه اللي جايبك هنا ،
-عمر: وهو في حد عاقل يعمل ده مع بنت
-زياد: ده تدریب ، وهي بنفسها قالت زيها زينا ، واحنا بندرب كده

.....

□□□ في تدریب تسلق الجدران ،،،

حينما فقدت نور و عيها وهي تتسلق الجدار ، أسرع زياد بانقادها ، وكان عمر
يراقب المشهد من بعيد و

جاء عمر متلهفاً لرؤية نور ، وكان على وشك الصدام مع زياد
-عمر بخضة: نوووور ، مالها ، عملت فيها ايه ؟
-زياد: ابعدها عنها

-عمر وقد أمسك زياد من ياقته: والله ما هسيبك ، أنت السبب في اللي حصلها
-زياد: أنا مجتث جمبها
-معتز: اهدوا يا جماعة ، خلىنا الأول بس نشوف البونية

مال عمر على نور وحاول أن يحملها بين ذراعيه ، ولكن أوقفه زياد ومنعه من هذا
-زياد: إياك تفكر تقرب منها
-عمر: لأ هاقرب غصب عنك، وهشيلها أوديها للدكتور
-زياد: يبقى انت الجاني ع نفسك

تدخل معتز بين زياد وعمر وحال بينهما ، وانتقل زياد بنور إلى العيادة ليطمئن
عليها ، وهنا اتصل عمر باللواء اسماعيل ليبلغه بما حدث و..

-عمر هاتفيا: أيوه يا فندم ، نور اغمى عليها وانتقلت العيادة

-اللواء اسماعيل: طب خليك وراهم وتابعلي اللي بيحصل ، ماتسيبهومش مهما
حصل

-عمر: حاضر يا فندم

.....

□□□ في العيادة ،،،

-عمر وقد دخل إلى العيادة: ها اخبارها ايه الوقتي

-زياد: برضوه انت !!

-معتز: الحمدلله

-عمر: قولي يا دكتور هي كويسة

-الطبيب أحمد: الحمدلله

-عمر: طب أقدر أشوفها

-زياد: انت البعيد ايه مايبحسش

-عمر: أنا عاوز أطمئن عليها

-زياد: وانا قولتلك هي كويسة ، امشي بقى

-عمر باصرار : مش قبل ما أشوفها وأتأكد انها بقت بخير

-زياد: ياعم بطل رزالتك بقى وحل عن سمايا السعادي

-عمر بتحدي: لأ مش ماشي ، وهات أخرجك يا زياد

-معتز: احنا في العيادة يا جماعة ، اهدوا شوية ، واذكروا الله كده

-زياد: استغفر الله العظيم يا رب

-عمر: لا إله إلا الله

وحينما أفاق نور اطمأن عليها عمر ، ولما عادت مع زياد إلى غرفتها ، تحدث مع

الطبيب واطمأن على صحتها مرة أخرى

-عمر: يعني هي بخير ، مافيش خطر عليها ؟

-الطبيب أحمد : لأ يا سيادة الرائد ، هي ان شاء الله هتبقى كويسة

-عمر: شكراً

.....

□□□ في المسبح ،،،

وبينما كانت نور تستعد للقفز حضر عمر ومعه فرقته ، كانوا يتمازحون إلى أن

رأوا زياد وفرقته ، فبحث عمر بعينه عن نور التي لم يجدها بين الواقفين ..

-عمر ضاحكاً: المياة حلوة مافيش كلام

-مازن: أهوو ده احسن يوم في التدريبات كلها

-عمر: اه الصراحة

-مازن مشيراً إلى فرقة زياد : الله مش ده زياد وفرقته

-عمر: تصدق هما .. بس فين ..فين نور؟؟؟

-مازن: الظاهر مجتش

-عمر: استحالة ، ده أنا سايبها مع زياد

□□□ أغمضت نور عينيها وقررت أن تقفز وألا تستمع إلى ما يقولون ،،

-نور: أبدأ مش هنزل ، هحاول ، هيحصل ايه يعني ، ان شاء الله هنجح ، هأخذ نفس عميق و..

-زياد برجاء شديد : عشان خاطري يا نور ارجعي متنطيش

جرى عمر ناحية السلم ليحاول منع نور من القفز من تلك المسافة العالية ..،

-عمر بصوت مرتفع: نوووور ، استيني ، متنطيش ، أنا جاي أنط معاكي

وما إن سمع عمر صوت الارتطام حتى قفز فوراً في الماء لينقذ نور ولكن لم تظهر نور أو حتى تطفو أمامهم على سطح مياه المسبح ، بحث الجميع عنها ، ثم غاص زياد ليجد نور راقدة بالأسفل وتفرد كلتا ذراعيها بعد أن فقدت وعيها من قوة الارتطام وتغيير الضغط ، حاول عمر أن يساعد زياد في انتشالها من المياه ...

سبح زياد بنور ناحية جانب المسبح ، التقطها منه معتز وحملها برفق ووضعها على الأرضية وأمال رأسها قليلاً ، ثم خرج الجميع من داخل المسبح و...

-زياد وهو يحاول أفاقته : نوووور .. نوووور

-عمر: دي شكلها قاطع النفس ع الاخرررر

-زياد: ان شاءالله يتقطع نفسك انت .. ارحمنا شوية

-حسام: بص شوف في جرح في دماغها

-زياد: لأ مافيش الحمدلله

-معتز: هي مش بتتنفس ولا ايه؟؟

-عمر: باين لأ ، دي شكلها عاوزه تنفس صناعي ، حاسب أنا هعملهولها ، أنا خبير في الاسعافات الأولية اللي من النوع ده

-زياد: وعزة جلال الله هتكون محصلها لو فكرت بس تعمل ده

-عمر: انت لا بترحم ولا بتسيب رحمة ربنا تنزل

□□□ ثم هدد عمر زياد بالتحقيق معه مرى اخرى في حالة تماديه مع نور ..،،

-حسام: بلاش يا زياد تتحدى نور تاني ، أهي أثبتتك نفسها

-عمر مستفهما: يعني ايه اللي بتقوله ده يا حسام؟؟

-حسام: زياد حب بس يشوف ان كانت نور هتعرف تنط ولا لأ ، وأهي طلعت بميت راجل وعملت ده ..

-عمر مقاطعاً: يعني انت السبب في اللي كان هيحصلها يا زياد؟

-زياد: ملكش فيه ، انا مش عارف انت مالك ومال فرقتي واللي بنعمله ما تركز مع زميلك أحسن

-عمر: طيب ماشي !!، أنا بقى مش ورايا إلا أنت ، وهبلغ عنك يا زياد وهاقول انك بتعرض حياة زميلك للخطر زي ما بلغت عنك قبل كده

-زياد: بتقول ايه؟؟؟

-عمر: اللي سمعته !!

-زياد: يعني انت اللي عملت فيا شكوى بخصوص نور وكنت هتحويلني للتحقيق
؟؟؟؟

-عمر والغضب يعتريه : أيوه ، وياريت التحقيق جاب نتيجة معاك ، لكن عرفت بعد
كده ان نور اتنازلت عن حقها في الشكوى ، وضيعت الفرصة في انك تتربى
.....

□□□ في تدريب الفنون القتالية ،،،

أضاف عمر بأوامر عليا اسم فرقته في مواجهة فرقة زياد حتى يضمن أن تكون
نور تحت ناظره ويرحمها قليلاً من تهور زياد معها ، وبدأ في مهمة اغاظة زياد
من خلال ادعائه للحب معها حتى نجح في ايصال هذا لزياد...

□□□ وكذلك كان الحال في تدريب مطاردة السيارات ، ثم صدرت الأوامر لعمر
بوضع فرقته وفرقة زياد في تدريب الرهينة حتى تخسر فرقة زياد وتخرج تماماً
من باقي التدريبات ،

وخلال التدريب اعترف عمر لنور بأن ما بينه وبين زياد هي منافسة لا أكثر ولا أقل
وأنها لا تمثل شيء بالنسبة له

ولكن كانت المفاجأة هي فوز فرقة زياد وخروج فرقة عمر و...

-اللواء اسماعيل: كسبوا؟؟ ازاى

-عمر: اللي حصل يا فندم ، نور قدرت تهرب مني و..

-اللواء اسماعيل: طب فاضل أي تدريبات تانية؟؟

-عمر: الرماية بس

-اللواء اسماعيل: ماشي ، ده مقدور عليه ، انسحب انت وفرقتك من المعسكر
عشان محدش يشك فيك

-عمر: حاضر يا فندم

.....

□□□ في القرية ،،،

كان سامح يجلس برفقة عبد الرازق ويتوعد بالانتقام من هدى وابنتها والظابط الذي ينتوي الزواج منها و...

-عبد الرازق: متجلجش يا سي سامح ، انت اللي هتجش في الآخر

-سامح: يا بجرة بجولك الواد ناوي يتجوزها ويلهف كل حاجة في كرشه

-عبد الرازق : بس لسه هو ماتجوزهاش

-سامح: إيوه ، لكن خلاص هيكتبوا الكتاب اجريب

-عبد الرازق : طب أني ممكن أشور عليك بحاجة

-سامح: جول يا سبع البرومية

-عبد الرازق: ايه رأيك لو جتلتة !!!

-سامح: انت اتخبلت في مخك ، اجتلتة !! انت مش عارف هو مين ولا بيشتغل ايه

وهنا دخل عليهم أحد الأشخاص قائلاً ،،

-بهجت: وأنا عندي الحل لكل مشاكلكم

-سامح: انت مين ???

-بهجت: أنا زي خاتم سليمان ، عندي الحل لكل حاجات.....

!!!

.....

الحلقة الستون :

□□□ وهنا دخل عليهم أحد الأشخاص قائلاً ،،

-بهجت: وأنا عندي الحل لكل مشاكلكم

-سامح: انت مين ???

-بهجت: أنا زي خاتم سليمان ، عندي الحل لكل حاجات

-سامح : اطلع بره يا جدع انت بلاش هجس ع الفاضي

-بهجت: اصبر يا سامح لما تسمع مني الأول ، ولو معجبكش كلامي أنا هطلع بره من نفسي

-سامح: انت تعرف اسمي مينين ???

-بهجت: لأ أنا أعرف عنك كل حاجة ، بس عاوز أتكلم معاك على انفراد

-سامح: مافيش حد غريب اهنة

-بهجت: لأ الكلام اللي هاقوله ده لازم يكون بينا ، وطالما مصلحتنا واحدة ، اكيببيبيد هنتفق

-سامح: هه

-بهجت : خلي الأخ ده أعد هنا وتعالى معايا في عربيتي شوية

-سامح: آآآآ

-بهجت: ماتخفش ، أنا واثق ان كلامي هيدخل مزاجك

وبالفعل ذهب سامح مع بهجت وجلسا سوياً يتحدثان داخل السيارة ..،

-بهجت: أنا يا سيدي الاستاذ بهجت رؤوف المحامي ، تسمع عني

-سامح: لع

-بهجت: مش مهم ، المهم الوقتي أنا محامي لرجال أعمال معروف ، وهو كان ليه مصلحة مع بنت عمك نور

-سامح باستغراب: بت عمي

-بهجت: أيوه ، هي أذته في شغله وهو كان عاوز يديها قرصة وذن صغيرة

-سامح: ياما نفسي أنتجم منها ع اللي عملته فيا

-بهجت: أها .. عشان رفضتك وفضلت عليك الضابط ولا عشان الضابط هياخد الأرض اللي عليها العين

-سامح: انت عارف دي كمان ؟

-بهجت: أنا أعرف اللي انت ذات نفسك متعرفهوش

-سامح: ياااا بوي ، طب وانت عاوز مني ايه دلوجيت

-بهجت: عاوزك تعمل اللي هاقولك عليه بالحرف

-سامح: والمجايل؟؟

-بهجت: هتاخذ بنت عمك والأرض وكل ما تمك

-سامح وقد اخذ يفكر فيما يقول : هه

.....

□□□ في منزل الحاج فاروق فوزي ،،،

كان الحاج فاروق يتحدث مع يسري المحامي حول مشكلة الأرض حينما دخل عليهم سامح و...

-يسري : المهم يا حاج فاروق تلحق تنجز في الموضوع ده قبل ما يطلع القرار من المحافظة ، وإلا لو عرفت مرات المرحوم هتروح عليك الأرض

-فاروق: ربك يسترها ... أني لازم أتصرف وأخليها توافج تديني الأرض ان شاء الله بأي حيلة

-سامح من بعيد: أنا عندي الحل يا بوي

-فاروق: سامح ، انت هنا من ميني؟؟

-سامح: من بدري يا بوي ، وعندي الحل اللي هيريحنا من ده كله

-فاروق: حل ايه يا ولدي؟؟

-سامح : الحل لكل مشاكلنا هو اننا نتعاون مع بهجت بيه

-فاروق: بهجت بيه مين ده يا ولد

-بهجت: سلامو عليكم يا حاج فاروق

-فاروق: و عليكم السلام ، انت مين ؟

-بهجت: أنا بهجت رؤوف المحامي ، وعندى الحل لمشكلة الأرض بتاعت المرحوم اخوك

-فاروق: ازاي

-بهجت: أنا محتاج أتكلم معاك لوحدينا

-فاروق: ده الأوستاذ يسري المحامي بتاعي

-بهجت: برضوه ، أنا عاوزك لوحدك يا حاج

-يسري وقد شعر بالحرَج : طب هستأذن أنا يا حاج فاروق وأجيبك وقت تاني

-فاروق: ماشي

-بهجت: بص يا حاج فاروق مشكلة الأرض بتاعتك دي سهل اني أحلهاك

-فاروق: ازاي

-بهجت: مش مهم ازاي ، المهم الوقتي تنفذ اللي هاقولك عليه

-فاروق: طب واياه المجابل ، أكيد يعني مش هتساعدني لله في الله

-بهجت: ماشاء الله نبيه يا حاج ، وبعدين طالما مصلحتنا واحدة يبقى اطمئن

-فاروق: هه

-بهجت: بص يا حاج عاوزك تطلب من مرات اخوك المرحوم ان بنتها تعمل فرحها هنا

-فاروق: ايه

-سامح بغيظ : نعم ؟؟

-بهجت: اللي سمعتوه

-سامح بعصبية : انت اتجننت ، ازاي عاوزني أوافج ان بت عمي تتجوز الدخوف
ده

-بهجت: صدقني مش هتتجوزه

-سامح: بتجول ايه

-بهجت: اللي سمعته ، ده ملعوب عليك من امها هدى والبت بتجاري أمها عشان
يخلصوا منك

-سامح: ايبويه

-فاروق: انت جبت الكلام ده منين ؟؟ مش يمكن كدبة ؟؟

-بهجت: ماهو عشان كده بقولك خليهم يعملوا فرحهم هنا عندكو في البلد ، وهتأكد
بنفسك ان كلامي مظبوط

.....

□□□ في منزل الحاج فاروق فوزي ،،،

كان سامح يتحدث مع والده الحاج فاروق حول مخطط ما ينوي تنفيذه و...،،،

-سامح: أني هخلي الرجالة يموتوه لو دخل عليها !!

-فاروق: لأ يا ولدي كله إلا الجتل

-سامح: او مال عاوزني أفضل واجف أتفرج عليه وهو بيتجوزها وبيلهف الأرض
مننا

-فاروق: لأ .. اصبر وأنى هتصرف

-سامح: يابوي أنا ظبطت الرجالة بتوعي ، لو دخل بنور هيبجي آخر يوم في عمره

-فاروق: بس مش خطر يا ولدي الموضوع ده

-سامح: لأ يا بوي ، أني مجهز لكل حاجة

-فاروق بتردد : بس..بس

-سامح: يا بوي اظمن ، أني جبل ما هعمل أي حاجة هاجولك

-فاروق: يا ولدي أنا خايف عليك

-سامح بثقة: متخافش يا حاج ، انت مخلف رجالة

-فاروق: ربك يسترها علينا

-سامح: أهوو لو طلع ملعوب زي اللي محامي مجال يبجي انكتبله عمره جديد ،

ولو بيضحك علينا يبقى راح فطيس

.....

□□□ في منزل عبد الرحمن فوزي ،،

سمعت هدى طرقات على باب المنزل فذهبت لتري من الطارق ..،،

-هدى : طيب ياللي ع الباب،أنا جاية أهوو

فتحت هدى باب شقتها لتجد أن الطارق هو ...

-هدى بفرع: انت ..!!!

-سامح: ايه يا مرات عمي ، مش هتجوليلي اتفضل

-هدى: هه .. أه ، آآآ.. اتفضل يا سامح

-نايا: انت بتعمل ايه هنا ؟

-سامح: جاي أزوركم وأظمن عليكم وبالمرة أسأل مرات عمي عن فرح بت

عمي

-هدى: آآآ..

-سامح: مش انتو خلاص حددتوه

-هدى بترد: هه .. آآآ.. اه طبعاً

-سامح: طب أنا بجى عندي اقتراح أكيد هيعجبك

-هدى: ايه هو ؟

-سامح: ايه رأيكم نعمل فرحهم حدانا في البلد ؟

-هدى بقلق : بـ...بتقول ايه ؟؟؟

-سامح: اللي سمعته يا مرات عمي ، مش هما خلاص ناويين يتجاوزوا ، ليه بجى

نخلي الفرحة اهنه ، وكل أهلنا وحبابينا هناك !

-هدى: بس..أصل الحكاية ان ...

-سامح: في ايه يا مرات عمي ؟؟ مش مبسوطه من الفكرة ، ده أبوي الحاج فاروق

بنفسه هو اللي موصيني ان فرح بنت أخوه المرحوم يتعمل هناك ، ولا البيه جوزها

مستعز منينا لا سمح الله !!!!

-هدى: لأ مش كده والله بس..

-سامح: من غير بس يا مرات عمي ، أبوي جال كلمة وان شاء الله الفرحة هيبجي

هناك ...

.....

□□□ في منزل الحاج فاروق فوزي ،،،

هاتف هدى الحاج فاروق لتبلغه بميعاد كتب الكتاب حتى يعدوا العدة لتلك الليلة وما

ان علم سامح بهذا حتى استشاط غضباً و..

-سامح : يعني هايتجوزها أهوو يا بوي ، وأني هطلع من الموالد بلا حمص

-فاروق: اتجل يا واد

-سامح: اتجل لحد ما يتجوزها؟؟؟ يا بوي سيبيني أنفذ اللي جولتك عليه

-فاروق: هاتنفذه يا ولدي بس مش دلوجيت خالص

-سامح بضيق: يوووه

-فاروق: اسمع الكلام اللي بجولك عليه ، وبعدين لو عاوز تتجوز ، عندك اختها اللي كبيرة ممكن تتجوزها

-سامح: لع ، أني عاوز نور وبسس

-فاروق: يبجي تعمل اللي جولتك عليه وتصبر

-سامح على مضض: ماشي

ثم انصرف سامح وهو غير مقتنع تماماً بما قاله والده و..

-سامح: أصبر على ايه بس يا بوي ، ده أنا جايد نار من جواتي وأنا شايف نور مع حد تاني غيري ، ازاي افضل واجف اتفرج عليها وهي هتتجوز واحد غيري ، لأ وأبوي بس يجولي اتجوز اختها .. الجلب مافيهوش إلا نور وبس ، وان مكانتش ليا يبقى مش هتكون لغيري

.....

□□□ في شركة ايهاب الملاح ،،،

كان ايهاب الملاح يتحدث مع محاميه وكاتم أسرار بهجت عن نور و..

-ايهاب : يعني ايه الكلام ده؟؟

-بهجت : زي ما حضرتك سمعت ، مش موجودة ، بقالها كام يوم مش ظاهرة

-ايهاب بنرفزة : ايبيبويه الأرض اتشقت وبلعتها؟؟؟

-بهجت: لأ بس تقريبا مع زمايلها

-ايهاب: طب راحوا فين؟؟

-بهجت: مش عارف

-ايهاب: ماهو أنا مشغل معايا شوية بهائم ، المفروض موضوعها ده كان خلص من زمان ، أنا داخل صفقة جديدة ومش ناقص بلوى تانية تحط ع دماغي ، وطول ما البت دي بتدور ورايا أنا في خطر

-بهجت: أنا هحاول أعرف عنها أي حاجة

-ايهاب: قدامك 24 ساعة يا بهجت وتجيبي كل حاجة عنها ، فاهم !!

-بهجت: طيب

.....

□□□ استعان بهجت بأحد الأشخاص لكي يراقب منزل نور ويعرف عنها كل جديد ويبلغه به أولاً بأول ...

أسفل العقار الذي به منزل عبد الرحمن فوزي ، كان هناك شخصاً ما يراقب المنزل وما إن رأى نور وزملائها حتى أخرج هاتفه وطلب رقماً ما ليخبره بما حدث و...

-الشخص هاتفياً: أيوه يا بيه ، البت جت ومعاها اتنين زمايلها وطلعوا كلهم فوق

-بهجت : جوم امتي ???

-الشخص: من شوية يا بيه وانا بلغتك ع طول

-بهجت: تخليك أعد عندك وماتتنقلش ، فاهم ??? ولو في أي حاجة حصلت حتى لو

ايه تقولهالي على طول ، مفهوووووم !!!

-الشخص: حاضر ، أنا موجود ولو عرفت أي جديد هبلغك بيه

-بهجت: وأول ما ينزل اللي كانوا معاها تعرفني

-الشخص: ماشي أول ما هينزلوا هبلغكم

-بهجت : وزى ما فهمتك تفضل أعد هناك متتحركش ، سامعني كويس ، سلام

-الشخص: ماشي ، لأ مش هامشي .. مع السلامة

.....

-بهجت هاتفياً: ايهاب باشا ، البت كانت مع زميلها في تدريب ورجعوا من شوية

-ايهاب: اها ، انا عاوز أخلص من الموضوع ده في أقرب وقت ، الصفقة الجديدة معادها قرب ، وطول ماحواليا دوشة أنا مش هعرف أركز

-بهجت: اطمئن ، الليلة دي عندي كلها يا باشا

-ايهاب محذراً : بهجت ، أنا مش عاوز اقولك أنا ممكن أعمل ايه ، أنا سايبلك الموضوع ده تخلصه وإلا ورحمة أمي ماهـ..

-بهجت مقاطعاً: من غير ما تحلف يا باشا ، اعتبره خلص ، اديني مهلة اخيرة اسبوع وهتسمع أخبار تبسطك

-ايهاب: أما أشوف

.....

□□□ أسفل عقار عبد الرحمن فوزي ،،،

كان الشخص الذي يراقب نور وتحركاتها مازال مرابطاً أسفل العقار لكي ينقل أخبارها أولاً بأول لمن وظفه ، وحينما علم من البواب أمر زواجها ، أسرع بالاتصال بـ ...

-الشخص: ألووو ، ايوه يا بيه

-بهجت: خير في جديد؟؟

-الشخص: حصل يا بيه ، كلهم مسافرين ع البلد

-بهجت : انت متأكد من اللي بتقوله ده ، في حاجة تانية؟؟

-الشخص: أنا عرفت من البواب انها هتجوز الطباط زميلها هناك

-بهجت : عظيميبييم اوي ، كده انت تمام ، روح بقى على بيتك ، اه ومنتساش تفوت ع المكتب تاخذ أتعابك

-الشخص: تمام يا بيه

.....

□□□ هاتف بهجت سامح وطلب منه أن يبعد نفسه عنه الشبهات خلال الفترة القادمة حتى لا يثير الريبة حوله إذا ما جد في الأمور جديد ..،،

-بهجت هاتفياً: تسمع اللي بقولك عليه وتنفذه

-سامح: يعني عاوزني أتحزم وارجص على واحدة ونص

-بهجت: وتنقطها كمان

-سامح: لأ ده كده كتير جوي

-بهجت: عشان مصلحتك تعمل اللي بقولك عليه

-سامح: هطلع من خلجاتي يا ناس

-بهجت: اصبر ، وكل حاجة هتمشي زي ما احنا عاوزين ، سلام

-سامح في نفسه : ياخوفي لتكون بتشتغلني يا بهجت الكلب وتضيع مني مهجة الجلب والأرض واطلع أني الخسران في الآخر ، بس ورحمة أمي في تربتها ماهيتهنوا يوم سوا لو اتجوزوا فعلا ، و لوطلعت بتضحك عليا يا بهجت ، ماهيكفيني فيك جتلك

□□□ ذهب سامح إلى احد مراكز مدينة المنصورة وطلب فرقة شعبية لتحيي ليلة زفاف نور وزياذ حتى يبعد عنه أي شبهة ، وبالفعل حضرت الفرقة وقامت بدورها على أكمل وجه

ولكي يضمن سامح أن صديقه عبد الرازق لا يشك به أخبره أنه لا يحب نور و..

-سامح وهو يدخن : عارف يا ض يا عبد الرازق

-عبد الرازق: ايه يا سي سامح؟

-سامح: أني دلوجيت معدتش يفرج معايا ان كانت بت عمي اتجوزت ولا لع

-عبدالرازق: أها

-سامح: أهي بجت عادية خلاص بالنسبالي

-عبد الرازق: أو مال كنت لامؤاخذة يعني هتموت عليها و..

-سامح: أني كنت مفكر اني هاموت عليها ، بس الصراحة دلوجيت لع

-عبد الرازق: وايه اللي غير تفكيرك إكده يا سي سامح؟

-سامح: البت عمرها مافكرت فيا ، وأنى كنت أخذها ماسجلة تحدي معاها ، وكنت

الصراحة مفكر انها عاملة ملعوب عليا هي والولية أمها عشان تخلص مني ، لكن
طلع الكلام ابجد واتجوزت الظابط

كان سامح يزفر دخان سيجارته ويحاول أن يبدو هادئاً ، لكنه كان كالبركان الثائر
المشتعل بالحمم البركانية الحارقة من الداخل حينما يتذكر أن نور الآن تجلس مع
زياد كزوج وزوجة ، ولكن عليه أن يتحمل ويصمت

.....

◻◻◻ خرج فاروق قرب الفجر لكي يقابل بهجت الذي أعطاه أوراقاً لأرض ما
وطلب منه في المقابل أن ...

-بهجت: طب احنا بقى عاوزينك تعمل اللي هنطلبه منك مع العرايس

-فاروق: جولي وأناي رجبتي يا سي الاوستاذ

-بهجت : عاوزين نتأكد ان كانوا العرايس اخوات ولا لأ

-فاروق بعصبية : ايه اللي بتجوله ده ؟؟

-سامح من بعيد : اللي سمعته يا بوي

-فاروق: انت اتجننت يا واد

-بهجت: المرة دي الخدمة عشان سامح

-سامح بنرفزة : أيوه اتجننت يا بوي ، يعني عاوزني أفضل على ناري اكده وأني مش عارف ان كان ده ملعوب عليا ولا لع

-فاروق: تجوم تطلب من الاووستاذ بهجت انه يجولي الطلب ده ، مافيش خشى ولا حيا ، ده عرض بت عمك يا واد

-بهجت: وماله يا حاج فاروق ، احنا مش غرب الوقتي ، وبعدين عشان نضمن كلنا

-سامح: أني مش هيغمضلي جفن إلا لما أعرف ان كان اتجوزها ولا لع

-فاروق: استغفر الله العظيم يا رب

-سامح: يا ويله لو كان دخل بيها .. هيبجي صباحيته في الجرافة ان شاء الله

-بهجت بخبت: اهدى يا سامح ، صحيح هي بنت عمك وده جوزها ، وممكن يستغل الموقف ولامواخدة يعني آآآ ... تحلى في عينه و...

-سامح مقاطعاً : اسكت يا سي بهجت متكلمش

-بهجت بلؤم: أنا بس عاوزك تفهم أن طول ما احنا معاك بنت عمك هتكون ليك

-سامح: غصب عن عين الكل هتكون ليا !!! □□□

.....

عودة للوقت الحالي ،،،،،

في غرفة زياد ونور ،،،،،

ظلت نور تبكي بحرقة مما حدث ، بينما بقى زياد صامتاً و..

-زياد بهدوء : قومي غيري هدومك

-نور: مش هاقوم من مكاني ، وملكش دعوة بيا

-زياد: اللهم طولك يا روح ، يا نور استهدي بالله وماتنرفزنيش

-نور: بس ماتنطقش اسمي ع لسانك

-زياد: اللهم اخذيك يا شيطان ، يا بنتي أنا بقولك قومي غيري هدومك ، دي فيا ايه دي كمان

-نور: انت ملكش دعوة بأي حاجة تخصني ، انت ولا حاجة بالنسبالي ، انت مجرد واحد كداب حقير

-زياد بعصبية : ولو مديت ايدي عليكي تاني !!!!

-نور: ماهو ده اللي بتعرف بس تعمله تضربني وخلص ، ربنا يرحمك يا بابي ، لو كنت عايش مكنش ده كله حصل

-زياد: خلاص خليكي كده

-نور: ايوه هعمل اللي عاوزاه

-زياد: اولعي !!

تركها زياد تبكي وخرج إلى البلكونة وظل يزفر في ضيق ،

-زياد في نفسه: استغفر الله العظيم يا رب ، أحسن حاجة أبعد عن وشها السعادي بدل ما أتهور والدنيا تولع اكثر ماهي والعة ، بس اللي مجنني هي عرفت ازاي الكلام ده ، محدش يعرف بالاتفاق اللي حصل إلا أنا وأمها بس ، يبقى هتكون عرفت منين ??? أكيد في حد كان بيتجسس علينا يا إماتكون هي سمعتنا واحنا بنتكلم ، ماهو مافيش إلا كده .. أنا لازم اهدى واعرف هتصرف ازاي معاها ، طب تكونشامي قالتلها ، لألألأ معتقدش ، مش عارف هعمل ايه الوقتي ، اوووووف ..

نظر زياد من البلكونة إلى نور فوجدها تجلس على الأريكة والدموع لا تزال تغرق خدودها فتألم لرؤيتها هكذا ، كم كان يود أن يمسخ عنها دموعها ويخبرها أنه لم يوافق على هذا الاتفاق وإنما هو تزوجها لأنه يشعر بحبه لها ينمو في قلبه وأنها هي من يرغب في أن يكمل حياته معها ، بلى هو تزوجها لشخصها هي وليس لأي اتفاق بينه وبين أمها ، ولكنه يعلم أنها لن تستمع إليه حتى لو أقسم لها أنها الحقيقية ، لذا عليه أن يصبر ويمهلها الوقت حتى يستطيع أن يخبرها بالحقيقة كاملة في وقت لاحق حتى تقرر ماذا تريد أن تفعل ...

.....

الحلقة الحادية والستون :

أشرقت شمس الصباح لتعلن بدء يوم جديد مليء بالأحداث ..
نام زياد حيث جلس في البلكونة بملابسه كاملة ، بينما غفت نور على الأريكة
بكامل ملابسها ، وفجأة سمعوا صوت طرقات على الباب ...
تنبه زياد لصوت الطرقات فتوجه لكي يرى من بالباب ..

طق...طق...طق

-زياد: ايوه لحظة ..

حاول زياد أن يوقظ نور حتى يستطيع أن يفتح باب الغرفة ..

-زياد وهو يوقظها برقة : نور .. نور .. اصحي

-نور: هه ..

-زياد: يا نور فوقيلي كده ، الباب بيخبط ، اصحي

-نور وهي تدفع يده بعيداً عنها : اوعى ايدك متقربش مني

-زياد: يا ستي لا هقرب منك ولا هلمسك حتى ، بس خشي جوا ، ولا عاوزة الناس

تشوفك بمنظرك ده

-نور: اسم الله على منظرك

-زياد: استغفر الله العظيم

طق...طق...طق

-زياد: يا ستي استهدي بالله وقومي خشي جوا ، وبعدين نتعاتب

-نور: لأ أنا عاوزاهم يشوفوني كده

-زياد: اتفلقي أنا هفتح وأشوف مين

فتح زياد الباب ليجد أن الطارق هو الحاج فاروق وزوجته سعدية ، فأسند بيده الباب حتى يمنعهم من رؤية ما بداخل الغرفة ..

-فاروق: اصباح الخير عليكم

-زياد وهو يسند الباب بيده : صباح النور ، خير يا حاج

-فاروق: أني جاي أطمئن عليكو

-زياد وهو ينظر لنور: احنا كويسين الحمدلله

-فاروق: طب هات الأمانة

-زياد: أمانة ايه ؟

-فاروق: عاوزين نطمنوا ع بتنا

-زياد: مش فاهم تظمن عليها ازاي

-سعدية: عنك انت يا حاج أني هاخش للعروسة

-زياد: عندك يا ست سعدية ، تخشي فين بالظبط

-سعدية: الله ، مش عشان اظمن ع العروسة

-زياد: ما أنا قولتلكم هي كويسة ، وبعدين اللي يظمن عليها هي امها ، مش انتي

-فاروق: وسعدية ايه وأمها ايه؟؟

-زياد: لا تفرق معايا

-هدى من بعيد: في ايه يا جماعة؟؟ هما العرايس صحبوا من بدري ، صباحية
مباركة عليهم

-فاروق: تعالي شوفي اللي بيحصل يا ست هدى

-هدى بقلق : في ايه

-فاروق: جوز بتك مش عاوزنا نطمناو عليها

-زياد: محدش ليه دعوة بمراتي

-هدى: قصدك ايه يا حاج

-فاروق : عاوزين نعرفوا بتنا دخل عليها ولا لا

-هدى: ميصحش الكلام ده يا حاج ، هما أحرار مع بعضهم ، دي حياتهم وتخصصهم

صعق زياد مما يتحدثون عنه ، فلم يكن يتوقع أنه مازال هناك أشخاصاً بتلك العقلية وفجأة سمع صوتاً يبغضه ..

-سامح من بعيد : لأ يصح يا مرات عمي ، ولا جعدة مصر نسيك عوايدنا

-هدى بقلق: آآآ... يا سامح يا بني ، بنتي وجوزها حرين و..

-فاروق: اني جولتها كلمة ومش هتنيها ، اوعى يا حضرتت الطابط

-زياد باصرار : محدش ليه دعوة بمراتي

-سامح: لأ لينا طالما يخص شرفها

-زياد محذراً : ماتتشرش !!!

-سعدية: يا جماعة ده شيء عادي ، كل البنته اهنة بنطمناو عليها

-فاروق : أني مش منجول من اهنة إلا لما أشوف بعينيا ، وإلا جسماً بالله لتكون الدخلة بلدى

-هدى: لألألألأ مش هيحصل الكلام ده ، استحالة

-زياد: بتقول ايبييه ؟؟؟؟؟

-فاروق: لع يا مرات أخوي هيحصل ، وأنا جاتل يا مجتول في الحكاية دي

-سامح: ايوه يا مرات عمي

-زياد وقد نفذ صبره : يعني انتو عاوزين ايه الوقتي ؟

-سامح: نطمنوا ع شرف بت عمي

-فاروق: إيوه

-زياد: ماشي

صفع زياد الباب بقوة في وجه الجميع ثم أغلقه بالمفتاح وتوجه ناحية نور التي كانت تستمع إلى ما يقولون وتوجست خيفة من زياد ..

-نور بتوتر: انت..انت

-زياد: قرابيك عاوزين يطمنوا عليكي ان كنتي بنت ولا آآ

-نور وهي تتراجع للخلف: اياك تفكر تقرب مني ولا تلمسني حتى

-زياد: مش بخُطرك

-نور: اقسام بالله هصوت

-زياد: صوتي ، سمعيهم ، كلهم واقفين بره ومستنين اللحظة دي

-نور: انت بتقول ايه ، مش هيحصل

-زياد: للأسف عمك مصمم انه يحصل

-نور: أنا مش طيقاك ، ابعده عني

-زياد: ما انا لو مقربتش منك هما بنفسهم اللي آآآ...

-نور وهي تتبعد عنه : والله ما هيحصل

جرت نور من امام زياد بفستانها الأبيض ، بينما وقف زياد في مكانه يفكر كيف سيتصرف معها ، وأخيراً لم يكن هناك أمامه سوى أن يفعل هذا ..

-زياد: سامحيني يا نور ، أنا مضطر أعمل كده

-نور بفزع: هتعمل ايه

-نجلاء: طب استني أما أجي معاكي

-سلوى: لأ أنا هاروح وابقى حصليني

خرجت سلوى مسرعة لترى ما يحدث في الخارج و..

-سلوى: في ايه جماعة؟؟ مال العرسان؟؟ هو في حاجة حصلت؟؟

-فاروق: مافيش حاجة ، ارجعي أوضتك كملي نوم

-سلوى: أرجع ايه بس ، وبعدين ازاي مافيش ، اومال الخبط والرقع اللي ع الصبح ده من ايه ؟

-فاروق: دي مسائل عائلية متخصصكيش

-سلوى: ما أنا برضوه من العيلة

خرجت نجلاء هي الأخرى من الغرفة لترى ما يحدث ولكنها اصطدمت بسامح الذي كان على وشك اخراج هاتفه المحمول من جيبه و..،،

-نجلاء: مش تفتح وانت ماشي

-سامح وقد سقط هاتفه دون أن يلاحظ : لامواخذة

-نجلاء: لامواخذتك معاك ، بس ابقى خد بالك بعد كده ، مش كل مرة تخطب فيا وتقولي لامواخذة

-سامح: ربنا يسهل

-نجلاء وهي تقف أمامه : طيب

-سامح: وسعي بجي من سكتي أني مش فاضي

-نجلاء: وهو أنا حوشتك يا بلدينا

-سامح: برضوه بتجول عليا بلدينا ، جولتك اسمي سامح

-زياد : لأ كده مش هينفع

هجم زياد على نور أمسك براسها بين يديه ثم خبطها بكل قوة على رأسها بـ (الروسية) ، فسقطت في أحضانه فاقدة للوعي ..

-زياد: سوري يا نور .. طررااااخ

-نور: آآه

حملها زياد ووضعها على الفراش ثم بحث عن ...

-زياد: فين البتاعة دي ، حاطينها فين؟؟ أه أهى هناك أهى

أحضر زياد قطعة القماش البيضاء الموضوعه على الكومود ، ثم جرح يده بسكين الطعام جرحاً بسيطاً ومسح قطرات الدم في قطعة القماش الصغيرة ، وغسل يده ، واقترب من الباب وصاح بصوت عالي ..،،

-زياد: اياك أسمع حسك تاني ، انتي فاهمة، انتي متجوزه راجل من ظهر راجل ..

رسم زياد على وجهه علامات الغضب وفتح الباب و..

-زياد : اتفضل يا حاج ، أظن كده تقدر تعرف ان بنتكم زي الفل

-رباب: مش ممكن اللي انت عملته ده

-هدى: أنا..أنا مش مصدقة

-فاروق : هه

-سلوى: يادي النصيبة ، انتو بتعملوا ايه ؟

-نجلاء: عيني عليكى يا عروسه ، فضحوكى بدري

-زياد: ارتاح كده وحط في بطنك بطيخة صيفي يا حاج ، بس قعاد هنا مش هيجصل ، احنا راجعين القاهرة حالياً

ثم صفع الباب مرة أخرى في وجه الجميع

.....

استيقظ معتز ودلف خارج الغرفة ليجد الأجواء مضطربة في الخارج ..،

-معتز: هو في ايه ، الناس مالها

رأت نجلاء معتز فأسرعت ناحيته وهي تعرج قليلاص و ..

-معتز: ايه ده مال رجلك ؟

-نجلاء: اتكعبلت

-معتز: اها

-نجلاء: كنت فين من بدري ، فاتك حاجات انما ايبيبية

-معتز: يعني فاتني الديوان ياخي

-نجلاء: لأ أناح يا مزاميزووو

ثم قصت نجلاء ما حدث أمام عينيها لمعتز ...،،

-معتز: يخربيتكو ، هو في كده ، ايه الجنان ده

-نجلاء: مش بقولك

-معتز: جهزي نفسك احنا هنمشي معاهم

-نجلاء: بجد ؟

-معتز: يالا انجزي في سنتك

.....

في غرفة وليد ومنى ،،

سمع وليد طرقات على باب الغرفة فذهب ليرى من بالباب و..

(طق...طق...طق)

-وليد وهو يتثاءب : ده مين ده اللي بيخبط السعادي

-منى: قوم شوف مين

-وليد: ياخوفي لتطلع آآآ

فتح وليد الباب ليجد سلوى و..

-وليد بقرف: آآحماتي !!

-سلوى: انتو نايمين ع ودانكم مش دريانيين باللي حصل

-وليد: في ايه يا حماتي ع الصبح

-منى: ماما !!! في ايه

-سلوى: في ان

حكيت سلوى ما حدث لوليد ومنى الذين انزعجا مما حدث و..

-وليد: دي اسمها وقاحة

-منى: ده .. ده اسمه آآ

-وليد مقاطعاً : لمي هدومنا يا منى ، احنا ماشيين

-منى: حاضر

-سلوى: الله ، مش هتفطروا

-وليد: خليكي انتي يا حماتي ، افطري واحبسي بالشاي واقعدي ع راس المصطبة

-سلوى : هه

-وليد: عن اذنك بقى عشان هنلبس

-وليد في نفسه: ولية فقر تموت في الفضايح !!

.....

كانت هدى تجهز الحقائب للرحيل فوراً بعد ما حدث ، بينما كانت نايا تغط في نوم عميق و..

-هدى بصوت مرتفع: اصحي يا نايا

-نايا وهي ناعسة : والنبي سيبيني شوية يا مامي

-هدى: احنا ماشيين الوقتي

-نايا : ايبيه؟؟ طب ليبييه؟؟

-هدى: بعدين هاقولك ، 5 دقائق وتكوني جاهزة

طرقت سعدية باب غرفة السيدة هدى لتتحدث معها و..

-سعدية : ممكن أدخل

-هدى: ده بيتك يا حاجة سعدية واحنا ضيوف عندك

-سعدية: احنا مش عاوزينك تمشي وانتي زعلانة من اللي حوصل ، دي عوايد ، والحاج فاروق كان غرضه آآآ...

-هدى مقاطعة: اللي حصل ده معناه انكو بتشكوا فيا وفي بنتي وبتحرجونا قصاد جوزها ونسايينا والناس كلها ، انتو مخلتوش أي فرصة حتى نتكلم فيها ولا نتفاهم

-سعدية: والله ما بيدي يا ست هدى ، وبعدين دي بتنا واحنا يهمننا نطمنا عليها

-هدى: تطمنا عليها ولا تفضحوها ، انتو محدش فيكو راعى مشاعر بنتي ، افرضي الوقتي حصلها حاجة من بعد اللي حصل؟؟؟ مين هيرجعلي بنتي زي ما كانت

-سعدية: ماهي طلعت صاغ سليم وزى الفل

-هدى: ده اللي يهكم ، لكن مشاعر البنات ونفسيتهن لأ

-سعدية: يا ست هدى آآآ...

-هدى: خلاص كل اللي يربطنا بيكم انتهى بعد اللي حصل ، وبنتي ربنا يتولاها
ويصبرها ع اللي حصل

-نايا: في ايه يا ماما ؟ هو ايه اللي حصل

-هدى بنرفزة : اسكتي الوقتي ، وبعدين مش قولتلك البسي ، وانزلي شوفي أخوكي
جهز ولا لأ .. يالااa

-نايا: حاضر

.....

استعد جميع من كان ضيفاً على الحاج فاروق للرحيل ، ونزلوا جميعاً إلى حيث
ينتظرهم سائق الباص ، والباقي وضع حقائبه داخل السيارات التي أتوا بها ،
وما زال الجميع ينتظر نزول زياد برفقة نور ...

ادعت هدى أن ابنتها مريضة ولا بد أن يعودوا فوراً إلى القاهرة للاطمئنان عليها ..

-هدى: معلىش يا جماعة احنا مضطرين نمشي الوقتي ، نور اصل تعبت فجأة واحنا
عاوزين نطمئن عليها وآآآ...

-ظاهر: ألف سلامة عليها

-مصطفى: ربنا يشفيها

-ريم: سلامة نانووو يا طنط

-هدى: شكراً

-سلوى بقرف : ال تعبانة أل ، بلاش هبل

-نجلاء: طنط مانناش دعوة

-سلوى: ماحبش أنا الكذب ولا الناس اللي بتكذب

-وليد: دعي الخلق للخالق يا حماتي

-سلوى: يعني فكرها اننا مش عارفين اللي حصل

-مني: ماما لو سمحتي ، الموضوع ده مايخصناش

-معتز: انا حظيت الشنط في الباص ، يالا اتفضلوا

-ابراهيم: ماشي يا بني

-حسام: يالا يا بابا

-مصطفى : حاضر

.....

كان سامح غاضباً لدرجة كبيرة ، قرر أن يطلب أحد الأشخاص المعروف عنه بانه مسجل خطر ، ولكنه اكتشف فقدان لهاتفه ..،

-سامح بضيق: راح فين الزفت ده ، يا بوووي ، أني كنت واخده معاي ، أكيد وجع مني وأنني متعصب .. والله وانكتبلك عمر جديد يا بن المحظوظة ، بس مش هتفلت مني ، أني هرجع الدوار وهشوفلك صرفة

.....

كانت نور لاتزال فاقدة للوعي ، فاستغل زياد الفرصة وأعد الحقائق وما إن انتهى ، حتى جلس بجوارها على الفراش وحاول افاقتها و...

-زياد برقة: نوووور .. يا نور

-نور :

-زياد وقطع وضع قطرات ماء على يده : نوووور ، سمعاني

-نور وقد أمسكت برأسها : آآآه ..

-زياد: اصحي يا نور

-نور: آآه يا دماغني

-زياد: مكونتش أقصد ، فوقي بقى

-نور: أنا فين ؟

-زياد: انتي في حضني

-نور بفزع : ايبيه ، ابعدي عني ، انت عملت فيا ايه ؟؟ انت .. آآآ.. انت

-زياد: انا مجتثش جمبك

-نور وهي تتحسس رأسها : انت كداب ، انت خبطني ع راسي و.. آآآه

أخذت نور تطمان على نفسها وأنها مازالت بخير لم يصبها سوء ، ثم لاحظت أن أجزاء من جسدها تظهر من أسفل الفستان الممزق فقامت بوضع الغطاء فوقها ..

-نور: انت عملت فيا ايه ؟؟؟

-زياد: بتغطي ايه بالظبط ؟؟ هو أنا يعني لو كانت عاوز أعمل حاجة كنت عملتها من بدري وانتي مش في وعيك

-نور: هه

-زياد: غيري هدومك بسرعة

-نور : نعم ؟؟

-زياد: خشي في الحمام غيري هدومك عشان ماشيين

-نور: وأنا هلبس ايه ؟

-زياد: انا طلعتك هدوم أهني من شنطتك

-نور: انت.. انت ازاي تلعب في شنطتي ومن ورايا

-زياد: نعم ياختي ألعب فيها ؟؟ احمدي ربنا اني مغيرتلكيش بنفسي ، ولا أقولك احنا فيها

-نور محذرة باصبعها : اياك تفكر بس !!!!

-زياد: يا شيخة روعي وانتي مش بتستحملي زقة مني ، انجزي يالا

دخلت نور إلى الحمام وبدلت الفستان بملابس كاجوال وخرجت منه لتبحث عن زياد الذي كان قد اختفى ..

نور : انا غيرت هدومي خلاص ، الله !! راح فين ده ، الحمد لله غار

وفجأة وجدت نور من يخطبها على رأسها لتفقد الوعي مرة أخرى و..

زياد: أسف يا نور ، مضطر أعمل كده تاني ، لأن لو حد شافك وانتي فايقة اكيد هيعرف اللي حصل ، ولازم أأخذك ونمشي من هنا فوراً

حمل زياد نور ونزل بها إلى حيث يتواجد الجميع ولم ينسى أن يرسم على وجهه ملامح الغضب والانزعاج ،

نايا: نوووور ، اختي

-نائل بخضة : نانوووو ، مالها يا نايا ؟؟؟

-طاهر: مالها ؟

-رباب: نور حبييتي

-هدى : بنتي ، مالك يا قلبي ؟؟؟؟

-زياد: افتح الباب يا بابا ، خلينا نمشي من هنا

-هدى: اكيبيد من ساعة اللي حصل وهي مش مستوعباه

-حسام: يالا بينا يا جماعة

-مصطفى : لا حول ولا قوة إلا بالله

-وجدى: ربنا يشفيها

صعد الجميع إلى السيارات والباص وانطلقوا مسرعين إلى القاهرة ، ركبت نور مع زياد وعائلته في سيارتهم بحكم أنها زوجته ، وانطلق عبر طريق مختصر إلى منزل عائلته و..

-رباب بضيق: عملت في البت ايه يا زياد ؟؟؟ بقى دي وصيتي ليك

-طاهر: خلاص يا رباب ، مش وقته الكلام ده

-رباب: ده البت مفرفة خالص ،وابنك كان زي التور الهايج معاها

-زياد: استغفر الله العظيم يا رب

-رباب: الوقتي افكرت ربنا ، وكان فين خوفك من ربنا وانت جاي ع الغلبانة دي

-زياد: يا أمي الله يكرمك ، خليني اركز في السواقة

-ظاهر: نتكلم بعدين يا رباب

-رباب: حامي لابنك حامي !!!

.....

أوصل زياد عائلته إلى منزلهم و...

-زياد: حمدلله ع السلامة

-رباب: عيني عليك يا بنتي

-ظاهر: الله يسلمك

-زياد: يالا انزلوا

-رباب: نعم؟؟ والبونية الغلبانة دي؟؟

-زياد: هتفضل معايا

-رباب: نعم؟؟؟

-زياد: هي مش مراتي ولا ايه

-رباب: أه مراتك بس مش هنسيبها معاك لوحدها

-ظاهر: خلاص يا رباب هو حر معاها

-رباب: لأ مش حر يا ظاهر ، انت أصلك ماشوفتش اللي حصل

-ظاهر: ولا عاوز أشوف ، هما اتنين متجوزين براحتهم

-رباب: لأ مأمئش عليها معاها

-زياد: ليه ان شاء الله هاكلها

-رباب: لأ ممكن تتهور عليها

-زياد: اطمني يا أمي

-ظاهر وهو يدفع رباب: يالا يا رباب ، سبيه مع مراته

-رباب: يا ظاهر استنى بس

انطلق زياد بالسيارة نحو منزل الزوجية ، ظلت نور نائمة طوال الطريق كأنها لم تتم منذ فترة ، وما إن وصل زياد إلى منزله حتى حمل نور وأدخلها إلى غرفتهما ، ثم نزل مرة أخرى ليحضر الحقائب ..

-زياد : نامي يا نور هنا لحد ما اجيب الشنط من تحت ، وربنا يهديكي

-زياد بعد ن أحضر الحقائب: كله موجود ، يااااه ، الواحد اتهد حيله ع الآخر ، مش قادر م التعب .. والله ده ما منظر عريس ولا دي منظر عروسة ولا أي حاجة

بدأت نور تستعيد وعيها و.....!!!

.....

الحلقة الثالثة والستون :

انطلق زياد بالسيارة نحو منزل الزوجية ، ظلت نور نائمة طوال الطريق كأنها لم تتم منذ فترة ، وما إن وصل زياد إلى منزله حتى حمل نور وأدخلها إلى غرفتهما ، ثم نزل مرة أخرى ليحضر الحقائب ..

-زياد : نامي يا نور هنا لحد ما اجيب الشنط من تحت ، وربنا يهديكي

-زياد بعد ن أحضر الحقائق: كله موجود ، يااااه ، الواحد اتهد حيله ع الآخر ، مش قادر م التعب .. والله ده ما منظر عريس ولا دي منظر عروسة ولا أي حاجة

بدأت نور تستعيد وعيها تدريجياً و...

-نور تألّمة : آآه يا دماغي .. مش قادرة منها .. ايه ده أنا فين هنا ؟؟ ايه المكان ده ؟؟

-زياد: صحي النوم يا عروسة

-نور بضيق : انت ؟؟

-زياد: بشحمي ولحمي !

-نور: أنا جيت هنا ازاي ؟؟ وانت بتعمل ايه هنا فهمني ؟؟؟

-زياد: أنا اللي جبتك هنا ، وبعمل ايه فده بيتي

-نور: نعم !!! بتقول ايه ؟؟؟؟

-زياد: اللي سمعته !

-نور: أنا..أنا .. أنا

-زياد: انتي علقتي ولا ايه ؟؟

-نور: أنا لازم أمشي من هنا حالاً !!!

.....

وصلت هدى بصحبة نايا ونائل إلى منزلهما وقصت على نايا مع حدث مع اختها
“..“

-نايا: ازاي يا مامي تسكتي ع اللي حصل ده ، لأ وكمان تسببها معاه لوحدها

-هدى: هو جوزها أنا مقدرش اعمل حاجة

-نايا: يعني نور خلاص ضاعت

-هدى: متقوليش كده

-نايا: اومال عاوزاني أقول ايه؟؟

-هدى: مكنش قدامنا غير الحل ده عشان نحمي نور ، لكن مكونتش أعرف ان زياد هيتعامل معاها بالشكل ده

-نايا: خلصنا من سامح ووقعنا مع زياد

-هدى: ربنا يخيب ظننا

-نايا: معتقدتش ، ربنا معاها

.....

في فيلا معتز ،،،

-نجلاء : دي كانت فضيحة إنما ابيبيه

-معتز محذراً : نجلاء ، اياكي تكلمي في الموضوع ده تاني

-نجلاء: آآآ.. مزاميه...

-معتز: أي حاجة حصلت شوفتيها ولا سمعتيها ملاكيش تتكلمي فيها ، وإلا قسماً بالله لا هتكوني بنت خالي وهاقطع أي صلة قرابة بينا

-نجلاء: للدرجادي يا معتز ؟

-معتز: ايوه ، فهماني ، اوعي بقى

-نجلاء: طيب !!

-ابراهيم: بالراحة يا بني مع البنت

-معتز: هو ده اللي عندي

-ابراهيم: هي على نيتها وبتقول كده من غير ما ...

-معتز بجدية : كله إلا الخوض في الأعراض يا بابا

-ابراهيم باستغراب: بابا !! ده انت بتكلم جد بقى

-معتز: ايوه ، انا مجرد سماعي للي حصل خلاني مش طابق الراجل ده ولا ابنه ،
وان حد يحكي في اللي حصل همسكه من زومارة رقبته أموته

-ابراهيم : مميم

-معتز: ازاي واحد بالعقلية المتخلفة دي يرضى ع بنت اخوه كده

-ابراهيم: مش ده عم البنت اللي انت حاطط عينك عليها ، يعني ممكن هو آآ..

-معتز: قسماً بالله لو فكر بس يهوب ناحية نايا ما هرجمه

-ابراهيم: ممم..

-معتز: انت عارف كويس يا بابا اني أه مش قابل نجلاء بس برضوه اللي
مرضهوش عليها مش هرضاه ع بنات الناس

-ابراهيم: صح ، انت بتكلم مظبوط يا بني

-معتز: عن اذنك يا بابا، أنا طالع أوضتي

-ابراهيم: اتفضل يا بني

.....

في شركة ايهاب الملاح ،،،

-ايهاب : انت بتتصرف من دماغك يا بهجت

-بهجت: يا باشا الواد كان عاوز آآ....

-ايهاب بعصبية : بقى حنت واد جاهل زي ده يمشيك ، ماتولع البت ، تحشر نفسك
انت ليه

-بهجت: أنا قولت يعني عشان المصلحة

-ايهاب: مصلحة ، وهنستفاد احنا ايه من ده

-بهجت: يعني نخلي الواد يخلص ع الظابط والبت بالمره

-ايهاب: يا سلام ، أصلها بالساهل كده

-بهجت: طب والعمل ايه يا ايهاب باشا ؟

-ايهاب: انت تنيل الدنيا وتيجي تقولي صلح يا باشا

-بهجت: غلطة ومش هتكرر

-ايهاب: غلطتك كترت يا بهجت ، وانت عارف كويس ان أنا مش فاضي لده ،
وخلص الصفقة الجديدة تقريباً جهزت مش ناقص غير تحديد معاد ومكان التسليم
، وانت بتفتحي سكك مليانة بلاوي سوده

-بهجت: ماتشش هم يا ايهاب باشا ، انا هظبط الدنيا

-ايهاب: أما أشوف ..

.....

في الإدارة ،،،،

علم عمر بخبر زواج نور و زياد فشعر بالضيق والحزن ، ثم جلس يحدث مع
صديقه مازن و...

-مازن: انت عارف من الأول يا عمر انها مش ليك

-عمر : كان عندي أمل انها تحس بيا

-مازن: هتحس بيك ازاي وهي مكانتش شايفة غير زياد

-عمر: هي مكانتش طايقاه من الأساس ، وأنا شوفت ده بعيني

-مازن: انت قربك منها خلاك تحس بالمشاعر دي

-عمر: قربي منها خلاني أعرف اد ايه هي انسانة رقيقة ومحترمة وقلبها أبيض و..

-مازن: معدتش ينفع انك تكلم عنها الوقتي ، دي بقت مرات زميلنا

-عمر بحزن : للأسف !!..

.....

عودة مرة أخرى لمنزل زياد ،،،،

-نور: أنا لازم أمشي من هنا حالياً

-زياد: وده مين اللي هيسمحك بكده

-نور: وهو أنا هستنى أخذ رأيك أصلاً

-زياد: اوعي تنسي انك مراتي ولسه ع ذمتي

-نور: دي تمثيلية حمضانة ولا نسيت

-زياد: نعم؟؟

-نور: صفقة وقبضت تمنها

-زياد: نور انتي فاهمة غلط

-نور: لأ أنا فاهمة صح ، مافيش داعي نضحك على بعض ، انت متجوزني مصلحة

وبسسسسسس

-زياد: لا حول ولا قوة إلا بالله ، اسمعيني الأول

-نور: لأ

-زياد: طيب م الاخر كده ، التمثيلية دي هنستمر فيها شوية لحد ما يجلي مزاج

وأطلقك

-نور: ياخي أنا مش طايقاك

-زياد: واحب أفكرك بحاجة ، الناس كلها مفكرة اننا متجوزين فعلي

-نور: تقصد ايه؟

-زياد: انتي نسيتي عمك وابن عمك البجح كانوا عاوزين ايه ؟

-نور: هه

الحلقة الرابعة والستون :

في منزل عبد الرحمن فوزي ،،،

أعدت هدى طعام الغذاء لأسرتها ، ولكن للأسف لم يكن لدى أي أحد رغبة في تناول الطعام و...

-هدى: ما تاكلوا ؟

-نايا بحزن: ماليش نفس

-نائل: مش عاوز

-هدى: يعني هرميه في الزبالة ؟

-نايا: أنا عاوزة أظمن على نور

-هدى: هي مع جوزها الوقتي

-نايا: أنا بحاول اطلبها لكن بيقولني الهاتف مغلق

-هدى: أنا هكلم رباب وأحاول أعرف منها أي حاجة عنهم

-نايا: يا ريت يا مامي

-هدى: وانت يا نائل كل أكلك

-نائل: مش عاوز

-هدى: لأ هتاكل ، أنا تعبت من المناهدة معاكو ، الله !!!

ثم سمعوا صوت طرقات على الباب ، فتوجهت نايا لتري من بالباب ..،،

تررررن .. تررررن طق...طق...طق

-نايا: خليكي يا مامي أعدة ، أنا هروح أفتح وأشوف مين

-هدى: اوك

-نايا بصوت مرتفع : ثواني ياللي ع الباب

فتحت نايا الباب لتجد أن الطارق هو ..

-نايا بخضة : انت ???

-زياد: ازيك يا نايا ، ممكن أدخل

-نايا بنرفزة : فين نور ??

-زياد ببرود : في بيتي ؟

-نايا بعصبية : عملت ليه كده فيها ??

-هدى من الداخل : زياد !!!

-زياد: لو سمحتي بدون أي عصبية أو زعيق ، أنا عاوز أتكلم مع حضرتك يا طنط

-هدى بضيق : ماشي اتفضل

أدخلت هدى زياد إلى غرفة الصالون ليتحدثون سوياً و..

-هدى: ليه يا بني عملت كده ?? ليه تصدم نور فيك ?? انت عارف ان آ...

-زياد مقاطعاً : قبل ما تكلمي يا طنط ، أنا عاوزك تعرفي ان نور سليمة وزى الفل

-هدى: نعم ?? تقصد ايه ??

-زياد: أقصد ان نور بخير ، أنا معملتش فيها حاجة ، ومكنتش ناوي أصلاً أخذ منها
حاجة غصب عنها

-هدى: هه

-زياد مكماً : نور غالية عندي ، وماينفعش أبداً إنني أبدأ حياتي معاها بالشكل ده

-هدى: او مال اللي حصل هناك ده تسميه ايه ??

-زياد: لعبة

-هدى : أفندم ، لعبة؟؟

-زياد: ايوه يا طنط ، الوقتي أنا مكنش قدامي حل تاني قصاد العالم اللي هناك دي غير إني أوهمهم اني فعلاً عملت كده ، وطبعاً مش محتاجة ذكاء أنا أتصرفت ، ونور محستش بأي حاجة حصلت

-هدى: ازاي؟؟؟ او مال كان صوتيتها وصريخها ده من ايه؟؟؟

-زياد : هي كانت أداة جوا وسمعت تقريباً اللي عمها كان ناوي عليه ، فطبعاً كرد فعل طبيعي لازم تخاف وتقاوم ، وأنا حاولت أهديها لكن انتي عارفاها أكثر مني

-هدى: يعني ...

-زياد: يعني نور يا طنط كويسة ، بس أنا عاوز أعرف حاجة منك

-هدى: حاجة ايه ؟

-زياد: هي نور عرفت بالاتفاق اللي كان بينا ؟

-هدى: اقسام بالله ما حصل ، أنا محكيتلهاش حاجة ، واعتبرت الأمر كأنه لم يكن

-زياد: الله ، او مال هي عرفت منين؟؟

-هدى: نور عرفت؟؟؟

-زياد: ايوه ، انا اتفاجئت بيها بتقولي الكلام ده بعد الفرح ، وانها عرفت ان دي صفقة وانا هاخذ فلوس مقابلها ، والموضوع ده محدش يعرفه إلا أنا وحضرتك ، حتى والدتي متعرفش عن آخر كلام كان بينا

-هدى باستغراب : طب ازاي ده حصل؟؟؟

-زياد: ما هو ده اللي هتجنن وأعرفه ، وفي نفس الوقت التعامل بينا بقى صعب ، هي رافضة تسمعلي وطالبة الطلاق

-هدى: نعم ، طلالاااق !!!

-زياد: ايوه

-هدى: لأ يا بني أوعى تسمعها ، أنا أمها وبقولك اياك تفكر في ده

-زياد: أنا مينفعش حتى أعمل كده الوقتي خالص

-هدى: هي الأمور مالها كل مادي بتتعدد كده

-زياد: انا جيت النهاردة لحضرتك عشان أفهمك اللي حصل ، وفي نفس الوقت عشان تلاقى معايا حل لنور

-هدى: اظمن يا بني ، أنا معاك ومسنداك في اللي انت هتعمله

-زياد وقد قام من مكانه : الله المستعان ، طيب أنا مضطراً مشي ، لأنني سايب نور لوحدها في الشقة ، ومش عاوزها تعرف اني كنت هنا

-هدى: أها ..حاضر

-زياد: وان شاء الله هي في عيني متقلقيش عليها

-هدى: أنا واثقة من ده ، ورجاء يا بني انك تصبر عليها شوية ، نور رقيقة وهادية ومحتاجة للي يفهمها ويصبر عليها و..

-زياد: من غير ما تقولي ، نور مش محتاجة وصاية ، عن اذنك

-هدى: اتفضل يا بني ، شرفت وأنت

انصرف زياد ، بينما كانت نايا على وشك الانفجار من الغضب منه و..

-نايا بغضب : ازاي تسببيه يمشي كده بعد اللي حصل ، وكمان مخلصتنيش أحضر معاكو و..

-هدى مقاطعة : اسكتي يا نايا الوقتي

-نايا: لأ مش هاسكت ، أنا هتكلم وأدافع عن اختي و..

-هدى مقاطعة: محصلش حاجة

-نايا: نعم؟؟

-نائل: هي نور مجتثش ليه مع زياد ؟

-هدى: هتيجي بعدين

-نايا: فاهميني يا مامي يعني ايه محصلش حاجة

-هدى: يعني نور كويسة ، وبعدين هبقى أفهمك ، بس المهم الوقتي محدش فيكو
يجيب سيرة لنور ان زياد كان هنا

-نائل: ليه ؟

-هدى: من غير ليه

-نايا: أنا عاوزة أفهم في ايه بالظبط

-هدى: خش يا نائل على أوضتك وخلص مذاكرتك

-نائل: يوووووه

-هدى: تعالي يا نايا معايا في اوضتي وأنا هفهمك الضبط كل حاجة

قصت هدى على ابنتها نايا ما قاله لها زياد و..

-نايا: مش ممكن، مش معقول

-هدى: ده اللي حصل يا بنتي

-نايا: أنا..أنا مش مصدقة

-هدى: لأ صدقي ، زياد بيحب نور واستحالة يعمل حاجة تأذيها

-نايا: بس..

-هدى: أنا شايفة انه اتصرف صح

-نايا: طب ونور ؟

-هدى: مالها؟؟

-نايا: هتعرف امتي بده

-هدى: هي اكيد عارفة ، هي مش عبيطة

-نايا: ممم...

-هدى: اللي يهمني الوقتي انك تتكلمي مع نور وتقنعنيها بأنها متطلبش الطلاق من
زياد

نايا: بتقولي ايه يا مامي ، طلالاااa

.....

في منزل زياد ،،،

عاد زياد إلى منزله بعد أن أحضر طعاماً جاهزاً ولكنه لم يجد نور بالداخل ..
-زياد : نور ، يا نووور ، أنا جيت أكل معايا ، برضوه مصممة متاكليش

-زياد وهو يسند الطعام على المائدة: يا بنتي متعانديش الأكل سخن ، وانتي ع لحم
بطنك من امبارح ، الله ، مالها مش بترد ليه !!!

بحث زياد عن نور في جميع أنحاء الشقة ، ولكن للأسف لم يجدها ، ولكنه وجد أن
حقيبتها ليست موجودة و..،،

-زياد بضيق: نووووووور ، راحت فين دي؟؟ استغفر الله العظيم !

.....

في منزل ريم ،،،

سمعت ريم طرقات على باب منزلها ففتحت الباب لتجد أمامها ...،،،

-ريم بدهشة : نــــــــــــور

-نور: مش هتقوليلي أدخل ، ولا أروح أشوف مكان تاني

-ريم: لا ازاي ، تعالي

-نور: شكراً

-ريم وهي تنظر لحقيبة نور: في ايه اللي حصل؟؟ واياه الشنطة دي كمان؟؟

-نور: انا هتطلق

-ريم: بتقولي ايه ???

-نور: اللي سمعته يا ريمو

-ريم: طب ليه ??

-نور: يوووو ، أنا مش عاوزة أحكي الوقتي

-ريم: طيب خلاص ، تعالي جوا في أوضتي وبعدين نبقي نتكلم

-نور: ريم ، لو وجودي هنا هيسبب مشكلة قوليلي وأنا هتصرف

-ريم: ماتقوليش كده يا نور ، ده بيتك يا حبيبتي ، وانتى أكثر من أختي يا ناتووو

-نور: ده العشم يا ريمو

-ريم: عنك ، هاتي الشنطة

-نور: ممكن يا ريمو طلب ولو فيها رزالة يعني ؟

-ريم: اطلبي يا قلبي

-نور: احم.. لو مافيهاش ثقالة يعني ..أنا..أنا .. جعانة و..

-ريم: يا بنتي هو انتى محتاجة تستأذني ، ثواني وهاجيلك أكل

-نور: ربنا مايحرمني منك يا ريمو ، مش عارفة بجد أقولك ايه

-ريم: متقوليش حاجة ، يالا غيري انتى هدومك عقبال ما أجبلنا حاجة ناكلها

-نور: أوك

.....

هاتف زياد السيدة هدى ليعرف منها إن كانت نور قد ذهبت إليها أم ...

-هدى هاتفيا: لأ مجتش عندي

-زياد: اومال هتكون راحت فين ؟

-هدى: يمكن زمايتها جيايالي في السكة ولا حاجة

-زياد: طيب لو جت عندك كلميني ضروري يا طنط ، وأنا هحاول أوصلها

-هدى: طب ممكن تكون راحت عند مامتك

-زياد: لأ ، هي متعرفش العنوان

-هدى: ربنا يستر

-زياد بعد أن أنهى المكالمة : راحت فين دي ، بتتصرف من دماغها ومش بتفكر في أي حاجة ، طب أنا هدور عليها فين ، يا رب تكون راحت عند أمها

.....

في منزل ريم ،،،

-سعاد: ريم

-ريم: أيوه يا ماما

-سعاد: هي نور هتقعد معنا هنا ؟

-ريم: اه

-سعاد باستغراب : نعم ؟؟

-ريم: أصلها متخائقة مع جوزها وهتطلق

-سعاد: ايه الهبل ده ، في واحدة تسبب بيت جوزها يوم صباحيتها وتقول الكلام الفارغ ده

-ريم: معرفش والله يا ماما الأسباب ، هي مقالتليش غير كده

-سعاد: بطلوا جنان انتو الاتنين ، وخليها تعقل وترجع بيت جوزها

-ريم: يعني أطردها يا ماما

-سعاد: لأ مش تطرديها ، بس عقليها وقوليلها مينفعش الكلام ده

-ريم: طيب

.....

في غرفة ريم ،،،

-ريم: نانوووو ، حبة سندوتشات انما ايه !

-نور: تسلميلي يا ريمووو

-ريم: مقولتليش بقي

-نور: أقولك ايه

-ريم: يعني سييتي بيتك في الصباحية و..احم .. يعني

-نور: ريم ، بليز مش عاوزة أحكي في الموضوع ده دلوقتي

-ريم: مش أنا صاحبتك حبيبتك و...

-نور: ريم لو سمحتي ، أنا محتاجة أنام شوية

-ريم: أها .. طيب كلي وبعد كده نامي

-نور: ربنا يسهل .. بس بليز يا ريموو مش تجيبي سيرة لأي حد ان أنا هنا

-ريم: هه

-نور: او عديني

-ريم: حاضر

-نور: هما يومين لحد ما أظبط الدنيا وبعد كده هامشي

-ريم: يا بنتي متقوليش كده ، ده بيتك

-نور: ميرسي يا ريمووو

.....

خرجت ريم من الغرفة وهي مترددة هل تخبر أهل نور بوجودها عندها أم تحافظ على وعدنا لنور ...

-ريم: والله أنا محتارة أعمل ايه ، يعني أقول لأنطي هدى ولا مجبش سيرة خالص ان نور عندي .. يووووه ، لله الأمر ..

-سعاد: ريم عاوزاكي

-ريم: ايوه يا ماما

-سعاد: نور لسه جوه ؟

-ريم: أيوه ، انا سبتها نايمة

-سعاد: طيب ، اعلمي اللي قولتلك عليه

-ريم: ماما أنا وعدتها اني...

-سعاد: ريم هي كلمة ، لازم أهلها يعرفوا انها هنا ، ده أكيد قالبين عليها الدنيا ، تخيلي لو انتي كنتي مكانها ، حالنا هيكون ازاي ، متبقيش طايشة زيها ، لو هي مش بتفكر في مصلحتها فأنتي واجبك كصديقة ليها انك ترشديها للصح وتقفي معاها وتسانديها

-ريم: بس هي مش عاوزة ترجع لجوزها

-سعاد: بلاش عبط ، الأمور دي تحلها هي مع جوزها، احنا مالناش حق ندخل ، وبعدين جوزها الوقتي تلاقيه دايم عليها ، ريم أنا بقولك أهوو من مصلحة نور انها ترجع بيت جوزها

-ريم: ربنا يسهل

-سعاد: لو بتحبي صاحبك بجد ، فكري في مصلحتها كويس ، ومصلحتها انها ترجع لبيت جوزها فوراً عشان نمنع أي مشاكل ممكن تحصل ، ولو هي هتضايق منك الوقتي وتزعل ، بكرة هتيجي تشكرك ع اللي عملتية معاها

-ريم: هه

-سعاد : الواحد ساعة الغضب يكون مش شايف قصاده ومضايق ع الاخرر ،
وبيضطر يعمل حاجات غلط ومش بيكون في وعيه ، لكن دور الصديق هنا انه
يوري صاحبه الطريق الصح مهما كانت الضغوط عليه .. اسمعي اللي بقولك عليه ،
وبكرة انتو الاتنين هتشكروني

-ريم: ان شاء الله

أخذت ريم تفكر في كلام والدتها بجدية ، هي لا تريد أن تحنث بوعدا لصديقتها
المقربة ، وفي نفس الوقت تريد أن تساعدنا ..

-ريم: يا رب اهديني للحل .. أنا لازم أساعد نور و.....
!!!

.....

الحلقة الخامسة والستون :

وبينما كانت ريم تفكر في حل لمشكلة نور رن هاتفها برقم حسام و..

-ريم هاتفياً: الوو ، ازيك ؟

-حسام: ازيك يا قمر ، اخبارك ايه ؟

-ريم: تمام الحمدلله ، وانت ؟

-حسام: الحمدلله بخير ، وباباكي ومامتك كويسين

-ريم: تمام الحمدلله

-حسام: ها نمتي بعد ما رجعنا ؟

-ريم: لا والله ، أصل نور عندي وملحقتش أنام ..

-حسام باستغراب: نور عندك ؟

-ريم: هه.. أقصد يعني جت تسلم عليا و..

-حسام مقاطعاً: ريم ، في ايه ؟

-ريم: آآ... م...مافيش

-حسام: نور بتعمل ايه عندك تاني يوم جوازها ؟

-ريم: بص أنا مش هينفع أحكيلك بس..

-حسام مقاطعاً: بس ايه ؟

-ريم: بعدين بعدين هبقى أحكيلك

-حسام: طيب .. ع العموم أنا كنت بظمن عليك

-ريم: تسلم يا رب

-حسام: خلي بالك من نفسك .. سلام

-ريم: اوك ، سلام

-ريم في نفسها بعد أن أنهت المكالمة : أووووبا ، يا رب ميحصلش أي حاجة

.....

-حسام في نفسه: نور بتعلم ايه عند ريم في صباحيتها ، المفروض تكون الوقتي مع زياد ، في حاجة غلط في الموضوع ، أنا لازم أعرف زياد بده

حاول حسام الاتصال بزياد ليخبره بمكان نور ، ولكن للأسف لم يجب زياد على اتصالات حسام المتتالية ...

-حسام: مش بيرد ده ليه ؟؟ أكيبيد بطلبه عشان حاجة مهمة مش هكون بهزر مثلاً
!!

-زياد في نفس الوقت وهو ينظر لرقم حسام على شاشة هاتفه : يوووووه ، عاوز
ايه ده كمان السعادي ، أنا مش فايقلك ، خلي أشوف المصيبة اللي ورايا دي ،
روحتي فين يا نور ، ماهي لازم تكون راحت عند حد تعرفه ، طب هتكون راحت
عند حد من قرايبها..لألألأ معتقدش ، يمكن حد من صحباتها .. مممم... لازم
ألاقيها

.....

-حسام: أنا لازم أتصرف وأوصل لزياد بأي شكل ، ايوه ، أنا هكلم معتز ويحاول
يوصله

طلب حسام معتز و...

-معتز: ايبيبه يا عم ، هو انا لحقت أوحشك

-حسام: مش وقتك أمعتز ، الوقتي أنا مش عارف أوصل لزياد ومحتاج أبلغه بحاجة
مهمة

-معتز: حاجة ايه دي ؟

-حسام: حاجة تخص مراته

-معتز: نور؟؟ مالها؟؟؟ حصلها حاجة؟؟

-حسام : لأ .. بس انا عاوز آآآ..

-معتز: ماتنطق يا عم حس في ايه؟؟

-حسام: أصل عرفت بالصدفة ان نور أعدة عن ريم صاحببتها

-معتز: نعم؟؟؟ بتعمل دي ايه عندها الصباحية كده

-حسام: ماهو ده اللي أنا مستغربه

-معتز: أها

-حسام مكملًا : وبحاول أوصل لزياد عشان أبلغه بده، بس للأسف هو مش بيرد
على تليفوناتي

-معتز: لأ لازم يعرف بده ، ممكن يكون بيدور عليها

-حسام: ده احتمال كبير

-معتز: طب اقل وأنا هطلبه

-حسام: اوك ، ولو أنا وصلتله هعرفك

-معتز: تمام

أنهى معتز المكالمة مع حسام ، ثم حاول أن يطلب زياد و...

-معتز: رد بقى ياخي ، انت ابييه

-زياد: عاوز ايه ده كمان ???

في النهاية اضطر زياد أن يجيب على اتصالات معتز المتلاحقة ووز

-زياد بنرفزة: فيه ايه يا معتز ، فائق دماغى من الصبح بتليفوناتك

-معتز: فين نور ؟

-زياد: نور ???

-معتز: هي مش عندك صح ??

-زياد: وانت عرفت ازاي ؟

-معتز: أصل حسام بلغنى ان نور عند ريم

-زياد: حسام وريم ?? فهمنى بالظبط

-معتز: حسام من بدري بيطلبك عشان يقولك ان مراتك نور أعدة عند ريم صاحبته

-زياد: وهو عرف ازاي ????

-معتز: بيكلمها بالصدفة فغلطت بلسانها وقالت انها عندها

-زياد: انت متأكد من الكلام ده ??

-معتز: ايوه

-زياد: طب هاتلي عنوان ريم ؟

-معتز: ما أنا مش عارفه ، طب استناني أكلم حسام أعرفه منه

-زياد: لأ أنا هكلمه ، سلام

أغلق زياد هاتفه دون أن ينتظر أي رد من معتز ..

-معتز: زياد ، استنى ، ألووووووووو

-معتز في نفسه: أنا لازم أعرّف عنوان ريم لأحسن زياد ممكن يتهور ع نور وهي في بيت الناس .. أيوه أيوه .. أنا هكلم المزّة أعرّف منها العنوان

طلب معتز نايا ليعرف منها عنوان ريم صديقة نور و...

-نايا وهي تنظر للهاتف: معتز !! ده بيتصل ليه؟؟

-معتز في نفسه: يارب ترد ، يارب تفهم وترد

-نايا: ألوو

-معتز: أحلى ألوو وربنا سمعتها

-نايا: حضرتك متصل بيا عشان تعاكس ؟

-معتز: ايه حضرتك دي كمان؟؟ لألألأ .. أنا كده هزعل والله

-نايا: أنا مش فاضية للكلام ده

-معتز: استني استني متقلّيش ، أنا بس عاوز اعرف منك حاجة مهمة أوي

-نايا: حاجة ايه دي؟؟ وعشان ايه؟؟

-معتز: عاوز عنوان ريم صاحبك؟؟

-نايا بضيق: ليه ان شاء الله ، ناوي تخطبها ولا تتعرف عليها؟؟

-معتز: الله ! ده احنا بنغيير أهوو

-نايا بتوتر: آآ.. لأ مش كده ، بس ..آآ..

-معتز: يا ريتني كنت موجود دلوقتي قصادك

-نايا: ليه ؟

-معتز: عشان أشوفك وانتي متترفة أصلك بتبقي حلوة أوي وانتي عاملة 88
بحواجبك

-نايا: من فضلك

-معتز: لو سمحت .. نزل ايدك تحت لـ

-نايا: أنا هقفل أحسن

-معتز: لألألألأ... استني بس ، أنا عاوز اعرف عنوان ريم لأن نور موجودة
عندها

-نايا : ايبيه؟؟

-معتز: وزياد تقريباً عرف العنوان ، ورايحلها ، وأنا عاوز الحقه

-نايا: أنا لازم أحصله بدل ما يحصل صدام بينهم

-معتز: ماهو ده اللي أنا بحكي فيه ، استنيني ونروح سوا

-نايا: مش هينفع

-معتز باصرار: لأ ينفع والله ، دي مسألة حياة أو موت مش وقت محايلة

-نايا وقد أخذت تفكر في كلامه : هه

-معتز: أنا 5 دقائق وهاكون تحت بيتك تكوني جهزتي ، يالا سلام

-معتز في نفسه بفرحة : اللهم صلي على النبي ، مصائب قوم عند قوم فوائد !!..!!

.....

وما إن أنهت نايا مكالمتها مع معتز حتى أخبرت أمها بـ...

-نايا: مامي ، عرفنا مكان نور

-هدى: بجد ؟ فين ؟؟؟

-نايا: عند ريم صاحبتها

-هدى باستغراب: ريم !!

-نايا مكملة: أيوه ، وزياد رايعلها الوقتي هناك

-هدى: استر يا رب

-نايا: مامي ، بصي أنا هلبس بسرعة وأحاول أحصلهم على هناك

-هدى: تحصيلهم !!

-نايا: أيوه بدل ما يشتبكوا مع بعض وتبقى فضايح قصاد عيلة ريم وكده

-هدى: طب استني هلبس وأجي معاكي

-نايا بتردد: آآ.. لا يا مامي مافيش داعي ، أنا خفيفة هاروح واجي بسرعة

-هدى: طب خدي نائل معاكي

-نايا: هه .. طيب

-هدى: ربنا يستر ويعديها ع خير ، أوعي تكلمي ريم ولا تعرفيها اننا عرفنا ان نور

أعدة عندها ، وإلا تمشي ومنعرفلهاش مكان

-نايا: اطمني يا مامي

-هدى: يا رب الستر من عندك

.....

ارتدت نايا ملابسها واصطحبت نائل معها ، ثم نزلوا ليجدوا معتز يقف أمام بوابة

العقار ينتظرهم ...

-معتز في نفسه: ياباي ، لازم عزول يبقى موجود ، هو أنا ماينفعلش أقعد مع المزة لوحدنا أبداً

-نائل: أزيك

-معتز: اهلا .. انت جيت ليه ؟

-نائل: كده

-نايا: يالا بينا

-معتز: والأخ جاي معنا ؟

-نايا: أيوه ، عندك اعتراض؟؟؟

-معتز: لأ معنديش .. اتفضل اركب

-نائل: طب افتحلي الباب ، وحط الكرسي في الشنطة

-معتز بضيق هامساً : خدامين أبوك احنا

-نائل: بتقول حاجة ؟

-معتز: بقولك اركب ورا عشان تعرف تفرد رجلك كويس

-نائل: أها

-معتز وهو يفتح باب السيارة لنايا : اتفضلي يا آنسة نايا قدام

-نايا: ميرسي

-معتز: ميرسيهك معاكي

انطلق معتز بالسيارة إلى حيث تسكن ريم ولكنه كان يقودها بسرعة بطيئة نوعاً ما
و...

-نايا: انت ماشي بشويش ليه ، دوس بنزين لو سمحت

-معتز: ده أنا دايس ع الآخر ، وبعدين في التاني السلامة وفي البسكلتة الندامة

-نايا: نعم ؟

-معتز: أقصد يعني ده أنا فاتح ع الرابع

-نايا: لأ استحالة

-معتز: وحياتك عندي

-نايا: لو سمحت مش تقول الكلام ده

-معتز: هو أنا عارف أقول اي حاجة من أساسه ، نفسي أخذ فرصتي وأسمعك صوتي وأقول أحلى كلام

-نايا بخجل: احم...مجنون

-نائل من الخلف: عربيتك عاوزة تتصلح ، ده العجلة بتمشي أسرع منها

-معتز: طب ايدك معانا ، ما تنزل تزوءها يمكن تجري ع ايدك أنائل

-نائل وهو يشير لقدمه: يا ريتني كنت أقدر

-معتز: اه عندك حق

-نايا: بسرعة من فضلك ، كده احنا مش هنوصل خالص ، وهفضل أعدة معاك للصباح

-معتز بسهتة: يا ريت نفضل كده على طول مع بعض

-نايا: يوووه ، مش هخلص بقي

-معتز: أنا لازقة مش هتخلصي مني بالساهل

.....

عرف زياد عنوان ريم من حسام ، فاستقل سيارته وانطلق إلى هناك و...

-زياد هاتفياً: حسام متبلغش ريم اني عرفت ان نور عندها

-حسام: عيب عليك

-زياد: شكراً أحس ع تعبك معايا

-حسام: العفو أنا معمليتش حاجة والله ، المهم خلّيك هادي واتصرف بالعقل

-زياد: اطمن .. سلام

سأل زياد البواب الموجود أمام بوابة العمارة عن شقة ريم ، ثم صعد إلى هناك وطرق الباب و...

ترررررررررررررررررررر

-سعاد وهي تفتح الباب : أيوه

-زياد: مساء الخير

-سعاد: مساء النور ، في حاجة حضرتك ؟

-زياد: آآآ... أنا.. أنا جوز نور ، ممكن أشوفها

-سعاد: جوزها !! معلىش يابني مخدنتش بالي والله منك اتفضل اتفضل

-زياد: شكراً ، أنا أسف اننا عملنا لحضراتكم ازعاج بس آآآ...

-سعاد: عادي يا بني ولا يهكم ، البيت بيتك

-زياد: شكراً

-سعاد: خد راحتك يا بني ، بس هستاؤذك يعني انك تسامح نور لو كانت عملت

حاجة ضايقتك ، دي زي بنتي وهي صغيرة و..

-زياد مقاطعاً: اطمني حضرتك ، أنا عاوز بس أدخلها ، لو مكنش فيها أي مضايقة

-سعاد: أه طبعاً .. لحظة بس

-زياد: اتفضلي ..

كانت نور نائمة داخل غرفة ريم ، فطرقت سعاد الباب بهدوء ونادت على ابنتها و...

-سعاد: (طق..طق..طق) ريم ! ريم !!

-ريم: أيوه يا ماما

-سعاد بصوت هامس : تعالي عاوزاكي ، هي نور صاحية ؟

-ريم: لأ ، دي في سابح نومة

-سعاد: طب كويس ، لأحسن جوزها موجود بره وعاوز يشوفها

-ريم: ايبيه؟؟ زياد بره

-سعاد: ششش .. هو عاوز يدخلها ، رتبي الأوضة وتعاليلي بره أوام

-ريم : طيب ..طيب

بالفعل قامت ريم بجمع بعض متعلقاتها الشخصية المبعثرة ووضعها داخل الدولاب ثم خرجت من غرفتها لتفصح المجال لزياد لكي يقابل زوجته و...

-ريم: ازيك يا استاذ زياد

-زياد: الله يسلمك يا آنسة ريم ، معلىش تعبناكي معانا

-ريم: ولا يهمك

-سعاد: اتفضل يا بني ، خش لمراتك

-زياد: متشكر لحضرتك

-سعاد: بالراحة معاها

-زياد: ان شاء الله ...

دلف زياد إلى داخل الغرفة ليجد نور نائمة ، فأغلق الباب خلفه وتحرك بهدوء حتى وصل إلى جوارها ثم جلس على ركبتيه أمامها و....

.....
الحلقة السادسة والستون :

دلف زياد إلى داخل الغرفة ليجد نور نائمة ، فأغلق الباب خلفه وتحرك بهدوء حتى وصل إلى جوارها ثم جلس على ركبتيه أمامها وهمس لها ..

-زياد هامساً: نور

-نور:

-زياد: نور !!

-نور وقد بدأت تفيق: هاه

-زياد: أصحي

-نور: سبوني أنام شوية

-زياد هامساً: ما احنا هنام في بيتنا

-نور وقد انتبهت للصوت : هه

أفاقت نور على صوت زياد ، وما إن فتحت عيناها ورأته حتى دب في أوصالها الرعب و أوشكت على الصراخ ، فوضع زياد يده على فمها وثبتها على الفراش و...

-زياد: ششششششش.. صويت مش عاوز ، احنا مش في بيتنا ، وفضايح مش ناقصين ، انتي زي الحلوة تقومي معايا من سكات تغيري هدومك وهنتوكل على الله من هنا ، ولا أقولك تعالى معايا كده

-نور: ممممم...مممممم

-زياد بهدوء: حسك عينك أسمع ليك صوت ، وإلا قسماً بالله هتشوفي وش تاني ، انتي فاهمة

-نور وهي تهز رأسها بالموافقة : ممم...

-زياد: أنا هشيل ايدي ، مسمش حس .. مفهوم؟؟

-نور برعب : أها

بالفعل قامت نور من الفراش ولم يمهلها زياد الفرصة لأن تبديل ملابسها بل أخذ حقيبتها وأمسكها من كفها بقوة و...

-زياد: حسابنا في بيتنا مش هنا ، بيوت الناس ليها حرمان

-نور: طب سيبيني أغير هدومي ع الأقل

-زياد: لأ ، هتيجي معايا كده

كانت نور ترتدي بيجاما من النوع الـ (تريننج) ، وبالتالي لم تكن هناك أي مشكلة في أن تنزل بها ..

رضخت نور لأوامر زياد واضطرت أن تخرج معه وهي بتلك الحالة ..

-زياد للجميع: معش يا جماعة سبينالكو از عاج

-سعاد: ولا يهملك يا بني

-ريم: آآ.. نور انتي كويسة ؟

-نور وهي تنظر لزياد بقلق : أها

-زياد: أسف مرة ثانية

-سعاد: متأسفش يا بني ، البيت بيتك تنورونا في أي وقت

-زياد: أه طبعاً

-سعاد: مش هنوصيك بقى على عروستنا الجميلة

-زياد وهو ينظر لنور برومانسية : دي في عينا

-ريم: نور .. مش محتاجة حاجة ؟

-نور: آآآ... ل.. لأ

-زياد: هتحتاج ايه بس يا آنسة ريم وهي معايا ، مش كده أنور

-نور: أها

-زياد: يالا بينا احنا بقى

-نور: هه

-زياد وهو يسحبها معه : عن اذنكو

توجه زياد بصحبة زوجته نور إلى سيارته و...

-نور متألّمة من قبضة يده : خلاص سيّني بقى ، احنا نزلنا اهوو

-زياد: مش قبل ما تركبي العربية

-نور: مش هاهرب يعني

-زياد: يا شيببيخة .. هو أنا مش عارفك

فتح زياد باب السيارة لنور لتركب بجواره ، ثم وضع حقيبتها على قدمها و..

-نور : ايبيه اللي بتعمله ده ؟

-زياد: امسكي ياختي شنطتك ، أنا مش شيال عند اللي جابوكي

-نور بدهشة: نعم؟؟

-زياد: اللي سمعته

ثم ركب السيارة وانطلق بها نحو

.....

بعدها بوقت قليل وصل معتز مع نايا إلى منزل ريم و...

-نايا وهي تشير بيدها : هو ده البيت

-نائل: طب أنا هستناكي هنا مش هاقدر اطلع ع السلم

-معتز: اها

-نايا: اوك يا نائل ، ربنا يستر

-معتز: استني يا نايا ، قصدي يا آنسة نايا ، أنا جاي معاكي ، هركن بس العربية على جنب واحصلك

صعدت نايا الدرج إلى شقة ريم بسرعة ثم طرقت الباب وفتحت لها سعاد و..

-نايا: سلامو عليكم ، ازي حضرتك يا أنطي

-سعاد: وعليكم السلام ، ازيك يا بنتي

-نايا: معلش يا أنطي ممكن أشوف ريم أو نور

-ريم من الداخل : نايا ، تعالي اتفضلي

-سعاد: نور لسه نازلة مع جوزها من شوية

-نايا: ابييه ، نزلت مع جوزها ؟؟؟

-ريم: ايوه ، وجوزها كان لطيف أوي معاها

-نايا: بجد ؟

-ريم بغمزة : ايوه ، وتقريباً كده رايعين يكملوا فرحتهم سوا

-سعاد: اطمني يا بنتي

-نايا: طب ونور كانت عاملة ايه معاها ؟؟

-ريم: كانت عادية خالص

-نايا: استر يا رب .. طيب عن اذنكم

-سعاد: ده انتي لسه ماعدتيش

-نايا: معلىش يا أنطي ، وقت تاني ان شاء الله ، باي

-ريم: باي

-سعاد: ربنا يهدي سرکم يا بنات ويصلح حالکم جميعاً

.....

كان معتز يصعد الدرج حينما قابل نايا وهي تنزل بسرعة عليه فاصطدمت به ..،

-معتز: اسم الله عليكي يا قمر

-نايا: آآ... سوري ، مقصدش

-معتز: يا ريتك تقصدي هو أنا أكره ده

-نايا: لو سمحت أنا بضايق من طريقة الكلام دي

-معتز: معاش ولا كان اللي يضايقك يا قمر

-نايا: طب عن اذنك شوية

-معتز: نايا .. نايا .. آآآ... نايا

-نايا: ايوه في ايه

-معتز: لأ انا بجرب الاسم في بوي

-نايا: اووف

-معتز: بجد أنا عاوز أقولك آآ..

-نايا: عن اذنك أنا أتأخرت

-معتز: نايا أنا عاوز أتجوزك

-نايا بخجل : اييه ؟

-معتز: أنا بحبك وعاوز اتجوزك ومش هسيبك غير لما أسمعك بتقولي أه

-نايا: عيب اللي بتقوله ده

-معتز: هو أنا طلبت حاجة حرام لا سمح الله ، ده أنا بقول عاوز أتجوزك

-نايا وقد احمرت وجنتيها: بعد اذنك

-معتز: أمانة عليكى أسمع الرد

-نايا: تو

-معتز: مسمعتش

-نايا وهي تدفع معتز : يوووو

لم تنتبه نايا لسلمة الدرج الموجودة أسفلها فكادت أن تسقط من عليه فأمسكها
معتز من ذراعها بقوة ليمنعها من السقوط و..

-معتز: حاسبي

-نايا : آآآه

-معتز بفرحة : الله اكبررررررر ، قالت آه ، قالت آه ، يعني موافقة

-نايا: لأ مقولتتش

-معتز مكماً فرحته : والنعمة سمعتها وقالت آه ، هيبه هيبه ، قالت آه

-نايا: محصلش ، أنا كنت .. آآآ.. كنت هاقع وانت ..

-معتز: ماليش دعوة ، انتي قولتي آه .. يا ريت تبلي الحاجه ان احنا هنبل
الشربات عندكو بكرة

-نايا: بالسرعة دي ، ده أنا ملحقش اجهز

-معتز: يا ستي خير البر عاجله

-نايا: ع فكرة انت بتكروتنى

-معتز: يا شيخة ده أنا متأخر كثير ، خلي الفرحة تخش بيتنا بقى

-نايا: مش هلحق

-معتز: ان شاء الله هتلحقني وبعدين انا مش غريب واللي هايجي معايا ابويا الحاج ابراهيم و... ونجلاء

-نايا: نعم ، ميبينين ؟؟؟

-معتز مزاحاً : نجلاء آنايا ، ايه مش عارفها ؟ دي حتى بتحبك لله في لله

-نايا: طب أوعى كده .. أل نجلاء أل

-معتز : أموووووت انا في الغيرة

.....

طلبت ريم حسام هاتفياً لتستفسر منه عن ...

-ريم هاتفياً: ألووو ، أيوه يا حسام

-حسام: أيوه يا ريم

-ريم: حسام هو أنت بلغت زياد بأن نور موجودة عندي

-حسام: أيوه ، ليه في حاجة ؟

-ريم: طب ليه قولته ، ده ممكن آآ...

-حسام مقاطعاً: متخافيش يا ريم على نور من زياد ، ده جوزها الوقتي وهو بيحبها

-ريم: بيحبها ؟

-حسام: أيوه ، اسأليني أنا ، ده كان هيتجنن عليها

-ريم: بجد ؟؟

-حسام: أيوه بجد ، وبعدين بقى احنا مش ناويين آآآآ

-ريم : ناويين على ايه ؟

-حسام: هاقولك لما أجي أنا والعيلة عندكم يوم الخميس ، بلغي الأستاذ وجدي بده

-ريم بلهفة : امتي امتي ؟؟؟

-حسام ضاحكاً: مافيش خجل كده ولا كسف ، دائماً مستعجلة هههههههههههههههههههه

-سامح: أه يا بهجت الكلب ، والله وعرفت تضحك علي أني سامح ولد الحاج فاروق على سن ورومح .. جعدت تجولي البت بتضحك عليكو ، ده ملعوب ، واني زي العبيط صدقتك وخذت ع جفايا بالجوي ،

-فاروق: مالك يا ولدي بتكلم نفسك؟؟

-سامح: مش طايق يا بوي اللي حوصل

-فاروق: معلش يا بني ملكش نصيب فيها

-سامح: يعني كل حاجة ضاعت مننا وراحت لولد ال **** ده

-فاروق: يا سامح يا ولدي ، أني دلوجيت كبرت ومعدتش زي الأول ، أني بعمل كل ده عشانك ، عشان تبجي الوريث لكل أملاكي و..

-سامح مقاطعاً: العمر الطويل ليك يا بوي

-فاروق: أني مش عاوزك اتضيع عمرك عشان حرمة

-سامح: دي نور يا بوي

-فاروق: يعني اللي خلجها مخلجش غيرها

-سامح: لأ خلج يا بوي ، بس مافيش في الجلب إلا هي

-فاروق: بلاش هبل وحديت فارغ ، أني عاوزك تركز في الموصلة

-سامح: هه ، موصلة ايه ؟

-فاروق: عاوزك آآآ...

وفجأة رن هاتف الحاج فاروق برقم السيدة هدى ..،،

-فاروق: مرات اخوي !! بتتصل ديه ليه؟؟

-سامح: عاوزة ايه الولية دي ؟

-فاروق: ماخبرش

-سامح: طب رد عليها يا بوي

-فاروق وقد أجاب على اتصالها : سلامو عليكمو ، أيوه يا ست هدى

-هدى هاتفياً: وعليكم السلام يا حاج فاروق

-فاروق: خير يا ست هدى ، في حاجة؟؟

-هدى: خير ان شاء الله يا حاج ، أنا كنت عاوزة أبلغك اني موافقة أبيع الأرض

-فاروق بدهشة : ايبييه؟؟ بتجولي ايه؟؟

-هدى: زي ما سمعت يا حاج فاروق ، أنا عاوزة أبيع الأرض ، جهز الأوراق وأنا همضيهاك على طول

-فاروق: ماشي يا ست هدى ، تحبي ميتي؟؟

-هدى: وقت ما تكون جاهز ، أنا جاهزة

-فاروق: بأمر الله يا ست هدى

-هدى: ماشي يا حاج فاروق ، أشوفك ع خير ان شاء الله ، مع السلامة

-فاروق : الله يسلمك

-سامح: خير يا بوي ؟

-فاروق: مش هتصدج يا ولدي

-سامح: ايه ؟

-فاروق: مرات عمك وافجت تباع الأرض

-سامح بدهشة : هاه ... !!!

.....

في منزل عبد الرحمن فوزي ،،،

-هدى لنفسها : كده أحسن ، خليني أرتاح من وجع القلب ده ، أنا مش مستعدة
أخسر حد من عيالي عشان خاطر الفلوس ، ودول عالم مش هترحمنا ، أنا لو
عشتلهم النهاردة مش هعيشلهم لبكرة .. لازم أظمن عليهم ، أي حاجة في الدنيا
تهون المهم سلامة عيالي

وصلت نايا إلى المنزل بصحبة نائل و...

-نايا وهي تحتضن أمها : مامي حبيبتي

-هدى : الله في ايه ؟ لاقيتي اختك؟؟ هي كويسة

-نايا: لأ ، كانت مشيت مع جوزها

.....

في سيارة زياد ،،،

كانت نور لا تستطيع التحرك بسبب حقيبتها الثقيلة ..،،

-زياد: ايه مضيقاكي

-نور: أه

-زياد: احسن

-نور: انت معندكش دم

-زياد ببرود : هتخدي من ده كتير

-نور: اووف

-زياد: انفخي للصبح ، أنا معدتش ورايا غيرك

-نور : يعني ايه ؟

-زياد: يعني أنا مقطوعك

لم تلاحظ نور أن زياد غير وجهته إلى المنزل وانطلق نحو الاسكندرية ليقضوا
سويًا ما يمكن تسميته بأنه شهر عسل أو هكذا ظن ...

.....

الحلقة السابعة والستون :

انطلق زياد بسيارته نحو مدينة الاسكندرية و...

-نور باستغراب : الله ، ده مش الطريق لـ...

تجاهل زياد نور وأخذ يطلق صفيراً : فوووو.. فووووو

-نور: احنا مش رايعين البيت؟؟ ما ترد عليا

-زياد: تو

-نور: هو ايه اللي تو؟

-زياد: يعني مش رايعين البيت

-نور: او مال رايعين فين؟

-زياد: ع شط الهوا

-نور : أفندم

-زياد: طالعين اسكندرية

-نور: ايبيبيبيبيبيبه؟؟؟ لف وارجع تاني ، أنا مش عاوزة أروح معاك ف حنة

-زياد: مش بمزاجك

-نور بصوت عالي : لألألألأ ، أنا عاوزة أرجع

-زياد: عشم ابليس في الجنة

-نور: يوووه ، انت ليه مش بتسمعي؟؟ نفسي في مرة تركز معايا وتسمع اللي بقوله

-زياد وقد أدار وجهه: طب أنا مركز أهو معاكي

-نور برعب: بص قدامك

-زياد: لأ أنا مبسوط كده

-نور: هنعمل حادثة

-زياد: الله مش انتي عاوزاني أركز معاكي

-نور: ركز في الطريق الوقتي أبوس ايدك

-زياد بخبث: وليه تبوسي ايدي لما ممكن تبوسي آآآ...

-نور: انت قليل الأدب

-زياد: أنا أقصد تبوسي ايدك وش وضهر ، دماغك ودتك فين يا أروبة

-نور بضيق: استغفر الله العظيم يا رب ، سكتناله دخل بحماره

-زياد: ريحي نفسك ، أنا مش هاقف غير في اسكندرية

-نور: طب أنا جعانة

-زياد: صومي

-نور: نعم ؟

-زياد: اللي سمعتيه ، انسي أني اقف

-نور: طب عاوزة أروح التويلت

-زياد: اتصرفي في التابلوه

-نور: يعع .. ايه اللي بتقوله ده

-زياد: الله مش كنتي معانا في المعسكر ولا نسييني

-نور: اوووف

ظل زياد يزعج نور التي كانت مستشاةة من الغيظ طوال الطريق ..،،

-نور: أنا زهقت من الشنطة دي ، خد حطها في شنطة العربية

-زياد: وأنا مالي ، هو أنا اللي عبيتها بالهدوم

-نور: يووه ، هو انت مش هتعمل حاجة لله أبدأ

-زياد: لأ .. عاوزاني أخدها منك يبقى تدفعي

-نور: أدفع ايه ان شاء الله ، ده انا معيش فلوس

-زياد بخبث وهو يفحصها بعينه : ممم.. ايه رأيك بقى لو آآآ..

-نور محذرة : اوعى دماغك توديك في حطة غلط

-زياد: هو انتي ليه مش بتفكري غير في كده ، ممم.. انتي هتموتي عليا بقى

-نور: ليه ان شاء الله؟؟

-زياد: هع .. يعني مش عارفة ليه

-نور: أقولك على حاجة ، أنا مش عاوزة منك مساعدة ، أنا هحذفها في الكرسي

اللي ورا

-زياد: وماله احذفها ان شاء الله م الشباك حتى ، ده حتى الواحد مش هيجتاج

هدوم كتير في المرحلة الجاية

-نور: يا رب صبرني

حاولت نور ان ترفع الحقيبة وتضعها في المقعد الخلفي للسيارة ، ولكن نظراً لأنها

ثقيلة فلم تستطع أن ترفعها وإنما خبطت بها زياد عدة مرات ..،،

-زياد متألماً: آآآآآه ، يا بنتي حاسبي

-نور: اعمل ايه يعني ، ما الشنطة هي اللي ثقيلة

-زياد وقد وضع الحقيبة في الخلف: يخرب عقلك ، انتي بتعملي ايه

-نور بفزع : مش عارفة اسوق ، مش عارفة أسووووووق

وضع زياد كلتا يديه على يد نور وأمسكهما وحاول تهدئتها و..

-زياد وهو يضع يديه : اهدي محصلش حاجة

-نور: مش عارفة أسوق

-زياد: لأ هتعرفي ان شاء الله ، أنا معاكي

-نور وقد أدركت أنه يمسك بكلتا يديها: سيب ايدي

-زياد: لأ

-نور: بقولك سيب ايدي

-زياد بغمزة : تو ، أنا كده مبسوط

حاولت نور أن تحرر قبضتي يديها من أسفل يديه ولكنها فشلت لأنه أحكم قبضته عليها

-نور: يعني أنا هفضل كده

-زياد: أه

-نور: لأ أوعى

-زياد : أنا عاوزك كده ع طول في حضني

-نور: بطل بقى ..

-زياد: هو أنا لسه عملت حاجة ، ده أنا مش ورايا إلا أنتي وبسسسس ..

.....

في القرية ،،،

كان سامح متعجباً كثيراً للقرار الذي اتخذته هدى زوجة عمه بشأن بيع الأرض و..

-سامح: ازاي اكده بكل بساطة يا بوي تبيع الأرض

-فاروق: ماخبرش

-سامح: ماهي مش داخلة مخي

-فاروق: تدخل ولا متدخلش ، احنا مالناش صالح بالموضوع ده ، اللي مهم الوقتي

اننا نكلم الأوستاذ يسري عشان يجهز اللي أوراق دلوجيت

-سامح: طيب .. وهنعملوا ايه في موضوع بهجت

-فاروق: مالناش صالح بيه

-سامح: يعني ايه يا بوي ؟

-فاروق: لحد اكده وفضيناها سيرة ، احنا كل اللي يهمننا الأرض ، وخلص الولية

هتديهاننا ، يبجي هنعوزوا ايه تاني منيه؟؟

-سامح: ونور

-فاروق: يووووه ، فوضها سيرة ، خلاص مش عاوزك تكلم عنيه تاني ، البت دي

مش ليك ، ولو كانت عاوزاك يا ولدي كنت جوزتهالك ، لكن هي خلاص بجت

متجوزة ، وعاشة مع جوزها ، واحنا عندنا ولايا وميرضكش انهم لا سمح الله

يطلجوا

-سامح: يا بوي جلبني محروق عليها

-فاروق: أني غلبت معاك ، وانت اللي في دماغك برضوه فيها

.....

في شركة ايهاب الملاح ،،،

نور في نفسها: حجز شقة مفروش ، طب أنا هاقعد معاه ازاي لوحدنا ؟؟؟ يعني مش كفاية انه موديني بلد تانية ومراقبني عشان معرفش أهرب منه ، لأ كمان جايبلي شقة .. ربنا يستر من اللي جاي

ثم أخذ زياد يتذكر مع نفسه كيف قام بحجز الشقة ..

Flash Back لما حدث من قبل ،،،،

حينما علم زياد بأن نور موجودة عند ريم صديقتها ، طلب حسام ليعرف منه العنوان و...

زياد هاتفياً : الووو ، ايوه أحسام ، ريم صاحبته ساكنة فين ؟؟

حسام: ايوه يا زياد مش هاقولك غير لما تعودني الأول انك متجيش جمب نور أو ت...

زياد مقاطعاً: والله ما هعملها حاجة ، هو أنا كنت عملتها حاجة قبل كده

حسام: يا زيزوو ، هو أنا مش عارفك

زياد: قول بقى أحس الله يكرمك

حسام : ماشي يا سيدي ، عنوان بيت ريم ((.....)) ، ها عارف المنطقة ؟؟

زياد: أيوه ، ايوه

حسام: بالله عليك متزعلش نور

زياد: من غيري ما تحلفني ، نور بقت مراتي الوقتي وجزء مني ، واستحالة أعملها حاجة

حسام: طب بص أنا عندي اقتراح حلو ليك ؟

زياد: ايه هو ؟؟؟

حسام: ما تاخذ مراتك وتبعد عن جو المشاكل اللي هنا ، وتسافروا تغيروا جو ، وأهي فرصة عشان تقربوا أكثر من بعض

-زياد وقد أخذ يفكر ملياً في الأمر : هه .. ممم

-حسام: والله يا عم انت لو عملت كده هتلاقي نور اتغيرت كثير ، وبعدين عشان تبقوا ع راحتكم و...

-زياد مقاطعاً: طب أنا هاروح بيها فين؟؟ ده أنا ملحقتش أحجز في أي حته ولا آآ...

-حسام: سيب الحكاية دي عليا ، أنا هتصرف ، وهبلغك

-زياد: بجد ، يعني انت تعرف حد

-حسام: اه طبعا ، ملكش انت دعوة ، روح خد مراتك وقضوا يومين شهر غسل سوا ومتنسانيش في الدعاء

-زياد: ده أنا هديك للصباح

-حسام: ان شاءالله خير

-زياد: الله المستعان ، سلام

-حسام: سلام ..

.....

□□□ طلب حسام وليد هاتفياً ليطلب منه أن

-حسام هاتفياً: الووو ، صباحك فل يا وليد

-وليد: حسام باشا ، منور الخطوط الأرضية والفضائية

-حسام: معلش هنقصك في خدمة كده

-وليد: قول أحس

-حسام: عاوزين نظبط زياد

-وليد مستفهماً : ازاي؟؟

-حسام: أقصد يعني عاوزينه يقضي يومين كده في اسكندرية مع نور

-وليد: بسيطة أوي

-حسام: أنا قولت من الأول ان مافيش غير وليد هيظبطلنا الليلة

-وليد: عشت يا كبير ، أنا ليا واحد صاحبي هناك أعرفه شغال سمسار خليه
يحجزله شقة مفروشة زي ماهو عاوز

-حسام: حلوو أوي ، احنا عاوزين نظبطه

-وليد: متقلتش ، أنا هكلمه وأبعثك العنوان

-حسام: تمام ، تسلم أوليد

-وليد: على ايه بس ، أنا معملتش حاجة

-حسام: أوك .. سلام يا كبير

-وليد: مع ألف سلامة

□□□ كانت سلوى تجلس في غرفة المعيشة جينما كان وليد يتحدث هاتفياً ، ولما سمعت اسم زياد بدأت تستفسر عنه وعن زوجته نور و...

-سلوى: هو انت كنت بتكلم مين يا بني

-وليد بضيق: بكلم صحابي يا حماتي ، عندك مانع

-سلوى: لأ معنديش ، بس أصلي سمعت اسم زياد وكده

-وليد وهو يبحث عن رقم صديقه: أها

-سلوى: ألا قولي يا وليد هو زعلان مع مراته بعد اللي حصل ، تلاقيه عكنن عليها ، ولا تلاقيها هي اللي مطلعة عينه ، أصل اللي حصل هناك ده مايتسكتش عليه ، ده انا لو من مكانها كنت آآآ...

-وليد مقاطعاً: ايبيببيبيه يا حماتي في ايه ، مابتصدي تلاقي جنازة وتشبعي فيها
لطم

-سلوى: هه

-وليد مكملاً: مالك انتي فلان عمل كذا ولا سوى كذا ، يخصك في ايه ده ، سيبي كل واحد في حاله يعمل اللي هو عاوزه ، ولا لازم تحشري مناخيرك في اللي ملكيش فيه

-سلوى : آآآ... انت ..انت بتكلمني ليه كده ؟؟

-وليد: اتخنقت من عمالك معايا ومع أصحابي ومع أي حد يخصني أنا ومراتي

-سلوى: مراتك دي بنتي

-وليد: بنتك في البت عندك ، لكن حضرتك ع طول أعدة هنا لازقلنا من يوم ما اتجوزنا مش عارف أتهنى مع مراتي ولا عارف أخذ راحتى معاها ، انتي يعني هتتبسطي لما أطلق بنتك

-سلوى: ابييه تطلقها ؟؟

-وليد: أيوه ، ما أنا عندي طاقة وخلص قربت تفضى بسبب عمالك ، أرجوكي يا حماتي تبعدى عننا وتحلي عن نافوخي

-سلوى: ابييه اللي تقوله ده

-وليد: اللي المفروض كان تسمعيه من زمان

-سلوى: تعالي يا منى ، تعالي يا بنتي ، شوفي أمك وهي بتتهزأ في بيتك

-منى من الداخلى : ماما متزعليش منى ، بس وليد عنده حق

-سلوى بضيق: انتي كمان بتقولى عنده حق

-منى: ايوه ، بصراحة حضرتك زوديتها أوي معانا ، ووليد استحمل كثير ، وسكت أكثر عشان خاطري وعشان ميزعنيش ، لكن حضرتك سؤتي فيها

-سلوى: حتى أنتي يا منى ، اخص ع كده

-منى: معلش يا ماما ، كلمة الحق متزعليش

-وليد: جهزي نفسك يا حماتي ، أنا هوصلك عن حمايا ، وأهو تقعدى معاه وتاخدي بالك من بيتك أحسن ما انتي واخدة بالك منا

-سلوى: بتطردوني

-زياد: أراهنك يا نور اني اخليكي تحبيني في أقل من اسبوع

-نور: انت مش أد الرهان ده وهتخسره

-زياد: لأ مش هخسر ان شاء الله

-نور: ولو خسرت ???

-زياد: هعملك اللي تعوزيه

-نور: خلاص لو خسرت الرهان تطلقني

-زياد: ايبيه

-نور: اللي سمعته ، ووريني بقى انت أد كلامك ولا لأ

-زياد: ماشي .. وانا موافق ...!!!!!!

ثم صمت كلاهما وانطلق زياد بالسيارة ليكمل طريقه نحو عروس البحر المتوسط ،
وفي داخل كل منهما اصرار نحو ربح الرهان

-زياد وهو يتأمل نور في نفسه : أوعدك يا نور حياتي اني أخليكي تحبيني لأنني
فعلاً اكتشفت اني بحبك .. معرفش ده حصل امتي وازاي ، بس فعلاً من غيرك
حياتي مالهاش معنى

-نور في نفسها: مش ممكن أكمل حياتي مع واحد كداب باع قلبي وحببي عشان
الفلوس .. لازم أكرهه في عيشته عشان يطلقني

وها قد بدأ الرهان
.....

الحلقة الثامنة والستون :

وصل زياد ونور إلى الاسكندرية حيث الشقة التي وصفها حسام له ...

-زياد : ممم.. احنا قربنا نوصل

-نور: هه

-زياد: هو قالي ادخل يمين من الشارع ده و..

-نور في نفسها : ايه التدبيسة اللي أنا وقعت فيها دي ، يا رب خلصني منه ع خير

-زياد: وأخيراً ، هو ده العنوان .. حمدلله ع السلامة يا بيبي

-نور بقرف: أل بيبي أل

-زياد: يالا هاتي شنطتك وانزلي

-نور: ما تشيلها انت

-زياد بخبت : ماشي ، بس ع شرط أشيلك انتي وهي سوا ، ايه رأيك ؟

-نور: لألألاً ، مش عاوزة

ترجلت نور من السيارة وفتحت الباب الخلفي وسحبت حقيبتها ووقفت تنتظر زياد الذي أخرج حقيبته وصف السيارة وتوجها نحو البواب و..

-زياد: سلامو عليكمو

-البواب: و عليكم السلام ، خير يا أفندينا

-زياد: معاك الرائد زياد السويفي

-البواب وقد انتبه : أهلا أهلا يا باشا ، اتفضل

-زياد: احنا كنا مأجرين شقة هنا أنا والمدام وآآ...

-البواب مقاطعاً: حصل يا باشا ، اتفضلوا معايا ، وألف مبروك

-زياد: الله يبارك فيك

-البواب: ده العمارة نورت بيكو يا باشا

-زياد: تسلم يا آآآآ... انت اسمك ايه ؟

-البواب: محسوبك جادالله يا باشا

-زياد وهو يعطيه النقود: عاشت الأسامي يا جادالله ، خد دول عشانك

-البواب: ياخذ عدوينك يا باشا ، عنك يا ست الهانم الشنطة

-نور بلؤم: اه خدها

-ثم مالت على زياد : أديني لاقيت اللي يشيلهالي ولا الحاوجالك

-زياد: بلاش تعاندي معايا أحسنك

طلب زياد من البواب أن يترك الحقيبة وينصرف و...

-زياد: ماشي يا جادالله ، هكمل أنا من هنا

-البواب: استنى يا باشا أما ..

-زياد مقاطعاً: ها يا جادالله

-البواب: حاضر يا باشا

ترك جادالله الحقيبة على الأرض وانصرف بينما اغتازت نور مما فعل زياد و..

-نور: ايه اللي انت عملته ده ، ماهو كان شايلى الشنطة ، ولا انت بتدور ع اللي

بيضايقني وتعمله

-زياد: عنك انتي

ثم قام زياد بحمل نور فوق كتفه ، والحقيبة في يده وسط دهشة نور

-زياد وهو يحملها : مش كده أحسن يا عروسة

-نور وهي تركل بقدميها في الهواء : ايه اللي انت بتعمله ده ، نزلني

-زياد: لأ

-نور: لأحسن حد يشوفنا ، هتفضحني ، ميصحش كده

-زياد: انتي مراتي يا بت

-نور: يوووووه

-زياد: الحمد لله ان الواحد بيلعب جيم كثير ، لأحسن كان زمانت وسطه مكسور

-نور: طب شيل بقى وانت ساكت

وصل زياد إلى الشقة ، ثم فتح الباب وأنزل نور بداخلها ووضع الحقيبة أرضاً ،
وأغلق الباب بالمفتاح ..

-زياد: نورتي يا أحلى عروسة

-نور: هه

-زياد وهو ينظر لها برومانسية : ايه بقى

-نور: هو ايه ده اللي ايه

-زياد بنظرات رومانسية : ما تيجي

-نور بقلق : أجي فين؟؟

-زياد وهو يقترب منها هامساً : تيجي آآآ...

-نور وهي تتراجع للخلف: آآآ... لو .. لو سمحت .. آآآ

ظل زياد يقترب من نور رويداً رويداً وهي تتراجع إلى الخلف ، ثم أمسكها من
ذراعيها و...

-نايا بخجل: حضرتك تعرفيه يا مامي

-هدى : اوعي يكون سامح

-نايا: سامح مين أعودو بالله ، هو أنا ناقصة قرف

-هدى: او مال مين

-نايا: احم.. هو صاحب زياد

-هدى بخبت : زياد مين ؟؟

-نايا: هو احنا عندنا كام زياد ، هو واحد بس ومتجوز نور اختي

-هدى : أها .. بس اللي اعرفه ان زياد عنده أصحاب كثير

-نايا: صاحبه معتز

-هدى: مممم.. معتز !! طب وده لحق يشوفك ويعرفك امتي ؟؟

-نايا: معرفش والله يا مامي ، بس هو حاطط عينه عليه وتقريباً واقع لشوشته

-هدى: قولتيلي بقى

-نايا: وهو طلب مني أبلغك انه هيجي مع عيلته بكرة

-هدى: وده بلغك ازاي

-نايا: عند ريم

-هدى: هو كمان راح عند ريم ؟؟؟

-نايا بارتباك : آآآ... يعني آآآ

-هدى: يبقى راح مش محتاجة مفهومية

-نايا: طب أقوله ايه الوقتي

-هدى: قوليله مممم.. معندناش بنات للجواز

-نايا بفرع: ابيبيه

-هدى: هههههههههههه ده الظاهر انتي كمان واقعة لشوشتك مش هو بس

-ابراهيم : أكيبيبيد طبعاً نجلاء !

-معتز: لأ كده أنا هاخسر ديني كله ، ايه يا حاج هو انت قاموس الستات عندك مش
متسجل فيه غير نجلاء وبس

-ابراهيم : مميم .. يبقى أكيد البنت اللي وريتهاني صح

-معتز: ايوه كده آحاج ، أحبك وانت معايا على نفس الخط

-ابراهيم: مع اني والله مستخسر البت نجلاء

-معتز: الله يسهلها بعيد عني ، المهم المزة ، لهطة القشطة اللي خايف لا تضيع
مني

-ابراهيم: ربنا يسهلهاك ويعدلها عليك يا نجلاء

-معتز: يا رب يا والدي ، بس اعمل حسابك احنا كابسين ع الناس بكرة

-ابراهيم: حاضر يا بني

-معتز وهو يقبل أبيه : حبيبي يا بوخليل

.....

عودة مرة أخرى لزياد ونور في الاسكندرية ،،،

كان زياد قد اشترى زجاجتي مشروب غازي له ولنور ، وبينما هو يفتح الزجاجاة
فار ما بها في وجه نور وعلى ملابسها و...

-زياد وهو يفتح الزجاجاة : اوووويا

-نور وقد ابتلت ملابسها: ابيبيبييه ده مش تفتح

-زياد: هعمل ايه يعني ، وأنا ايش دراني أنها هتفور كده

-نور: طبيعي انها تفور وانت عمال ترج فيها من الصبح

-زياد: حصل خير

-نور: وهيجي منين الخير ، وانا هدومي اتبهذلت

-زياد: دلقي الببيسي خير ان شاء الله ، وبعدين مايبقاش قلبك اسود بقى

-نور: اوووف

قررت نور ان تبدل ملابسها و...

-نور: أنا هاخذ شنطتي وأغير هدومي

-زياد: عاوزة مساعدة

-نور بتوجس : لأ

-زياد: انا أقصد يا بنتي أشيلك الشنطة ، ليه دايماً فهماني صح؟؟

-نور وقد أخذت حقيبتها : المساعد ربنا ياخويا

-زياد: اخوكي !!

-نور: أه

-زياد وقد أمسكها من ذراعها: ع فكرة مش هنفصل اخوات كتير ، خليكي فاكرة ده

كويس ، أل أخوكي أل

-نور وقد حررت ذراعها من قبضته : اوعى بقى خليني أشوف هلبس ايه

وضعت نور حقيبتها داخل غرفة النوم ، ثم فتحتها لتتفاجيء بما يوجد داخل

الحقيبة ...

-نور بفزع : ابييييه ده ، دول مش هدومي

-زياد: في ايه؟؟ بتزعقي ليه

-نور: بص كده

-زياد وقد اخذ ينظر لما بداخلها: ايه دول

-نور: قولي انت

-زياد: آآآ..

كانت الحقيبة مليئة بملابس رجالية ولا يوجد بها أي ملابس نسائية على الاطلاق ..

-زياد: مش عارف والله

-نور: هو ايه اللي مش عارف

-زياد: مش دي شنطتك

-نور: ايوه ، مش شنطة الجيران يعني

-زياد: أها

-نور: طب ايه اللي جاب هدومك جوا شنطتي

-زياد: الصراحة مش فاكر

-نور: وديت هدومي فين؟؟

-زياد: والله ما أعرف

-نور: يعني هاتكون الأرض اتشقت وبلعتها

-زياد: ايوه ايوه افكرت

-نور: ها ، افكرت ايه؟؟؟

-زياد: آآآ.. الصراحة واحنا في البلد كده ، آآآ.. يعني لما انتي كنتي نائمة

-نور: تقصد مغمى عليا من الروسيات اللي هريت دماغي بيها

-زياد: مش فارقة كتير يعني .. المهم جمعت الهدوم في الشنط ومدققتش ان كانت

بتاعتك ولا بتاعتي

-نور: يعني انت حطيت هدومي في شنطتك؟؟

-زياد: الظاهر كده

-نور: طب فين شنطتك؟؟؟

-زياد: ما أنا ماجيبتهاش ، جيبت كام حاجة كده صغيرة معايا

الحلقة التاسعة والستون :

كان زياد قد أخذ تقريباً كل الملابس الموجودة بالحقيبة ما عدا قميص رجالي واحد فقط شبه قصير ...

-نور وهو تمسك بالقميص : ايه ده ؟؟ سايبه ليه ، ما تاخده بالمره ، ده حتى كبير عليا

-زياد وهو يشد القميص من يدها : تصدقي عندك حق ، هاتيه بقى ، أنا غلطان ان بديكي حاجة من هدومي

-نور وهي تجذبه : هاللاته بقى ، مش هاسيبهولك

اضطرت نور أن تأخذ القميص من زياد لترتديه ، وذهبت إلى الحمام ، احتارت كثيراً كيف ترتديه فهو عليها شبه قصير ، وهي ليس أمامها الآن أي بديل غيره ، لذا اضطرت أسفة أن ترتديه وتخرج أمام زياد هكذا

كان القميص لونه أبيض و يصل إلى ما فوق الركبة بقليل .. خرجت نور من داخل الحمام وهي في قمة الخجل من شكلها هذا و...

-زياد: ماله القميص كده طالع عليكى .. حاجة كده استغفر الله العظيم آآآآ

-نور: افندم !

-زياد: قمرررررر

-نور: بدأنا بقى

-زياد برومانسية : والنعمة لو كنت اعرف ان القميص هيطلع كده عليكى كنت جبتة أقصر

-نور بنرفزة : ايبيه ، في ايه ، لو سمحت !!!

-زياد: لالالالا ، خدي بالك الصوت العالي مايجبش نتيجة معايا ، أنا ممكن أسحب منك قميصي حالاً ومافيش حد هيمنعني

-نور وهي متمسكة بالقميص: لالالاً

ظل زياد يدور حول نور ويتأملها ، بينما وقفت هي محرجة منه و..

-زياد: مالك مكسوفة مني ليه ؟ مانتى كنتى ناوية تلبسي مايوه قصاد أمة لا إله إلا الله

-نور: احم... يعني شوفتني لبسته

-زياد بخبث: الصراحة لأ ، بس النية عندي موجودة ، والأعمال بالنيات وأنا أحب أعمل كل حاجة بالنية

-نور: لأ بقى

-زياد: هو ايه اللي لأ ..

-نور: بعد اذنك ، أنا عاوزة أجيب لبس ، مش هفضل طول اليوم كده

-زياد: مممم.. عندك حق

-نور: ها هتجيبلي هدوم

-زياد: لأ طبعاً ، أنا بتكلم عن انك ازاي تفضلي كده ، اقلعي القميص أحسن

-نور: أنا غلبت والله معاك ، مبقتش عارفة أعمل ايه

-زياد: ليه بس ده أنا حتى سهل أوي ، وطيب أوي وباجي بالحنية أوي أوي أوي

بدأ زياد يقترب من نور مرة أخرى ، فاسرعت بالابتعاد عنه وحاولت أن تغير الموضوع ولكنه لم يعطها الفرصة وأخذها بين أحضانها و..

-نور وهي تبتعد : أنا عاوزة هدوم

-زياد: حاضر من عنيا

-نور: طب يالا انزل هاتهالي

-زياد: الوقتي

-نور: ايوه

-زياد وهو يقترب منها بخبث : مش لما أكل الأول ، ده انا حتى آآآ... واقع من الجوع ، ونفسي أدوق الحلويات و...

-نور بنرفزة : اكل ايه وبتاع ايه ، أنا بقولك آآآ...

-زياد وقد أخذها في حضنه : اهدي كده ها ، مش كل شوية هتزعقي

-نور بتوتر: آآآ... ابعده عني ..آآآ.. انت ..انت لازق فيا كده ليه

-زياد: لأ أنا مش لازق فيكي ع فكرة ، ده أنا بظمن ع القميص أصله عهدة ولازم يرجع

-نور وهي تحاول الابتعاد عنه : ه ايه اللي عهدة ، حتة قميص مايسواش تقولي عهدة !!

-زياد وقد بدأ في فك أزرار القميص: طالما مايسواش بقي هاتيه ..!!!

-نور: خلاااص ، خلاااص ، انا أسفة انا أسفة .. ده يسوى أوي

-زياد: ايوه كده ناس متجيش إلا بالعين الحمراء

-زياد وقد تركها: عشان تعرفي بس ان قلبي قلب خساية أنا هنزل أجيبلك هدوم ، وراجع تاني ، تكوني انتي ظبطتيلنا حاجة ناكلها كده عشان آآآ.. آآآ.. انتي عارفة بقي

-نور: عارفة ايه ؟

-زياد: هناكل عشان ننام ، الله في ايه

-نور: نعم ؟؟

-زياد: أيوه الناس بتاكل وبعدها بتحب تأيل شوية ، ولا انتي ليكي شوق في حاجة تانية ، أنا جاهز على فكرة

-نور: لأ ماليش

-زياد: طيب يا قطة ، أنا مش هتأخر ، بس اعذريني هقفل عليكي الباب لأحسن
انتي ماتضمنيش

-نور: ليه ههرب يعني ؟

-زياد: ايهيه ! انتي هاتقوليلي ، ده انتي ممكن تعملي أناح من كده ..

-نور: على فكرة أنا مهربتش قبل كده ، أنا بس كنت مخنوقة من الجواز و...

-زياد مقاطعاً: ده ع أساس ان احنا كان بقالنا كتير متجوزين ، ده احنا مكمناش
24 ساعة سوا ، ونصهم كان سيادتك مشنتحة فيهم

-نور: ايه مشنتحة دي؟؟ انتقي ألفاظك شوية

-زياد: ماشي يا ستي بلاها مشنتحة خليها مريحة ، حلوة دي

-نور وهي تدفعه ناحية الباب : اه .. طب يالا بقى بسرعة

-زياد بلهجة مختلفة: ياااه ع الحب ، بنفسك بتزوعيني ، فوريرة يا مهجة الجلب

-نور: بيبيه

انصرف زياد ليحضر بعض الملابس لنور ، بينما قررت نور أن ترتاح قليلاً إلى أن
يأتي هو ...

.....

في منزل عبد الرحمن فوزي ،،

كانت الاستعدادات تتم على قدم وساق من أجل استقبال عائلة معتز اليوم و...

-نائل: ايه القلبان ده كله اللي في البيت

-هدى: اختك جايلها عريس

-نائل: والله ، مين؟؟

-هدى: معتز

-نائل: والله

-هدى: انت ايه رأيك ؟

-نائل: آآآ...

-نايا مقاطعة: هو يقدر يقول حاجة

-نائل: أنا أقدر أقول

-نايا: بلاش انت معايا ؟

-نائل: هتعملي ايه يعني ؟

-نايا: مممم.. هتشوف

أحضرت نايا بخاخ المياه واخذت ترش به نائل أخيها وهو يحاول الإفلات منها
بكرسيه المتحرك و...

-نائل: خلاص يا ستي أنا غلطان اشبعي بيه

-نايا: لألألأ

-نائل: يا ماما حوشيها عني

-هدى: بس بقى يا ولاد احنا مش فاضيين للعب العيال ده

-نايا: هو اللي بدأ يا مامي

-نائل: لأ هي

-هدى: خلاص انتو الاتنين ، بسرعة عاوزين نخلص قبل ما الناس يجوا ، ولا
هنقولهم ايدكم معانا

-نايا: أوك

.....

في فيلا معتز ،،،

كان معتز يضغط على والده للانتهاء من ارتداء ملابسه كي يذهب إلى منزل نايا لخطبتها و..

-معتز: يالا يا حاج ، هنتأخر ع الناس

-ابراهيم: يا بني ده احنا لسه العصرية

-معتز: الله مش عشان نلحق الطريق من اوله

-ابراهيم: هو احنا مسافرين ، دي فركت كعب

-معتز: جينا بقى للكلام اللي لا يودي ولا يجيب

-ابراهيم بصوت مرتفع : يا نوووووجة .. يا نوووووجة

-معتز: ايببيه يا حاج بتنادي عليها ليه ؟

-ابراهيم: مش هاتيحي معانا

-معتز: تيجي معانا فين ؟ احنا رايعين نخطبمش رايعين حفلة

-ابراهيم : يعني أسيبها لوحدها

-معتز: ماهي أعدة مع أمها ، ولا العفاريت هتاكلها يعني

-ابراهيم: خلي في قلبك شوية رحمة

-معتز: لله الأمر .. ماشي يا حاج

-نجلاء بضيق: أيوه يا اونكل

-ابراهيم: يالا يا نوجة عشان تيجي معانا

-نجلاء: آجي فين ؟

-ابراهيم: تيجي معانا و احنا بنخطب للواد معتز

-نجلاء : لأ

- معتز في نفسه: احسسسن ، بركة يا جامع ، جت من عندها
- ابراهيم وهو يلکز معتز في جنبه : لأ ازاي ، لازم تيجي معانا ، مش كده يا معتز
- معتز: آآآي ، بتخبطني ليه يا حاج ؟
- ابراهيم بصوت هامس: يا واد اعزم عليها بقلب
- معتز هامساً: ماهي مش عاوزة
- ابراهيم: ماهي لو مجتش مش هاجي
- معتز بصوت مرتفع : خلاص بقى أنجلاء .. ده اليوم مش هيثم إلا وانتي موجودة
- نجلاء: تُو
- معتز: يالا يا نجلاء ، ده انتي اختي الصغيرة ، وهو حد يقدر يعمل خطوبته من غير اخته برضوه
- نجلاء : اوووف
- ابراهيم: يالا يا نوجة ، اجهزي
- معتز: اه الله يكرمك ، لأحسن ممكن تخلصي ع السنة الجاية واحنا مش ناقصين عطة
- ابراهيم: خف لسانك شوية
- معتز: مش بقول الحقيقة
-

في القرية ،،،،

كان الحاج فاروق قد اتصل بالمحامي يسري ليجهز له الأوراق الخاصة ببيع الأرض ، ثم عقد العزم على السفر فوراً للسيدة هدى لانتهاء الاجراءات و...

-سامح: رايح فين يا بوي ؟

-فاروق: هدلى مصر

-سامح: دلوجيت ؟

-فاروق: أيوه ، خير البر عاجله

-سامح: بس يا بوي آآ..

-فاروق مقاطعاً: مافيش بس ، أني عاوز أخلص بجي من الموضوع ده خرينا نفوج لمصالحنا المتعطلة

-سامح: هه

-فاروق: أني مش هتأخر ، هخلص الورج وأرجع على طول

-سامح: استنى يا بوي أنا جاي إمعاك

-فاروق: بس يا ولدي آآ...

-سامح: مش هاسيبك يا بوي لوحك ، وبعدين أني مش ورايا حاجة أعملها

-فاروق: الأمر لله يا ولدي ، يالا بينا

-سامح: ماشي

.....

عودة مرة أخرى إلى زياد ونور ،،،

عاد زياد إلى المنزل بعد أن اشترى بعض الملابس لنور و..

-زياد: يا أهل الدار ، أنا جيت

-نور من الداخل : كويس

-زياد: ايه ده ؟؟؟ ايه اللي انتي عملتيه في هدومي ؟؟

-نور: قولت أتصرف لحد ما تجيبلي هدوم

قامت نور بقص البنطل الخاص بزياد ليصير مشابهاً لـ (البرمودا) وتوليفه بطريقة مضحكة لكي ترتديه

-زياد: تقومي تقصي بنظوني؟؟؟ انتي عارفة ده بكام

-نور: بكام يعني؟؟ وبعدين خسارة فيا؟؟

-زياد: لأ خسارة ليا!!!

تحسر زياد قليلاً على البنطل الذي أفسدته نور فقد كان ثمنه غالياً و...

-نور وهي تجذب الأكياس من يده : ها جبتي هدم

-زياد: ايوه

-نور وهي تقبله من خده دون قصد : الله ، ميرسي أوي

-زياد: ايبيه اللي عملتية ده

-نور وقد ندمت على ما فعل : آآآ... سوري ، والله ما قصد ، ده ده ... ده ده

-زياد: يا ريتك تقصدي ، هو أنا أكره ، ده انا حتى عاوز من ده كثير

-نور بتوتر: آآ.. استنى أما أشوف انت جبتي ايه؟؟

-زياد: وماله ، غيري الموضوع غيري

-نور: احم...

بدأت نور تتفحص الملابس التي أحضرها زياد لها والتي كانت بمثابة صدمة ...،،،

-نور: ايبيه اللي انت جايبه ده

-زياد: ها؟

أخرجت نور أول قطعة ملابس أحضرها زياد وكانت عبارة عن قميص نوم شفاف
“...“

-نور: ده ايه ده ان شاء الله ؟

-زياد بخبث : يعني مش عارفة ؟

-نور: لأ عارفة ، بس جايبه ليه ؟

-زياد: عاجبني

-نور: وانت متوقع اني البسه ؟

-زياد بثقة : بِسْمِ اللَّهِ الرَّحْمَنِ الرَّحِيمِ ، الاجابة نعم

-نور: لأ انت بتهزر كمان

-زياد: Yes of course

-نور وقد أخرجت القطعة الثانية : وده ايه ده كمان؟؟

-زياد بكل شجاعة وثقة : بيبي دول يا فندم

-نور: ما انا عارفة انه زفت ، جايبه ليه ده الثاني؟

-زياد: أصل أنا قولت اللون ده هيبقى حكاية عليكي

-نور وهي تخرج القطعة الثالثة: لأ انت كده قاصد تفرسني

-زياد: أفرسك ايه بس ، ده انا عاوز ادلعك وأهنك وأظبطك

-نور: او مال ده ايه ده كمان؟؟

-زياد: احم.. تنكري

-نور: يااااا شيخ ، تصدق مكونتش أعرف

-زياد: شوفتي بفكر فيكي ازاي ، أنا عارف انك بتحبي القوات الخاصة فجبتهك الزي

بتاعه عشان تلبسهولي .. أه وخدي دول

-نور: أخذ ايه ؟

-زياد: الكلابشات والمسدس والكاب بتوعه

الحلقة السبعون :

في منزل عبد الرحمن فوزي ،،،

حل المساء و كانت عائلة السيدة هدى في انتظار وصول عائلة معتز ، سمعت نايا صوت جرس الباب فأخبرت والدتها بأن تفتح هي،،

ترررن تررررن

-نايا من الداخل : افتحي يا مامي بسرعة أكيد جوم

-هدى: اهدي طيب ، مش يمكن مايكنوش هما

-نايا: لالالا .. متقوليش كده ، بس متنسيش تنادي عليا لما يدخلوا

-هدى: عرايس آخر زمن

-نايا وهي تحتضن أمها : حبيبتي يا مامي

ذهبت هدى لتفتح الباب ووجدت

-هدى باستغراب : حاج فاروق !!!!

-فاروق: سلامو عليكمو يا مرات اخوي

-هدى: وعليكم السلام

-فاروق: ايبيه مش هاتجوليلي اتفضل

-هدى: لامواخذة يا حاج ، اتفضل طبعاً ده البيت بيتك

-فاروق: الله يكرم أصلك

-سامح: سالخير يا مرات عمي

-هدى: مساء النور يا سامح يا بني ، اتفضل

-سامح: يزيد فضلك

-فاروق: اعذرينا اننا جينا من غير اميعاد

-هدى: متقولش كده يا حاج ، ده بيتك

-فاروق: ده العشم برضيك

-هدى: خير يا حاج في حاجة حصلت ، انا خلاص بلغتك اني موافقة أبيع الأرض ،
في جديد؟؟

-فاروق: ماهو أني جاي بخصوص الموضوع ده

-هدى: أها ..

-فاروق: أني جيبت الورق إمعيا عشان تمضيه

-هدى: وماله يا حاج

-فاروق: انتي عارفة يا مرات أخوي ، خير البر عاجله

-هدى: اه طبعا

-فاروق: واني ميرضنيش برضيك انك تحسي انك رميتي الأرض فهزود الفلوس
حبتين

-هدى: اللي تشوفه يا حاج

-سامح: عندي سؤال ليكي يا مرات عمي

-هدى: خير يا سامح ؟

-سامح: اومال انتي ليه وافجتني تببيعي الأرض رغم انك كنتي إمعارضة الموضوع
ده

-هدى: عاوز الصراحة يا سامح

-سامح: يا ريت

-هدى: أنا مش هأخسر حد من عيالي عشان خاطر الفلوس أو عشان خاطر حتت
أرض ، الفلوس ممكن تروح وتيجي لكن الضنا صعب يتعوض

-سامح: أها

-هدى مكلمة : أنا ولادي عندي بالدنيا كلها ، وكل اللي يهمني سعادتهم وراحتهم ، وأنا شايقة ان الحاج فاروق أولى بالأرض مني هو هيراعها وياخذ باله منها ، وده أحسن ليا .. أنا ولا عيالي بنفهم في الحاجات دي ، وربنا يباركك فيها

-فاروق: يعني انتي مش هامك ان كنت هبيع الأرض ولا أتصرف فيها ولا..

-هدى مقاطعة : انت حر فيها يا حاج فاروق

-فاروق: طب افرضي الأرض دخلت كردون مباني وزاد سعرها أضعاف الأضعاف

-هدى: يبقى حلال عليك يا حاج ، ده رزقك ونصيبك

-فاروق: انتي بتتكلمي جد

-هدى: طبعااا ، حبي لولادي يخليني أحميهم من أي شيء ممكن يبعدم عني ، وطالما الأرض هتسبب مشاكل ، يبقى بناقص منها ، أنا بعد المرحوم كنت الأب والأم ليهم ، ومش هستحمل خسارة أي واحد فيهم ، أنا ممكن أموت فيها

-سامح: هه

-فاروق: ربنا يباركك فيهم

-هدى : تسلم يا حاج ، عن اذنكو ثواني

-فاروق: اتفضلي

-سامح: خد راحتك يا مرات عمي

وما إن انصرفت هدى حتى تحدث الحاج فاروق مع ولده ،،

-سامح: ايه رأيك في الكلام ده يا بوي

-فاروق: والله ما أني عارف أجول ايه

-سامح: أني مكوئنتش أتوقع ان مرات عمي تفكر إكده

-فاروق: ولا أني والله يا بني

.....

-نجلاء باقتضاب : أهلا

-هدى: أهلا بيكي يا بنتي ، اتفضلي

دخلت عائلة معتز إلى الصالون حيث تفاجئوا بوجود الحاج فاروق وابنه

-معتز: لف وارجع تاني

-ابراهيم: في ايه يا بني ، ماتوسع الطريق

-معتز: ما بلاش آحاج

-هدى : اتفضلوا يا جماعة ، مافيش حد غريب ، ده الحاج فاروق عم العروسة
وابنه

-معتز: أه عارفها الخلقة دي ، اتقابلنا قبل كده

-فاروق: سلامو عليكمو

-ابراهيم: وعليكم السلام يا حاج

-هدى: ده الرائد معتز ووالده الاستاذ ابراهيم

-فاروق: يا أهلا وسهلا

-هدى: وده الحاج فاروق وسامح ابنه

-ابراهيم: منور يا حاج ، منور يا ابني

-سامح: توشكر

-هدى: اتفضلي يا بنتي

-نجلاء: شكراً

-نجلاء في نفسها حينما رأت سامح : ايبيه ده ، بيعمل ايه بلديتنا ده هنا ، ماله
عامل زي القرش البراني كده ، كل ما أحدفه يرجعلي تاني

-سامح في نفسه: الله مش دي البت اياها ، هي بتعمل ايه انه ، ماكتوبلي أشوفها
بجى

.....

عودة مرة أخرى لزياد ونور ،،،

تناول زياد الطعام ثم ذهب ليرتاح قليلاً بينما قررت نور أن تشغل وقت فراغها في
تنظيف الصالة الخارجية ، استيقظ زياد بعد فترة و...

-زياد: يا نووووور ، انتي فين

-نور في نفسها : ولا هعبرك ، نادي للصبح

-زياد: يا نور ، يا حبيبة القلب ، ماتردي عليا

ثم خرج زياد من الغرفة ليتفاجيء بقيام نور بمسح الأرضية ب....

-زياد بدهشة: ايبييه اللي بتعمليه ده ؟؟

-نور: بمسح الصالة ، فيها حاجة دي كمان !!!

-زياد : لأ مافيهاش حاجة ، بس بتمسحها بهدومي ؟؟؟؟

-نور بخبت: الصراحة ملاقتش حاجة تنفع إلا هي

-زياد: بهدومي !!!!! بالبنطلون الجديد ، انتي عارفة ده تمنه كام ؟؟؟؟

-نور: والله ما أعرف ، بس الصراحة هو بينشف الأرض كويس

-زياد بغل : يااااا رب صبرني وماموتهاش ، ايبييه ده كمان ؟؟؟

-زياد: حسبي الله ، مش قادر أقوم ، آآآآآآآآآ

-نور وقد بدأت تقلق : انت بتكلم جد ؟

-زياد: هو الحاجات دي فيها هزار ، اطلبيلي الاسعاف بسرعة

-نور: اسعاف !!

-زياد متألماً : آآآآ آه ، مش قادر ، آآآآآآ آه هموت من ضهري

-نور: طب فين موبايلك

-زياد: في جيبى ، خديه ، آآآ آه

-نور: أنا أسفة والله ، مقصدتش اعمل كده

-زياد وهو يحاول اخراج الهاتف من جيبه: آآآ آه

اقتربت نور من زياد الراقد على الأرض ، ومالت نحوه لتأخذ منه الهاتف المحمول ، ولكنه جذبها من يدها بشدة لتسقط فوقه و...

-نور : هات الموبايل ، آآآ آه

-زياد وقد سحبها من يدها بقوة: تعاليلي يا قطة

-نور وقد سقطت فوقه : آآآ آي ، انت بتعمل ايه

-زياد: ايوه بقى ، اخيراً بقيتي في حضنى

حاولت نور الافلات من زياد ولكنه ضمها إليه وأحكم قبضته عليها و...

-نور: سيبنى ، اوعى بقى

-زياد: لأ مش هاسيبك ، مش هابعد

-نور: أنا مش بطيقك

-زياد: وأنا ..أنا ..آآآ

-نور: حاسب بقى

-زياد بضيق بعد أن حررها من قبضتيه : قولتك أنا مش بكذب ، ولازم تسمعيني
للآخر

-نور: لأ

-زياد: هتندمي

-نور وقد قامت من جواره : لأ مش هندم ، واوعى بقى

-زياد بتحدي : طيب ، ومترجيش تقولي آآه !!!

.....

الحلقة الحادية والسبعون :

في منزل عبد الرحمن فوزي ،،،

أحضرت هدى المشروبات وبعض الحلوى للضيوف المتواجدين بمنزلها و...

-هدى: منورين يا جماعة ، اتفضلوا

-فاروق: الله يكرمك

-سامح: توشكري يا مرات عمي

-ابراهيم: شكراً يا هانم

-معتز: شكراً يا طنط

-نجلاء: ميرسي

ثم بدأ معتز يطلب من أبيه أن يتحدث و...

-معتز هامساً : يالا أحاج

-ابراهيم: عاوز ايه

-معتز: هو ايه اللي عاوز ايه ؟ مش ناوي تتكلم

-ابراهيم: مش لما أشرب الأول وأكل الجاتوه

-معتز: والله هاجيبلك أنا تورته بحالها أحليلك بها بؤك، بس أبوس ايدك اتكلم بقى ،
شكلنا بقى وحش بقالنا فوق النص ساعة أعيدين

-ابراهيم: طيب

-ابراهيم: احنا النهاردة جاين كده باذن الله عشان نخطب الأنسة نايا فوزي لابني
الغالي الرائد معتز

-هدى: والله آآآ...

-فاروق مقاطعاً: ممم... تخطبها

-معتز: أيوه أحاج ، عند حضرتك مانع

-فاروق: لأ مافيش ، بس محدش جالي

-معتز: ما أنا لسه بقول أهوو

-فاروق: أها

-ابراهيم: طبعا حضراتكو عارفين ابني معتز ، طيب وفي حاله وابن حلال ويقدر
يفتح بيت

-فاروق: ابن أصول يعني

-معتز في نفسه : لأ جاي م الشارع

-ابراهيم: أيوه ، ده ابني الوحيد ومعزش عليه أي حاجة

-فاروق : إيوه ، إيوه

-هدى: بسم الله ماشاء الله ، ربنا يباركلك فيه ، بس انت عارف يا أستاذ ابراهيم
لازم ناخذ رأي عروستنا الأول

-ابراهيم: أكيد طبعا

-هدى: نائل ، خش انده لأختك تيجي تقعد معانا

-فاروق: على بركة الله ، يبجى نجرى الفاتحة

-الجميع: بِسْمِ اللَّهِ الرَّحْمَنِ الرَّحِيمِ ، الحمد لله رب العالمين

وما أن انتهوا من قراءة الفاتحة حتى قامت هدى باطلاق الزغاريط ..،،

-هدى: لووولووووولي

-ابراهيم: الف مبروك يا جماعة ، وربنا يتمم بخير

-معتز: الله يبارك فيك يا بوخليل

-فاروق: الله يبارك فيك يا سي الأستاذ ، وان شاء الله الفرحة يبجى اقريب وحدانا

-معتز: أبدأ وربنا مايحصل ، الفرحة هنا ، وع الساكت كمان

-فاروق: ايهبيه ، وده برضوه كلام

-معتز: ايوه هو كده ، ولا عندك رأي تاني يا حماتي

-هدى: اللي يتفق عليه العرايس

-معتز في نفسه : أل حداه في البلد أل ، هو أنا ناقص الجوازة تبوظ

رن هاتف سامح برقم ما فاستأذن ليحبيب بعيداً عن الحضور ..،،

-سامح: عن اذنيكو يا جماعة هردع التلافون

-هدى: خد راحتك يا سامح يا بني

مالت نجلاء على هدى لتخبرها بشيء ما و...

-نجلاء: انطي ممكن اروح التويلت بعد اذنك

-هدى: أه وماله يا حبيبتي ، روعي يا نايا وريها السكة

-نايا: أوك

.....

عودة إلى زياد ونور ..،،،

قرر زياد ألا يتحدث مع نور إلا قليلاً خاصة بعد أن اعترف بحبه لها ، واصرارها على أنه يكذب ، فجلس على الأريكة ليشاهد التلفاز و ...

-نور: انت ساكت ليه؟

-زياد:

-نور: الله مش أنا بكلمك ؟

-زياد: عاوزة ايه الوقتي؟؟

-نور: هاتلي المسلسل الهندي أتفرج عليه

-زياد: ليه هو أنا ناقص فقع مرارة

-نور: الله مش أنا بتابعه

-زياد: ابقي شوفيه ع انتت ولا في الاعداء

-نور: يوووه ، أنا عاوزة أعرف اللي هيحصل بينهم

-زياد: معروفة يا بنتي البطل هيطلع ميتين أم البطلة وهيطلعوا اخوات في الآخر وراضعين على بعض كمان

-نور: لالالالا مش كده خالص ، انت ايش عرفك في الهندي

-زياد: نفس أم القمص الحمضانة من أيام أميتاب باتشان

-نور: ياباي ، قفلتني من المسلسل

-زياد: خلاص هخليكي تشوفيه

-نور: ميرسي

-زياد: قوليلي بقى

-نور: ايه

-زياد: على كده المسلسل ده يعني فاضله كتير ويخلص

-نور: احنا في الـ season الثاني في الحلقة 249

-زياد: يا دين النبي ، ولسه فاضل كثير

-نور: اها ، هو المسلسل ع بعضه بتاع 470 حلقة

-زياد: يااااااااه ده يدوب يخلص والواحد طالع ع المعاش صح

-نور : هه هه هه ، بطل بقى

-زياد : طب قومي شوفيلي حاجة أكلها

-نور: قوم أنت

-زياد: خلاص هاقلب ع المسلسل

-نور: طيب خلاص ، قايمة ، بس اوعى تقلب

-زياد بخبث: عيب عليكي

-نور: ماشي ، أما أشوف

وما إن قامت نور حتى أدار زياد على القناة ، فجاءت نور من خلفه ووضعت يدها على كتفه و...

-نور وهي تضع يدها على كتفه بقوة : اهووو ، مصدقت أقوم عشان تقلب ع القناة
-زياد: انتي أد الحركة دي ؟

-نور: أه أدها ، يعني هتعمل ايه ، وبعدين هات القناة بقى

-زياد: لأ ، وتعاليلي بقى

قام زياد بجذب نور بشدة من يدها لتسقط كلياً فوقه على الأريكة و..

-نور: ااااااااه

-زياد: أما أنتي مش أدي بتأوحي ليه معايا

-نور: سبيني بقى

-نجلاء: هو ايه اللي صوت بيقطع؟؟ هو أنا بكلمك ع مراحل ، ده أنا واقفة وراك
ولا انطرشت؟؟؟

-سامح: ماشي ، ع بركة الله سلام

التفت سامح ليجد نجلاء تقف خلفه وعلى وجهها الغضب ..

-سامح: لا مؤاخذة في حاجة

-نجلاء: بقالي ساعة عمالة أقولك حاسب عشان أعدي ، وانت مش سامعني

-سامح: الله مش كنت بتحدثت في التلافون

-نجلاء وقد شعرت بالخجل : هه

-سامح وهو يتفحصها بنظراته : لو عاوزة تعدي اتفضلي ، طريجك زراعي

-نجلاء: شكراً

ارتبكت نجلاء من نظرات سامح لها فتعثرت في مشيتها وكادت أن تسقط فسندها
سامح و...

-سامح: مش كل مرة هلحجك

-نجلاء: احم.. سوري ، أنا ..

-سامح: خلاص خلاص متجوليش حاجة ، حصل خير

-نجلاء بارتباك : آآ.. شكراً

-سامح: اتفضلي

-نجلاء: طيب

-نجلاء في نفسها: غريبة أوي ، معرفش ايه اللي بيحصل لما بشوف الجدع ده ،
ببقي نفسي أخنقه وفي نفس الوقت هو بيكون شهم معايا

-سامح في نفسه: البت دي ع طول بلاجيها اكده في طريجي ، صحيح هي واخدة في نفسها جلم ، بس الواحد مينكرش ان شكلها جدع ومليحة برضيك ، ربنا يعمل اللي فيه الخير

عاد الجميع إلى داخل غرفة الصالون ليكملوا الاتفاق على ترتيبات الخطوبة و...

-معتز: لأ انا عاوز كتب كتاب ع طول

-هدى: اصبر بس أكون آآآز...

-معتز: أنا عاوز نايا بشنطة هدومها ، ولو من غيرها يبقى أحسن برضوه

-ابراهيم: يا بني أصبر

-معتز: لأ مش هاصبر ، وبعدين أنا الحمد لله جاهز ومش هستنى كتير عشان أكون نفسي

-فاروق: وماله يا بني ، طالما جادر تتزوج ، فخير البر عاجله

-معتز بصوت منخفض : أول مرة تقول حاجة عليها الطلاة يا حاج

-فاروق: بتجول ايه ؟

-معتز: بقول الله يباركك

.....

عودة مرة أخرى لزياد ونور ،،،

انتهى كلاً من زياد ونور من تناول وجبة خفيفة ، ذهب زياد ليستريح قليلاً ، بينما قررت نور أن تذهب لتستحم قبل أن تنام

-زياد: انا داخل أريح شوية ، مش ناوية تيجي؟؟

-نور: لأ

-زياد: براحتك ، انتي الخسرانة

-زياد: طب ما تخرجي تجبيها

-نور: أخرج ازاى أصلاً وأنا مش عارفة أفتح عيني من الصابون اللي دخل فيها

-زياد باستغراب : صابون ؟؟

-نور: أيوه المياہ اتقطعت وانا بغسل دماغي ومش عارفة أخرج اجيب مياہ

-زياد: اها

-نور: هاتلي بقى ازاوة بسرعة

-زياد: وهاجيبها لك كده ببلاش

-نور: تقصد ايه ؟

-زياد بخبث: مافيش كده مقابل ، ولا انتي شغالة بنظام السفلاة

-نور: ايه الكلام الغريب اللي بتقوله ده !! قول عاوز ايه وخلصني

-زياد: مممم.. تنامي جمبي

-نور: نعم ؟؟

-زياد: خلاص خليكي كده للصبح

-نور : يووووه

-زياد: تصبحي ع خير ، وابقى استني المياہ أما تيجي

-نور : لألألاً.. خلاص بس متقربش مني

-زياد بصوت منخفض: موعديش الصراحة

-نور: ها قولت ايه

-زياد: ربنا يسهل

بالفعل أحضر زياد زجاجة مياہ من الثلاجة لنور و.....

.....

الحلقة الثانية والسبعون:

أحضر زياد زجاجة مياه لنور وطرق الباب عليها لتفتح و...

-زياد: (طق...طق...طق) يا نووور ، افتحي

-نور من الداخل: سيب الازازة برا قصاد الباب وامشي

-زياد: نعم

-نور: اللي سمعته

-زياد: طيب

-نور : ها مشيت

-زياد من بعيد: أيوه

وقف زياد على مقربة من الحمام وانتظر أن تفتح نور الباب ، اطمأنت نور من صوت زياد ، وأدركت أنه قد ابتعد عن باب الحمام فقررت أن تفتح فتحة صغيرة ، ثم مالت قليلاً بجسدها وظلت تتحس الأرض من أسفلها وهي مغمضة العينين لتمسك بالزجاجة ، ولكنها تفاجئت بيد تمسكها و...

-نور: اييبه ده ، انت مامشتش

-زياد: لأ طبعاً ، وهو حد يلاقي القمر واقف قصاده ويمشي ، ده حتى يبقى أهبل

-نور وهي تسند الباب بجسدها : آآآ... طب أوعى

-زياد: أوعى ايه بس الوقتي ، هو في كده ؟

-نور: انت بتتشطر عليا عشان أنا مش قادرة أشوفك

-زياد: كفاية أنا شايفك بقلبي قبل عيني

-نور: ناولني الازازة لو سمحت

-زياد: طب افتحي الباب شوية

-نور: لأ مايصحش

-زياد: لالالا ده يصح أوي

-نور: اديني الازازة

-زياد: طيب مدي ايدك

-نور: الله ما أنا مداها وانت ماسكها

-زياد بخبت: لأ ايدك الثانية

-نور: ليه يعني؟

-زياد: أصل الأولى اتصادرت خلاص

-نور: يارب صبرني

-زياد: انجزي عشان تخلصي

-نور بضيق: ماشي ، اتفضل ايدي اهي

فتحت نور الباب ومدت يدا الاخرى لتمسك بالزجاجة و...

-زياد بحب: ايبيه الجمال ده كله

-نور: ابتدينا نعاكس

-زياد: أنا بتكلم عن الفوطة على فكرة

-نور: يا سلام؟؟

-زياد: أه طبعا ، دي قطن مصري؟؟

-نور: معرفش !!

-نور: ليه ان شاء الله ؟

-زياد: الراجل بصراحة خدمني ، ده أنا مش مصدق نفسي والله

-نور: كل ده عشان النور والمياه قطعوا

-زياد: يا سلام بقى لو الوزاء كلهم يجتمعوا عشان يلموا شملنا ، ياااااااااه ،
ياااااااااه !!

-نور: مصلحجي

-زياد: طبعاااااااااااا

-نور: خلاص شكراً ، عنيا راح منها الصابون

-زياد: طب هاتي الفوطة بقى أنشف ايدي

-نور وهي متمسكة بها: ده بعينك

-زياد: لالا ، ده انا لازم أشوف جودة خامات القطن بنفسي ، يمكن نبعت جواب
شكر لوزير الصناعة

-نور: مش بقولك انت فاضي

تركت نور زياد بعد ان انتهت من إزالة آثار الشامبو عن عينيها وابتعدت عنه ،
ولكنها كادت أن تسقط بسبب الصابون المتواجد على الأرض ، فلحق بها زياد
وأمسكها وسقطا سوياً

-نور: اوعى

-زياد: استني بس

-نور وقد فقدت توازنها: اااااااااااااه

-زياد: حاسبي يا نور

-زياد: انتي كويسة

-نور: اه

-ايهاب: اوك ، زي ما اتفقنا ، و ع اتصال لو في جديد ، سلام

كانت هويدا بالخارج تحاول أن تسترق السمع لما يقوله ايهاب في مكالمته الهاتفية ، ثم توجهت إلى الحمام الخاص بالسيدات في الشركة لتجري مكالمه هامة و...

-هويدا هاتفياً: الووو ، ايوه

-اللواء سامي: ها في جديد عندك يا هويدا ؟

-هويدا: ايوه يا باشا ، المعاد آخر الاسبوع ، في المكان القديم

-اللواء سامي : عظيم أوي ، محددتش الساعة

-هويدا: لأ

-اللواء سامي : لازم تحاولي تعرفي بأي شكل ، وانا من جهتي هكتف المراقبة عليه

-هويدا: اه يا باشا نسيت أقولك هو ناوي يخلص ع حد ، بس معرفش مين

-اللواء سامي : ايبيه ؟؟

-هويدا: أنا معرفش مين تحديداً ، بس أكيد حد بيدور وراه

-اللواء سامي: تمام ، خلي بالك انتي من نفسك ، ولو في أي جديد عرفيني ع طول

-هويدا: حاضر ، سلام !!!

.....

في الادارة ،،،،

كانت المعلومات قد وردت للواء اسماعيل من اللواء سامي بصحة ما قالته هويدا عن قيام ايهاب الملاح بتنفيذ صفقته نهاية الاسبوع الجاري ، بالاضافة إلى عقده العزم على قتل من يبحث ورائه وخاصة نور ...

-اللواء سامي : عاوز توفير حماية لنور

-اللواء اسماعيل : حضرتك متأكد يا فندم

- اللواء سامي : أيوه ، نور مستهدفة من ايهاب ، ووجودها في مكان معروف وبدون حماية هيعرض حياتها للخطر
- اللواء اسماعيل : بس هي الوقتي اتجوزت من الرائد زياد وهما اخدين اجازة يومين وبيقضوا شهر غسل و...
- اللواء سامي مقاطعاً : لازم يرجعوا فوراً ، وجودهم لوحدهم بدون حماية بيزود فرص ايهاب في انه يستهدفهم
- اللواء اسماعيل : تمام يا فندم
- اللواء سامي : كل الاجازات تتلغى الفترة الجاية ، عاوز الكل يكون متأهب للاشتباك في أي وقت
- اللواء اسماعيل : تمام
- اللواء سامي : احنا قربنا خلاص ، مش عاوزين نضيع فرصة اصطياد المجرم ده
- اللواء اسماعيل: اطمن يا فندم ، نهايته هتكون ع ايد رجالتنا ان شاء الله
- اللواء سامي : بأمر الله

.....

- خرج اللواء اسماعيل من مكتب اللواء سامي ثم قام باستدعاء جميع أعضاء فرقة أسود الليل من اجل اجتماع عاجل و...
- اللواء اسماعيل : أنا مجتمع بيكم جميعاً عشان أبلغكم بان النهاية قربت للمجرم ايهاب الملاح
- حسام: عظيمييييييم اوي يا باشا
- وليد: ايوووه بقي هو ده الكلام
- معتز: اخبار عظيمييمة

- اللواء اسماعيل : وهو أنا جاييكم هنا عشان تقولولي دي أخبارة حلوة لأ عظيمة ، انا جاييكم عشان أبلغكم ان مطلوب منكم وع وجه السرعة التعاون مع زملائكم والمخبرين التابعين للادارة عشان تجمعوا أكبر قدر من المعلومات عن صفقة

ايهاب الأخيرة وتكثيف المراقبة عليه وع الرجالة بتوعه ، انتو عارفين ان تليفونه
مترقب وجاتلي معلومات بتقول ان الصفقة هتم آخر الاسبوع ع الساعة 12 بالليل

-معتز: حلو أوي ، يعني ناقصنا نمسكه متلبس

-وليد: بالظبط

-حسام: تمام ، ده مقدور عليه يا باشا

-وليد: احنا مش هنسيبه

-معتز: هنخلص منه القديم والجديد

-اللواء اسماعيل: وتبلغوا زياد ونور يرجعوا فوراً

-معتز: دول لسه عرسان جداد وملحقوش

-حسام: أيوه و...

-اللواء اسماعيل مقاطعاً : يرجعوا فوراً ، ونور هيتعين لها حراسة لأنها مستهدفة

-معتز: ايبييه ???

-وليد: مستهدفة !!!

-اللواء اسماعيل: أيوه ، وأنا خلاص كلفت اللي هيتولى مهمة حمايتها لحد ما
تنتهوا من القضية

-معتز: مين فينا يا باشا اللي هيحميها

-حسام: اكيد زياد مش محتاجة فقاقة يعني ، هو جوزها وأولى بيها

-وليد: اه طبعاً

-اللواء اسماعيل : لأ مش زياد لأنني هحتاجه معاكو

-معتز: او مال مين اللي هيكون حراسة ليها

-اللواء اسماعيل : الرائد عمر زميلكم !!!

-الجميع بدهشة : ايبيبيبيبييه

-معتز: ميبيبيبيبييين ??

-وليد: انت هتقولي

-حسام: ربنا يستر من ردة فعل زياد

-معتز: احنا لازم نبلغه انه يرجع

-حسام: ايوه

-وليد: ده زمانته هيعكنن على نور أما يعرف بموضوع عمر

-معتز: نور بس !! قول احنا كلنا معاها

-وليد: انت بتقول فيها

-اللواء اسماعيل : عاوز التنسيق الكامل بينكم خلال المرحلة الجاية ، لأنها أهم مرحلة في القضية كلها ، القبض ع المجرم وحماية نور على مدار الـ 24 ساعة .. مفهوم؟؟

-الجميع: تمام يا فندم

-اللواء اسماعيل : على بركة الله ، اتفضلوا على مكاتبكم

-معتز: اوك

-حسام: عُلْم

-عمر: تمام يا فندم

-وليد: حاضر يا باشا

وما إن خرجوا من المكتب حتى بدأ النقاش بينهم حول ...

-معتز: طبعاً زمانتك مزأطط لما عرفت دورك في المهمة آعمر

-عمر: يعني مش أوي

-معتز: يااا شيخ

-عمر: انتو عارفين أنا بنفذ المطلوب مني ع أكمل وجه

-حسام: أه طبعاً و خصوصاً لو ده جاي ع المزاج

-عمر: يعني

-وليد: خد بالك من زياد ، انت عارفه

-عمر: وهو أنا هاجي جمبه ???

-معتز: يا ريتك كنت تيجي جمبه ، ده انت جاي جمب مراته

-عمر : نور !! ماهي دي مهمتي

-معتز: قول ابتلاء ، قول نصيبة ، أي حاجة إلا مهمة

-عمر: ماتهلوش الدنيا يا معتز

-معتز: أهول !! ده أنا بهون عليك من اللي هيحصلك

-حسام: ربنا يسترها علينا كلنا ، أنا هاطلب زياد وأبلغه باللي حصل

-معتز: اوك

-وليد: بلاش تقوله ع حكاية عمر إلا لما يرجع

-حسام: اكيبيبيد طبعا

قام حسام بالاتصال هاتفياً بزياد لكي يخبره بآخر التطورات وضرورة العودة للقاهرة ولعمله فوراً

-حسام هاتفياً: ألووو ، ازيك يا عريس

-زياد: صباحك فل أحس

-حسام: ايه الأخبار

-زياد: في نعمة الحمد لله

-حسام: يستاهل الحمد ، بقولك ؟

-زياد: خير ؟

-حسام: اللوا اسماعيل لغى كل الأجازات الفترة الجاية ، وطلب انك ترجع انت ونور تاني

-زياد: طب ليه كده ؟

-حسام: جاتلنا معلومات جديدة عن القضية اللي شغالين عليها ولازم الكل يرجع

-زياد: أها

-حسام: معلىش يا عريس ، ملحققتش تتهنى مع العروسة

-زياد بضيق: معلىش بقى ، مضطرين ننزل ، وبعد كده نبقى نعوضها ان شاء الله

-حسام: اكبييد طبعا

-زياد: خلاص احنا هنلم حاجاتنا وراجعين ع طول

-حسام: بأمر الله ، ومنتساش انت ونور تيجوا ع الادارة

-زياد: اكبييد يعني ، مش هسيبها تيجي لوحدها

-حسام: تمام .. يالا نشوفك ع خير ان شاء الله

-زياد: ان شاء الله ، سلام ..

-حسام: سلام !

أنهى حسام الاتصال مع زياد و...

-معتز: كويس انك مقولتلوش حاجة

-حسام: هو أنا مجنون ، بدل ما يتعصب وهو جاي ع طريق سفر

-عمر: هو ايه بس اللي مخليكوا قلقانين من زياد ، دي مهمة يعني مش حاجة صعب للدرجة

-معتز: ده انت غلبان اوي ، بكرة تعرف احنا خايفين ليه

-وليد: أيوه ويا خبر بفلوس ، كمان شوية يبقى ببلاش

.....

عودة إلى زياد ونور ،،،

كانت نور مستلقية في الخارج على الأريكة تشاهد التلفاز أو هكذا ظن زياد ، فنادى عليها و...

-زياد من الداخل : يالا يا نور ، احنا راجعين القاهرة الوقتي ، قومي اجهزي بسرعة

-نور:

-زياد: يا نوووووووور ، أنا مش بنده عليك

-نور:

-زياد: انتي يا بنتي ، مش شمعاني ولا يه

-نور وقد انتبهت للصوت : هه

-زياد: للدرجادي مش طايقة تسمعي صوتي أو حتى تعبريني

-نور: في ايه ؟

-زياد: بقولك قومي اجهزي احنا راجعين القاهرة حالا ، اللوا اسماعيل عاوزنا

-نور بعدم تركيز : أها

-زياد : مالك مش على بعضك ليه

-نور: عادي

-زياد: طب يالا

-نور: اسبقني وأنا هحصلك

-زياد في نفسه : مالها دي !!

كانت نور تعاني من البرد ، فكانت تشعر بالخمول وما نسميه بالآلام في العظام ، ولكنها فضلت أن تصمت وإلا تشتكي لزياد حتى لا تطلب منه المساعدة ، لذا أجبرت نفسها على الصمت والنهوض من مكانها وتحمل الآلام ...

-نور في نفسها: آآآآه ياني ، مش قادرة خالص ، عضمي كله مكسر ، وحاسة اني همدانة ، أكبيبيد خدت برد امبارح ، آآآه ، مش هقدر أقول لزياد ، ده ماهيصدق ويسوق فيها ع الاخر ، هستحمل وأمري لله

جهزت نور جميع متعلقاتهم الشخصية ، ثم أعطى زياد الحقائب للبواب ليضعها بجوار السيارة ، بينما نزلت نور على الدرج بهدوء وهي تحاول أن تبدو طبيعية أمامه

-البواب: عنك يا باشا

-زياد وهو يناوله الحقائب : خد يا جادالله الشنط دي ونزلها تحت

-البواب: حاضر يا باشا

-زياد: يالا يا نور

-نور: طيب ، ثواني

-زياد: براحتك ، أنا هسبقك على تحت

-نور: اوك

-نور: آآه ، مش قادرة ع الأخر ، بس لازم اكون قدامه شكل عادي ، ع الاقل لدم نوصل وأقوله عاوزة أروح أقعد عند مامي يومين أكون خفيت

ركبت نور السيارة بجوار زياد وظلت معظم الوقت صامتة مما أثار الشك لدى زياد
و...

-زياد: مش بعوايدك يعني

-نور: هه ! في ايه ???

-زياد: مالك ساكتة كده ليه ؟؟ زي ما تكوني واكله سد الحنك

-نور: ايه سد الحنك دي كمان

-زياد: دي بتاعة بتتعمل من السمنة عشان تلكمك وماتفتحيش بؤك وتقولي جعانة

-نور: اها ، قولتلي بقى ، عادي يعني ماليش مزاج أتكلم

-زياد: ممم.. ولا تلاقيني بتفكري في مصيبة جديدة

-نور: بلاش ظن السوء بتاعك ده

-زياد: أصل مش واخد ع هدوءك ده ، حاسس انه السكون اللي قبل العاصفة

-نور: لا عاصفة ولا دياوله

-زياد: ماشي ماشي، أما نشوف آخرتها ايه معاكي

واصل زياد قيادة السيارة حتى وصل إلى القاهرة و...

-زياد: بقولك احنا هنروح ع الشقة نغير هدمونا وبعدين نطلع ع الادارة

-نور: طيب

-زياد: أنا هاجيب أكل جاهز ، عاوزة حاجة معينة ???

-نور: لأ ، شكراً

-زياد: براحتك ، اهوو اللي بياكل ع ضرسه بينفع نفسه

-نور: أنا لو عوزت حاجة هبقى أقول

-زياد: هو انتي من امتي بتقولي أي حاجة

-نور: الله يكرمك مش ناقصة مناهدة

-زياد: مالك؟؟ في ايه؟؟؟؟

-نور بضيق: قولتلك مافيش الله !!!

-زياد: طب بالراحة على نفسك شوية بدل ما يطلقك عرق ولا حاجة

-نور: اوووف

.....

في الادارة ،،،،

-حسام: زياد وصل الحمد لله القاهرة

-معتز: والله ، طب خير

-وليد: وانت عرفت ازاي ؟

-حسام: لسه قافل معايا من شوية

-معتز: اها

-وليد: ها وقالك ايه ؟

-حسام: هيغير هدومه هو ونور ويجوا ع طوول هنا

-معتز: تمام اوي

-حسام: ربنا يستر بقى

-وليد: يا رب ..

.....

قام زياد بتبديل ملابسه في غرفة النوم ، بينما بدلت نور ملابسها بداخل غرفة الضيوف واستعد كلاهما للذهاب إلى الادارة ..

-زياد بصوت مرتفع : أنا جهزت ، يالا

-نور من ادخل غرفة الضيوف : ثواني

-زياد: انجزي ، مش حفلة هي

-نور: طيب

-نور في نفسها : آآآه ياني يا جسمي ، مش قادرة من الوجع ، انا حاسة اني
جسمي دفيان ، اوووف ، أنا محتاجة أرتاح فعلاً ، والبيه برا شغال عليا ، أهأأأأ ،
يا رب يا معين

خرجت نور من الغرفة لتجد زياد مستعداً وفي انتظارها ، حاول أن يصطنع شجار
معها ولكن

-زياد بضيق: ساعة عشان تلبسي

-نور: سوري ، ده العادي بتاعي

-زياد: من هنا ورايح عملي حسابك تنجزي بدري ، أنا مش ناقص أسمع كلمتين
في جنابي بسببك

-نور: ربنا يسهل

-زياد في نفسه : الله !! مالها دي مش بعوايدها يعني ماتخدش وتدي معايا
وتناقرنني ، لأ في حاجة مش مضبوطة فيها ، وأنا لازم أعرف ايه هي

انطلق زياد بسيارته إلى الادارة حيث استقبله الجميع هو ونور بالتهنئات وتمني
الذرية الصالحة لهم ..

-أحد الأشخاص : مبروك يا زياد باشا ، مبروك يا مدام نور

-زياد: الله يبارك فيك

-نور: شكراً

-شخص آخر: زياد بيه ، مبروووك

-زياد: تسلم

-شخص ثالث: الف الف مبروووك ، مبروك يا أستاذة نور

-زياد: الله يبارك فيك ، شكراً

-نور: الله يبارك فيك

-شخص رابع: الف مبروك ، والله فرحنا لكم ، عقبال يا رب ما نبارك للبيه الصغير

-زياد: ان شاء الله

-نور: شكراً

-زياد لنور: يالا بينا بسرعة ، احنا مش هنخلص كده

-نور: طيب

صعد زياد ونور إلى المكتب الخاص بالفرقة واستقبلهم باقي الأصدقاء بالتهنئات
و...

-معتز: مبروك عليكى عرسك الخفة يا عرووسة ، حبيب قلبي يا زيزوو

-زياد: ازيك يا معتز

-معتز: الله يسلمك آعريس ، أخبارك ايه ؟ مبروك يا عرووسة

-نور: الله يبارك فيك

-معتز: طبعاً انتي عرفتي اننا هنبقى نسايب قريب

-نور باستغراب : نسايب ؟؟

-معتز: ايه ده انتي لسه متعرفيش ؟

-نور: أعرف ايه ؟

-زياد: في ايه ؟

-معتز: أصل انا ناويت اتاهل وقريت الفاتحة ع اختك نايا امبارح

-نور: بجد ؟؟ والله ما أعرف ، أنا أصلاً موبايلى فاصل بقاله يومين ومعرفش أي
حاجة

-زياد: والله معندناش علم ، مبروك يا ميزووو

-معتز: الله يبارك فيكو

-نور: مبروووك ، ألف مبروووك ، ده انا هموت نايا عشان مقاتلش ، أبقى
اقتها وأكون آخر من يعلم !!

-معتز: يالا بقى معلىش ، ما انتي لسه عروسة وهي معذورة برضوه

-نور: كله إلا كده ، حتى مامي مابلغتنش

-معتز: المسامح كبير بقى ، ما تكلم يا زياد

-زياد: خلاص بقى يا نور ، الكل عارف اننا مع بعض بنقضي يومين غسل ،
ماتعملهاش قضية بقى

-نور: طيب

-حسام: زياااااااااااا ، مبروك يا عريس وحشنا والله

-زياد وهو يحتضن حسام: وانت اكثر

-حسام: سامحنا قطعنا عليكو شهر العسل

-زياد: كده كده كان لازم ننزل

-حسام: الشغل

-زياد: اكيد

-وليد: ايه ده العريس عندنا ، حمدلله ع السلامة ، مبروك يا نور

-زياد: حبيبي أوليد

-نور: ميرسي

-معتز: أنا هطلبكم شربات بمناسبة قراية فاتحتي

-حسام: طب ما تبجح ايدك شوية

-معتز: أنا راجل داخل ع جواز ومحتاج كل مليم

-حسام: بقى كده

-وليد مقاطعاً : نركز بقى الوقتي يا جماعة ، ونخلي الأكل والشرب بعدين

-زياد: خير ، ايه الجديد ؟

-حسام: الجديد يا سيدي ، ان في معلومات شبه مؤكدة عن ان صفقة السلاح هتم
آخر الاسبوع ع نص الليل

-زياد: طب كويس أوي

-وليد: واللوا اسماعيل مكلفنا ومكلف زمايل تانيين بتكثيف المراقبة ع ايهاب
والتصرف لو جد جديد

-زياد: محدش يستبعد ان المعاد ممكن يتغير

-حسام: بالظبط ، ده اللي كنا لسه بنتكلم فيه من شوية قبل ما تيجي انت ونور

-وليد: احم .. بمناسبة نور كنا عاوزين نقولك آآآ...

-زياد: ايه ؟

-نور مستفهمة: في ايه ؟؟

-وليد: يعني ان العين عليها وكده و..

-زياد: عين ايه مش فاهم ؟؟؟

-حسام: هو قاصده يعني بما ان نور كانت السبب في كشف حسابات ايهاب المزيفة
فبالتالي هي هدف محتمل لايهاب

-نور: ده معناه برضوه ايه ؟

-حسام: معناه انه ممكن في أي وقت يقرب منك

-زياد: طب يفكر بس وهايكون آخر يوم في عمره

-حسام: احنا عاملين حسابنا لكل حاجة

-زياد: تمام ، فين بقى المشكلة

-حسام: احم.. آآآ... يعني هو اللوا اسماعيل طلب توفير حماية لنور على مدار الـ
24 ساعة

-زياد: كويس أوي ، وطبعاً أكيد هاكون أنا المسؤل عنها ؟؟

-حسام: للأسف لأ-

-زياد: أفندم ؟؟؟؟

-وليد: أصل اللوا اسماعيل طالبك تكون معنا ، وعين حد تاني لحماية نور

-معتز: بالظبط

-زياد: طب ليه يعني ؟؟

-معتز: ممم.. اسأله

تردد الجميع في اخبار زياد بشخصية المسئول عن حماية نور ، فقرر حسام الانسحاب وترك المهمة لمعتز لأنه الأقرب إلى زياد

-حسام لوليد : بقولك ايه يا وليد أنا هخلع قبل ما زياد يعرف وينفجر

-وليد: ع رأيك

-حسام وهو يتجه لخارج المكتب : عن اذنكم ثواني هشوف التليفون

-وليد منورائه : استناني آحس كنت عاوز أعرف منك آآآ...

-معتز في نفسه: آه يا ولاد الـ ، سبتوني معاه لوحدي

-زياد: قولي مين اللي هيتولى حماية نور ؟

-نور: مممم.. يا ترى اللوا اختارلي مين ؟؟

-معتز بتردد : بص يازياد من غير نرفزة وعصبية ، اللوا اسماعيل قرر ان آآ...

-زياد بضيق : ماتقول في ايه ؟؟؟

-عمر وقد دلف للمكتب : مبروك يا عريس

-زياد: أهلا عمر ، الله يبارك فيك

-عمر: مبروك يا نور ، بجد فرحتك من قلبي

-نور: شكراً

-زياد: متشكرين يا عمر ، اتفضل شوف اللي وراك

-عمر: أنا مواريش إلا نور

-زياد: نعم يا خويا ؟؟؟؟

-عمر: ايه ده انت متعرفش ???

-زياد: أعرف ايه ؟؟

-عمر بفرحة : مش أنا بقت مهمتي الجديدة حماية نور

-نور: ايبويه؟؟؟

-زياد: لا والله

-عمر: اه والله ، أنا بتكلم بجد ، اللوا اسماعيل عيني مخصوص عشان خاطر نور

-نور: ممم.. كويس والله

-زياد: في ايه انتي الثانية ؟؟

-نور: هو أنا قولت حاجة

-زياد: عاوزة تقولي ايه ، ماهو الليلة جاية ع مزاجك

-نور: تقصد ايه ؟؟

-معتز: اهدوا يا جماعة ، مافيش حاجة لكل ده ، شغل عادي زيه زي أي شغل

-عمر: بالظبط

-نور: صح ، انت مضايق ليه ؟

-زياد: أنا كده

-عمر: يالا يا نور ، أنا جاهز

-زياد: لم نفسك انت الثاني

-عمر: هو أنا قولت حاجة غلط ، شغلي وعاوز أقوم بيه ، وانت معطلني

-زياد: معطلك !!!

-نور: خلاص بقى يا زياد ، هو مقالش حاجة غلط

-زياد: أه ما الكلام جاي ع هواكي ، أنا الوقتي عرفت سبب انك مش على بعضك م
الصبح

-نور: تقصد ايه ؟؟

-زياد: تلاقيكي كنتي عارفة

-نور: اعرف ايه بالظبط ؟؟

-زياد: عارفة يا هاتم ان البيه عمر هيكون معاكي

-عمر: اها 24 ع مدار ساعة

-زياد: اسكت خالص

-نور: وهعرف منين ان شاء الله ، كنت بنجم ولا بشم ع ضهر ايدي ؟؟؟

-زياد: شوفي انتي !!!

-نور: والله كده كثير

-زياد : قولي لنفسك

-نور : أحسن حاجة أعملها اني أمشي من قدامك السعادي

-زياد وقد أمسكها من ذراعها : استني هنا لما أكلمك

-عمر: بالراحة يا زياد

-زياد: مش أنا قولتلك ما تدخلش بيني وبين مراتي

-عمر: بس أنا مسئول عن حمايتها الوقتي

-زياد: طز فيك وفيها

-نور: يووووه ، اتكلم كويس

-زياد بعصبية : انتي هتعرفيني أتكلم ازاي

-عمر: خلاص يا زياد

-نور بنرفزة : طالما بتكلم غلط معايا يبقى لازم أعرفك الصح

-زياد: مين انتي عشان تعرفيني الصح

-نور: انت صعب التفاهم معاك

-عمر: يا عم زياد ده شغل ، ويومين وهيخلص مضايق ليه

كانت نور تشعر أن حالتها أصبحت أسوأ و.....!!!

.....

الحلقة الرابعة والسبعون :

ظل زياد وعمر يتجادلان حول تولية عمر لمهمة حماية نور خلال الأيام المقبلة ، وكانت نور في تلك الأثناء تشعر بأن حالتها أصبحت أسوأ و...

-عمر: يا عم زيادة ده شغل ، ويومين وهيخلص ، مضايق ليه بقى ???

-زياد: مضايق ليه ?? عاوز تفهمني أن واحد هيبقى لازق لمراتي 24 ساعة وأنا عادي كده كوول مافيش أي حاجة

-عمر: ده شغل زيه زي أي حاجة

-زياد: ايوه ماهو جاي ع مزاجكم انتو الاتنين

-معتز: مش هنخلص ، منه له بقى اللي وقعنا في الورطة دي

-عمر: ما تقوله يا معتز

-نور : ز..ز..زياد

-زياد بنرفزة: عاوزة ايبيه ???

-نور: آآ.. أنا..أنا

لم تكمل نور جملتها فقدت سقطت فاقدة للوعي ، فأسرع اليها زياد وعلى وجهه علامات القلق الواضحة و...

-زياد بخضة : نور

-عمر: نور !!!

-زياد وهو يحاول افاقتها : نور ، سمعاني ، ردي عليا ، يا نوووور

-معتز: مالها؟؟ ايه اللي حصل

-زياد: مش عارف

-عمر: أنا هاطلب الاسعاف بسرعة

-زياد: استنى أنا هحاول أفوقها

-معتز: خد المياح دي حطتها ع وشها

-زياد وهو يمسح بالمياح على وجهها : نور .. دي دفيانة

-معتز باستغراب: دفيانة !!

-عمر: من ايه؟

-زياد: لأحسن تكون خدت دور برد

-معتز: أحسن حاجة الدكتور يقولنا

-عمر: انتو نسيتموا ان في دكتور في الادارة ، احنا ممكن نتصل بيه يجلنا هنا ولا
آآ...

-زياد مقاطعاً: أنا هوديها عنده

حمل زياد زوجته نور وتوجه بها ناحية العيادة الطبية الملحقة بالادارة ولحق به
معتز وعمر و...

-زياد: يا دكتور ، الحقنا ، مراتي اغمى عليها

-الطبيب باسل: هاتها جوا ع سرير الكشف

-زياد: اوك

-عمر: والنبي يا دكتور باسل تظمننا عليها

-الطبيب باسل: حاضر يا سيادة الرائد

-معتز: او عى تكون حامل

-زياد: يا شيخ اتلهي ، هتكون حامل ازاي واحنا مكملناش يومين مع بعض

-معتز: أه صحيح

وضع زياد نور على سرير الكشف ، ثم قام الطبيب باسل بالكشف عليها واطمان
على صحتها ثم أعطاها العلاج المناسب ، وخرج لزياد ليخبره ب...

-زياد: خير مالها ؟؟

-الطبيب باسل: دور برد بس شديد شوية

-زياد باستغراب : برد ؟؟

-الطبيب باسل : عادي ، مافيش فيه خطورة ، هي محتاجة راحة وتاخذ الأدوية دي
، وتتغذى كويس ، لأن مجموعة البرد قوية ومحتاجة أكل

-زياد: أها ، بس طالما هو برد عادي ليه أغمى عليها ؟؟؟

-الطبيب باسل : من الارهاق وقلة الأكل مع مناعتها الضعيفة ، فلانم تاخذ بالها بعد
كده من الأكل

-زياد: بأمر الله

-الطبيب باسل: انا اديتها دوا ومسكن قوي ، بس لازم الراحة ، تمام !!

-زياد: اوك ، شكرا يا دكتور

-الطبيب باسل : العفو

-معتز في الخارج : ها نقول مبروك ع النونو

-زياد : هو أنا أي حد ، ده انا جوزك

-نور: احم... آآآ

-زياد: يالا بينا ع البيت عشان ترتاحي

-نور: أنا هاروح عند مامي و..

-زياد مقاطعاً: لا أمي ولا أمك ، احنا لينا بيت ترتاحي فيه وتاخدي راحتك ع الاخر
جواه

-عمر متدخللاً : صح

-زياد: أنا بتكلم مع مراتي ، انت ايه اللي دخلك في الحوار ؟؟؟؟

-عمر: الله ! انت نسيت ، مش أنا جاي معاكو البيت

-معتز: اللهم صلي ع النبي ، دي هتولع كده ع الاخر

-زياد بضيق : نعم يا سي عمر ؟؟

-عمر: طبعاً زي ما سمعت ، ده انا هلازم نور لحد ما القضية تخلص

-زياد: خلصت روحك

-عمر: بتقول حاجة ؟؟

وهنا دخل عليهم العيادة الطبية اللواء اسماعيل بعد أن علم بما حدث لنور فانتبه
الجميع له و...

-اللواء اسماعيل: ممكن أدخل ؟

-معتز: باشا

-عمر: تمام يا فندم

-زياد: تمام يا سيادة اللواء

-عمر مقاطعاً: متقولش كده يا حضرت الرائد زياد، أنا على استعداد تام للقيام
بمهمتي

-زياد: كتر خيرك مش عاوزين

-اللواء اسماعيل: انتو هتتعاظمو على بعض ، ده شغل مش كلام فاضي

-زياد: يا باشا أنا أقصد آآآ...

-اللواء اسماعيل : أنا اللي قولته يتنفذ بالحرف الواحد ، واستعد يا زياد خلال
اليومين الجايين ، مفهوم ؟

-زياد: حاضر يا فندم

-اللواء اسماعيل: ساكت ليه يا معتز ؟

-معتز: انا م المشاهدين يا سيادة اللوا

-اللواء اسماعيل: قولتلي ! ، طيب أنا همشي الوقتي ، وكويس اني اطمنت عليكي
يا نور

-نور: شكراً يا فندم

-اللواء اسماعيل : اتجدعنوا كلكم ، وان شاء الله قريب هنرتاح كلنا

-زياد: يارب

-معتز: والله أنا نفسي من دلوقتي أرتاح

-عمر: يا مسهل يا رب

انصرف اللواء اسماعيل ، وظل زياد وعمر ينظران لبعضهما البعض بنظرات تحدي
وغل وغضب و...

-معتز: هتفضلوا تبصوا لبعض كده كتير

-زياد: نعم يا معتز ؟

-معتز: مش يالا بينا

-عمر: ايوه خلييني أبدأ شغلي

-نور: لأ ما أنا مش هاقولها حاجة غير ان عمر ، آآآ..سوري الرائد عمر حراسة خاصة

-زياد: هبل هما عشان يصدقوا كلامك العبيط ده ؟؟

-نور: وميصدقوش ليه ان شاء الله

-زياد: انتي هتجننيني

-معتز: بصي آنور انتي تخليكي في بيت جوزك أحسن

-نور: لأ أنا هاقعد عند مامي

-عمر: أنا شايف انه هيكون أريح

-زياد: مش أنا قولتلك تسكت شوية

-عمر: الله ! يعني انت لا عاجبك أقعد عندكو ولا عند بيت أمها ، أعمل ايه يعني ؟

-زياد: ولا حاجة يا سيدي !!

-عمر: بص أنا من وجهة نظري بيت أمها أفضل

-معتز: لا والله !!!!!

-عمر: فيه ايه يا معتز انت كمان ؟؟

-معتز: يعني انت مش مكفيك نور ، كمان عاوز تتعرف بالعيلة كلها ، وبعدين انت مهمتك تركز مع نور مش مع عيلة نور ، فاهمني

-زياد: بص أنا رأيي يا عمر تستقيل من أم دي شغلانة خلينا نرتاح كلنا

-معتز: ياااا ريت

-عمر: لأ طبعا مش هيحصل

-زياد: خلاص يبقى يروح مع نور عند أمها

-معتز: لأ مش موافق هو متعين لحماية نور وبس ، يبقى مالوش دعوة بأي حد
تاني

-زياد: وهو أنا ناقصك انت كمان أمعتز

-معتز: ده اللي عندي

ظل الجميع يتجادل حول مكان الذي ستبقى فيه نور خلال الأيام القادمة، واستقر الحال على أن تنتقل للعيش في فيلا معتز و...

-معتز: أنا عندي حل حلو

-زياد: اشجيني يا سيدي

-نور: ايه هو

-عمر: قول

-معتز: تيجي انتي وزيااد عندي في الفيلا ، وعمر كمان

-زياد: ده ع أساس انه فندق !!

-معتز: يا عم سيبني أكمل للأخر وانت هتعرف

-زياد: انتيل كمل

-معتز: أنا أقصد يعني أن نور تقعد مع نجلاء وأمها في الفيلا ، وانت وعمر تيجوا معايا في الأعدة اللي احنا بنقعد فيها ع الـ roof ونبات هناك ، وطول ما عمر متواجد مع نور هيكون معاها الحاج أبوخليل ونجلاء وأمها ، يعني مش هتكون لوحدها ، وأما احنا نخلص شغل نحصلهم ع الفيلا
-زياد وقد أخذ يفكر فيما يقوله معتز : هه...

-معتز مكماً : وبعدين احسبها معايا ، لو عيلة نور عرفت ان حياتها في خطر -
تفتكر هيتصرفوا ازاي ولا هيعملوا ايه؟؟ مش هينوبنا غير القلق ووجع الدماغ ،
فخليهم أحسن مفكرين أنها لسه في اسكندرية بتقضي يومين مع جوزها ، وانت كل شوية تكلمهم وتطمئنهم ...!

-عمر: ممم... كلام مش وحش

-زياد: والله

-معتز: مقدمناش إلا ده ، ع الأقل أهو أحسن الوحشين

-نور: أها

-معتز: انتي ايه رأيك يا نور ؟

-نور: والله كلامك مش بطل ، لأن مامي لو عرفت مش هتعيدها بالساهل

-معتز: بالظبط كده ، وبعدين مافيش داعي نعكن ع الجماعة وخصوصاً خطيبتي
بأخبار زي دي

-نور: قولتلي بقى ، بتدور ع مصلحتك

-معتز: طبعاً

-زياد: أنا موافق ع اقتراحك أمعتز

-عمر: وانا كمان ، أنا شايف انه مناسب أوي

-زياد: طب هاتقول لأبوك ايه ???

-معتز: سيب الحكاية دي عليا

-زياد: تمام

-نور: خلاص اتفقتنا

-معتز: على بركة الله

-زياد لعمر: عارف لو استغليت فرصة غيابي وضايقت نور هاعمل فيك ايه ??

-عمر: يا عم اظمن نور دي زي ... زي

-معتز: اختك ، هه !!

-عمر: أهأااا

-نور: يالا بقى ، أنا تعبانة وعاوزة أرتاح

-زياد: ماشي ، احنا بس هنروح ع البيت الأول ونجيب شوية هدوم وبعدين نطلع ع
فيلا معتز

-نور : طيب

-معتز: أوك ، أكون أنا كلمت الحاج ووظبطت معاها

-عمر: وأنا جاهز بحاجتي

-زياد وهو يدفعه للخارج : لألسه مجهزتش ، ما تروح توضب شنطتك وتبقى
تحصلنا كمان يومين

-عمر: أنا بقولك أنا جاهز ، والشنطة في عربيتي تحت

-زياد هامساً : أم غلاستك وثقالتك!!!!

.....

الحلقة الخامسة والسبعون :

الحلقة الأخيرة (الجزء الأول) :

خرج زياد ونور ومعتز وعمر من مبنى الإدارة وكانوا يتحدثون سوياً عما ينون
فعله لاحقاً ، وكان هناك من يراقبهم خارج المبنى و...

-جابر بصوت منخفض : هما دول اللي قالي الباشا عليهم، أنا لازم أبلغه انهم
خارجين من الادارة

أخرج جابر هاتفه المحمول ليتصل بالمحامي بهجت ويخبره بـ ...

-جابر: ألووو، ايوه يا بهجت بيه

-بهجت: خير يا جابر

-جابر: الجماعة اياهم خرجوا من شغلهم

-بهجت: طب خليك وراهم واعرفلي رايعين ع فين

-جابر: أوامرك يا بيه

-بهجت: وفتح عينك كويس ، وبلغني بالجديد ع طول

-جابر: ماشي يا باشا

-جابر بعد أن أنهى المكالمة: وراكم والزمن طويل

توجه زياد بصحبة نور زوجته ولحق بهم عمر ومعتز إلى حيث شقتهم ليجمعوا بعضاً من متعلقاتهم الشخصية قبل أن يتوجهوا جميعاً إلى فيلا معتز ...

-معتز: أنا هستناكو تحت

-زياد : ما تطلع يا عم انت مش غريب

-معتز: لأ أنا هكلم أبوخليل هظبط معاه الدنيا

-زياد: طيب

-عمر: أنا طالع معاك

-زياد: ماتخليك مرزوع تحت ، ايه اللي هيحصل فوق يعني

-عمر: أنا رجلي ع رجل نور مطرح ما تروح

-زياد: اوووف

-نور: يالا بقى ، مش ناقصين خناق

-زياد: انجري قدامي

-نور: مين دي؟؟

-زياد: بقول لرجليا فيها حاجة دي كمان

-نور: اها ، ان كان كده ، فأنت حر

صعد زياد ونور وبصحبتهم عمر إلى الشقة ، بينما ظل معتز أسفل العقار ليطلب والده و...

-معتز: الووو ، ايوه يا حاج

-ابراهيم بصوت ناعس : مين معايا؟؟

-معتز: هو مين ده اللي مين ؟؟؟ ده انا ابنك يا حاج ، هو في غيري بيتصل بيك

-ابراهيم : اها ، معلىش يا بني أصلي كنت نايم

-معتز: طب صحصلي كده آحاج ، وركز معايا

-ابراهيم: خير يا بني في حاجة ؟؟

-معتز: بص يا بابا زياد ومراته نور جايبين يقعدوا عندنا يومين في الفيلا

-ابراهيم باستغراب: يقعدوا عندنا ، طب ليه ؟؟

-معتز: في مشاكل في الشقة عندهم ، المواسير ضربت ، والدنيا بايظة فمش هينفع

يقعدوا هناك خالص ، وكمان عيلة زياد بيوضبوا شقتهم

-ابراهيم : هو كل الناس كده بتوضب بيوتها

-معتز: موسم بقى آحاج ، وبعدين ماهي نجلاء وأمها بقالهم اد كده راشقين عندنا

، اعتبرهم زيهم

-ابراهيم: يا واد البيت مفتوح لأي حد ، بس هي ممكن تروح تقعد عند أمها و..

-معتز مقاطعاً: يا بابا هما أصلاً كانوا مسافرين يومين يغيروا جو ومش عايزين

يقولوا لحماتي أنهم رجعوا من شهر العسل عشان الشقة فيها بلاوي سودة

هتلاقيها زعلت واضايقت ، ده غير انها أصلاً مش فاضية وراها خطوبة بتجهزها

ولا انت نسيت يا بوخليل ، وبعدين هما يومين وخلص وأنا وعدتهم

-ابراهيم: ماشي ! اللي تشوفه يا بني ، واهلا وسهلا بيهم

-معتز: الله يكرمك آحاج

.....

في شقة زياد ونور ،،،

-زياد وهو يفتح الباب : اتفضلي

-نور: شكراً

-عمر: طالما هيكون ساقع ومشبر مافيش مانع

-زياد: ثقيبييل

-عمر: من بعض ما عندك

تناول عمر المشروب ،وانتهت نور من تجهيز حقيبتى سفر صغيرتين و...

-نور: أنا خلصت

-عمر: عنك الشنطة

-زياد: ايبيه ، مالهاش راجل

-عمر: أنا بقوم بشغلي

-زياد: لأ ياخويا ده مش شغل ، دي نحنحة

-نور: بلاش خناق ، كل واحد ياخذ شنطة وخلص

-عمر: هاتى شنطتك ؟

-زياد: نعم !!!

اخذ زياد الحقيبتين وأعطى لعمر حقيبته ليحملها بينما حمل هو حقيبة نور ، ثم توجه الجميع للأسفل و...

-معتز: كويس انكو خلصتوا ، ده انا قولت هتباتوا عندكو فوق للصبح

-زياد وهو يلقي حقيبة نور لمعتز: خد عين دي عندك

-معتز وهو يلقفها : آآي ، بالراحة

-نور: الله ما تحاسب ع شنطتى

-زياد: ما أنا محاسب اهو

-نور: لأ انت حدفتها

-زياد: لأ هي اللي طارت لوحدها !!

-عمر: اومال محدش هياخد مني الشنطة

-زياد: هات

ركب الجميع السيارات وانطلقوا نحو فيلا معتز ، ولحق بهم جابر ليعرف وجهتهم
النهائية ...

-جابر هاتفياً : أيوه يا بهجت بيه ، أنا وراهم

-بهجت: خلي عينك عليهم ، اوعى يفتنوا منك

-جابر: حاضر يا بيه

-بهجت: اعرفلي هيروحوا فين وبلغني

-جابر: ماشي

.....

في شركة ايهاب الملاح ،،

كان ايهاب الملاح يوقع على بعض الأوراق الخاصة بعمله ، فدخلت إليه هويدا
السكرتيرة و...

-هويدا : احلى نسكافيه لأجدع مدير شركة

-ايهاب بعصبية: جه في وقته ، حطيه عندك ، وخدي الورق ده وديه عند شئون
العاملين

-هويدا وهي تضع يدها على كتفه : حاضر ،بس قولي مالك؟؟

-ايهاب: ابعدني الوقتي يا هويدا ، أنا مش فايقلك وعندي شغل كتير عاوز أخلصه

-هويدا : انا قولت بس أريحك

-ايهاب: يوووو

ثم رن هاتف ايهاب برقم بهجت و...

-ايهاب هاتفياً : أيوه يا بهجت ، خير

-بهجت: البت وجوزها رجعوا الشغل تاني

-ايهاب: ايه

-بهجت: و تقريباً في حد بلغهم ان البت مستهدفة لأن الرجالة بلغوني ان في حد ملازمها و كمان شافوهم واخدين شنطهم ورايحين يقعدوا عند حد من قرابيهم

-ايهاب: أها

-بهجت: أنا هعرف هما رايحين فين وأبلغك

-ايهاب: تمام أوي ، أنا عاوز أنهي الموضوع ده في اسرع وقت

-بهجت: اظمن

-ايهاب: اوك ، سلام

-هويدا: خير يا حبيبي في حاجة

-ايهاب: لأ مافيش ، روعي شوفي وراكي ايه

-هويدا: طب لو محتاج مساعدة قولي

-ايهاب : يووووه

ثم رن هاتف ايهاب مرة أخرى برقم شخص ما فأجاب ايهاب بسرعة و...

-ايهاب: Alo .. Yes, that's me

-المتصل :

-ايهاب: ياريت لو بتعرف

-المتصل :

-ايهاب: اها حبيبي ، يعني هيبقى بدري

-المتصل:

-ايهاب: اييه؟؟ عرفوا !!

-المتصل:

-ايهاب: لأ طبعاً كده أحسن ، خلاص ابعتلي الـ details كلها ع الميل بتاعي

-المتصل :

-ايهاب: تمام ، باي

-ايهاب لهويدا : انتي لسه عندك ، روجي خلصي اللي قولتلك عليه

-هويدا: طيب ، أنا بس كنت عاوزة أعرف هنتقابل بالليل ولا ؟

-ايهاب: لأ مش فاضي اليومين دول خالص

-هويدا: ايه اللي شغلك يا حبيبي ، ده أنت واحشني أوي ونفسي أقعد في حضنك

و..

-ايهاب مقاطعاً: أنا مش فاضي لكل ده ، بعدين بعدين ، يالا بقى

-هويدا: طيب

خرجت هويدا خارج المكتب وما يدور في تفكيرها هو سر تلك المكالمات الغامضة ،
هي لا تعرف أي تفاصيل محددة ولكن عليها أن تبلغ اللواء سامي بما عرفته

-هويدا هاتفياً: الووو ، ايوه يا سيادة اللواء

-اللواء سامي : خير يا هويدا ، عندك جديد؟؟

-هويدا : هو أنا مش عارفة ان كان هينفع ولا لأ

-اللواء سامي : هاتي الاخبار اللي عندك ، وأنا هحدد وأشوف

-هويدا: طيب ، بهجت المحامي اتصل بيه من شوية وتقريباً بلغه بحاجة مهمة لأنه
طلب منه ينهيها في أسرع وقت

-اللواء سامي: مممم.. وايه تاني

-هويدا: هو كان مقصر معاه في الكلام ومش عاوز يوضح بيقول ايه

-اللواء سامي : ها ..

-هويدا: وفي حد تاني اجنبي كلمه

-اللواء سامي مستفهماً : أجنبي !!!

-هويدا : ايوه ، كان باين من أول المكالمه

-اللواء سامي : أها

-هويدا: المهم هو بلغه ان في حاجة معادها اتقدم ، وهيبعتلوا التفاصيل بتاعتها ع
الميل بتاعه

-اللواء سامي : أنا عاوزك تعرفيلي عن ايه ؟

-هويدا: هحاول

-اللواء سامي : لازم يا هويدا تعرفي تجيبي اللي ع ميله ده بأسرع ما يمكن

-هويدا: هشوف لأنه متغير معايا وعصبي اليومين دول

-اللواء سامي : معلىش يا هويدا ، دي هتبقى آخر حاجة

-هويدا: ربنا يسهل ، هشوف

-اللواء سامي : ربنا معاكي

.....

في فيلا معتز ،،،،

وصل معتز وبصحبتة نور وزياذ وعمر إلى الفيلا الخاصة به ، ولحق بهم جابر ،
استقبل ابراهيم ونجلاء زياد ونور وعمر ، و...

-جابر هاتفياً : أيوه يا بهجت بيه ، الجماعة كلهم وصلوا عند فيلا واحد من اللي معاهم

-بهجت: عرفت عنوانها ؟

-جابر: أيوه عنوانها ((.....))

-بهجت: طب تمام ، خليك عندك واستنى مني الجديد

-جابر : ماشي يا بيه

.....

-معتز: تعالوا يا جماعة ، ده مافيش حد غريب ، اتفضلوا

-ابراهيم: منورين يا ولاد ، والف مبروك

-زياد وهو يصافح ابراهيم: الله يبارك فيك يا عمي ، انت اخبارك ايه ؟

-ابراهيم: الحمدلله يا زياد يا بني

-زياد: يستاهل الحمد

-ابراهيم: مبروك يا بنتي

-نور: الله يبارك فيك يا انكل

-ابراهيم: معلش يا بنتي ، ده بيحصل دائماً انك تلاقي حاجات في الشقة تبوظ كده

-نور باستغراب: شقة ايه ؟

-ابراهيم: شقتك يا بنتي ، مش المواسير بايظة ولا أنا غلطان

-معتز متدخلًا: جرى ايه يا نور ، أبويا عارف بمواضيع المواسير البايظة ،

متكسفيش عادي ، ولا انت رأيك ايه يا زياد

-زياد: آآآ...أيوه ، مظبوط

-نور: انا مش فاهمة حاجة

-معتز: أحسنلك ماتفهميش ولا تكلمي خالص

-ابراهيم مشيراً لعمر : مين ده ؟

-معتز: ده ..ده آآ..

-عمر: أنا الر.....

-زياد مقاطعاً : ده ابن خالتي

-عمر: ابن خالتك !!!

-نور: هه !!

-ابراهيم: أهلا بيك يا بني ، انت هتقعد معانا برضوه

-زياد: معلش يا عمي ، بنتقل عليك

-ابراهيم: الفيلا بتاعتكم

-زياد: الله يكرمك يا رب

-معتز: متقلقش يا بوخليل احنا هنقعد في الـ roof بتاعنا ، ومش هنعمل اي ازعاج
ليك

-ابراهيم: خدوا راحتكم ، أنا مش مضايق

-معتز مضيفاً: ونور هتقعد مع نجلاء ، هي صحيح فين ???

-نجلاء: أنا أهووو يا مزاميزوو

-معتز: منورة أنجلاء

-عمر باستغراب : مزاميزووو !!!

-معتز: متركزش في أي حاجة بتسمعها هنا

-عمر: أها .. ماشي يا ..يا مزاميزووو

-معتز: خفيف !!

-معتز: تعالي يا نجلاء ، سلمني ع نور

-نجلاء : أهلا

-نور: ازيك يا نجلاء

-نجلاء: كويسة

-معتز: تعالي أنجلاء كده عاوزك

-نجلاء: أيوه يا مزاميزووو

-معتز: الأول بطلي تقوليلي مزاميزوو قصاد الضيوف ، وتاني حاجة بصي يا نوجة ، نور هتقعد معاكي في الاوضة يومين كده

-نجلاء: نعم في اوضتي ???

-معتز: احنا هنسرح على بعض ، أوضة مين يا حاجة ، انتي ناسية ان ده بيتنا

-نجلاء: آآآ...مقصدش بس آآآ

-معتز: هما يومين وهنتوكل على الله مع جوزها ، متفقين

-نجلاء على مضض : طيب

-نجلاء هامية : مين المز اللي هناك ده ؟

-معتز: ده عمر صاحبي

-نجلاء: الله ، هو انت كل صحابك مزز كده

-معتز وقد طرأت على باله فكرة : أه ، انا عندي كتير ، وعمر ده ...

-نجلاء: الله ، وكمان اسمه عمر

-معتز: أيوه ، عمر ده طيب وكويس وابن ناس زيي بالظبط ، وببيدور على عروسة حلوة مدملكة

-نجلاء : أها وايه كمان

-معتز: وهايقد عندنا يومين

-نجلاء بفرحة : بجد !!!

-معتز: طبعاً!!!!!! ، شوفتي بقى أنا بخدمك ازاي !!

-نجلاء: أها

-معتز: خلي بالك انتي من نور ، وضيقيها كويس ، وأنا هشوفك

-نجلاء : ماشي !

-زياد: احنا مش هنتقل على حضرتك ، يومين وهنمشي

-ابراهيم: متقولش كده يا زياد يا بني

-زياد: ربنا يخليك لينا

-ابراهيم: اطلعي يا نور مع نجلاء شوفي الأوضة بتاعتك

-زياد: انا هطلع ع الأعدة بتاعتنا اللي في الـ roof

-عمر: تمام ، وأنا طالع مع نور

-زياد: لأ انت جاي معايا ، رجلي ع رجلك

-عمر: أنا مسئول ع...-

-زياد مقاطعاً : والله عرفت ، بس احنا في البيت قدامي بقى

.....

في القرية ،،،

كان الحاج فاروق وابنه قد عادوا إلى القرية مرة أخرى وأكملوا الناقص من

الأوراق الخاصة بالأرض من اجل توثيقها ونقل ملكيتها ثم

-يسري: كله كده تمام يا حاج فاروق

-فاروق: عظيم جوي

-يسري: ناجص بس التوثيق في الشهر العقاري

-فاروق: ماشي

-يسري: ولازم تجيب امعاك الست هدى عشان التوجيع

-فاروق: ايوه ايوه ، أني هاروحلها بكرة

-يسري: تمام يا حاج ، ع البركة ان شاء الله

-سامح: هو انت هتعاود مصر تاني يا بوي؟

-فاروق: ايوه يا ولدي

-سامح: ماشي أني جاي معاك

-فاروق: مالوش لازمة يا ولدي ، خليك انت جاعد اهنة ، وأنى هدلى وأرجع
بسرعة

-سامح: لالا لا يا بوي ، عشان أساعدك

-فاروق: ربنا يباركلي فيك يا ولدي

-سامح: تسلم يا بوي

.....

في شركة ايهاب الملاح ،،،

قام ايهاب الملاح بجمع أوراقه واستعد للانصراف من الشركة بينما ظلت هويدا بها
لتنهي بعض الأعمال العالقة و...

-ايهاب وهو خارج من المكتب : مش ناوية تيجي

-هويدا: هخلص بس الكشفين دول وهمشي ع طول

-ايهاب: ماشي ، أنا رايح كام مشوار وبعدين طالع ع الفيلا ، حصليني ع هناك

-هويدا: بجد ؟ حاضر

-ايهاب: سلام

استغلت هويدا انصراف ايهاب من الشركة ودلفت إلى مكتبه ، ثم قامت بفتح حاسبه الشخصي وحاولت الولوج إلى الايميل الخاص به لتعرف آخر المعلومات و...

-هويدا: بسرررعة ، أفتح بقى ، ايوووو ، كانت الباسورد ايه يا ترى؟؟ ممم.. أها ، افكرت ، ايببيه ده؟؟؟ ده ايميل بمعاد صفقة السلاح ، هاه ، ده مكتوب فيه ان المعاد بكرة الساعة واحدة!!! اووووبا ، لازم اللوا سامي يعرف بده فوراً

طلبت هويدا اللواء سامي لتخبره بما عرفت و...

-هويدا: أيوه يا باشا ، عرفت أخبار مهمة جدا

-اللواء سامي : ها ، قولي ؟

-هويدا: معاد صفقة السلاح بقى بكرة الساعة واحدة بالليل

-اللواء سامي : بتقولي ايه ؟

-هويدا: ده اللي مكتوب في الميل

-اللواء سامي : ابعتي نسخة م الميل ده ع الميل اللي هبعثوك على طول

-هويدا: اوك

.....

في منزل عبد الرحمن فوزي ،،،

-نايا: نانووو واحشتنا أوي يا مامي ، الندلة ماتصلتش بينا لحد الوقتي

-هدى: ماهي مشغولة مع عريسها بقى

-نايا: ما احنا عاوزين نكلمها ونعرفها بموضوع قراية فاتحتي

-هدى: أها ، استني أما أحاول أكلم زياد واطمن عليهم

□□□ كانت هويدا تحاول أن تسترق السمع لما يقوله ايهاب في مكالمته الهاتفية ،
ثم توجهت إلى الحمام الخاص بالسيدات في الشركة لتجري مكالمة هامة و...

-هويدا هاتفياً: الووو ، ايوه

-اللواء سامي: ها في جديد عندك يا هويدا ؟

-هويدا: ايوه يا باشا ، المعاد آخر الاسبوع ، في المكان القديم

-اللواء سامي : عظيم أوي ، محدتش الساعة

-هويدا: لأ

-اللواء سامي : لازم تحاولي تعرفي بأي شكل ، وانا من جهتي هكتف المراقبة
عليه

-هويدا: اه يا باشا نسيت أقولك هو ناوي يخلص ع حد ، بس معرفش مين

-اللواء سامي : ايبيه؟؟

-هويدا: أنا معرفش مين تحديداً ، بس أكيد حد بيدور وراه

-اللواء سامي: تمام ، خلي بالك انتي من نفسك ، ولو في أي جديد عرفيني ع طول

-هويدا: حاضر ، سلام !!!

□□□ لم تكن هويدا تعلم أن هناك فتاة ما في داخل الحمام استمعت إلى كل ما قالته
هويدا و...

-سوسن في نفسها : يالهوي ، بقى انتي يا هويدا يطع منك كل ده ، بتخوني سيدك
اللي مأكلك لقمة عيشك ، طيب ، وقعتك سودة ، واهي فررررصة أخذ حسنة منه
ولا حاجة تنفعني !!!

□□□ طلبت سوسن أن تقابل ايهاب الملاح لأمر طاريء و..

-سوسن: والنبي يا ست هويدا عاوز أقابل الباشا

-هويدا: ماينفعش ، قوليلي انتي عاوزاه في ايه وانا هبلغه

-ايهاب والغضب يعلو وجهه : انتي متأكدة من كلامك ده

-سوسن: ايوه يا باشا ، أنا سمعاها بوداني اللي هايكلها الدود دول

-ايهاب: ماشي ، امشي انتي الوقتي ، أه وعدي ع الحسابات أنا هخليهم يدوكي
مكافأة

-سوسن: الله يخليك يا باشا ،الله يكرمك ويبعد عنك ولاد الحرام

-ايهاب: ماتجبيش سيرة بس باللي قولتية ده لحد

-سوسن: اطمن يا باشا

-ايهاب في نفسه: بقى كده يا هويدا الـ *** ، يا ويلك لو الكلام اللي قالته البت دي
طلع مضبوط وطلعتي بتبيعييني للبوليس ، نهايتك هتكون ع ايدي !!!

■■■ طلب ايهاب بهجت هاتفياً ليطلب منه أن ...

-ايهاب هاتفياً : ألووو ، ايوه يا بهجت

-بهجت: خير يا ايهاب باشا

-ايهاب: عاوزك تجييلي حد يراقب البت هويدا

-بهجت: الله !!! مش دي سكرتيرتك

-ايهاب: ايوه هي ، بس شاكك في حاجة كده

-بهجت: تمام ... هاجيبك خبرها

-ايهاب: اوك

■■■ تأكد ايهاب من وجود صلة بين هويدا وأحد كبار رجال الداخلية و...

-بهجت: بقالها فترة قريبة بتتعامل مع حد مهم في الداخلية

-ايهاب والغضب يعتريه : أه يا بنت الـ ، تبقي في فرشتي بالليل، وتصبحي
تبليغي أخباري للداخلية

-بهجت: تؤمر بايه معاها

-ايهاب: لأ دي حسابها معايا هيبقى الضعف ، بس أخلص من الصفقة دي
وهتحصل الزفتة الثانية

■■■■ وبالفعل تغيرت معاملة ايهاب مع هويدا في الفترة الأخيرة إلى أن علم
بدخولها لمكتبه واطلاعها على الايميل الخاص به من خلال كاميرا المراقبة المثبتة
في غرفة المكتب

-ايهاب : انتي اللي حفرتي قبرك بايدك يا بنت الـ ، هيكون آخر يوم في عمرك
النهاردة !!!!!!!!!!!!! ■■■■

.....

عودة للوقت الحالي ،،،،،

-ايهاب: كنتي مفكرة اني أهبل ومش هاعرف

-هويدا: ارحمني أبوس ايدك

-ايهاب وقد ضربها بشدة : أرحمك ، هع أصلك غبية ومتخلفة ، أوعي تكوني مفكرة
أني هاسيبك بعد اللي عملتيه ، ده أنا هدفك حية !!!

-هويدا: آآآآآآآآه

ثم جاء بهجت ومعه بعض الرجال إلى داخل الفيلا و...

-بهجت وقد دلف للفيلا: كله تمام يا ايهاب باشا

-ايهاب: خد بنت الـ **** دي ووديها المخزن لحد ما أشوف هعمل ايه معاها

-بهجت: تمام يا باشا ، طيب واللي اسمها نور؟؟

-ايهاب: عرفت هي فين دلوقتي؟؟

-بهجت: أيوه ، ورجالتنا مراقبين المكان اللي هي فيه

-ايهاب: حلووو اوي ، بكرة الصبح تكون مشرفة مع الهبابة هويدا ، وانا بنفسى
هخلص عليهم

-بهجت: عَلم ..

-ايهاب: خد الرجالة كلهم ، وأمن المكان كويس

-بهجت: حاضر

-ايهاب في نفسه: نهايتك يا نور هتكون ع ايدي بكرة ، وشوفي مين هينجلك من
تحت ايدي!!!

.....

الحلقة الخامسة والسبعون :

الحلقة الأخيرة (الجزء الثاني) :

في فيلا معتز ،،،

عاد زياد ومعتز إلى الفيلا ليتفاجئوا بحفلة شواء مقامة في الحديقة الملحقة بالفيلا
و...

-معتز: شامم اللي أنا شامه ده

-زياد: أيوه ، هو في ايه

-معتز: تعالى كده أما نشوف

نور: واقف بعيد ليه يا زياد ، تعالى كُـل واضحك معانا

زياد في نفسه : ده أنا هولع فيكو كلكو !!!

دلف زياد إلى الداخل ليبدل ملابسه ثم لحق بهم في الخارج و...

زياد: احم.. عملتوا ايه وأنا مش موجود

-عمر: قول ما عملناش ايه !

زياد: يا شيخ

-عمر: الصراحة ابوك الحاج يا مزاميزووو

-معتز: ام دي كلمة عرفتها

-عمر: أبوك دمه زي العسل ، حكالنا ع ماضيك كله

-معتز: نعم !!!

-نجلاء: وانا جبتلهم ألبومات صورك وانت صغير

-معتز: بتقولي ايه ياختي ؟؟

نور: كان شكلك رهيب ، أنا لازم أوريهم لنايا يمكن تغير رأيها

-معتز: نجلاء ، أنا هقتلك

-عمر: ماتشيلش في نفسك يا ..يا مزاميزووو

-معتز: الظاهر ان العزومة دي جت ع دماغ أهلي ، أهني دي أخرت المعروف ،

الضرب بالكفوف

-زياد: تعالى يا نور عاوزك شوية

نور: مش فاضية يا زياد

-زياد بقرف: معلش تعالى ع نفسك شوية

نور: اوك

-نور: خير يا زياد

-زياد: وحشتيني

-نور: ع فكرة مايصحش الكلام اللي بتقوله ده

-زياد: ليه ان شاء الله ، ده انتي مراتي

-نور: قولنا ع الورق بس والقضية قربت تخلص و...

-زياد وقد أمسكها من ذراعها: كام مرة قولتك ماتقوليش كده !!

-نور: آآه ، ايدي ، انت مجنون

-عمر من بعيد: في حاجة يا جماعة

-زياد: أعودو بالله منك ، في ايه ، واحد بيكلم مراته ، انت حاشر نفسك ليه ؟؟؟؟

-عمر: الله مش مهمتي اني أأخذ....

-زياد: خدك ربنا يا شيخ

-ابراهيم وقد أحضر بعض الأطباق من الداخل : في ايه يا ولاد بتزعقوا ليه

-عمر: تعالى كده يا بوخليل شوف اللي بيحصل

-معتز بدهوة : أبو خليل !! ده انت ماسبتش حد في البيت إلا ما ظبطته ، الله

يحرقك أعمار

توجه ابراهيم حيث يقف زياد ونور وتحدث معهما و...

-ابراهيم: في ايه ؟؟ مالك يا زياد

-زياد: عاوز أتكلم مع مراتي ، وهي مش عاجبها

-نور: خدتها حجة بقي ، وبعدين يا أنكل ده بيز عقلي

-ابراهيم: ايه بيز عقلك ؟

-زياد: اتبلي عليا اتبلي

-نور: أنا بتبلي عليك ولا انت اللي بتستقوى عليا ، خد بالك أنا معايا حراسة الوقتي

-ابراهيم مستفهماً : حراسة ايه دي ؟؟

-زياد: شايف يا عمي ، طب احضرنا انت ، وقولنا رأيك

-نور: اه قول يا أنكل

-زياد مدعيًا الحزن : والله حرام عليكي اللي بتعمليه فيا ده ، وأنا اللي عمال أقولك
بحبك وحشتيني ، وأغنيك للصبح

-نور: يا راجل

-زياد: أيوه ، وانتي مش عاوزة حتى تبلي ريقي بكلمة حلوة

-ابراهيم: بس .. اهدوا كده ، انت عاوز ايه يا زياد دلوقتي

-زياد بخبث: عاوز مراتي ، ما انت فاهمني يا عمي ولا عاوزني أمشي في طريق
الحرام

-ابراهيم: صح عداك العيب

-نور: لالالا ، ايه الكلام ده ، أنا.. أنا.. آآآ

-زياد: أهوو كل ما أجي أكلها تقولي لأ وتدلع عليا ، طب أتصرف أنا معاها ازاي

-نور: أنا ؟؟؟؟

-ابراهيم: روعي مع جوزك يا بنتي شوفيه عاوز ايه

-نور بتحدي : يا أنكل ، مافيش حاجة تستاهل ، وبعدين أنا أعدة مع نجلاء ، أما
نخلص حفلة الباربيكو أبقى أشوف زياد عاوز ايه .

-ابراهيم: ايه رأيك في الكلام ده يا بني ؟

-زياد: طب أنا راضي ذمتك يا عمي ، مش برضوه في حاجات ماينفعش تستنى

-ابراهيم: اه عندك حق

-نور: خلاص بقى ، أنا قولتك بعدين هب...

-زياد مقاطعاً : موت يا حمار

-ابراهيم: ممم.. طيب أنا عندي حل ، خشوا أعدوا جوا مع بعض شوية ، واحنا لما نخلص هنبقى نجهزلكم طبق وننادي عليكم

-زياد بفرحة: اهو ده الكلام

-نور: لأ أنا مش فاضية الوقتي

-ابراهيم: لالا ، جوزك أولى بيكي

-زياد وقد سحبها من يدها : تعالي بقى هاقولك حاجة مهمة

-نور وهي تحاول التحرر من قبضته : اوعى سيبي

-زياد: لأ

جر زياد نور خلفه إلى داخل الفيلا ليتحدثوا سويا بعيداً عن أي أحد و..

-زياد: نفسي في مرة تسمعيني من غير ما نتخانق

-نور: طول ما أسلوبك معايا كده ، يبقى مش هيحصل

-زياد: خلاص أنا نويت والنية لله إنني أتغير

-نور: ابقى قابلني

-زياد: فين ؟

-نور: يوووه ، خشلي قافية بقى

-زياد: بالحق أمك كانت بتسأل عليكي

-نور: ابيه ، طب ماقولتش ليه من بدري

-زياد: كنت في الشغل هعمل ايه يعني ، وبعدين ما انتي مش مدياني فرصة أتكلم خالص

-نور: طب هات الفون أكلمها

-زياد: فون !! الله يرحم أما كان بيتقال عليه طلافوون

-نور: اووف بقى ، هاته

-زياد: طب قبل ما أديهولك لازم تعرفي كويس ان امك فاهمة اننا بنقضي يومين في اسكندرية ومرجعناش

-نور: أها

-زياد: اوعي تجيبي سيرة اننا رجعنا القاهرة ولا في حراسة متعينة عليكي ولا سيرة أي مشاكل حصلت

-نور: طيب ، هاته بقى

-زياد وهو يعطيها هاتفه : اتفضلي

-نور وقد حاولت الامسالك بالهاتف: الله ! انت هتهزر ، ماتجيبه !

أمسك زياد بيد نور وهي تحاول الامسالك بهاتفه المحمول ثم قبلها فشعرت نور بالخجل والارتباك ...

-نور: آآآ... انت بتعمل ايه

-زياد وهو يقبل يدها: كفاية ان موبايلي يلمس ايدك الحلوة دي

-نور: من فضلك بلاش كده

-زياد: هو أنا لسه عملت حاجة ، ده الثقيل جاي ورا

حاولت نور ألا تبدو مرتبكة أمام زياد وقامت بالاتصال على هاتف والدتها و...

-نور هاتفياً: ألووو ، مامي ازيك وحشتيني

-هدى: نور حبيبتي يا بنتي ، عاملة ايه يا عروسة

-نور: انا بخير

-نايا: والنبي يا مامي خليني اكلمها وأفرحها

-هدى: استني بس

-نور: مبروووك يا مامي لنايا فرحتلها أوي

-هدى: الله يبارك فيكي يا حبيبي ، طب انتي عرفتني ازاي ؟

-نور: من معتر ، انتي ناسية انه صاحب زياد

-هدى: أيوه صحيح

-نايا: تعالي بقى يا نانووو عشان تظبطيني

-نور: أكيد طبعاً

استغل زياد انشغال نور بالحديث مع أمها ، فدار من حولها ثم أحاط بها من الخلف وأمسك بذراعيها وألصق وجهه بيدها الممسكة بالهاتف ، فأصبحت غير قادرة على التحرك أو الافلات منه و...

-نور: آآي ، انت بتعمل ايه ، مش عارفة اتكلم

-زياد وهو يحيطها : ازيك يا طنط وحشاني

-هدى: الله يسلمك يا بني

-زياد: يرضيكي يا طنط ان نور مدوخاني معاها

-هدى: ليه بس ؟

-نور: طيب يا مامي هنبقى نتكلم بعدين

-زياد: سامعة يا طنط ، دايم كده كاسرة بخاطري

-هدى: اسمعي كلام جوزك يا حبيبي

قام زياد بتقبيل نور على وجنتها ، حاولت أن تبعد وجهها لكنها فشلت ...

-نور: يا مامي آآ

-زياد وهو يقبلها على وجنتها : مووووه

-نجلاء: تعالوا ناكل قصاص التلفزيون أحسن، هما كاتبين ع الفيس انهم هيجيبوا فيلم كوميدي انما ابييه حكاية

-عمر: فكرة

-معتز: وقد دلف للداخل ومعه باقي الأطباق : منورين

-ابراهيم: نادي يا نجلاء على مامتك تيجي تاكل معانا

-نجلاء: ماما نامت من بدري ، ما انت عارف يا انكل ان مالهاش في جو السهر ده ، وبعدين كل يوم بتروح تتابع مع العمال توضيبات الشقة وبعده بتروح الشغل ، فمش بتقدر تسهر كثير

-ابراهيم: الله يعينها

-معتز: طب بسرعة جهزوا الأعدة قبل الأكل ما بيرد

-نور: اوك

-زياد: ماشي

-نجلاء: أنا هرص الأطباق هنا

جلس الجميع سوياً يتناولون الطعام المشوي ، ثم اقترح عمر أن يقضوا باقي
الأمسية وهم يمارسون بعض الألعاب الترفيهية

-عمر: ماتيجي نلعب كوتشينة

-زياد: اصل انت فاضي مش وراك حاجة ، واحنا متيلين عندنا شغل بكرة

-عمر: ياعم ماجتش من نصاية

-ابراهيم: العبوا براحتكوا يا ولاد ، أنا هاقوم بقى أريح شوية

-عمر: ما لسه بدري يا بوخليل

-معتز: سيب أبويا ع راحتته ملكش دعوة بيه

-نور: الواحد هلكان وملحقش يرتاح

-زياد: بتقولي فيها !

-معتز: بقولكم ايه أنا هاقوم أنام ، لأحسن مش قادر

-نجلاء: أنا تعبانة وهاقوم برضوه

-نور: خديني معاكي يا نوجة

بالفعل قام الجميع ، بينما ظل زياد وعمر سوياً و...

-عمر: مافضلش إلا احنا

-زياد: أيوه

-عمر: طب أنا هاقوم اظمن ع نور و...

-زياد وقد امسكه من ذراعه: فكر بس تتحرك من مكانك وهاتشوف

-عمر: للدرجادي بتغيير عليها ؟

-زياد: ايوه ، مش مراتي

-عمر: ده انت بتحبها أوي

-زياد: من زمان ، وأي حد يفكر يجي جنبها هفرمه

-عمر : بس أنا واخد بالي انها يعني معاك آآ...

-زياد: ميخصكش ، اللي بيني وبين نور يخلصنا وبس

-عمر: انت فهمتني غلط ، أنا أقصد يعني آآ...

-زياد مقاطعاً : نور دي حياتي كلها ، دي دنيتي اللي بدأت يوم ما عرفتھا ، نور هي

قلبي ، هي الهوا اللي بتنفسه ، ورغم كل اللي بتعمله إلا إني عمري ما هسيبھا ،

اوعى تكون مفكر اني وافقت ع وجودك معانا لإعشان خاطر اني أظمن عليها وأنا

بعيد عنها ، غير كده مكونتش هاسمح بأنك تكون انت او غيرك موجودين في

حياتها

-عمر: أنا..أنا مكونتش فاكر انك تقدر تحب

-زياد: انا ما حبتش حد إلا نور ، ومش هاحب حد إلا هي ، وماهما حصل بينا فانا

عمري ما هزعل منها ولا أسيبھا

كانت نور تسترق السمع لكل كلمة قالها زياد عن حبه لها ، لأول مرة شعرت أنه صادق في حبه لها وليس يكذب كما كانت تظن ، تفرقت عيناها بالدموع و...

-ابراهيم من خلفها : بتحبيه ؟

-نور : ايوه

-ابراهيم: طب ليه بتعاندي معاه

-نور: كنت مفكرة انه ..انه ..

-ابراهيم: أنا مش عاوز أعرف حاجة ، بس عاوز أقولك نصيحة يا بنتي ، زياد زي معتز ابني ، قلبه طيب ولما حبك حبك فعلاً من قلبه ، لو تشوفي عمل ايه عشانك مش هتصدقني ان ممكن في حد يحب حد الحب ده كله

-نور : هه

-ابراهيم: معتز ابني كان بيحكيلي كل حاجة عنه وعن أصحابه

-نور: ايه ؟

-ابراهيم : ماتستغريش ، معتز مش بس ابني ، لأ ده صاحبي ، ومن يوم ما المرحومة امه اتوفت وهو كل سره معايا وبيستشرنني في كل حاجة تخصه أو تخص اللي بيحبه ، حتى حبه لأختك كان باين في عينيه ورغم ان كان نفسي معتز يتجوز نجلاء لكن مقدرش أشوف ابني وهو تعيس معاها ، وأنا عرفت الوقتي سبب تمسك زياد بيكي زي ما معتز ابني متمسك بنايا

-نور: ايه هو ؟؟

-ابراهيم: زياد مش شايف إلا انتي وبس ، انتي حب حياتك ، ومهما حاولتني تنكري ده ، هو مش هيشوف إلا انتي وبس

-نور: أها

-ابراهيم: حاولي لو في أي خلاف بينك وبينه ارميه ورا ضهرك وابدأوا حياتك سوا من غير عناد وكره وشيل من بعض .. حرام تعذبوا بعض ببعض عن بعض وعنادكم !!!! خلوا الحب هو اللي يكون بينكم وبسس

-نور وقد أخذت تفكر فيما يقول: حاضر يا أنكل

-ابراهيم: ربنا يهدي سركم ويكرمكم ، اطلعي نامي ، وبكرة ان شاء الله خير

وما إن انصرفت نور إلى غرفتها حتى تحدث ابراهيم مع زياد ..

-ابراهيم: خلاص يا بني أنا كلمتها

-زياد: أنا مش عارف أقولك ايه يا عمي

-ابراهيم: ده انت ابني يا واد

-زياد: ربنا يخليك لينا

Flash Back □□□ لما حدث قبل قليل ،،،

□□□ دلف زياد إلى داخل الفيلا ليبدل ملابسه ، فقابل ابراهيم فطلب منه أن يتحدثنا معاً ...

-ابراهيم: تعالى يا زياد عاوزك شوية

-زياد: ايوه يا عمي

-ابراهيم: في ايه اللي حاصل بينك وبين نور

-زياد: هه ، مافيش

-ابراهيم: هو ايه اللي مافيش ، ده حتى عيب ع الشيبة اللي أنا فيها ، ولا تكون مفكرني مش واخد بالي

-زياد: احم... واخد بالك من ايه ؟

-ابراهيم: يعني في واحد لسه متجوز مبقالوش يومين جايب مراته عشان يقعد عند صاحبه لأ وينام كل واحد منهم في أوضة وكمان معاهم زميلهم التالت !!

-زياد: هه ، آآآ...

-ابراهيم: قولي في ايه؟؟

اضطر زياد أن يقص على ابراهيم ما حدث بينه وبين نور باختصار بالاضافة إلى تعرض حياتها للخطر و...

-ابراهيم: حمايتها ده أمر مفروغ منه ، بس انت فين من ده كله ؟

-زياد: أنا تعبان ، مش قادر أخليها تفهم اني بحبها

-ابراهيم: طب واللي يخليك تقدر تكلم من قلبك قصاها

-زياد: طب ازاي ده هيحصل ؟

-ابراهيم: ملكش دعوة أنا هتصرف

□□□ طلب ابراهيم من عمر أن يتحدث معه قليلاً حينما كان زياد ونور بالداخل
و....

-ابراهيم: عمر يا بني ، سيب اللي في ايدك ده وتعالى معايا ثواني

-عمر: كده اللحمه هتتحرق

-ابراهيم: معلش دقيقة بس

-عمر: طب لحظة ، نجلاااااا ، تعالي هوي ع الشواية عقبال ما أرجع

-نجلاء: طيب عشان ألحق أرس الأطباق

-معتز: أستني أنا هعملهم

-نجلاء: أوك

□□□ -عمر: ايوه يا بوخليل

-ابراهيم: انا عاوز منك خدمة

-عمر: أو مرني

-ابراهيم: الأمر لله وحده ، بص أنا عاوزك تتكلم مع زياد عن حبه لنور

-عمر: ايبيه؟؟

-ابراهيم: اللي سمعته يا بني

-عمر: أنا أسف مش هاقدر

-ابراهيم: حتى لو عرفت ان حياة الاتنين متوقفة ع ده

-عمر: قصدك ايه؟

-ابراهيم: الاتنين هيطلقوا

-عمر: يا ساتر يارب

-ابراهيم: انت عارف ان خراب البيوت مش بالساهل ، وزياد هينهار لو نور بعدت عنه

-عمر: هه

-ابراهيم: أنا عارف انه صعب انك تعمل ده ، بس انت الوحيد اللي تقدر تخلي زياد يتكلم من قلبه ونور تعرف بحبه الصادق ليها

-عمر: آآ...

-ابراهيم: لو فعلا بتحب نور وزياد هتساعدهم

-عمر: آآ... بحب نـ..نور!!!

-ابراهيم: فكرك أنا مش عارف ، ده معتز حكيلى كل حاجة

-عمر: ده انا هولع في معتز ، هو ايه مش بيستر

-ابراهيم: سيبك من معتز الوقتي ، وركز في اللي هتعمله عشان خاطر نور ، ده لو فعلا بتحبها ، اعتبرها زي اختك ، في حد يكره لأخته الخير!!!

-عمر: بس..آآ...بس

-ابراهيم: محدش يقدر يتحكم في قلبه ويخليه يحب مين ولا يكره مين ، بس نور فعلا بتحب زياد ،ولو كان في فرصة انها تحبك كنت هتحمس انت بده منها، لكن هي مش هتشوف غير زياد وبس

-عمر: آآ...

-ابراهيم: بكرة ربنا هيعوض عليك بواحدة تحبها بجد ، يمكن حبك لنور لأنك مشوفتش اللي زيها لحد الوقتي

-عمر :

-ابراهيم: اسمع من راجل كبير في مكانة أبوك الكلام المفيد اللي يمكن في يوم تترحم عليه وتقول ، الله يرحمه قالي نصيحة لوجه الله

-عمر: ربنا يديك الصحة يابوخليل

-ابراهيم: ها ، قولت ايه ؟؟ هتساعدني

-عمر: حاضر !!

■■■ -ابراهيم : نجلااااااااااا ، تعالي يا نوووجة عاوزك

-نجلاء: أيوه يا انكل ، خير

-ابراهيم: بقولك ، عاوزك تعطي نور لما تجي تستأذن عشان تنام

-نجلاء: طب ليه

-ابراهيم: يا ستي جوزها عاوز يديها هدية وكده

-نجلاء: الله جو روماتسية ، يا جمااااااااااا الله يا جمااااااااااا

-ابراهيم: المهم انتي اعلمي اللي قولتلك عليه

-نجلاء: اوك

■■■ وبالفعل تم تنظيم السهرة أمام التلفاز ، وبعدها استأذن الجميع واحداً تلو

الأخر وتوجهت نور خلف نجلاء لغرفتهما ، ولكن نجلاء طلبت منها أن

-نجلاء: معلىش يا نور استيني هنا خمساية ، اكون بس غيرت هدومي

-نور: آآآ... طب ما تغيريها في التويلت

-نجلاء: عشان هدومي مش تتبل

في صباح اليوم التالي ، ،

انصرف زياد ومعتز إلى الإدارة ، وتركوا نور بصحبة نجلاء و ابراهيم وعمر في الفيلا ، فاتصل جابر المرابط بالقرب من الفيلا ببهجت ليخبره بـ...

-جابر هاتفياً: الوو ، ايوه يا بهجت بيه، الجماعة خرجوا

-بهجت: عظيم أوي ، استنى الرجالة جاينك

-جابر: حاضر

-بهجت: وخلي عينك ع الفيلا ، ولو جد جديد بلغني

-جابر: أوامرك يا بيه

.....

في الإدارة

-معتز متسائلاً : نور عرفت ان العملية النهاردة ؟

-زياد: لأ طبعاً ، هو أنا أهبل أقولها ده

-معتز: طب وعمر ؟

-زياد: لأ برضوه

-معتز: كنت نبه عليه يا زياد عشان ياخذ باله

-زياد: ان شاء الله مش هيحصل حاجة

-حسام بصوت مرتفع : زياد ، معتز تعالوا بسرعة

-معتز: اوك جاي

-زياد: طيب

-اللواء اسماعيل: بِسْمِ اللَّهِ الرَّحْمَنِ الرَّحِيمِ ، أحسن حاجة نبدأ بيها هي كلام ربنا سبحانه وتعالى ، ربنا يوفقكم يا أسود الليل في اللي جاي ، احنا قدامنا أهم جزء من العملية الليلة !!

-زياد: ان شاء الله هنقبض ع المجرم ده

-وليد: طبعااa

-معتز: هنفرتكه هو واللي معاه لو بس فكروا يهربوا

-اللواء اسماعيل: أنا مش عاوزكم تضيعوا الفرصة ، احنا تعبنا كتير عشان نقدر نوصله

-زياد: نهايته هتكون ع ادينا ان شاء الله

-اللواء اسماعيل : بأمر الله ، تعالوا نراجع الخطة والمطلوب من كل واحد

-الجميع: تمام يا فندم

.....

في فيلا معتز ،،،

-نجلاء : أنكل ابراهيم

-ابراهيم: في ايه يا نوجة

-نجلاء: ماما بتكلم حضرتك وانت مش بترد عليها

-ابراهيم: أصل الموبايل أنا حاطه في الشاحن ، فعشان كده مسمعتوش

-نجلاء: طب هي بتبلغك انها عاوزاك تجيلها البيت لأحسن العمال عاملين مشكلة هناك وهي مش عارفة تتعامل معاهم

-ابراهيم: طيب أنا هلبس واروحها

-نجلاء : أوك

كانت نور تجلس أمام التلفاز تشاهد أحد البرامج ، بينما عمر يجلس في الخلف يقرأ أحد الكتب ، فجلست اليه نجلاء و...

-نجلاء: صباح الخير عليك

-عمر: صباح النور

-نجلاء: بتقرى ايه؟

-عمر: كتاب

-نجلاء: ما أنا عارفة أنه كتاب ، بس عن ايه ؟

-عمر: رعب

-نجلاء: لأ انا ماليش في جو الرعب ده ، ليك في الرومانسي وكده ؟

-عمر: لأ

-نجلاء: يا خسارة

-عمر: ولا خسارة ولا حاجة ، كل واحد بيحب يقرى اللي شايف انه مناسب ليه

-نجلاء: أها ، تمام

قررت نجلاء أن تجلس بجوار عمر وأخذت تتفحص مواقع التواصل الاجتماعي عبر هاتفها بعد أن وضعت ع الوضعية صامت حتى لا تزعجها أصوات الشات ..

-ابراهيم من الخارج : انا خارج يا ولاد شوية وراجع

-نور: اوك يا انكل

-عمر: ماشي يا عمي

-نجلاء: ابقى طمني يا انكل

-ابراهيم: حاضر ، سلامو عليكمو

-عمر: و عليكم السلام

-شخص ما: خلاص يا باشا ، البت بقت في ايدينا

-نور: ممممم..ممممم

-شخص ثاني: والظابط كتفناه

-قائد العصابة : هاتوهم كلهم ، دي أوامر الباشا ايهاب ، ورجعوا كل حاجة زي ما كانت في مكانها

-شخص ما: حاضر يا باشا

-قائد العصابة: يالا بسرعة

بالفعل اخذ أفراد العصابة الملتزمون نور وعمر ونجلاء معهم امتثالاً لأوامر ايهاب الملاح إلى مخزن مهجور

.....

عودة للإدارة مرة أخرى ،،،

-زياد:أنا هاروح أسلم على نور قبل ما نطلع العملية

-معتز: مش هينفع يا زياد ، انت عارف انه ممنوع ان حد فينا يمشي

-زياد: مش هاقدر

-معتز: صعب

-زياد: دي نور ، مقدرش ماشوفهاش مش يمكن تكون آخر مرة

-معتز: ايه يا عم الكلام ده

-حسام: بقولك ايه ، روح لمراتك سلم عليها ، واحنا هنستناك

-زياد: حبيبي أحس

-حسام: متأخرش ، احنا معانا ساعتين لحد ما نبدأ نتحرك

-زياد: تمام

-معتز: استنى أنا جاي معاك

-زياد: اوك

استقل زياد سيارته وجلس بجواره معتز ثم توجهها ناحية فيلا معتز ، وحينما وصلوا للفيلا وجدوا شيئاً ما غامضاً ...

-زياد: في حاجة غريبة

-معتز: انا حاسس برضوه كده

لمح زياد ابراهيم وهو يدلف للفيلا

-زياد وهو يشير إلى ابراهيم : مش ده ابوك اللي هناك ده !!

-معتز: أه هو تصدق ، بس بيعمل ايه السعادي بره الفيلا

-زياد: طب ما تسأله

-معتز بصوت مرتفع : يا بوووخليل ، يا حاج

-ابراهيم: الله ، انتو جيتوا يا ولاد

-زياد: اه ، قولنا نسلم عليكو وكده

-ابراهيم: علينا ولا ع نور

-زياد: احم...

-معتز: طب يالا ندخل نلحق نسلم ع الجماعة عشان راجعين تاني

-ابراهيم: ماشي

دلف الجميع إلى داخل الفيلا ، وتفاجئوا بعدم وجود أحد ..

-زياد بضيق: راحت فين الهانم

-ابراهيم: يمكن راحت عند مامتها

-زياد: من غير ما تقولي ، وطبعاً ماصدقت تاخذ البيه عمر معاها

-معتز: انت ناسي ان معهاش موبايل

-زياد: برضوه تعرفني هي رايحة فين ، ولا هي متجوزة جوز جزمة

-ابراهيم: خلاص يا بني ، اهدى

-معتز: بس غريبة ان نجلاء مش موجودة هي كمان

-زياد: أل كنت ناقص عطلة

ثم رن هاتف زياد رقم والدة نور ...

-زياد: الله ، دي حماتي !! بتتصل ليه الوقتي

-معتز: يمكن بتعرفك ان نور عندها عشان متقلقش

-ابراهيم: رد عليا يا بني

.....

في نفس الوقت تقريباً في بيت عبد الرحمن فوزي ،،

كانت هدى تشعر بالقلق على ابنتها نور ، فقررت أن تتصل بزياد لتطمئن عليها

و...

-هدى لنفسها: معرفش ليه قلبي مقبوض كده ، حاسة ان بنتي فيها حاجة مش تمام

، أنا هطلب زياد أطمئن عليها وخلص حتى عشان أرتاح

-هدى هاتفياً: ألوو ، أيوه يا زياد يا بني

-زياد هاتفياً: ازيك يا طنط ، يعني انتي يرضيكي كده

-هدى بقلق: في ايه ؟

انطلق زياد ومعتز إلى منزل السيدة هدى ، بينما توجهت هدى لتتري من الطارق
و...

-هدى بصدمة : الحاج فاروق !!!

-فاروق: ازيك يا مرات اخوي

-سامح: مالك يا مرات عمي ، وشك اتاخذ اكده لبييه؟؟؟

-هدى: هه ، م...مافيش

-سامح: لأ فيه ، جولي يا مرات عمي متخافيش

-هدى: أصل كنت مفكرة ان نور بنتي هي اللي بتخبط

-فاروق: أها .. تيجي بالسلامة ان شاء الله

.....

في تلك الأثناء في المخزن المهجور ،،،

أحضر أفراد العصابة نور وعمر ونجلاء إلى المخزن حيث يتواجد ايهاب ومعه
بهجت المحامي ...

-ايهاب: أهلااااا ، واخير ااااااا اتقابلنا

-بهجت: كلهم تحت رجلين معاليك يا ايهاب باشا

-ايهاب وهو يربت ع كتف بهجت: عاش يا بهجت ، طول عمرك دراعي اليمين

-بهجت: تؤمرنا بايه يا باشا

-ايهاب وهو يشير لنور : فكلي الأمور وهاتھالي

-بهجت: ماشي ، فك البت دي يا محروس

-محروس: حاضر يا بيه

-عمر: ابعدها يا كلب منك ليه

تكالب أفراد العصابة على عمر ، وكالوا له الضربات حتى سقط منهاراً تماماً على الأرض

-بهجت: ظبطناه وكله تمام

-ايهاب: حلووو أوي

-بهجت: الجماعة مقالوش جايين امتي

-ايهاب: كمان شوية ، وهنتقابل قريب من هنا

-بهجت: تمام

-ايهاب: عاوز بعد ما الصفقة دي تتم تولعلي في المخزن باللي فيه

-بهجت: عينيا يا ايهاب باشا!!!!!!

.....

الحلقة الخامسة والسبعون:

الحلقة الأخيرة (الجزء الثالث) :

في منزل عبد الرحمن فوزي ،،،

كان الحاج فاروق يتحدث مع هدى حول اجراءات تسجيل الأرض و...

-فاروق: أني عارف اني بتجل عليك يا مرات اخوي ، بس بعد اكده هنرتاح كلنا

-هدى: ولا يهملك

-فاروق: هانروح بكرة ن سجلوا الورج في الشهر العجاري ان شاء الله

-هدى: بأمر الله

-سامح: ان شاءالله يا مرات عمي

-سامح: سلامو عليكو

-معتز هامساً : ايه ده هو الرزل هنا !!

-زياد: أهلا

-سامح: في ايه مالكو ؟

-زياد: مافيش

-هدى: طب خش يا بني شوية اشرب حاجة

-زياد: شكراً مش عاوز

-معتز: طب استنوا أنا هكلم نجلاء أعرف منها ان كانت مع نور ولا لا

-زياد: ومعملتش كده ليه من بدري يا أخي ???

-معتز: مجاش في بالي يا زياد

-زياد: طب انجز في يومك

-معتز: ماشي ، استنى بس أشوف النمرة

-زياد: طب أوام يالا

-معتز: أهي لاقيتها ، خلاص هطلبها ...!!!

.....

في نفس الوقت في المخزن ،،،

كانت نجلاء تحتضن نور وتبكي بكاءً هسترياً خاصة بعد ما رأت ما فعلوه بعمر

وهويدا الملقاة بجوارهم

-نجلاء باكية : إهيء .. اهيء ، دول ناس قادرين ، مش هيرحمونا ، أنا..أنا خايفة

أوي .. اهيء

-نور: اهدي يا نجلاء

-نجلاء: انتي ماشوفتيش عملوا ايه في عمر وممكن يعملوا فينا ايه !!!

-نور: ربنا يستر ، اطمني

-نجلاء: طب أنا ذنبي ايه ، أنا..أنا ماليش دعوة بده كله

-نور: سبيني بس أفكر هنتصرف ازاي

-سمعت نجلاء ونور صوت آنين يأتي من أحد الأركان

-هويدا: آآآآآآآآ...آآ... آآ

-نجلاء برعب: سامعة اللي أنا سمعاه ده

-نور: أيوه

-نجلاء: ده..ده أكيد حد بيطلع في الروح هنا

-نور: اسنتي بس أما نشوف مين

-نور بصوت عالي : ميبين؟؟ مين هناك

-هويدا: آآآ...أن.. أنا

-نور وقد توجهت نحو مصدر الصوت: انتي مين؟؟

-هويدا : أن..أنا هو..هويدا

-نور باستغراب : هويدا !

-هويدا: الحقيني ..أن..أنا بموت

-نور وهي تتفحص هويدا: اهدي وهتبقني كويسة

-هويدا: معتقدش ، أنا..أنا عدموني العافية

-نور: متقلقيش ان شاء الله هنخرج من هنا كلنا

-نجلاء وقد شعرت باهتزاز في جنبها فجرت ناحية نور : هاااه ، في ايه؟؟

-هويدا في نفسها: لازم أوصل للموبايل ده ، آآآآه ، لازم أجي ع نفسي عشان
انقذهم من المجرمين دول .. آآه

-نور متألّمة وهي تدافع عن نفسها : انت قدر وجبان

-محروس: قولي اللي تقوليه للصبح ، برضوه مش سايبك

وصلت هويدا إلى الهاتف واستطاعت أن تضغط على زر الرد على الاتصال و...

-معتز هاتفيا: ابييه يا حاجة ساعة عشان تردي ، انتي فين؟

-هويدا بصوت منخفض : آ...الوووو

سمع معتز أصوات عالية وصرخات و..

-معتز: نجلااااا في ايه عندك

-زياد: في ايه اللي بيحصل

-معتز: مش عارف ، أنا مش سامع غير أصوات صريخ

-زياد: ابييه ، هات الموبايل

أمسك زياد بالهاتف المحمول ووضع على أذنه ليستمع إلى ما يُقال و...

-زياد: نجلااااا ، في ايه بيحصل عندك؟؟ الووووو ، الوووو

ثم سمع زياد صوت نور وهي تصرخ و..

-نور : جوزي مش هايسبكم يا كلاب ، هيموتكم كلكم

-محروس: مش هيعرف يجيبك ، وحتى لو عرف هتكوني فحمة

-زياد : نـ.نوووووور

-معتز: في ايه يا زياد ???

سمع زياد أصوات أشخاص آخرين يتحدثون و...

-بهجت : بتعمل ايه عندك يا محروس

-محروس: آآ... مافيش يا بيه

-بهجت: ايبه ما بتصدق تشوف واحدة وتريل عليها !

-محروس: طبع بقى يا بيه

-ايهاب: في ايه اللي بيحصل هنا

-بهجت: مافيش

-ايهاب: أنا عاوز الرجالة كلها تجهز ، احنا وانا شغل مش فاضيين

-بهجت: حاضر يا ايهاب باشا

-زياد: ايهاااa

-معتز: معناه ايه اللي احنا سامعينه ده

-هدى: بنتي !!

-زياد مشيراً لها بالصمت: شششش ، الكل يسكت عشان نسمع بيقلوا ايه

-ايهاب: الكل يجهز ، العملاء جايبين كمان ساعة ، عاوزين نخلص الليلة كلها في

ظرف ساعتين ومش عاوز أي أثر للكلاب دول

-بهجت: اظمن

-محروس: متقلقش يا باشا ، همحيهم من ع وش الدنيا

-هدى ببكاء هستري: بنتي هتروح مني ، بنتي بتضيع ، حد يلحقها ، انجدها يا

زياد، هتسيب بنتي تروح كده

-نايا: حبيبتي يا نور

-زياد: ألووو .. في حد معايا ع الخط

-سامح: اهدي يا مرات عمي

-معتز: محدش بيرد

-زياد: ماهو لو الكل يسكت هنقدر نسمع

-هدى بانهييار : بنتي هاتلي بنتي ، رجعهالي في حضني ، آآآه يا بنتي

ثم سقطت هدى مغشية عليها على الأرض

-معتز: حماتي

-نايا: ماااa

-سامح: مرات عمي

-فاروق: حوش يا ولد مرات عمك

ابتعد زياد عن الجميع ليحاول أن يستدل على أي شيء يساعده في ايجاد نور و...

-زياد: لو حد سامعني اتكلم

-هويدا : آآ... ألوو

-زياد: سمعاني ، انتو فين ???

-هويدا: آآ...

-زياد: حاولي قولي أي حاجة عشان نقدر نوصلكم

-هويدا: احنا في المخزن القديم

-زياد: مخزن ايه ؟؟

-هويدا: م...مخزن ايه...ايهاب

ثم فجأة سمع زياد صوت صريخ حاد و...

وفجأة رن هاتف زياد برقم حسام و...

-زياد هاتفياً: أيوه

-حسام: انتو فين ، القائد بيسأل عليكو

-زياد: نور اتخطفت يا حسام !!

-حسام: بتقول ايه

-زياد: ابن الكلب ايهاب خدها عنده ، وهيموتها في ظرف ساعة زمن ، وأنا لازم ألحقها

-حسام: طيب استنى هبلغ اللوا اسماعيل بالكلام ده

-زياد: مافيش وقت ، لازم نتحرك

-حسام: طب انت عارف هي فين ؟؟

-زياد: في مخزن ايهاب القديم

-حسام: مخزن !!!

-زياد: أيوه ، ولازم اتصرف و اعرف مكانه فين المخزن الزفت ده؟؟

-معتز بصوت مرتفع: بلغ حسام يا زياد ان الصفقة هتم قريب من المخزن ده

-حسام: يا زياد معتز بيقول ايه جمبك ؟؟؟

-زياد: الصفقة هتم قريب من المخزن

-حسام: كمان !! انا هبلغ القيادة فوراً يا زياد

-زياد : أنا جايلكم في السكة ولو وصلتوا لحاجة بلغوني فوراً

أنهى زياد المكالمة مع حسام وانطلق نحو سيارته ولحق به معتز و... سامح !!

-زياد بنرفزة: جاي ليه ؟؟

-سامح: أني رجلي على رجلكم ، مش هاسيبكم واصل ، ولو مرضيتش تركبني
معاك هاخذ عربية مخصوص وأحصيلكم

-معتز: خليك انت يا عم سامح مع حماتي

-سامح: بوي موجود فوج امعاهم

-زياد: يوووه ، طب اركب وخلصنا

توجه زياد بسيارته نحو مقر العمليات ، بينما حاول معتز الحصول على أي
معلومات تخص مخزن ايهاب القديم

.....

في موقع العمليات ،،،

-حسام: سيادة اللوا اسماعيل في أمر طارئ حصل !!!

-اللواء اسماعيل : في ايه؟؟

-حسام: نور اتخطفت

-اللواء اسماعيل : نعم !! بتقول ايه؟؟؟ ازاي ، وده حصل امتي وازاي؟؟؟ وكنتموا

فين لما ده حصل؟؟ وعمر كان فين!!!!!!

-حسام: أنا معرفش حصل امتي ، بس زياد عرف ان نور اتخطفت من المجرم

ايهاب

-اللواء اسماعيل : كمان

-حسام مضيفاً: والعملية هتم قريب من المكان اللي اتخطفت فيه نور

-اللواء اسماعيل: فين المكان ده؟؟؟؟

-حسام: بيقولوا مخزن ايهاب القديم

-اللواء اسماعيل بصوت مرتفع : حد يجييلي بسرعة عنوان مخزن ايهاب القديم

كان الجميع يعمل على قدم وساق من أجل الوصول إلى أي معلومة ترتبط بمكان المخزن القديم الخاص بابهاب الملاح ، فقد كان هذا المخزن مهجوراً لسنوات ، ولا يعلم عنه أحد أي شيء

-وليد مع نفسه : أنا فاكرا ان ابهاب ده مكنش عنده مخزن ، ابوه أنا كذا مرة قريرت ملف ابهاب ومكنش فيه معلومات عن مخزن خالص عنده ، افكر يا وليد ركز يا وليد ، ابهاب ده كان عنده ابه ، ها ركز يا وليد ، ابوه كان عنده حاجة قديمة وخربانة كده وكان محتفظ بيها، ابوه ابوه افكرت ، بيت عيلته القديم

-وليد بصوت مرتفع : أنا عرفت المكان فين

-حسام: فين ؟؟؟؟؟

-وليد: ابهاب الملاح مكنش عنده مخزن أصلاً تبعه ، بس هو كان عنده بيت عيلته

-حسام: ابه ؟؟

-اللواء اسماعيل: بيت عيلته !

-وليد: ابوه كان من ضمن المعلومات اللي عندنا عن ابهاب الملاح ان من أملاكه بيت قديم وواقع في حطة مقطوعة عند ال ((...))

-حسام: جايز تكون هي

-اللواء اسماعيل : وجايز لأ

-حسام: طب هنعمل ابه يا فندم؟

-اللواء اسماعيل : جزء من القوات هيتحرك ع البيت المهجور ، والباقي هيتحرك ع المكان اللي المفروض هتم فيه الصفقة

-حسام: تمام يا فندم

كان ايهاب الملاح يتحدث مع بعض الأشخاص ذوي الوجوه الغريبة ويفحصون احد الحقايب السوداء الكبيرة و ...

-ايهاب وهو يفحص محتويات الحقيبة : مممم، تمام

-مستر جوو: ها كله تمام ؟

-ايهاب: ايوه

-مستر جوو: بدنا نعرف هناخد المصاري امتي؟؟؟

-ايهاب بصوت مرتفع : ثواني ، بهجــــــــــــــــت !!

-بهجت: أوامرك يا ايهاب باشا

-ايهاب: هات شنطة الفلوس من عندك

-بهجت: حاضر

-مستر جوو: احنا مبسوطين اكتوبر بالتعامل معك مستر ايهاب ، وبدنا نكرر ده تاني

-ايهاب: أكيد ، بس خليكوا حنينين شوية لأحسن ايديكم حراقة اوي في الفلوس

-مستر جوو : بس بتاخذ بضاعة مليحة ولا شو ؟

-ايهاب: الحق يتقال بضاعة نمبر 1

-مستر جوو: اييه

-ايهاب: طيب اتفضل معايا انت ورجالتك ع المخزن عشان تاخذ بقية حسابك

-مستر جوو: وليش ما بناخده هنا خيي

-ايهاب: مش عاوز نعمل معاك الواجب ولا ايه يا مستر جوو

-مستر جوو: باللاه مافي داعي

-ايهاب: لا مايصحش ، اتفضلوا اتفضلوا

ثم تحدث ايهاب مع بهجت بصوت منخفض و...

-ايهاب: جهزت كل حاجة زي ما وصيتك

- بهجت: تمام يا باشا ، كله تحت السيطرة
-ايهاب : حلو أوي ، كده احنا هنبقى في السليم ، ومتساش عاوز الحفلة تولع ب كله
-بهجت وهو يشير على الجماعة الغريبة: كله كله !!!
-ايهاب: كله فاهمني ، عايزها نار حامية
-بهجت: اعتبرها ولعت
-ايهاب بخبث: عظيم أوي

كان ايهاب الملاح ينتوي التخلص من العملاء بالاضافة إلى نور ورفاقها في
المخزن القديم حتى لا يكون هناك أي دليل على قيامه بأي عمليات تجارة سلاح

.....

في داخل المخزن ،،،

كان عمر يحاول أن يتحرر من وثاقه و...

-عمر في نفسه : آآه ، والله ما هسيبكم يا ولاد الكلب ، اعرف بس افك نفسي
وهولع فيكو كلكو

-أحد الأشخاص : الباشا باعت يقول نلم العميز على جمب عشان هنبداً الحفلة

-شخص آخر: اشطأأأأ

-شخص ثالث: يالا أوام ، هاتوا الخروف اللي هناك ده

اقترب أحد الأشخاص من عمر الذي ادعى انه فاقد للوعي وما إن حل وثاقه حتى
هجم عليه عمر وضربه ضرباً شديداً ، فهجم الشخصين الآخرين عليه محاولين
تقييده

في تلك الأثناء كان زياد قد وصل للمكان و...

-زياد: أكبيد هو ده المكان

-معتز: مش عارف

-زياد: قلبي بيقولني ان نور هنا

-سامح: احنا نطل ع اللي مكان ونشوفوه

-زياد: ما أنا هعمل كده

-معتز: طب هدي السرعة

-زياد: احنا أصلاً هننزل هنا ، لأن لو حد من عصابة الكلب ده لمحونا ممكن يعملوا في نور واللي معاها حاجة

-معتز: تمام

-زياد: وانت يا سامح ، اوعى تعمل حس

-سامح: ماشي ، اطمنوا

ترجل زياد من السيارة بعد أن ركنها في مكان قريب من المخزن وتحرك بحذر ومعه معتز وسامح

-زياد: انا هنلّف من هنا ، وانت يا معتز خذ معاك سامح ولف من هناك

-معتز: طب ما تخذ الرزل معاك

-زياد: ده وقتك

-معتز: طيب ماتتعصبش ، يالا يا عم سامح

تحرك الجميع بحذر تجاه المنزل القديم ، وبالفعل سمعوا أصوات لشخص ما يأن من الألم و...

-عمر : آآه ، انتو..آآه... شوية أوس**

في الداخل ،،،

-زياد وهو يخنق محروس : يا كلب ، يا واطي بتتجرأ وتلمس مراتي

-محروس وهو يكاد يخنق : آآآآه ، آآآآ...

-معتز وقد دلف للداخل: سيبوه يا زياد

-زياد: مش هسيبه إلا ميت

-معتز وقد خبط محروس على رأسه: متضيعش نفسك

-زياد: ده كلب مالوش دية

-معتز : هاته أنا هتعامل معاه ، وشوف انت نور

كانت نور تجلس على الأرض في حالة إعياء شديد ، أحاط زياد نور بذراعيه واحتضنها و...

-زياد : نووور حبيبي ، نووور

-نور متألمة : آآه

-زياد: اطمني يا نور ، انتي في حضني الوقتي

-نور: كنت..كنت واثقة انك هتوصللي

-زياد: مافيش حاجة تقدر تبعدي عنك

-نور: الحق بس البنات جوا ، و...آآآ وعمر

-زياد: اطمني

-سامح: بت عمي انتي كويسة

-نور بدهشة : اي.. ايه ده ؟؟ سامح ؟؟

-سامح: انتي بخير ، فين واد الحرام ده اللي عمل فيكي اكده وأني أقطعه بسناني

-معتز: خلاص أنا كيفته

-ايهاب بفرحة : ياااااااااه ، كنت مستني اللحظة دي من زمان

في نفس الوقت لمح معتز وسامح ما يحدث في الخارج فأمر سامح بالاختباء هو ونجلاء وهويدا ، ثم أسرع معتز باخراج سلاحه وصوب تجاه أحد أفراد العصابة القريبين منه وقنصه

-معتز: خش جوا يا سامح ، وخلي بالك من البنات

-سامح: لأ أني هستنى معاك

-معتز: اعمل اللي قولتلك عليه ، ومتخليش حد يقرب من نجلاء أو البنت الثانية

-سامح: ماشي

-معتز في نفسه وهو يصوب ناحية أحد الأشخاص: تعالالي يا حلو ، ده انت جيت في ملعبى .. (بيووو)

وبدأ اطلاق النيران في الداخل ، وحينما سمع حسام بصوت اطلاق النيران حتى أمر بالتدخل الفوري والتعامل المباشر مع المجرمين

استطاعت قوات العمليات الخاصة بكل مهارة أن تقتحم المنزل القديم الذي كان أشبه بمخزن فيه أشياء متهاكة كثيرة وقاموا بتحرير الجميع والقاء القبض على جميع أفراد العصابة

حضرت سيارات الاسعاف إلى المكان ونقلت كلاً من عمر وهويدا إلى المستشفى ، بينما تم اسعاف نور ونجلاء وزياد في نفس مكانهم ، ثم حضر اللواء اسماعيل للمكان ومعه المجموعة الثانية و...

-اللواء اسماعيل: حمدلله ع السلامة يا نور

-نور: الله يسلمك يا فندم

-اللواء اسماعيل: حمدلله ع سلامتک يا سيادة الرائد وعلى سلامة المدام

-زياد: الله يسلمك يا سيادة اللوا

-اللواء اسماعيل: أنا من الأول كان عندي حق اني اعتمد على رجالة يخلصولي المهام الصعبة ، وكان اختياري لنور في محله

-نور: شكراً يا فندم

-زياد: أنا معملمتش غير الواجب يا باشا

-معتز: على فكرة أنا كنت معاهم والله

-اللواء اسماعيل : هههههههههه ، اظمن هعمل حسابك في المكافأة

-معتز: ان كان كده ، فأنا موافق يا فندم

-اللواء اسماعيل : طيب هسيبكوا وهشوف أنا باقي الاجراءات ، ومرة تانية حمدلله ع السلامة

-زياد: اتفضل يا فندم ، والله يسلمك يا رب

-نور: شكراً يا فندم ، اتفضل حضرتك

-معتز: حمدلله على سلامتک يا نور

-نور: شكراً يا معتز

-معتز: شدي حيلك بقى عشان ويرانا لسه فرح

-نور: معتقدش انه هيتعمل دلوقتي

-معتز: لأ بقى ، ده أنا أفجرلكم المكان باللي فيه

-زياد: أصبر بس علينا نفوق م اللي احنا فيه

-معتز: طيب

-نور: او مال فين نجلاء والبنت الثانية ???

-معتز: نجلاء يا ستي أعدة مع الرزل

-حسام: والله الواحد ما كان يتخيل ان عمر يطلع جدع كده

-نور: فعلاً ، ده كان هيموت نفسه عشائي

-زياد: خفي الله يكرمك

-نور: الله ، هو انا قولت حاجة غلط

-زياد: لأ ، بس ارحميني ورا عيني شوية

-نور: ده أنا غلبانة وطيبوبة

-زياد: يا شيخة ، اومال مين اللي مطلعة عيني وأنا ساكتلها دي ، تبقى أمي مثلاً؟؟

-نور: أنا مش هتكلم معاك دلوقتي لأنني مدشدة ، استناني أما أفوقك

-زياد: ياما نفسي تبلي ريقى بكلمة حلوة

-نور: مش هنا

-زياد: أومال فين؟؟

-نور: أقولك ولا تزعلش !!!

-زياد: مممم.. بقى كده ، طيب !!! بصوا أنا أجازة ومحدث يكلمني لمدة يومين

-حسام: نعم

-معتز: براحتك

-نور: مابتصدق !

تحامل زياد على نفسه وقام من مكانه وحمل نور على كتفه و...

-زياد وهو يحمل نور: يا قوي ياااا رب

-نور: انت بتعمل ايه ، نزلني !!

-زياد: لأ

-نور: استنى بس ، اسمعني طيب

-زياد: لأ

توجه زياد بنور إلى سيارته ثم فتح لها الباب الأمامي وأنزلها ، وانطلق بالسيارة نحو منزلهم و...

-نور: انت رايح فين ، ميصحش كده

-زياد وهو يفتح لها الباب : ششششش

-نور: اسمع بس

-زياد: احنا حسابنا لوحدنا في بيتنا ، مش قصاد الناس

-نور: مينفعش اللي انت بتعمله ده

-زياد: لأ ينفع ونص وتلاتربع وكيلو بحاله كمان

.....

كانت نجلاء تتلقى العلاج ويجلس بجوارها سامح لكي يطمئن عليها

-سامح: انتي كويسة دلوجيت

-نجلاء: ايوه

-سامح: في حاجة بتوجعك

-نجلاء: أه، جسمي كله

-سامح: سلامتك يا جمر ، يا عسلية

-نجلاء: ميرسي

-سامح: طيب مش عاوزه حاجة أعملهاك

-نجلاء: لأ

-سامح: متأكدة

-نجلاء : شوور

-نجلاء: طيب جاية أهوو ، مستعجل على ايه

-معتز: هو أحنا أعددنا في كارفور ، اومال لو مكوناتنا طالعنا من أم خطف واشتباك

-نجلاء لسامح: احم.. عن اذنك

-سامح: اتفضلني يا لهطت الجشطة

-معتز بصوت هامس : ماهو العجل هد المصطبة خلاص !! أرزأااق

.....

توجه معتز إلى منزل نايا ليظمن على أحوال والدتها ويظمنها على نور بعد أن أوصل نجلاء للفيلة ، ضرب معتز جرس الباب ثم فتحت له نايا و ...

-معتز: حبيبة الحنة اللي في الشمال

-نايا بخوف: اختي نور جرالها ابييه ، اوعى تخبي عليا ، انطق قول

-معتز: طب مافيش حمدلله ع السلامة ، منور يا ميزوو

-نايا : انطق اختي فين ???

-معتز : مش هاقول غير لما تضحكي الأول

-نايا: يووووه ، حرام عليك

وبدأت نايا في البكاء مما دفع معتز لـ...

-معتز: اهدي يا نايا ، نور بخير والله ومع زياد دلوقتي في بيتهم

-نايا وقد وضعت يديها على ذراعي معتز: انت بتكلم جد ؟؟

-معتز وهو ينظر لما فعل: ابييه اللي عملتاه ده ؟؟

-نايا بخجل بعد أن أبعدت يديها : أسفة والله ، أنا مقصدتس ، دي طلعت تلقائي

-معتز: لأ حظي ايدك تاني ، والنعمة ماهي راجعة

-نايا: بليز بقى

-معتز: طيب نديلي حماتي عشان اطمئنها

-نايا: على طووووول

دخلت نايا لغرفة والدتها لتطمئنها هي ونائل على أختها نور ، بينما وقف معتز يغني وهو سعيد بما حدث و..

-معتز : حظ ايدو يا ، على كتفي ياااا ل

-نايا: مامي ، ياااا مامي ، نور الحمدلله رجعت وبخير

-هدى: الف حمد وشكر لبيك ياااا رب

-نائل: الله اكبر

-نايا: الحمدلله يا مامي ، معتز واقف بره وجاي يطمنا عليها

-هدى: طب هي فين ؟؟؟ أنا طالعة شوفها

-نايا: هي مع زياد دلوقتي في بيتهم

-هدى: الحمدلله يا رب الحمد لله ، أنا هطلبها أطمئن عليها

-نايا: ماشي يا مامي

طلبت هدى رقم زياد للاطمئنان على نور ابنتها التي كانت في الطريق إلى منزلها مع زوجها زياد و...

-زياد: دي أمك بتتصل أهي ، أكيببيد معتز بلغها

-نور: طب هات الموبايل أرد عليها

-زياد بغمزة : تؤ

-نور: هاته بقى ماتبقاش بايخ

-زياد: مش قبل ما تبوسيني هنا (وأشار إلى خده)

-نور: يووووه

-زياد: خلاص براحتك

-نور مستسلمة : طيب

اقتربت نور لتقبل زياد من وجنته ، فأدار وجهه وقبلها من شفيتها مما أخلجها بشدة و...

-نور بدهشة : ايه اللي عملته ده

-زياد بفرحة : وضحكت عليكي

-نور: ياباي بقى

-زياد: خدي الموبايل يا نور حياتي

تحدث نور مع والدتها وطمئنتها على أحوالها ، وما إن انتهت من المكالمة حتى وصل زياد بها إلى شقتهم و...

-زياد: يالا يا عروسة

-نور: يالا فين ???

-زياد: عشان تنوري بيتنا

-نور: آآآ...

-زياد: ها تحبي أشيلك ، بس أنا كده هيجلي غضروف

-نور: لا انا لسه بصحتي ، أقدر أطلع لوحدي

-زياد: الحمد لله

-زياد: آآآي ، ايدك بقت ثقيلة أوي عليا ، وبعدين هو ايه بس اللي عيب ، دي لعبة ، ايش فهمك انتي بس !!!

-نور: يا سلام

-زياد بثقة : ااااااه ، طبعااااا

-نور: تو

قرر زياد أن يأخذ زوجته نور وينسحب من الفرحة دون أن يدري بهما أي أحد ويذهب إلى

-زياد وهو يسحبها من يدها : تعالي بس ، عاوزين نأشروع البرقية بالموافقة

-نور: يا زياد استنى بس ، مينفعش نسيب الفرحة كده

-زياد: يا بنتي مش هنسيبوه ، احنا موجودين برضوه ، بس فوق

-نور: فوق فين؟؟

-زياد: أنا حجزتلنا جناح في الفندق هنا

-نور باستغراب: جناح !!!

-زياد: طبعاااااااااا ، ده اجتماع مجلس وزراء ، يدووووب نلحق نكتب البرقيات كلها

!!!!!!!

تمت بحمد الله

منال سالم

منال سالم

منال سالم